


শ্রীশ্রীগৌর-বিষ্ণুপ্রিয়া



শ্রীরসিকমোহন বিদ্যাভূষণ প্রণীত



কলিকাতা

১২নং ক্রস স্ট্রিট, বড়বাজার হইতে

শ্রীসতীশচন্দ্র শেঠ

ও

শ্রীঅতুলচন্দ্র পাল দ্বারা

প্রকাশিত।



১৩২০

মূল্য ২৮ বাঁধাই ২১০ টাকা।

Printed by
R. C. Mitra, at the Visvakosha Press.
21|3, Santiram Ghose's Street, Bagbazar,
CALCUTTA.
1913.

উৎসর্গ পত্র

যিনি স্বধাময়ী শ্রীগোবিন্দ-লীলা-গ্রন্থ লিখিয়া
বর্তমান সময়ে সমগ্র ভূভাগে গৌরনাম প্রচার
করিয়াছেন, ধাঁহা সাধ্বাংকুপায় আমরা শ্রীশ্রীগৌর-
রসামৃতের লেশাভাস আশ্বাদনের উপদেশ প্রাপ্ত
হইরাছি এবং যিনি অধুনা ইহজগতে প্রকট থাকিলে
এই গ্রন্থ-সন্দর্শনে অতুল আনন্দলাভ করিতেন,
আজ আমরা আমাদের সেই পরম ভক্তিতাজন
নিত্যধামগত মহাত্মা শ্রীল শিশিরকুমার ঘোষ
মহোদয়ের পবিত্রনামে ভক্তিপূতচিত্তে এই গ্রন্থ
উৎসর্গ করিলাম।

শ্রীগৌরভক্তচরণরেণু-প্রয়াসী—

শ্রীসতীশচন্দ্র শেঠ

শ্রীঅতুলচন্দ্র পাল

প্রকাশক।

নিবেদন ।

প্রায় তিন বৎসর পূর্বে আমার পরম স্নেহভাজন শ্রীমান্ সতীশচন্দ্র শেঠ ও শ্রীমান্ অতুলচন্দ্র পাল শ্রীশ্রীবিষ্ণুপ্রিয়া চরিত লিখিবার জন্ত আমাকে অনুরোধ করেন। আমি প্রথমতঃ তাঁহাদের এই শুভ প্রস্তাবে একরূপ অসম্মত হইয়াছিলাম। তাহার কারণ এই যে, শ্রীশ্রীপ্রিয়াজীব চরিত সম্বন্ধে প্রামাণিক গ্রন্থে অতি অল্প কথাই দেখিতে পাওয়া যায়। এ সম্বন্ধে অপরাপর গ্রন্থে দুই একটি ঘটনার উল্লেখ আছে, কিন্তু উহা অপ্রামাণিক বলিয়া অনেকেরই উদ্ধাতে শ্রদ্ধা নাই। অথচ আধুনিক পাঠকেরা চরিত-গ্রন্থ হাতে লইয়াই, বাহার চরিত বর্ণনা করা হয় তাহার তিনকূলের চতুর্দশ পুরুষের নামধাম ও জন্মাদির তারিখাদির কথা জ্ঞানিতে ব্যগ্র হইয়েন। পাঠক-বিশেষের এই তৃষ্ণা নিরারণের জন্ত বৈষ্ণবচরিত লেখকদের মধ্যেও এখন কেহ কেহ এই শ্রেণীর পাঠকের সন্তোষার্থ স্বকপোলকল্পিত নামধাম ও তারিখাদি গ্রন্থে সন্নিবিষ্ট করেন। আমি কাল্পনিক নামধাম-তারিখাদি সংযোজন আর একান্ত অপক্ষপাতী। তবে বর্ণনীয় চরিত্রের স্বাভাবিকতা ও সম্ভাব্যতার দিকে লক্ষ্য রাখিয়া পাঠকগণের হৃদয়ে পবিত্রতা, প্রেমভক্তি ও ভাবরসাদির উদ্ভেকের জন্ত ঔপন্যাসিক ধরণে ঘটনার পুষ্টিসাধিকা বর্ণনার প্রয়োজনীয়তা অবশ্যই স্বীকার্য। কিন্তু তাদৃশী শক্তিতেও আমার অধিকার নাই। বিশেষতঃ প্রিয়াজীব চরিত্র অতি গম্ভীর।

এই ছরবগাহ চরিত্রের কোন কথা লিখিতে হইয়া পাছে বা ভক্ত-সমাজে অপরাধী হই—ইহাও গুরুতর দুর্ভাবনা।

এই সকল বিষয় চিন্তা করিয়া আমি আমার স্নেহভাজন প্রকাশকদ্বয়ের অনুরোধ প্রথমতঃ প্রত্যাখান করিয়াছিলাম। কিন্তু ইঁহারা আমার অযোগ্যতা ও আশঙ্কার কথা একবারেই অগ্রাহ করিলেন। অবশেষে ইঁহাদের অনুরোধ,—আদেশে পরিণত হইল। শ্রীশ্রীবিষ্ণুপ্রিয়া নিজে কঠোর বিরহ-যাতনা সহ করিয়া সমগ্র মানব-সমাজের জন্য শ্রীগৌর-ভজন-প্রণালী,—তদীয় গার্হস্থ্য-লীলাতেও বিরহের আবেশে প্রকাশ করেন। স্মৃতরাং প্রিয়াজীর শ্রীচরিতগ্রন্থ প্রকাশিত করা একান্ত কর্তব্য বলিয়া ইঁহাদের মনে অত্যন্ত আগ্রহ হয়। মহাত্মা শিশিরকুমার ঘোষ মহোদয়ের হৃদয়েও শ্রীবিষ্ণুপ্রিয়া-চরিত সঙ্কলন করার বলবতী বাসনা ছিল। সেই কথা মনে করিয়া এবং প্রকাশকদ্বয়ের অনুরোধে আমি নিতান্ত নিরুপায় হইয়া শ্রীবিষ্ণুপ্রিয়া-চরিত লিখিতে আরম্ভ করিলাম। কিন্তু প্রিয়াজীর কথা লিখিবার সময়ে শ্রীগৌরান্দ আসিয়া আগেই সম্মুখে দাড়াইলেন। তখন আমি আরও নিরুপায় হইয়া পড়িলাম। স্মৃতরাং এই গ্রন্থে শ্রীশ্রীবিষ্ণুপ্রিয়া-যুগলের কিঞ্চিৎ বিবরণ লিখিতে বাধ্য হইয়াছি। দশ ফর্মায় গ্রন্থ শেষ হইবে বলিয়া আশা করিয়া-ছিলাম, কিন্তু ৩১ ফর্মাতেও কুলাইল না, ননোনম করিয়া গ্রন্থ শেষ করিলাম।

“অনন্ত চৈতন্ত-কথা কহিতে না জানি।

লোভে লজ্জার মাথাধেয়ে করি টানাটানি ॥

বহু ব্যস্ততা ও ব্যাকুলতার মধ্যে দিনযামিনী যাপন করিয়াও কেবল শ্রীশ্রীগৌরবিষ্ণুপ্রিয়ায় শ্রীচরণ মানসচক্ষুর সমক্ষে রাখিয়া স্নেহভাজন প্রকাশকদয়ের অনুরোধ রক্ষা করা হইল। এই গ্রন্থ-মুদ্রণের যাবতীয় ব্যয় শ্রীমান্ সতীশচন্দ্র ও শ্রীমান্ অতুলচন্দ্র বহন করিয়াছেন। এই গ্রন্থ বিক্রয়লব্ধ অর্থ দ্বারা তাঁহারা শ্রীগৌর-বিষ্ণুপ্রিয়ার প্রীতি-কামনায় সদহুষ্ঠান করিবেন, ইহাই তাঁহাদের আন্তরিক বাসনা। স্মরণ্য ইহার বিক্রয়লব্ধ অর্থ কাহারও কোন স্বার্থ নাই। এই গ্রন্থে শ্রীভগবানের নাম ও লীলা কীর্তিত হইয়াছে। গ্রন্থনিপুণতা না থাকিলেও ভক্ত-পাঠকগণ তাহাতেই প্রীতি লাভ করিবেন এবং তাহাতেই এই অযোগ্য লেখকের অসীম আনন্দ। অলমতি বিস্তারেন।

কলিকাতা

২৫নং বাগবাজার ষ্ট্রীট,
৩০শে ভাদ্র, ১৩২০ সাল।

} শ্রীরসিকমোহন শর্ম্মা

সূচীপত্র

বিষয়	পৃষ্ঠা
১। শৈশব-চরিত	১
২। গঙ্গা-ঘাটে	২১
৩। দুইটা ভাই	৬৮
৪। উপনয়ন ও অধ্যয়ন	৪৮
৫। অধ্যাপক ও অধ্যাপনা	৬৫
৬। শ্রীশ্রীবিষ্ণুপ্রিয়া	১১২
৭। ভুক্তি ও ভগবান্	১৬২
৮। মহাপ্রকাশ	১৭৯
৯। পণ্ডিত-উদ্ধার	১৯৯
১০। নিমাই-সম্মাস	২৩৩
১১। শচীমাতার বিলাপ	৩৬৫
১২। বিরহিণী-বিস্মৃপ্রিয়া	৩৭৫
১৩। নিত্য মিলন	৪৬৮

বেদে যিনি সৰ্ব্বতত্ত্বের আধার,—সৰ্ব্বদেব-দেব বিষ্ণু,—উপনিষদে যিনি “রুদ্রবর্ণ” পরমতত্ত্ব,—মহাভারতে যিনি “সুবর্ণবর্ণহোমজ্ঞ”,—শ্রীমদ্ভাগবতাদিপুরাণে যিনি দ্বাপরে শ্রামশূন্যরূপে উপাস্ত,—কলিতে সেই পরতত্ত্ব পরব্রহ্ম পরমাত্মা স্বয়ং ভগবান্,—শ্রীগোরাঙ্গশূন্যরূপে অবতীর্ণ। * ঠাহারা অবতার-তত্ত্ব বোঝেন না, জীবের প্রতি শ্রীভগবানের যে অসীম দয়া, তাহার স্পষ্ট প্রমাণ তাঁহারা জানিতে পারেন না। অবতারবাদীরা জানেন, যে গুণাতীত, ইন্দ্রিয়াতীত, নিরাকার নির্বিকার জ্ঞানব্রহ্ম জীবের কোন প্রয়োজন সাধন করেন না। তিনি ভাবুক বিশেষের একটি ভাব-স্বরূপ, তিনি শ্রীভগবানেরই এক নহিমবিশেষ। শ্রীভগবান্ শরীর ধারণ করিয়া যখন জগতে অবতীর্ণ হয়েন, মানুষ তখন বুঝিতে পারে, জীবের সহিত তাঁহার সম্বন্ধ আছে; সে সম্বন্ধ অতি ঘনিষ্ঠ। তিনি দয়াময়, তিনি প্রেমময়, তিনি জীবের চির সুহৃদ। তাঁহার অবতরণে এই তত্ত্ব পরিষ্কৃত হয়। মানুষ শ্রীভগবান্কে তখন আপনার হইতেও আপনার বলিয়া চিনিতে পারে।

শাস্ত্রে লিখিত আছে, শ্রীভগবান্ বহুদেশে বহুরূপে বহুভাব অবতরণ করেন। সেই সকল অবতরণের কথা কম বেশী সকলেই কিছু কিছু জানেন। এখানে তাঁহাদের কথা উল্লেখ করা এই গ্রন্থের উদ্দেশ্য নয়। এখানে মহাবতারী,—সৰ্ব্বঅবতারের আদি বীজ,—শ্রীগোরাঙ্গ শূন্যের কথাই সংক্ষেপে বলি হইবে।

বলিয়াছি তো শ্রীভগবান্ বহুরূপে বহুদেশে অবতরণ করিয়া লীলা করেন। তাঁহার আযোধ্য লীলা, দ্বারকা মথুরা ও বৃন্দাবন

লীলা এখনও সমগ্র ভারতে পঠিত ও কীর্তিত হইয়া আসিতেছেন, রামায়ণে ও শ্রীমদ্ভাগবতে মহাবীরা এই লীলারসের নিত্য উৎস জগতে প্রকাশ করিয়া রাখিয়াছেন । কিম্ব কলিতে দয়ানয় শ্রীভগবান্ এই বঙ্গদেশের সোভাগ্য-গৌরব বন্ধন করেন । আমাদের এই বাস-ভূমিকে তিনি তাঁহার উচ্চতম ও শ্রেষ্ঠতম লীলার স্থান বলিয়া নির্ধারিত করেন । তাঁহার এই দয়ার কথা মনে হইলেও হৃদয় আনন্দ-গৌরবে উৎফুল্ল হইয়া উঠে । এখানে সেই প্রেমের ঠাকুর আমাদের মধ্যে আমাদেরই সাজে অবতীর্ণ হইয়াছিলেন । তিনি যেমন রূপে, তেমনি জ্ঞানে, তেমনি প্রেমে, তেমনি মাধুর্য্যে,—সর্বাবতারের শ্রেষ্ঠতম ।

বঙ্গদেশ এই শ্রেষ্ঠতম অবতরণের স্থান-রূপে নির্ধারিত হইল কেন ? বাঙ্গালীরা জ্ঞানে বড়, প্রেমে বড় বাঙ্গালীরা হৃদয়বান্ । এই কলিকালে শ্রেষ্ঠধর্ম্মের গৌরবে বাঙ্গালীর মহত্ত্ব জগতে সুপ্রতিষ্ঠিত হইবে,—এই বাঙ্গালীরা প্রেম-ভক্তির ধর্ম্ম জগতে প্রচার করিতে সমর্থ হইবে,—এই নিমিত্তই অনন্ত মাধুর্য্যের আধার শ্রীভগবান্ মাধুর্য্যাময় বঙ্গদেশে অবতীর্ণ হইলেন ।

ইতিহাসের হিসাবে ইহা বেশীদিনের কথা নয় । ১৮০৭ শকে দয়ানয় শ্রীভগবান্ বাঙ্গালার তৎকালের প্রধান নগর,—সরস্বতীর প্রিয়তম স্থান,—নবদ্বীপ নগরে অবতীর্ণ হইলেন । ফাল্গুনী পূর্ণিমার বাসন্তী সন্ধ্যায়, পূর্ণ চন্দ্রের রক্ততন্তু জোৎস্নায় জাহ্নবীতটে অনন্ত সৌন্দর্য্য ও মাধুর্য্য ফুটিয়া উঠিয়াছে । সে দিবস আবার সন্ধ্যায় চন্দ্রগ্রহণ । যাহারা কখনও হরি নাম রুক্মণ্য যুগ্মে

আনেন নাই, আজ তাঁহারাও ভক্তগণের সহিত মিলিয়া জাহ্নবীতটে
 হরিনাম কীর্তন করিতে সনবেত হইয়াছেন ! হরিনাম কীর্তনের
 মহারোলে মহানগরী নাতারা উঠিল । এই সময়ে মহাবতীর
 শ্রীগোরসুন্দর অবতীর্ণ হইলেন । এইরূপে হরিনামের তরঙ্গ তুলিয়া
 শ্রীজগন্নাথ মিশ্রগৃহে শ্রীশ্রীশচীমাতার গড়সিদ্ধ হইতে ভুবনমঙ্গল
 শ্রীগোরচন্দ্র উদ্ভিত হইলেন । পূজাপাদ শ্রীচৈতন্ত-ভাগবতাকার
 লিখিয়াছেন :—

হেন মতে হইল প্রভুর অবতার ॥

অঙ্গ হরি-সঙ্কর্তন করিয়া প্রচার ।

চতুর্দিকে ধায় লোক গ্রহণ দেখিয়া ।

গঙ্গান্নানে হরি বলি যামেন খাইয়া ॥

যার মুখে এ জন্মেও নাহিক হরিনাম ।

সেই হরি বলি ধায়, করি গঙ্গা স্নান ॥

যিনি ভুবন-পাবন হরিনামে জীবের চিত্তের অন্ধকার দূর করিতে,—
 এবং হরিনাম মহামন্ত্রে জীব উদ্ধার করিতে অবতীর্ণ হয়েন, সেই
 পরমদয়াল গোরচন্দ্র নদীয়া নগরে জন্মগ্রহেই জাহ্নবী-তীরে হরি-
 নামের তরঙ্গ তুলিয়া আপনি উদ্ভিত হইলেন ।

শিশুর কনক-জ্যোতিতে সূতিকাগৃহ সমুজ্জ্বল হইয়া উঠিল ।
 চল-চল আকর্ণবিস্তৃত কমল নয়ন ; সে নয়ন-কমল হাসিমাখা । মাথা-
 ভরা ঘনকৃষ্ণ কেশরাশি,—ওষ্ঠ দুখানি সুপক্ক বিষ্ণুফলের স্নায় মস্তক
 ও আক্রিম,—নখর দেহ, সুবলিত স্নগোল গঠন,—কমলারূপ
 চরণ-তল স্বজ-বজ্রাঙ্কুশাদি-চিহ্ন-সমন্বিত,—এই অলৌকিক রূপ ও

শৈশব-চরিত ।

অলৌকিক গঠন দেখিয়া শচীমাতা ও অত্যাশ্চর্য্য নারীগণ বিস্ময়াবিত হইলেন । শিশুর মাতামহ নীলাধর চক্রবর্ত্তী মহোদয় জ্যোতিষশাস্ত্রে সুপণ্ডিত, সামুদ্রিক বিজ্ঞাতেও তাঁহার যথেষ্ট জ্ঞান । লগ্নচক্র-নিরূপণ করিয়া ও শিশুর অঙ্গ লক্ষণ দেখিয়া তিনি স্থির করিলেন এই শিশু প্রাকৃত শিশু নহেন । তিনি সত্য গোপন রাখিলেন না, তাঁহার জামাতা মিশ্র মহাশয়কে বলিয়া গেলেন :—

মহারাজ-লক্ষণ সকল লগ্নে কম্ব ।

* * * *

বৃহস্পতি জিনিঞা হইবে বিজ্ঞাবান্ ।

অগ্নেই হইবে সৰ্ব্ব গুণের নিধান ॥

আর একজন জ্যোতির্বিদ ব্রাহ্মণ বলিলেন, যথা শ্রীচৈতন্য-ভাগবতে :—

বিপ্র বলে এ শিশু সাক্ষাৎ নারায়ণ ।

ইহা হইতে সৰ্ব্ব দৰ্শ্য হইবে স্থাপন ॥

ইহা হইতে হইবেক অপূৰ্ণ প্রচার ।

এ শিশু করিবে সৰ্ব্ব জগত উদ্ধার ॥

* * * *

অন্তের কি দায় বিমুদ্রোহী যে যবন ।

তাহারাও এ শিশুর ভজিবে চরণ ॥

* * * *

ধন্য তুমি মিশ্র পুরন্দর ভাগ্যবান্ ।

যার এ নন্দন তারে রহক প্রণাম ॥

শ্রীশ্রীগৌর-বিষ্ণুপ্রিয়া ।

হেন কোন্ঠী গণিলাম আমি ভাগ্যবান্ ।

শ্রীবিষ্মন্তর নাম হইবে ইহান্ ॥

ইহানে জানিবে লোকে নবদ্বীপ-চন্দ্র ।

এ বালক জানিহ কেবল পরানন্দ ॥

শিশুর জন্মের পর হইতেই নবদ্বীপে এক পরিবর্তন দেখা দিল । সে পরিবর্তন কি, না, লোকের মুখে সকল স্থানেই 'হরি' নামের ধ্বনি শুনা যাইতে লাগিল । ইহার আগে একুপ ভাবে আর কখনও হরিনাম শুনা যায় নাই । এখন যেখানে-সেখানে কেবল হরিনাম !

কি নগরে কি চত্বরে কিবা গঙ্গাতীরে ।

নিরবধি লোকে হরি হরি ধ্বনি করে ॥

যে তিথিতে গৌরচন্দ্রমা উদিত হইলেন, সেই ফাল্গুনী পূর্ণিমা প্রকৃতপক্ষেই ভক্তিপ্রদায়িনী । ব্রহ্মাদিও এই তিথির আরাধনা করেন । ব্যাসাবতার শ্রীনন্দনাবনদাস ঠাকুর লিখিয়াছেন :—

চৈতন্তের জন্মতিথি ফাল্গুনী পূর্ণিমা ।

ব্রহ্মাদি এ তিথির করে আরাধনা ॥

পরমপবিত্র তিথি ভক্তিস্বরূপিণী ।

যহি অবতীর্ণ হইলেন গৌরা দ্বিজমণি ॥

এ তিথি অবশ্যই পরমারাধ্যা । আমাদের আরও একটা কথা বলিতে ইচ্ছা হয় । সে কথাটি এই :—

পরমপবিত্রতমা এই বঙ্গভূমি ।

যহি অবতীর্ণ হইলা গৌর-শ্রেষ্ঠ-ধনি ॥

এই বঙ্গভূমিকেও আমরা মহামহাতীর্থ বলিয়া মনে করি ।

শৈশব-চরিত ।

[২]

ষষ্ঠ মাসে অন্নপ্রাশন ও নামকরণ হইল । এই অপ্রাকৃত শিশুটির নাম রাখা হইল নিমাই । দিন দিন নিমাইর শ্রীঅঙ্গের বিকাশ হইতে লাগিল । বাথার চুলগুলি কপালের উপর দিয়া মুখ কাপিয়া নয়ন-কমলের উপরে পড়িত, নিমাইর হাসি-হাসি নয়ন দুটি ঘনকক্ষকেশপাদেশের মধ্য দিয়া এমন সুন্দর দেখাইত, যে কোন নানব শিশুকেই কেহ কখনও তেমন সুন্দর দেখে নাই,—অলৌকিক কনক-কান্তি,—নিরূপম রূপলাবণ্য,—সুপ্রসন্ন বক্ষঃ,—চাঁদের মত মুখ,—শিশুটাকে দেখামুজুই লোকের চিত্তে প্রেমের উদয় হইত ।

* 'নিমাই' নাম রাখার কয়েকটি কারণ আছে । বাহু ঘোষের একটি পদে লিখিত আছে:—

শচীঠাকুরাণী কিছু কহিতে লাগিল ।

সাতপুত্রের পরে বিধি এই পুত্র দিলা ।

নিমাই বলিয়া নাম দেহ বিজয়র ।

বাহুদেব ঘোষ কহে জুড়ি দুইকর ॥

কেবল বিষরূপ বাতীত, শচীদেবীর কয়েকটা পুত্রের অতি শৈশবে মৃত্যু হয় । নিম্ন অতি তিক্ত, তিক্ত বলিয়া উহা অগ্রাহ্য । শিশুবিদ্যাশিল্পী অপদেবতারী শিশুর প্রাণ সংহার করে । নিম্নকে চলিতকথায় নিম্ন বলা হয় । নিম্ন হইতেই নিমাই নামের উৎপত্তি—নিমাই নাম রাখিলে তিক্ততা স্মরণ করিয়া শিশুসংহারিণী অপদেবতারী শিশুর অতি লোভ করে না, এই মনে করিয়া লোকে নিমাই নাম রাখিত ; এ প্রথা এখনও আছে । বাহু ঘোষের পুত্র-অনুসারে শচীমাতাই এই

সমগ্র নগরে এই অপ্রাকৃত সৌন্দর্য্য-মাধুর্য্যময় অলৌকিক জ্যোতিঃপূর্ণ শিশুর জন্ম-সংবাদ প্রকাশ পাইল। দর্শনার্থী নর-নারীগণের আগমনে সততই মিশ্রের আলয় লোকে লোকারণ্য হইত। নদীয়াই শ্রীগৌরানন্দদর্শন এক মহামহোৎসবে পরিণত হইল। নিমাইকে কোলে করা,—নিমাইকে সাজাইয়া দেওয়া,—নিমাইকে খাওয়ান,—প্রতিবেশী রমণীদের এক নিত্য কৰ্ম্মে পরিণত হইল। নিমাই সকলের কোলে যাইতেন। সকলের মুখের দিকে চাহিয়া মধুর আনন্দের হাসি হাসিতেন। সে হাসি দেখিয়া, সে মুখ দেখিয়া, নর-নারীগণ চাতকের ছায়া এই শিশুর প্রতি আকৃষ্ট হইতেন।

নিমাই যখন হাসিতেন, তখন হাসির তরঙ্গ ছুটিত, আবার যখন কাঁদিতেন আরম্ভ করিতেন, তখন কিছুতেই

নাশটি রাখিয়াছিলেন। কিন্তু কৃষ্ণদাস নামক অপর পদ কর্ত্তার মতে শ্রীল ৩.৬৩ গৃহিণী সীতাদেবী এই নাম রাখিয়াছিলেন যথা :—

‘ডাকিনী শাকিনী হইতে, শব্দা উপজিল চিতে, ভয়ে নাম খুইল নিমাই’।
কোন কোন পদকর্ত্তা বলেন নিধবৃক্ষমূলে ইহার জন্ম হয় বলিয়া ইহার নিমাই নাম রাখা হয়। যনশ্রাম দাস বলেন—

“নিধ-মহীকহ-তলে, স্নাতিকা গেছে, উদয় ভেল গৌরশলী।”

এইরূপ পদ আরও আছে। গৌরবর্ণ বলিয়া উহার নাম গৌর ও গৌরান্দ, শচীহৃত, স্টানন্দন, ভগবান্দ-মিশ্রনন্দন প্রভৃতি আরও বহু নাম আছে। রাণি নাম—বিবস্তর; সন্ন্যাস নাম,—শ্রীকৃষ্ণচৈতন্য; বহাশ্রম নামটা উপনিষদমূলক। “মহান্ প্রভু বৈ সঃ” প্রতিভে, পরমতত্ত্ব এইরূপ নামেও পরিচিত হইয়াছেন।

শৈশব-চরিত ।

সে রোদন থামিত না । কিন্তু অল্পদিনের মধ্যেই শচীমা এ যাতনার এক উপায় প্রাপ্ত হইলেন । শচীমা হরিনাম করিলেই তৎক্ষণাৎ নিমাইর রোদন থামিয়া বাইত । নিমাই প্রায়শঃই এইরূপ রোদন করিয়া শৈশবে সকলকে হরিনাম শুনাইতেন ।

শ্রীচৈতন্যভাগবতকার লিখিয়াছেন :—

করাইতে চাহে প্রভু আপন কীৰ্ত্তন ।
এতদর্থে করে প্রভু সঘনে রোদন ॥
যত যত প্রবোধ করয়ে নারীগণ ।
প্রভু পুনঃ পুনঃ করি করয়ে রোদন ॥
“হরি হরি” বলি যদি ডাকে সৰ্ব্বজনে ।
তবে প্রভু হাসি চান শ্রীচন্দ্রবদনে ॥
জানিয়া প্রভুর চিত্ত সৰ্ব্বজন মিলি ।
সদাই বোলেন হরি দিয়া করতালি ॥
আনন্দে করেন সবে হরি-সংকীৰ্ত্তন ।
হরিনামে পূর্ণ হইল নদীয়া ভবন ॥

শ্রীচৈতন্যভাগবতে লিখিত আছে :—

নাম শুইবার সবে করেন বিচার ।
শ্রীগণ বলেন এক অস্ত্রে বলে আর ॥
ইহান অনেক জ্যোত কস্তাপুত্র নাই ।
শেষ যে জন্মায় তার নাম সে নিমাই ॥
বোলেন বিদান সব করিয়া বিচার ।
এক যোগ্য নাম হয় থুইতে ইহার ॥

লোকে কথায় বলে 'উঠন্ত মূল পাতা দেখিলেই জানা যায়।' শচীগৃহে এইষে হরি নানের মধুর রোল উঠিয়াছিল, পরবর্তীকালে এই শিশুর প্রভাবে সেই হরিনাম-তরঙ্গ সমগ্র ভারতে ছড়াইয়া পড়িয়াছিল। আশা আছে, সমগ্র জগতেই এই নামদাতার নাম প্রচারিত হইবে।

এখন লীলার কথাই বলিতেছি। নিমাই অতি সত্ত্বরে হামা-গুড়ি দিতে শিখিলেন। হামাগুড়ি দিতে শিখিয়া তিনি বাড়ীর সর্বত্র বিচরণ করিতেন; তাঁহার চাঞ্চল্যে শচীমাতাকে সর্বদাই ব্যস্ত থাকিতে হইত। এক দিন নিমাই একটা বিষধর সর্পকে ছড়াইয়া ধরিলেন, সর্প অমনি কুণ্ডলী করিয়া নিমাইকে বেড়িয়া রহিল, নিমাই তাহার উপর পরমস্বখে গুইয়া হাসিতে লাগিলেন। এই ভীষণ দৃশ্য দর্শনে সকলেই ব্যাকুল হইলেন। সর্পটি ধীরে ধীরে চলিয়া গেল। যিনি মহাপ্রেমে সমগ্র জগৎ বশীভূত করেন, বিষধর হিংস্র সর্প যে তাঁহার নিকটে হিংসা ভুলিবে, ইহাতে

এ শিশু জন্মিলে নাত্র সপ দেশে দেশে ।

দুর্ভিক্ষ ঘুচিল শস্য পাইল কুম্ভে ।

জগত হইল সুস্থ ইহার জনমে ।

পূর্ব যেন পৃথিবী ধরিল নাশায়ণে ॥

অতএব ইহান শ্রীবিষম্ভর নাম ।

কুলদীপ কোষ্ঠিতেও লিখিল বিধান ॥

নিমাই যে বলিলেন পণ্ডিতগণ ।

সেই নাম ব্রজীয় ডাকিবে সর্বজন ।

আর আশ্চর্য্য কি ? শ্রীমদ্ বৃন্দাবন দাস বলেন, এ লীলায় যিনি বিশ্বাস করেন, সংসার-কাল-ভুজ্ঞে তাঁহার কোনও ভয় থাকে না । ইহা অতি সত্য কথা ।

নিমাই অচিরেই হাটিতে শিখিলেন । রূপের ছটা দিন দিন আরও বাড়িয়া উঠিল । মাথাভরা চাঁচরচুল, পদ্ম পলাশের মত ঢল-ঢল নয়ন, আজাহুলস্বিত বাহু, প্রতাপকনক-কাস্তি-বিকাশি নন্দরকোমল সমুজ্জল দেহ,—অরুণ অধর, সুপ্রসন্ন বক্ষ, চাপাকুলের মত অঙ্গুলী,—নিমাই যখন হাটিতে থাকেন, মারের মনে ভয় হয়,—মস্তক-আরক্ত-কোমল চরণ হইতে বুঝি রক্ত বহিয়া পড়িবে । চাঞ্চল্যের পার নাই, নিমাই এই হেথা, এই সেথা, কভু ধরে কভু বাহিরে ।

কিন্তু খাঁহারা হরি বলেন, নিমাই তাঁহাদিগকে বড় ভাল বাসেন । হরি বলিয়া ডাকিলে নিমাই ফিরিয়া চান, কেহ তাঁহার নিকটে আসিলে তাঁহার হাতে যে কোন খাণ্ড দ্রব্য থাকে, অমনি তাহা তাহার হাতে দেন । নেয়েরা হরি বলিয়া করতালি দিলে নিমাই জুই হাত তুলিয়া হরি হরি বলিয়া নৃত্য করেন । সে আনন্দ-মাথা নৃত্য দেখিলেই হৃদয়ে কৃষ্ণপ্রেম জাগিয়া উঠে ।

মাথার দীর্ঘচুল মুখে গড়াইয়া পড়ে দেখিয়া শচীনা মাথার উপরে ঝোটন বাধিয়া দেন, কপালে অলকাবলি ও তিলক বিন্দু,—এই বেশে নিমাই যখন নৃত্য করিতে করিতে হরিনাম করেন, সে নাম শুনিয়া সে নৃত্য দেখিয়া লোকে বৈকুণ্ঠের স্বর্থও ভুচ্ছ করে !

আবার তিনি নাচিতে নাচিতে ধূলায় পড়েন, সোণার অঙ্গ ধূলায় ধূসরিত হয়, দেগিয়া শচীমাতা আদরে কোলে তুলিয়া লয়েন ।

আর এক দিনের লীলা শুনুন :—একদিন জগন্নাথ মিশ্র নিমাইকে বলিলেন ‘নিমাই, গৃহ হইতে আমার গ্রন্থ লইয়া আইস ।’ নিমাই গৃহে প্রবেশ করিলেন, সেই গৃহের মধ্যে জগন্নাথ নৃপরের কনু-কনু বুহু-বুহু শব্দ শুনিতে পাইলেন । কিন্তু নিমাইর পায়ে নৃপুর ছিল না । কত অনুসন্ধান হইল, কিন্তু কাহাকেও দেখা গেল না । অতঃ পরে প্রজবজ্রাক্ষুণ্যুক্ত পদ চিহ্ন দেখা গেল । শচী ও জগন্নাথ উভয়ে বিস্মিত হইলেন । এইরূপে শ্রীগৌর-সুন্দর শচীগৃহে বালগোপাল-লীলা প্রকাশ করেন ।

নিমাই যে প্রকারে তৈরিক ব্রাহ্মণের প্রতি কৃপা করিয়াছিলেন, তাহা অতি অদ্ভুত । তীর্থ-ভ্রমণকারী এক ব্রাহ্মণ একদা জগন্নাথ মিশ্র গৃহে আতিথ্য গ্রহণ করেন । তিনি রন্ধন করিয়া শ্রীকৃষ্ণ উদ্দেশ্যে অন্ন নিবেদনকালে নয়ন মুদ্রিয়া ধ্যানস্থ হইলেন । এদিকে ধূলি-মাখা নিমাই কোথা হইতে ছুটিয়া আসিয়া এক গ্রাস অন্ন মুখে দিলেন । ব্রাহ্মণ চাহিয়া দেখেন,—নিমাই তাঁহার থালা হইতে এক গ্রাস অন্ন লইয়া মুখে দিয়াছেন । তিনি মিশ্রকে ডাকিয়া বলিলেন, “ওহে মিশ্র তোমার পুত্র এই অন্ন স্পর্শ করিয়া অশুচি করিয়াছে !”

ইহাতে জগন্নাথ মিশ্র অধীর হইলেন । তিনি ক্রুদ্ধ হইয়া নিমাইকে প্রহার করিতে উদ্বৃত্ত হইলেন ।

অতিথি ব্রাহ্মণ অতিশয় সদাশয় । তিনি বাধা দিয়া

বলিলেন,—“মিশ্র, আপনি এ কি করিতে যাচ্ছেন ? নিমাই শিশু ;
উহার এখনও ভাল মন জ্ঞান হয় নাই, এ জন্ত উহাকে অহার
করা কি আপনার ছাত্র ব্যক্তির পক্ষে শোভা পায় ? অমন কার্য্য
করিবেন না । আমার মাথার দিবা ।”

মিশ্র বিষম ও নীরব হইয়া মাথায় হাত দিয়া বসিলেন ।

অতিথি । মিশ্র, এজন্ত আপনি বিন্দু মাত্র ও হুঃখিত হইবেন
না । আহার হওয়া না হওয়া,—ঈশ্বরের বিধান । ঘরে যদি ফল
মূল কিছু থাকে, তাই দিন ।

মিশ্র । ঠাকুর তা হবে না, যদি আমাকে আপনি ভৃত্য বলিয়া
মনে করেন, তবে আবার রন্ধন করুন । আপনার নিকট সকলেরই
এই প্রার্থনা ।”

ব্রাহ্মণ সম্মত হইয়া আবার রন্ধন করিতে লাগিলেন ।

এদিকে শচী মাতা নিমাইকে লইয়া অপর বাড়ীতে গেলেন ।
নিমাইর মুখে হাসি লাগিয়া রহিয়াছে । বাঁকা বাঁকা কোকড়ান
চুল কপালের উপর দিয়া নয়ন যুগলের উপরে ঝুলিয়া পড়িয়াছে ।
অুর মেঘের গায়ে বিজুরির মত উহার মধ্য দিয়া নিমাইর চখের
হাসি ফুটিয়া বাহির হইতেছে । নিমাইকে দেখিয়া মেয়েরা
• বলিলেন :—

“ওরে নিমাই, তোর একি কাজ, বল দেখি ? অতিথি-ব্রাহ্মণ-
ঠাকুরের অন্ন এমন ক’রে খেতে আছে কি ?” নিমাইর তখন কথা
ফুটিয়াছে, সে কথা গুলি এত মধুর যে, যে একবার সে কথা শুনে,
সে আপন কাজ ভুলিয়া নিমাইর কথা • শুনিবার জন্ত ছই দণ্ড

দাড়াই। নিমাই সেই মধুর স্বরে অতি নম্র ভাবে হাসিয়া বলিলেন :—

“আমার দোস কি, ব্রাহ্মণ আমাকে খাইতে ডাকিলেন কেন ? তিনি না ডাকিলে আমি কি তাঁহার অন্ন খাইতাম ?”

জৈনক রমণী নিমাইর কথায় উত্তর দিয়া বলিলেন—“কিন্তু তোমার জাতি গেল। অজানা অতিথি বামন ; কোথায় বাড়ী, কেমন ব্রাহ্মণ,—তা কে জানে ?

নিমাই হাসিয়া বলিলেন—“আমার জাতি যাবে কেন ? তোমরা জান না, আমি যে গোয়াল ! ব্রাহ্মণের অন্ন খেলে কি গোয়ালের জাতি যায় ?”

নিমাইর কথায় রমণী সমাজে একটা হাসির রোল উঠিল। কিন্তু তাঁহার কথার প্রকৃত মর্ম্ম কেহই বুঝিতে পারিলেন না।

এদিকে ব্রাহ্মণ রন্ধন সমাধা করিয়া আবার অন্ন-নিবেদন নিমিত্ত তাঁহার উপাশ্র গোপালের ধ্যান করিতে বসিলেন। ভক্তের ভগবান্ নিমাই সুন্দর ব্রাহ্মণের ধ্যানে স্থির থাকিতে পারিলেন না। তিনি রমণীমণ্ডলীকে মোহিত করিয়া এক দৌড়ে ব্রাহ্মণের নিকট আসিয়া এক মুষ্টি অন্ন লইয়া গৃহ হইতে প্রস্থান করিলেন। ব্রাহ্মণ অবাক্ হইয়া চাহিয়া রহিলেন।

এবার মিশ্রের রোষের সাগা রহিল না। তিনি হাতে লাঠি লইয়া নিমাইয়ের পশ্চাতে দৌড়িলেন। নিমাই ভীত-ভীত ভাবে এক ঘরে গিয়া লুকাইলেন। মিশ্র তর্জ্জন গর্জ্জন করিতে লাগিলেন। তাঁহাকে সকলেই বুঝাইতে লাগিলেন “নিমাই শিশু, শিশুদের এই-

রূপই স্বভাব। আপনি ধৈর্য্যধরুন।’ কিন্তু সর্ব দেবময় অতিথির সেবা-ব্যাঘাতে মিশ্রের ধৈর্য্য রহিল না। অবশেষে অতিথি-ব্রাহ্মণ উঠিয়া আসিয়া মিশ্রের হাত ধরিলেন। হাত ধরিয়া বলিলেন—
“মিশ্র, তুমি কেন মিছে ক্রোধ কর, বিধাতা আজ আমার ভাগ্যে অন্ন লিখেন নাই। শিশুর দোষ কি?”

কিন্তু ইহাতে মিশ্রের মনে শান্তি হইল না। তিনি বিষম মনে মাথা হেট করিয়া বসিয়া রহিলেন।

এই সময়ে মিশ্রের জ্যেষ্ঠ পুত্র বিশ্বরূপ আসিয়া উপস্থিত হইলেন। বিশ্বরূপ তখন কৈশোরে পদার্পণ করিয়াছেন। সেই দেবমূর্তি জ্যোতির্ময় বিশ্বরূপকে দেখিয়া তৈথিক ব্রাহ্মণ বিস্ময়াবিত হইলেন। শ্রীচৈতন্য ভাগবতে লিখিত আছে :—

সর্ব অঙ্গ,—নিরুপম লাবণ্যের সীমা ॥

চতুর্দশ ভুবনেও নাহিক উপমা ॥

কঙ্কে যজ্ঞহৃত, ব্রহ্ম তেজ মূর্তিমন্ত ॥

মূর্তি-ভেদে জন্মিলা আপনি নিত্যানন্দ ॥

সর্ব শাস্ত্রের অর্থ সদা সুরয়ে জিহ্বায় ॥

কৃষ্ণ-ভক্তি-ব্যাখ্যা মাত্র করয়ে সদায় ॥

অতিথি বিশ্বরূপের মূর্তি দেখিয়া বিমুগ্ধ হইয়া বলিলেন “মিশ্র, এ পুত্র কাহার!”

মিশ্র নীরব। অপরাপর লোকেরা বলিলেন “এটি ইহারই জ্যেষ্ঠ পুত্র। মিশ্র বলিলেন, “এ পুত্রের পিতামাতা প্রকৃতই ধন্য! এতো মানুষ নয়,—যেন সাক্ষাৎ দেবতা!”

বিশ্বরূপ অতি নম্র ভাবে ব্রাহ্মণকে নমস্কার করিয়া বলিলেন—
ঠাকুর আমাদের পরম ভাগ্য যে আপনি এখানে অতিথি হইয়াছেন !
আপনি আশ্রাম ও আনন্দনয় ; কেবল জগৎ পবিত্র করিবার
জন্তই আপনার এই পর্যটন। আপনি উপবাস থাকিলে গৃহস্থের
অমঙ্গল। আপনি আবার রন্ধন করুন।”

ব্রাহ্মণ বলিলেন,—বাবা, মনে কোন ছুঃখ করিও না, আমি
আর রাখিতে পারিব না। কিছু ফল মূল থাকে তো দাও, তাহাই
যথেষ্ট হইবে। আমি বনবাসী ;—প্রতিদিন কি আমার অন্ন মিলে ?
প্রায়শঃই আমি ফল মূল খাইয়া থাকি। ফল মূল যাহা থাকে,
তাহাই দেও। আমি তোমাকে দেখিয়া যে সন্তুষ্ট হইয়াছি, ভোজনে
তোমর সন্তোষ পাইতাম না।”

মিশ্র মাথায় হাত দিয়া বিবগ্ন ভাবে বসিয়া রহিয়াছেন। তিনি
একবারেই নীরব।

বিশ্বরূপ ছাড়িবার পাত্র নহেন। বিশ্বরূপ বলিলেন, “ঠাকুর,
আপনি করুণা-সিদ্ধ, সাধুরা পরহুঃখে স্বভাবতঃই কাতর।
আমাদিগের দিকে চাহিয়া আবার কৃষ্ণ-নৈবেদ্য রন্ধন করুন।
আলস্য করিবেন না। আমরা সগোষ্ঠী হুঃখিত।”

ব্রাহ্মণ। দেখ ছুই বার রন্ধন করিলাম। কিন্তু অন্ন-প্রসাদ-
ভোজন ঘটিল না। কৃষ্ণের ইচ্ছা নাই, কি করা যায়,
বল ?

কোটি ভক্ষ্য দ্রব্য যদি থাকে নিজ ঘরে।

কৃষ্ণ-আজ্ঞা হইলে সে খাইবারে পারে ॥

যে দিনে কৃষ্ণের ঘারে লিখন না হয় ।

কোটি যন্ত্র করিলে তথাপি সিদ্ধ নয় ॥

আজ কৃষ্ণের ইচ্ছা নাই । আর অনুরোধ করিও না ।”

কিন্তু বিশ্বরূপ তাহা মানিলেন না । কাজেই অগত্যা ব্রাহ্মণ
আবার রন্ধন করিতে প্রবৃত্ত হইলেন ।

এদিকে নিমাই, মিশ্রের ভয়ে যে ঘরে লুকাইয়া কপাট বন্ধ
করিয়া দিয়াছিলেন, মিশ্র এক থানি যষ্টি লইয়া সেই ঘরের দরজায়
বসিয়া রহিলেন । ইহার উপরে বাহির দিকে দরজা ভাল রূপে
বান্ধিয়া রাখা রহিল । আর ও দুই চারি জন লোক পাহারায়
বসিয়া গেলেন । মহাযোগীন্দ্রও যঁহাকে ধ্যানে ধরিতে পারে না,
যঁহার লোম-কূপে অনন্ত কোটি ব্রহ্মাণ্ড বিরাজ করে, আজ সেই
অনন্ত-বিশ্ব-ব্রহ্মাণ্ডের মহেশ্বরকে জগন্নাথ মিশ্রের গৃহে অবরুদ্ধ
করিয়া রাখা হইল ! ঐ ঘরে দুই একজন স্ত্রীলোক ছিলেন ।
তাঁহারা বলিলেন, “নিমাই ঘুমাইয়াছে, আপনারা নিশ্চিন্ত
হউন ।”

ব্রাহ্মণের রন্ধন শেষ হইল । তিনি আবার অন্ন নিবেদন করার
জন্তু ধ্যানস্থ হইলেন । এবার যোগেশ্বরেশ্বর মহাপ্রভু সকলকে
নিদ্রায় অভিভূত করিয়া ব্রাহ্মণের নিকট উপস্থিত হইলেন ।
ব্রাহ্মণ দেখিলেন,—আবার সেই শিশু ।

ব্রাহ্মণ হায় হায় করিতে লাগিলেন । কিন্তু এবার সকলেই
যোগ নিদ্রায় অচেতন । নিমাই তখন আত্ম-প্রকাশ করিয়া বলিতে
লাগিলেন,—“ঠাকুর, তুমি যে আমায় ডাক; তাই আমি আসি, বল

দেখি, ইহাতে আমার দোষ কি ? তুমি নিরবধি আমায় ডাক, তাই আজ তোমায় দেখা দিলাম এই দেখ !”

ব্রাহ্মণ বিস্মিত হইয়া চাহিলেন, চাহিয়া দেখিলেন তাঁহার সম্মুখে এক বিশাল অষ্টভুজ শ্রীমূর্তি,—

সেই ক্ষণে দেখে বিপ্র পরম অদ্ভুত ।

শঙ্খ চক্র গদা পদ্ম,—অষ্টভুজ-রূপ ॥

এক হস্তে নবনীত আর হস্তে খায় ।

আর ছই হস্তে প্রভু মুরলী বাজায় ॥

শ্রীছন্দস-কৌস্তভ বক্ষে শোভে মণি-হার ॥

সর্ব্ব অঙ্গে দেখে মণিনয় অলঙ্কার ॥

নব গুঞ্জ বেড়া শিখি পুচ্ছ শোভে শিরে ।

কেবল শ্রীমূর্তি নয়, আনন্দময় শ্রীবন্দাবনের নাথুর্য্য-শোভা পর্য্যন্ত তিনি দেখিতে পাইলেন । ব্রাহ্মণ আনন্দে মুচ্ছিত হইলেন ।

গোর সুন্দর তাঁহার নাথায় শ্রীহস্ত স্থাপন করিলেন, তাঁহার চেতনা হইল ! এইরূপ বলবার সাত্ত্বিক বিকারের পরে ব্রাহ্মণ প্রকৃতিস্থ হইলেন ! শ্রীগোর সুন্দর তাঁহাকে বুঝাইয়া বলিলেন,—
আনি দ্বাপরে নন্দনগৃহেও তোমাকে এইরূপ কৃপা করিয়া ছিলাম । সাধবান, এ কথা কাহাকেও বলিও না ।’

এদিকে নিমাইর রক্ষক জগন্নাথ মিশ্র প্রভৃতির যোগনিদ্রা ভাঙ্গিল । তাঁহারা দেখিলেন, দরজা ঠিক-আছে । ওদিকে অতিথি প্রেণাবেশে অন্নদারা অঙ্গলেপন করিয়া উন্নতের ত্রায় “জয় গোপাল জয় গোপাল” রব করিতেছেন । সে রব শুনিয়া জগন্নাথ মিশ্র ও

অপরাপর নকলে সেখানে উপস্থিত হইলেন। অতিথি বলিলেন, 'এবার প্রকৃত পক্ষেই কৃষ্ণ কৃপা করিয়াছেন। আজ তোমার ঘরে মহাপ্রসাদ পাইব।' এই বলিয়া ব্রাহ্মণ আশ্বিনংবরণ করিয়া প্রসাদ ভোজন করিলেন। গৃহস্থও কৃতার্থ হইলেন।

নিমাইর চাক্ষুষ দিন দিন বাড়িতে লাগিল। সমবয়স্কদের উপরেই সে উপদ্রবের মাত্রা বাড়িয়া উঠিল। জনক জননী বাতিবাস্ত হইয়া পড়িলেন। আর একদিন শচীমাতা নিমাইর উপদ্রবে ক্রুদ্ধ হইয়া তাঁহাকে ধরিতে গেলেন। মাতার ক্রোধ দেখিয়া নিমাইর ক্রোধ অমরও বাড়িয়া উঠিল। নিমাই তখন ঘরের হাড়ী বাসন ভাঙ্গিয়া ফেলিতে লাগিলেন। শচীমা তখন অতিশয় ক্রুদ্ধ হইয়া নিমাইর অভিমুখে পাবিত হইলেন। নিমাই দৌড়িয়া বাড়ীর সংলগ্ন অশুচি স্থানে গিয়া উপস্থিত হইলেন। সেইখানে অশুচি ভাঙ্গা হাড়ির উপরে বসিয়া মাঘের দিকে চাহিয়া নিমাই হাসিতে লাগিলেন। কেন না অশুচিস্থলে তো আর মা যাইতে পারিবেন না। নিমাই এইরূপে মাকে পরাস্ত করিলেন।

শচীমা দুঃখে ও ক্রোধে অধীর হইয়া বলিলেন “ওরে হতভাগা, তুই যে ব্রাহ্মণের ছেলে। এখনও তোর শুচি অশুচি জ্ঞান হইল না। যা, স্নান ক’রে আর, তবে তোকে কোলে লইব।” শচীমা জানিতেন না, যে তাহার এই পুত্রটি কে।

শিশু নিমাই অশুশ্র হাড়ীর উপরে বসিয়া বলিলেন “মা, সে কি কথা? শুচি, অশুচি কি? উহা কল্পনা মাত্র। স্থিতি, জল, বায়ু, অগ্নি, আকাশ ও চিন্তনয় এই জগৎ কেবল পূর্ণ-অবৈত-পাদপদ্ম

একমাত্র শ্রীহরিরই বিস্তৃত বৈভব । এক করুণাসাগর হরি ভিন্ন
অপর আর কিছুই নাই, ইহা নিশ্চয়রূপে জানিও । মা, আমি
চিরপবিত্র, কখনও অপবিত্র নহি,—এবিষয়ে মনে কোনও শঙ্কা
করিও না” * ; কিন্তু এই অভেদ-জ্ঞানোপদেশে গুহ্যচারিণী
ব্রাহ্মণ-পত্নী স্নেহময়ী শচীদেবীর মন টলিল না । তিনি আস্তাকুড়ে
ছুটিয়া গিয়া ছেলোটিকে ধরিয়া আনিলেন, ছেলে সহ গঙ্গায় গিয়া
স্নান করিলেন ।

আর একদিন মায়ের প্রদত্ত থৈ সন্দেশ না থাইয়া নিমাই মাটি
খাইতেছিলেন । মা ক্রোধ করিলেন, নিমাই কাদিয়া বলিলেন :—

—কেন কর গোষ ।

তুমি মাটি খেতে দিলা আমার কি দোষ ।

থৈ সন্দেশ অন্ন যত মাটির বিকার ॥

এই মাটি সেই মাটি কি ভেদ-বিচার ॥

মা বিস্মিতা হইলেন তখনই শিশুকে ভেদ-বিচার বুঝাইয়া দিলেন ।
নিমাই প্রাকৃত শিশুর আয় সরলভাবে বলিলেন “মা এই কথা আগে
বুঝাইলে তো আর মাটি খাইতাম না ।” বেদাস্তী মুরারিগুপ্তকেও
এই বয়সেই একদিন সোহহং বাক্যের প্রকৃত মর্থ বুঝাইয়া ছিলেন ।

* শৃগু, গুচিরগুচিকা করুণামাত্রমেতৎ ক্ষিতি-জল-পথনাগ্নিব্যোম-চিহ্নং জগদ্ধি-
বিতত-বিভব-পূর্ণায়েতপাদাজ্জ একো হরিরিহ করুণ্যকির্ভাতি নান্থং প্রহীহি ।

অতঃ পবিত্র এবাস্মি নাপবিত্র কথঞ্চন

তানী হি মতে নাস্ত্যং তং শঙ্ক্যং কর্ত্ত্ব মিহাহঁসি ॥

শ্রীকৃষ্ণৈতচ্ছত্রিতামৃতৈ ।

গঙ্গাঘাটে ।

[১]

বহু মনোরথ পূর্বে আছিল গঙ্গার ।
যমুনায় দেখি কৃষ্ণ চন্দ্রের বিহার ॥
‘কবে হইবেক মোর যমুনার ভাগ্যা’
নিরবধি গঙ্গা এই বলিলেন রাক্য ॥
যত্নপিহ গঙ্গা অঙ্গ-ভবাদি বন্দিতা ।
তথাপিহ যমুনার পদ সে বাঞ্ছিতা ॥
বাঞ্ছা করতরু শ্রুত শ্রীগৌর সুন্দর ।
জাহ্নবীর বাঞ্ছা পূর্ণ করে নিরন্তর ॥

শ্রীচৈতন্য ভাগবত ।

পতিতপাবনী বিষ্ণুভক্তি-প্রদায়িনী ভগবতী জাহ্নবী আজও
নুবদীপ-ধামের পদ-প্রাপ্ত দিয়া প্রবাহিত হইতেছেন ;—এখনও সহস্র
সহস্র নরনারী বালক বালিকা গঙ্গাঘাটে স্নান করেন । তাঁহাদের
ভক্তিমাথা আনন্দমূর্তি দেখিলে হৃদয়ে ভক্তির ভাব জাগিয়া উঠে,
বালক বালিকাদের সরলতামাথা উদ্ধামময় গঙ্গাস্নান-জনিত কলধৌত
মধুর-পবিত্র তিলক-চর্চিত মুখচ্ছবি দেখিয়া হৃদয়ে পবিত্রতা,
ভক্তি ও প্রেম-আনন্দের উদয় হয়, প্রাণের ভিতরে নব ভাবের
সঞ্চার হয় । গঙ্গাঘাটের এই পবিত্র দৃশ্য, এই সুখময় সম্মিলন,
এই প্রেম-পবিত্রতার পুণ্য-খেলা হিন্দুর জীবনে চিরদিনই পবিত্র

উত্তম আনিয়া দিয়া হিন্দুকে অজ্ঞাতসারে পুণ্যের রাজ্যে আকৃষ্ট করে। গঙ্গাঘাটে পরিচিত সুদৃঢ় বন্ধুগণের সহিত সাক্ষাৎ হয়, অপরিচিতের সহিত আলাপ হয়, পরস্পর কথাবার্তা দ্বারা হৃদয়ের ভার লঘু হয়, আবার তৎসঙ্গে-সঙ্গে হৃদয়ে আনন্দ ও উত্তমের সঞ্চার হয়।

গঙ্গাঘাট কেবল আধ্যাত্মিক উন্নতি-লাভের মহাতীর্থ নয়, সামাজিক সম্মিলনেরও মহাতীর্থ। এখানে বৃদ্ধা মহিলাগণ, কুল-বধূগণ ও সংসারের আনন্দকুসুম,—কুসুমকোমলা বালিকারাও অবাদে সম্মিলিত হয়েন। স্বরণাতীত কাল হইতে এই প্রথা চলিয়া আসিতেছে। আগমনের দূর্ভাগ্যক্রমে বর্তমান সময়ে এই সুপ্রথা ধীরে ধীরে তিরোহিত হইতেছে। এখন আমরা কিঞ্চিৎ অতিরিক্ত মাত্রায় শিষ্ট ও ভদ্র হইতেছি।

কিন্তু পূর্বে একরূপ ছিল না। গঙ্গাতটবর্তী হিন্দুগণ তখন গঙ্গা-স্নান না করাই পাপজনক বলিয়া মনে করিতেন। গঙ্গাস্নান, গঙ্গাস্তব-পাঠ, গঙ্গাবন্দনা, গঙ্গাঘাটে সন্ধ্যাপূজা ও জপাদি করা গঙ্গাতীরের হিন্দুগণের নিত্যকর্ম ছিল। এমন কি কুলরমণীরা অবাদে গঙ্গাঘাটে আগমন করিতেন, বালিকারা পর্যাস্ত ভক্তিরত্নে তিনসন্ধ্যা গঙ্গাস্নান করিত। এ দৃশ্য দেখিয়া কাহার প্রাণে ভক্তির সঞ্চার না হয়? অমন যে পাষণ-পাষণ্ড,—তাহার প্রাণেও এই প্রেম-পবিত্রতা ও ভক্তির বিপুল ভাব সন্দর্শনে দ্রবীভূত হয়, সেই উষর ক্ষেত্রেও ভক্তির মন্দাকিনী ধারা প্রবাহিত হয়।

বর্তমান সময়ে হিন্দুর ধর্মপ্রাণতা ক্রমেই কমিয়া বাইতেছে,

নরনারীগণের প্রাণে কোমলতার হাস হইতেছে, জাতীয় জীবনের উৎস,—শুষ্ক নীরস ও ম্লান হইয়া পড়িতেছে । ধর্ম্মভাব, ধর্ম্মনিষ্ঠা ও ধর্ম্মকর্ম্ম দ্বারা জীবনে যে নিত্য অভিনব বল উদ্ভব ও প্রফুল্লতার সঞ্চার হইত, এখন সেই সুখসৌভাগ্যের দিন একরূপ চলিয়া গিয়াছে । তথাপি গঙ্গাঘাটে আমরা বিগতসুখস্মৃতির বিনুপ্তপ্রায় নিদর্শনের ক্ষীণ ও পরিম্লান চিত্রের অবশেষ এখনও কিছু কিছু দেখিতে পাই । জীবনের উদ্ভব, সজীবতা, পবিত্রতা, প্রফুল্লতা ও ভক্তির ভাববিকাশ এখনও গঙ্গাঘাটে ন্যূনাত্মক পরিমাণে পরিলক্ষিত হয় ।

কিন্তু যে দিনের পুণ্য-কাহিনী স্মরণ করিয়া এতল এই বিষয়ের আলোচনা করা বাইতেছে, সেদিন বাঙ্গালীর অতি সৌভাগ্যের দিন,— অতি গৌরবের দিন । বাঙ্গালী সেদিনের কথা ভুলিতে বসিয়াছে, বাঙ্গালী কাচ পাইয়া কাঞ্চন ত্যাগ করিতেছে । পুণ্যধাম নবদ্বীপে চারিশত বৎসর পূর্ব্বে বাঙ্গালীর—কেবল বাঙ্গালীরই বা বলি কেন—সমগ্র ভ্রগতের অধিবাসীদের এই যে সৌভাগ্য রবির উদয় হইয়াছিল, ভ্রগতের ইতিহাসে তাহা এক অভাবনীয় অভূতপূর্ব্বে ব্যাপার । বিজ্ঞা-গৌরবে ও ঐশ্বর্য্য-বৈভবে তখন নবদ্বীপ অদ্বিতীয় । নবদ্বীপ তখন ভারতের প্রধানতম বিজ্ঞাতীর্থ, নবদ্বীপ ব্যবসায়ের কেন্দ্রস্থান না হইলেও প্রধানতম নগর । বর্ত্তমান কলিকাতা হইতেও তখন নবদ্বীপে লোক সংখ্যা বেশী ছিল । তখন নবদ্বীপের পদ-প্রাস্ত-বিহারিণী পুণ্যসলিলা ভগবতী জাহ্নবীর পবিত্র তট দিবানিশি লোকে লোকারণ্য হইত । শ্রীপাদ বৃন্দাবনদাস

ঠাকুর, শ্রীচৈতন্য ভাগবতে তখনকার নবদ্বীপের অবস্থা নিম্নলিখিত
কথায় বর্ণনা করিয়াছেন :—

অবতরিবেন এতু জানিয়ে বিধাতা ।
সকল সম্পূর্ণ করি থুইলেন তথা ॥
নবদ্বীপের সম্পত্তি কে বর্ণিতে পারে ।
একেক ঘাটে লক্ষ লক্ষ লোক স্নান করে ॥
ত্রিবিধ বয়সে একই জাতি লক্ষ লক্ষ ।
সরস্বতী-দৃষ্টিপাতে সবে মহাদক্ষ ॥
সরে মহা অধ্যাপক করি গর্ভ ধরে ।
বালকেও ভট্টাচার্য্য সনে কক্ষা করে ॥
নানা দেশ হৈতে লোক নবদ্বীপে যায় ।
নবদ্বীপে পড়িলে সে বিচারস পায় ॥
অতএব পড়ুয়ার নাহি সমুচ্চয় ।
লক্ষ কোটি অধ্যাপক নাহিক নির্ণয় ॥
রমা-দৃষ্টিপাতে সর্বলোক স্নখে বসে ।
ব্যর্থকাল যায় মাত্র ব্যবহার-রসে ॥

এই বৃত্তান্ত পাঠে জানা যায় নবদ্বীপের একেক ঘাটে লক্ষ লক্ষ
লোক গঙ্গাস্নান করিতেন । নবদ্বীপের এই বিশাল বিপুল বৈভবের
সময়ে শ্রীশ্রীগৌরচন্দ্রমা সমুদিত হয়েন । দয়াময় যখন অবতীর্ণ
হয়েন, তখন চন্দ্রগ্রহণ । সে সময়ে নবদ্বীপের গঙ্গাঘাটে যে বিপুল
লোক-সমাগম ও তুমুল হরিসংকীৰ্ত্তন রোল উঠিয়াছিল, এখন
গঙ্গাঘাটে গ্রহণোপলক্ষে তাহার স্মৃতিমাত্র পরিলক্ষিত হয় ।

শ্রীগৌরচন্দ্রের উদয়ে গঙ্গার মহিমা আরও বর্ধিত হয়েন । কেন না সাক্ষাৎ ভক্তিদেবী তৎপূর্বেই অবতীর্ণা হইয়া শ্রীধামকে শ্রীপাদ ভক্তগণের প্রিয়ভূমি করিয়া তুলিয়াছেন । নীলাকাশে চাঁদের পাশে নক্ষত্রগণ যেমন সাজিয়া দাঁড়ায়, ভক্তগণও চারিদিক হইতে সেইরূপ নবদ্বীপে আগমন করিয়া ছিলেন । শ্রীশ্রীগৌরশরীর উদয়ে গঙ্গাঘাটের ভক্তিলীলা দিন দিন অধিকতর বাড়িয়া উঠিল ।

অত্যাশ্রয় কুলমহিলাগণের ত্যায় শ্রীশ্রীগৌরশরীর জননী নিত্য গঙ্গাস্নান করিতেন । অনেকেই ত্রিসন্ধ্যা গঙ্গাস্নান-ব্রত পালন করিতেন । এখন •বেমন মহিলাগণের সঙ্গে বান্ধক বালিকারা গঙ্গাস্নান করেন, তখন এই রীতি খুব বেশী ছিল ।

[২]

শ্রীশ্রীগৌরসুন্দর দিন দিন বড় হইতে লাগিলেন, বয়সের সঙ্গে সঙ্গে চাকল্য বাড়িতে লাগিল, তখন প্রায়শই গঙ্গাঘাটে তাঁহাকে দেখা যাইত, সোণার গোপাল, বাল্যসঙ্গীদের সঙ্গে গঙ্গাঘাটে বিচরণ করিতেন, লোকের পূজার সামগ্রী কাড়িয়া লইতেন, বলিতেন,—‘তোমরা আমার পূজা কর, আমাকে নৈবেদ্য দেও, গঙ্গা • সন্তুষ্ট হইবেন, দেবতারা সন্তুষ্ট হইবেন ।’ লোকে তাঁহার মুখের দিকে চাহিয়া থাকিত, তাঁহার রূপে তাঁহাদের নয়ন আকৃষ্ট হইত, মধুর অথচ সতেজ কথা কাণের ভিতর দিয়া মরমে প্রবেশ করিত । তাঁহারা পূজা ভুলিয়া পূজার দ্রব্য তাঁহার হাতে অর্পণ করিতেন । শ্রীগৌরসুন্দর বয়স্ক বালকদের হাতে ভোজ্য দ্রব্য দিয়া

গঙ্গায় বঁাপাইয়া পড়িতেন । গঙ্গাঘাটে শ্রীগোরাঙ্গের বাল্যলীলা
স্মৃতি অদ্বিত কাহিনী । ঠাকুর বৃন্দাবন ইহার যে জীবন্ত চিত্র
আঁকিয়া রাখিয়াছেন, তাহা অতি সুন্দর ও মনোহর । এই দেখুন
একটি চিত্র :—

ধূলায় ধূসর প্রভু শ্রীগোরসুন্দর ।
লিখন কালির বিন্দু শোভে মনোহর ॥
পড়িয়া শুনিয়া সর্ব শিশুগণ সঙ্গে ।
গঙ্গাস্নানে নদ্যাঙ্কে চলেন বহু রঙ্গে ।
মজ্জিমা গঙ্গায় বিশ্বস্তর কুতুহলী ।
শিশুগণ সঙ্গে করে জল ফেলাফেলি ॥
নদীয়ার সম্পত্তি বা কে বলিতে পারে ।
অসঙ্খ্য অসঙ্খ্য লোক এক ঘাটে স্নান করে ॥
কতেক বা দাস্ত গৃহস্থ, সন্ন্যাসী ।
না জানি কতেক শিশু মিলে ঠাঁহি আসি ॥
সভারে লইয়া প্রভু গঙ্গায় সাঁতারে ।
কণে ডুবে কণে ভাসে নানা ক্রীড়া করে ॥

শ্রীপাদ ঠাকুর বৃন্দাবন স্বর্ণগোপাল শ্রীগোরাঙ্গের এই যে চিত্র
আঁকিয়া তুলিয়াছেন, ইহার তুলনা নাই । নিমাই বালক, তাঁহার
হাতে খড়ি হইয়াছে, তিনি তালপাতে লিখিতে আরম্ভ করিয়াছেন ।
মৌরসুন্দরের শ্রীঅঙ্গ ধূলায় ধূসরিত, তাহার উপরে আবার লিখন-
কালির বিন্দু পড়িয়া এক অদ্বিত শোভা প্রতিকলিত হইয়াছে । এই
অবস্থায় তিনি শিশুগণের সঙ্গে নানা রঙ্গে অঙ্গভঙ্গী করিতে করিতে

গঙ্গানানে চশিয়াছেন,—আর গঙ্গা ঘাটের ধত লোক,— এই বালকটীর দিকে অনিমিত্ত দৃষ্টিতে চাহিয়া রহিয়াছেন ।

তিনি দেখিতে দেখিতে গঙ্গায় ঝাঁপিয়া পড়িলেন, মধ্য গঙ্গায় গিয়া সাঁতার কাটিতে লাগিলেন, তীরস্থ লোকেরা দেখিয়া অবাক হইয়া চাহিয়া বহিল, কেহ কেহ মনে মনে প্রমাদ পণিলেন, পাছে বা কি হয় ; চীৎকার করিয়া ডাকিতে লাগিলেন, “অরে বালক, গঙ্গায় কুমীর আছে, এখনি কুমীরে ধরবে, তোর কি ভয় নাই ? মধ্য গঙ্গায় ডুবিয়া গেলে কে তোকে তুলিবে ?” যিনি ভবসাগরে নিমজ্জিত লোকদিগকে উদ্ধার করেন, স্নেহমোহান্ন লোকেরা তাঁহার নিমজ্জন-ভয় করিয়া অধীর হইতে লাগিলেন ।

শ্রীগোবিন্দসুন্দর কাহারও কথায় কাণ না দিয়া :—

সভারে লইয়া প্রভু গঙ্গায় সাঁতারে ।

ক্লেণে ডুবে ক্লেণে ভাসে নানা ক্রীড়া করে ॥

নরনারীগণের ইচ্ছা,—নিমাই তীরে উঠেন । বাহা-কল্পতরু তাঁহাদের মনের উদ্বেগ দূর করিবার জন্ত তীরের দিকে আসিয়া হাত পা ছুড়িয়া জলক্রীড়া করিতে লাগিলেন । কিন্তু তাহাতেও এক উপদ্রব হইল :—

জলক্রীড়া করে গৌর সুন্দর-শরীর ।

সভার গায়েতে লাগে চরণের নীর ॥

সবে মানা করে তবু মানা নাহি মানেন ।

ধরিতেও কেহ নাহি পারে এক স্থানে ॥

কেবল এইটুকু করিয়াও তিনি নিবৃত্ত হইতেন না, কেহ চক্ষু মুদ্রিত করিয়া ধ্যান করিতেছেন, নিমাই তাঁহার মুখে এক এক ছিটা জল দিয়া বলিতেছেন, “ওগো তুমি কার ধ্যান কর। এই দেখ না,—আমি স্বয়ংই তোমার সম্মুখে আসিয়াছি, একবার নয়ন খেলিয়া দেখ, আমি প্রত্যক্ষ নারায়ণ,—তোমার সম্মুখে।”

ধ্যানস্থ ব্রাহ্মণ বালকের কথা শুনিয়া অবাক্ ! বাস্তবিকই তাঁহার মনে হইল এই কনক-জ্যোতি শিশু বুঝি স্বর্গ-মণ্ডলের মধ্য হইতে অবতরণ করিয়া নয়ন-সম্মুখে উপস্থিত হইয়াছেন,—কিন্তু বিষ্ণুমায়া আবার মোহিত হইয়া গেলেন। ক্রোধ করিয়া ধলিলেন, “বুঝেছি, তুমি জগন্নাথ নিশ্চের পুত্র নিমাই। এই দেখ না যাচ্ছি তোমার বাপের কাছে;—মজা দেখাব এখন! খবরদার ফের এমন করো না।”

নিমাই ব্রাহ্মণের মুখে দিকে চাহিয়া একটুকু বিক্রপের হাসি হাসিয়া অপর এক ব্রাহ্মণের পূজ্য শিবলিঙ্গ লইয়া দৌড়িলেন। ব্রাহ্মণ পাছে পাছে দৌড়িতে লাগিলেন, নিমাই বলিলেন, “এই যে স্বয়ং আমি এসেছি, আবার এ মূর্তি পূজা কেন?” ব্রাহ্মণ দৌড়িয়াও বালককে খুঁজিয়া পাইলেন না, কিছুকাল স্তম্ভিত ভাবে দাঁড়াইয়া রহিলেন, আবার খুঁজিতে লাগিলেন। এই যে তিনি এবার খুঁজিতে লাগিলেন, ইহাতে তাঁহার ক্রোধ বা হুঃখের ভাব ছিল না। তিনি এবার মনে করিতেছিলেন—এই যে বালকটি আমার শিবলিঙ্গ কাড়িয়া লইল, এ বস্তুটি কি? বালক বলিল, “এই যে আমি স্বয়ং আসিয়াছি,—আবার এ মূর্তি পূজা কেন?” আমি ধ্যানে

বঁাহাকে ডাকিতেছিলাম, তিনি “রক্ত-গিরি-নিভ” কিন্তু ইহার অঙ্গ-
ছটা কি মনোহর স্বর্ণকান্তিবিশিষ্ট,—দেহের মধ্য হইতে যেন চাঁদের
কিরণের মত জ্যোতি প্রকাশ পাইতেছিল । এই গঙ্গাঘাটে প্রতিদিন
মান করিতে আসি, মানব শিশুরা কখনও এরূপ সাহস প্রকাশ
করে নাই, এরূপ কথাও বলে নাই ।”

ব্রাহ্মণ গঙ্গাঘাটে বলিয়া পড়িলেন, ধ্যানে বিভোর হইলেন ।
আবার তখন কোথা হইতে চঞ্চল বালক আসিয়া তাঁহার টিকি
নাড়িয়া বলিলেন—“যোগি-বর, একবার চেয়ে দেখ, এই আবার
এসেছি,—এবার ঠিক হয়েছে কিনা দেখ দেখি,” ব্রাহ্মণ চাহিয়া
দেখিলেন, মহাদেবের বেশে বৃষ আরোহণে ঠিক সেই বালকটী
তাঁহার দৃষ্টির সমক্ষে উপস্থিত ! এবার তাঁহার জ্বিনেজ,—পরিধানে
কীৰ্ত্তিবাস । ব্রাহ্মণ মুগ্ধিত ভাবে তাঁহাকে প্রশংসা করিলেন ;
বালক তাঁহার টিকি ধরিয়া টানিয়া তুলিলেন, বলিলেন,—“ধবরদার,
আর আমাকে তাড়া করিও না, তাহা হইলে আর কখনও দেখা
দিব না ।” এই বলিয়া বালক তখনই সহসা অন্তর্ধান করিলেন ।
ব্রাহ্মণ বুকিতে পারিলেন নদীয়ার গঙ্গাঘাটে এতদিনে শিবপূজার ফল
ফল ফলিল, স্বয়ং ভগবান্ বালকরূপে গঙ্গাতটে জীড়া করিয়া
বেড়াইতেছেন । আজ তাঁহার নয়ন ও জীবন সকল হইল । সেই
দিন হইতে ব্রাহ্মণের ভাবান্তর উপস্থিত হইল, সে দিন হইতে আর
অপর কেহ তাঁহাকে দেখিতে পাইল না ।

(৩)

শ্রীগৌরানন্দ যখন নদীয়ায় প্রকট হইলেন, সে সময়ে ও নদীয়ার গঙ্গাতটে শিবপূজা ও বিষ্ণুপূজা হইত । ব্রাহ্মণগণ পুষ্প তুলসী, বিষ্ণুপত্র, দুর্কা, চন্দন, নৈবেদ্য প্রভৃতি পূজার সজ্জা লইয়া গঙ্গাতটে উপস্থিত হইয়া ভক্তিভরে কেহ বা শিবপূজা, কেহ বা বিষ্ণুপূজা, আর কেহ বা গঙ্গাপূজা করিতেন । বালস্বভাবশূলভ চঞ্চলতার মধ্যে চঞ্চল নিমাইর একটা ঝোঁক গঙ্গাঘাটে কিছু বাড়-বাড়ি মাত্রায় পরিলক্ষিত হইত । তিনি দেব-পূজকদের নিকট বেশী বেশী ঘেষিতেন । শিবপূজককে তিনি যেক্রপ ভাবে রূপা করিয়াছিলেন, পাঠকগণ সে বিবরণ শুনিতে পাইয়াছেন ।

এখন আর একটা ঘটনার উল্লেখ করিতেছি । একদিন এক জন ব্রাহ্মণ গঙ্গাতটে বিষ্ণু-পূজার দুর্কা তুলসী পুষ্প চন্দন নৈবেদ্য ও বিষ্ণুর আসন রাখিয়া গঙ্গায় অবগাহন করিয়া তীরে উঠিতেছেন,— চাহিয়া দেখেন এই অবসরে চঞ্চল বালক তাঁহার আনীত বিষ্ণুর আসনে বসিয়া বিষ্ণু-নৈবেদ্য ভোজন করিতেছেন । অঙ্গ ধুলায় ধূসরিত,—এই ধূলিমাখা দেহ চন্দনে চর্চিত হইয়াছে, কপালে চন্দনের তিলক, মাথায় সুনীল কৃষ্ণকেশরাশি,—উহা ফুলসাজে সজ্জিত,—মুখে মুহূ হাসি, আর বিষ্ণু-নৈবেদ্যের গ্রাস । ব্রাহ্মণ ক্রোধে অধার হইয়া তাঁরে উঠিলেন, চক্ষু কটমট করিয়া নিমাইর প্রতি তাকাইলেন, হুই এক কথা বলিতে না বলিতেই নিমাই তাঁহার নৈবেদ্যের থালা ফেলিয়া দিয়া ছুট হাসি হাসিয়া এক দৌড়ে পলায়ন করিলেন । আর তাঁহাকে দেখা গেল না ।

ব্রাহ্মণ ক্রোধভরে তটে উঠিলেন, তিনি ক্রোধ-কম্পিতস্বরে নিমাইয়েব প্রতি তজ্জিয়া সজ্জিয়া কি বলিতেছিলেন, কিন্তু নিমাই যখন ছুটিয়া পলাইলেন, তখন সহসা ব্রাহ্মণের ক্রোধের বিরাম হইল, কিন্তু কি দিয়া বিষ্ণুপূজা করিবেন, মনে সেই ভাবনা উঠিল, আর এই ভাবনার সঙ্গে সঙ্গে নিমাইর সেই লাবণ্যময় সৌন্দর্য্যমাখা মুখখানির কথা ব্রাহ্মণের মনে পড়িতে লাগিল ।

নিমাই দৌড়িয়া পালাইলেন বটে, কিন্তু কি-যেন-কি এক ভাল-বাসার ভাব ব্রাহ্মণের অন্তরে রাখিয়া গেলেন । ব্রাহ্মণ ক্রোধ ভুলিয়া বিষ্ণু-পূজার কথা ভুলিয়া নিমাইর মুখখানি ভাবিত লাগিলেন । তিনি মনে করিতে লাগিলেন, আমার ক্রোধ দেখিয়া বালকটী দৌড়িয়া পালাইল, কিন্তু উহার মুখখানি কি সুন্দর, মাথায় চুলগুলি অস্বাভাবিক কপালের উপর দিয়া চক্ষু পর্য্যন্ত ছলিয়া পড়িয়াছে, আর সেই ঘনকৃষ্ণনিবিড় চুলগুলির মধ্য দিয়া চঞ্চল বালক-কমলের স্তায় দুইটী চক্ষু নেলিয়া আনার দিকে কেমন হাসিমাখা চাহনিতে তাকাইতেছিল । দেহের এমন রং,—চোখের এমন চাহনি,—মাথার এমন চুল, আর এমন লাবণ্যমাখা অঙ্গ-গঠন—আর তো কোথাও দেখি নাই । এমন সৌন্দর্য্য কি এ জগতে সম্ভব ? বালক যদি আমার সাজসজ্জা নষ্ট না করিত, তাহা হইলে উহাকে আমি কত ভালবাসিতাম । বালকের বুদ্ধি দেখ, ধূলি ধূসরিত দেহে চন্দন মাখিয়াছে, আবার কপালে কেমন সুন্দর চন্দন-তিলক পড়িয়াছে । দেহখানি ধূলিমাখা বটে, কিন্তু অসাধারণ জ্যোতিঃ !”

“ব্রাহ্মণ গঙ্গাঘাট ভুলিলেন, পূজা ভুলিলেন, গঙ্গাতটের অসংখ্য

লোক-সংঘট্টের কথা ভুলিলেন, তাঁহার মন গৌর-রূপে ডুবিয়া গেল, তিনি স্তম্ভিত ভাবে বাসিয়া পড়িলেন, দেহ বিবশ হইয়া গেল, কেবল গৌর-রূপ তাঁহার মস্তকের অন্তস্তলে জাগিয়া রহিল। তাঁহার দেহ পুলকে পরিপূরিত হইল, নয়ন-কোণে জলধারা বহিতে লাগিল।

এই অবস্থায় তিনি বুকিতে পারিলেন, কে যেন তাঁহার সম্মুখে দাঁড়াইয়া নাথায় ফুল গুজিয়া দিতেছে, সহসা নয়ন মেলিলেন,— ব্রাহ্মণ অমনি হাত বাড়াইয়া চঞ্চল বালককে ধরিয়া কোলে তুলিয়া লইবেন বলিয়া বাসনা করিলেন, কিন্তু উহা বাসনা মাত্রেই পর্যাবসিত হইল। তখনই বালকের অন্তর্ধান! আর তিনি উহাকে দেখিতে পাইলেন না। ব্রাহ্মণের হৃদয়ে সহসা এক পরিবর্তন দেখা দিল।

তিনি এই দিন হইতে ভক্তিসহকারে গৌরগোপাল রূপের পূজা করিতে আরম্ভ করিলেন, প্রত্যেক দিন এই সময়ে গঙ্গাঘাটে আসিয়া বালকের প্রতীক্ষা করিতেন, কিন্তু আর উহাকে দেখিতে পাইতেন না। ভাল ফুল, ভাল নৈবেদ্য, ভাল আসন লইয়া আসিতেন, গঙ্গাতটে পূজার সজ্জ রাখিয়া আনমনা ভাবে গঙ্গায় অবগাহন করিতেন, দীর্ঘকাল গঙ্গায় দেহ নিমজ্জিত করিয়া চঞ্চল বালকের প্রতীক্ষা করিতেন, তীরে উঠিয়া দেখিতেন, যেখানকার ফুল সেখানেই আছে, যেখানকার চন্দন সেখানেই রহিয়াছে, তাঁহার পূজার নৈবেদ্যে আর সে চম্পককলি-অঙ্গুলীর স্পর্শপাত হয় নাই। ব্রাহ্মণ অঝোর নয়নে কাঁদিয়া কাঁদিয়া গৌর-গোপালের পূজা করিতেন। হয়ত তাঁহার পার্শ্বের লোকেরাই চঞ্চল বালকের অত্যাচারে কথা বলাবলি করিতেন, কিন্তু সে মুক্তি আর তাঁহার দৃষ্টিগোচর হইত

না । কিন্তু ব্রাহ্মণ তত্ত্বয় হইয়া এই চঞ্চল বালকের রূপ চিন্তা করিতে করিতে গঙ্গাবাটে বিষ্ণুপূজা সম্পন্ন করিতেন । গঙ্গাবাটে এই এক নূতন ধরণের বিষ্ণু-পূজা দেখিয়া অত্যন্ত উপাসকগণের কেহ কেহ উপহাস করিতেন, কেহ কেহ বিস্মিত হইতেন, কাহারও মনে হইত,—ব্রাহ্মণ পরম পুরুষার্থ লাভ করিয়াছেন ।

চঞ্চল বালক নিমাইর শুভ-উদয়ে গঙ্গা-বাটে এই নূতন ধরণের উপাসনার সৃষ্টি হইয়াছিল । প্রাণের প্রাণকে কিরূপ প্রাণের ভালবাসা দিয়া, নয়নের জল দিয়া পূজা করিতে হয়, নবদ্বীপের গঙ্গাতটের কতক উপাসকদের মধ্যে কাহার কাহারও ভাগ্যে এই অমূল্যগম্য নব সাধনার সঞ্চার লক্ষিত হইত ।

(৪)

গঙ্গাবাটে শ্রীশ্রীনিমাইচাঁদের লীলা অতি মধুরময়ী । এক নিমাই-চাঁদই কতিপয় বৎসর নদীয়ার-জাহ্নবী তটধানিকে স্নানের বেলায় আনন্দ কোলাহলময় করিয়া তুলিতেন । “ঐ এলো”,—“ঐ নিল”,—“ঐ গেল”,—“ধ্ব ধ্ব”—“যাঃ—ঐ চ’লে গেল”—শ্রীজগন্নাথমিশ্রের স্নানের ঘাটে স্নানের বেলায় কেবল এইরূপ রব শুনা যাইত । কেবল এক নিমাইচাঁদই এই আনন্দ-কোলাহলের কারণ হইয়াছিলেন ।

গঙ্গাবাটে ধূলিধূসরিত নিমাইর ছবি, ভক্তনর্টি প্রেমিক ভক্তের ধ্যানের বিষয়,—আত্মাদানের বিবর । সে চিত্র আমরা আঁকিতে অসমর্থ । মাথায় ঘনকৃষ্ণ সুনীল কুন্তলরাশি—মস্তক কেশদাম কপালের উপর দিয়া মুখ পর্য্যন্ত ছলিয়৷ ঝড়িয়াছে, কেশরাশির

মধ্য দিয়া চকল, উজ্জল, হুটামি ও হাসিমাখা পদ্মপলাশ-লোচনের
 স্নিগ্ধ কিরণ যেন সম্মুখের দিকে বাঁকাভাবে লতাইয়া পড়িতেছে ।
 পক্ববিশ্বের জ্ঞান মন্থণ লোহিতরাগরঞ্জিত ছোট ছোট হুথানি
 পাতল ওষ্ঠের মধ্য দিয়া শুভ্র কুন্দপাতির জ্ঞান দস্ত হাসির সহিত
 বিকশিত । অঠাম অকোমল আয়ত কনক গৌরদেহ ধূলিতে ও
 লিখন-কালিবিদ্যুতে অশোভিত ।

পাঠক, আপনি কি টাপাকুলে ভ্রমর লাগার শোভা দেখিয়া-
 ছেন ? না দেখিয়া থাকেন তো একবার করনা নয়নে দেখুন ।
 তাহার পরে এই কনকচাঁপাবরণ নিমাইর শ্রীঅঙ্গে লিখন-
 কালির বিন্দুপাতে শোভার কথা মনে করুন । তাহা হইলে
 গঙ্গাঘাটে কি বেশে আমাদের নিমাইচাঁদ পদার্পণ করিতেন,
 তাহার আভাস বুঝিতে পারিবেন ।

নিমাইচাঁদ গঙ্গাঘাটে জলে অবগাহন করিয়া জলজীড়া
 করিতেন, বয়স্কদের সঙ্গে কত রঙ্গ করিতেন, স্নানার্থীদিগকে
 লইয়া কত কোতুক করিতেন, পরিচিত অপরিচিতের কথা
 তাঁহার বিচারেই আসিত না । কোতুকী নিমাই বাহাকে পাইতেন,
 তাহাকে লইয়াই কোতুক করিতেন । জগন্নাথ মিশ্র ও শচীমার
 নিকটে প্রতিদিনই দফায় দফায় নাগিশ রুদ্র হইত । চার্জের
 রকম এইরূপ :—

তুন তুন শুহে মিশ্র পরমবাক্য ।

তোমার পুঞ্জের অস্তায় কহিব সব ॥

ভাল মতে করিতে না পারি গঙ্গামান ।
কেহ বলে জল দিয়া ভাঙ্গে মোর ধ্যান ॥
আরো বলে 'কারে ধ্যান কর এই দেখ ।
কলিযুগে নারায়ণ মুক্তি পরতেথ ॥'

নিমাইচাঁদ কোতুকচ্ছলে ঠিক কথাই বলিতেন, ভাঁগাবানেরা
বুঝিতেন, অভাগিয়ারা বুঝিত না। বাঁহারা বুঝিতেন তাঁহার
গঙ্গামানের কল হাতে হাতে পাইলেন বলিয়া মনে করিতেন ।

কেহ বলিতেন, মিশ্র তোমার পুত্র আমার শিবলিঙ্গ লইয়া
পলাইয়াছে, কেহ বলিতেন, আমি উত্তরীয় রাখিয়া ঘান করিছে
জলে নামিয়াছিলাম, ফিরিয়া চাহিয়া দেখি, তোমার পুত্র আমার
উত্তরী লইয়া উধাও দৌড়িয়া ছুটিয়াছে ।

কেহ বলে সন্ধ্যা করি জলেতে নামিয়া ।
ডুব দিয়া লইঞা যায় চরণ ধরিয়া ॥
কেহ বলে আমার না রহে সাজি-ধুতি ।
কেহ বলে লয়ে গেছে মোর গীতা পুঁথি ॥
কেহ বলে পুত্র অতি বালক আমার ।
কর্ণে জল দিয়া তারে কান্দায় অপার ॥
কেহ বলে মোর পৃষ্ঠ দিয়া কাঁছে চড়ে ।
“মুইরে মহেশ” বলি বাঁপ দিয়া পড়ে ॥
হুই ঐহরেও নাহি উঠে জল হইতে ।
দেহ তাহার ভাল থাকিবে কেমনে ॥

জগন্নাথ মিশ্র ও শচীদেবী প্রায়শ এইরূপ অভিযোগ শুনিতে পাইতেন। মিশ্র তর্জ্জন গর্জ্জন করিয়া গঙ্গাঘাটে পুত্রকে শাসন করিতে যাইতেন, কিন্তু নিমাইকে সেখানে দেখিতে পাইতেন না। নরনারীগণ আসিয়া বলিতেন, “তোমাদের নিমাই গঙ্গাঘাটে জলে ঝাঁপাইয়া পড়িতেছে, লোকের গায়ে কুলকুচি দিতেছে, জল ছিটাইয়া অনর্থ করিতেছে, লোকে কত কথা বলিতেছে। অগাধ জলে পড়িয়া যে ডুবিয়া মরিবে, সে ভয়ও তাহার নাই। কেহ কিছু বলিতে গেলে, তাহাকে দিঙ্গপ করে, আরও অগাধ জলে সাঁতার দিয়া যায়। এখনও সে গঙ্গায় ঝাঁপাঝাপি খেলিতেছে। কত বলিলাম—কিছুতেই উঠিল না,—গেলেই দেখিতে পাবে, এখন।”

মিশ্র জগন্নাথ তাড়াতাড়ি গঙ্গাঘাটে গেলেন, এঘাটে সেঘাটে অনুসন্ধান করিলেন, কোথাও খুঁজিয়া পাইলেন না, বাড়ীতে আসিলেন, আসিয়া দেখিলেন, পুত্র ঘরেই আছে। স্বানের কোনও চিহ্ন নাই, দেহ ধূলিধূসরিত, তাহাতে লিখন-কালির দাগ যথা :—

আর পথে গেলা ঘরে প্রভু বিশ্বম্ভর ।

হাতেতে মোহন পুঁথি যেন শশধর ॥

লিখন-কালির বিন্দু শোভে গৌর-অঙ্গে ।

চম্পকে লাগিল যেন চারিদিকে ভূঙ্গে ॥

নিমাই যেন টোল হইতে ফিরিয়া ঘরে আসিলেন। তাহার হাতে পুঁথি, কনকগৌরদেহে লিখন-কালির বিন্দু,—চাঁপাফুলের উপর ভ্রমরের স্রাব শোভা পাইতেছে। নিমাই বাড়ীতে আসিয়া

বলিলেন—“হা তেল দাও, স্নান করিতে যাই।” শচী ও মিশ্র
নিমাইকে দেখিয়া বিস্মিত হইলেন। যথা :—

তৈল দিয়া শচীদেবী গণে মনে মনে ।

বালিকারা কি বলিল কিবা বিপ্রগণে ॥

লিখন-কালির বিন্দু আছে সর্ব্ব অঙ্গে ।

সেই বস্ত্র পরিধান, সেই পুঁথি সঙ্গে ॥

মিশ্র দেখে সর্ব্ব অঙ্গে ধূল্য ব্যাপিত ।

স্নান চিহ্ন না দেখিয়া হইল বিস্মিত ॥

বিংশ শতাব্দীর শূলদর্শী পাঠকগণের নিকট এই কথাগুলি
বেন কেমন-কেমন বোধ হইবে, তাহা আমরা বুঝি। যাহাদের
নিকট এই সকল কথা কাল্পনিক বলিয়া মনে হইবে, তাঁহাদিগকে
আমরা নিন্দা করিতে পারি না। কেন না, যাহারা ভগবানের
অচিন্ত্য ঐশ্বর্য্যের প্রভাব বুঝিতে অসমর্থ, তাঁহারা স্বাভাবিক স্থূল
বুদ্ধিতে যৎকিঞ্চিৎ যাহা বুঝিতে পায়, তাহাই যথেষ্ট। জ্ঞানের
উন্মেষেই লোকে সূক্ষ্মতত্ত্ব বুঝিতে পারে। বৈজ্ঞানিক ও দার্শনিক
গণ যে সূক্ষ্মতত্ত্ব বুঝিতে সমর্থ, শিশু অর্ধাচীন, অশিক্ষিত বা
অসভ্যেরা তাহার বিন্দুমাত্রও বুঝিতে পারে না। যাহা আমার
• তোমার জ্ঞানের অগোচর, জ্যোতির্বিদ, রসায়নতত্ত্ববিদ ও আত্মতত্ত্ব-
বিদ প্রভৃতি তাহা অনায়াসে প্রত্যক্ষবৎ দেখিতে পান। অচিন্ত্য ঐশ্বর্য্য
শ্রীভগবানের পক্ষে এইরূপ অদ্ভুত লীলা অবশ্যই সম্ভবপর, এবং
তাঁহাতে এই সকল অলৌকিক লীলা দেখিয়াই মনীষীগণ তাঁহাকে
প্রথম হইতেই শ্রীভগবান বলিয়া বুঝিয়া লইয়া ছিলেন।

দুইতী ভাই ।

নিমাইর এই বালা-চাকল্যের মধ্যে সততই এক অলৌকিক ভাব পরিলক্ষিত হইত । অনেকেই সন্মুখে সম্মুখে সে ভাব লক্ষ্য করিতেন । কিন্তু নিমাইর দাদা বিশ্বরূপ এই ভাবটি অধিকতর লক্ষ্য করিয়াছিলেন । শ্রীচৈতন্য-ভাগবত-গ্রন্থে লিখিত আছে :—

অনুজের দেখি অতি বিলক্ষণ রীতি ।

বিশ্বরূপ মনে গণে হইয়া বিস্মিত ॥

“এ বালক কভু নহে প্রাকৃত ছাওয়াল ।

‘রূপে আচরণে যেন শ্রীবাণ গোপাল ॥

যত অমামুষ কৰ্ম্ম নিরবধি করে ।

এ বুঝি খেলেন কৃষ্ণ ইহার শরীরে ॥”

বিশ্বরূপের পক্ষে এই ভাবে অনুভব করার সবিশেষ কারণ ছিল । বিশ্বরূপ অলৌকিক ভক্তিভাব লইয়া জন্ম গ্রহণ করিয়াছিলেন । ভক্তির দ্বিবা চক্ষু ভিন্ন ভগবানের ভাব দেখিবার বা বুঝিবার অন্য উপায় নাই । ভক্তির মূর্তিনান্ অবতার, বিশ্বরূপ তাই শৈশবেই অনুজকে চিনিতে পারিয়াছিলেন ।

পূর্বে একবার বিশ্বরূপের কথা বলা হইয়াছে । এখানে উহার কথা আরও কিঞ্চিৎ বিস্তৃতরূপে বলা বাইতেছে । শ্রীগোরাঙ্গ-দীপায় বিশ্বরূপ অতি গুঢ় মহাপুরুষ ।

শ্রীচৈতন্য-চরিতামৃত লিখিত আছে :—

জগন্নাথ মিশ্রপত্নী শচীর উদরে ।
 অষ্ট কল্পা ক্রমে হৈল, জন্মি জন্মি মরে ॥
 অপত্য-বিরহে মিশ্রের হৃৎখী হৈল মন ।
 পুত্র লাগি আরাধিল বিষ্ণুর চরণ ॥
 তবে পুত্র জনমিলা “বিশ্বরূপ” নাম ।
 মহা-গুণবান্ তেঁহ, বলদেব ধাম ॥

ইহার জন্মের কত বৎসর পরে, নিমাই চাঁদ অবতীর্ণ হইয়াছিলেন, তাঁহার ঠিক প্রমাণ পাওয়া যায় না । শ্রীগৌরানন্দের আবির্ভাবের পূর্বে এবং বিশ্বরূপের জন্মের পরে হয়ত শচী দেবীর আরও ছই একটি সন্তান জন্মিয়া ছিলেন । বিশ্বরূপের পূর্বে জাতা কল্পাদের জ্ঞায় তাঁহারাও হয়ত অল্প কয়েক দিন জীবিত ছিলেন । কবিরাজ গোস্বামি-কৃত শ্রীচৈতন্য চরিতামৃতের পদে জানা যায়, শ্রীঅষ্টৈত-গৃহিনী ঈশ্বরী সাতা-ঠাকুরাণী ডাকিনী শাখিনীর ভয়ে ইহার নিমাই নাম রাখিয়াছিলেন । যথা—

হুর্কীধাত্ত দিয়ে শির্ষে কৈলা বহু আশীষে
 “চিরজীবী হও ছই ভাই ।”
 ডাকিনী শাখিনী হৈতে শঙ্কা উপজিল চিতে
 ভয়ে নাম থুইল “নিমাই” ।

কেহ কেহ মনে করেন, যখন শ্রীগৌরানন্দ অবতীর্ণ করেন, তখন বিশ্বরূপের বয়স দশবৎসর । তাহা অসম্ভব বলিয়া মনে হয় না । নিমাইর বয়স যখন পাঁচ বৎসর, বিশ্বরূপ তখন শ্রীল অষ্টৈতাচার্য্যের বৈষ্ণব সভায় কৃষ্ণভক্তি ব্যাখ্যা করিতেছেন । তাঁহার পাণ্ডিত্যে,

বৈরাগ্যে ও কৃষ্ণ-ভক্তিতে সকলেই বিমুগ্ধ হইতেন । তিনি আজন্ম সংসারে বিরক্ত ছিলেন ; বিনয়, নম্রতা, ধীরতা, বিদ্যামুরাগ প্রভৃতি অশেষ সদগুণের জন্ত জন-সমাজে বিশ্বরূপের আদরের সীমা ছিল না । তিনি অতি অল্প বয়সে বহু শাস্ত্রে পাণ্ডিত্য লাভ করিয়াছিলেন । সর্বশাস্ত্রের সাহায্যে তিনি বিষ্ণু ভক্তির সারবত্তা সকলকে বুঝাইয়া দিতেন, তাঁহার ভক্তিময়ী ব্যাখ্যা শ্রবণ করার শক্তি কাহারও ছিল না । তিনি কৃষ্ণ-কথা ভিন্ন অন্য কথা বলিতেন না,—অন্য কথা শুনিতেন না—কৃষ্ণ চিন্তা ভিন্ন মনেও অন্য চিন্তা স্থান দিতেন না । তাঁহার দেহ-মন-ইন্দ্রিয় শ্রীকৃষ্ণ-পদে সমর্পিত হইয়াছিল ।

বিশ্বরূপ অতি প্রত্যাষে গঙ্গা স্নান করিয়া অষ্টৈতাচার্য্যের সভায় বাইতেন । অষ্টৈতাচার্য্য শান্তিপুর নিবাসী হইলেও নবদ্বীপ সহরেও তাঁহার বাড়ী ছিল । তাঁহার বাড়ীতে ভক্তগণ সমবেত হইতেন । বিশ্বরূপ এখানে আসিয়া ভক্তগণ-সমীপে কৃষ্ণ-ভক্তি ব্যাখ্যা করিতেন, আহারের সময় উতরিয়া যাইত, তথাপি তিনি বাড়ীতে ফিরিতেন না । শচীমাতা বিশ্বরূপকে ডাকিয়া আনিবার জন্ত নিমাইকে অষ্টৈত-সভায় পাঠাইতেন ।

অষ্টৈতাচার্য্যের সভাস্থ বৈষ্ণবগণ নিমাইর মুখে অমাহুযিক অণৌকিক দেবতাব দেখিয়া বিমুগ্ধ হইতেন । এমন কি তাঁহাদের কৃষ্ণ-কথা পর্য্যন্ত স্থগিত হইত । নিমাই অপরের নিকট অতীব চাঞ্চল্য প্রকাশ করিতেন । কিন্তু দাদার নিকট অতি নিরীহ—যেন জগতে তেমন শিশু শাস্ত্র বালক আর হইটাই নাই । নিমাই অষ্টৈত-সভায় ধীরে ধীরে দাদার নিকট বাইয়া তাঁহার কাপড় ধরিয়া টানিয়া

বলিতেন “দাদা, এখন বাড়ী চল, মা ডেকেছে, খেয়ে আবার ‘এস’ এখন,—মা তোমার জন্ত ব’সে রয়েছে” ।

এই বলিয়া দাদার কাপড় ধরিয়া দাদাকে টানিয়া লইয়া বাড়ীতে যাইতেন ।

অদ্বৈতাচার্য্য ও এই শিশুটীকে একরূপ চিনিয়া লইয়াছিলেন,—
যথা শ্রীচৈতন্য ভাগবতে :—

মনে মনে চিন্তয়ে অদ্বৈত-মহাশয়

প্রাকৃত মানুষ কভু এ বালক নয় ॥

দাদাকে ডাকিয়া লইবার উপলক্ষে নিমাই শৈশবেই বৈষ্ণব-গণকে দর্শন দিতেন । বিশ্বরূপের হৃদয়ে যদিও সংসারের প্রতি প্রবল বিরক্তি ছিল, কিন্তু মাতা পিতা ও ভ্রাতার প্রতি তাঁহার প্রগাঢ় ভালবাসা ছিল । বিশেষতঃ নিমাইর প্রতি তাঁহার স্নেহের সীমাই ছিল না । কিন্তু তথাপি তাঁহার হৃদয়ে বিন্দুমাত্রও সংসার-বন্ধন ছিল না । শ্রীমন্নুরারি গুপ্ত মহাশয় একটি মাত্র পড়ে বিশ্বরূপের অতি সমুজ্জ্বল চরিত্র ও ছবি আঁকিয়া তুলিয়াছেন, সে পত্রটি এই :—

শ্রীমচ্ছ্রী বিশ্বরূপঃ সকলগুণনিধিঃ ষোড়শাধোহতিশুদ্ধঃ ।

প্রোপাচার্য্যস্বাম্যশ্রবণ-মননতঃ শক্তধীঃ প্রেমভক্তঃ ॥

সর্বজ্ঞঃ সর্বদাহসৌ নর-হরি-চরণাসক্তচিত্তোহতিশুদ্ধঃ ।

শাস্তঃ সন্তোষযুক্তো জগতি ন মতিমান্ বেদবেত্তা রসজ্ঞঃ ॥

অর্থাৎ শ্রীমৎ-বিশ্বরূপ সকল গুণনিধি । উহার বয়স্ বোদ্ধশ-বৎসর । আত্মতত্ত্ব-শ্রবণ-মনন দ্বারা ইনি এই বয়সেই আচার্য্য-পদ

প্রাপ্ত হইয়াছিলেন। ইহার বয়ঃসভাবস্বলভ চাকলা ছিল না।
বিশুদ্ধচিত্ত, সর্বজ্ঞ, হরিচরণাসক্ত, হৃষ্ট, সন্তুষ্ট, সুশান্ত, বেদজ্ঞ, বেদ-
বেত্তা, প্রেমভক্ত ও রসজ্ঞ বিশ্বরূপের বিন্দুমাত্রও সংসারে
আসক্তি ছিল না।

মিশ্র মহাশয় ও শচীদেবী ষোড়শবর্ষে বিশ্বরূপের বিবাহ দিয়া
পুত্রবধু ঘরে আনিবেন বলিয়া মনে করিলেন, বিবাহের প্রস্তাব
হইতে লাগিল। কিন্তু, হায়, এই শুভবিবাহ-প্রস্তাব বিষময় ফলে
পরিণত হইল।

বিশ্বরূপের চিত্ত পূর্বে হইতেই সন্ন্যাসের জন্ত প্রস্তুত
হইতেছিল। বিবাহের কথা শুনিয়া তাঁহার সংসার-বিরক্তির মাত্রা
এত অধিক হইয়া উঠিল, যে তিনি সহসা এক দিবস প্রত্যুষে গৃহ
ত্যাগ করিয়া সন্ন্যাসার্থ বহির্গত হইলেন। শ্রীবৃন্দাবনদাস ঠাকুর
লিখিয়াছেন—

জগতে বিদিত নাম শ্রীশঙ্করারণ্য

চলিলা অনন্ত-পথে বৈষ্ণবাগ্রগণ্য।

জগন্নাথের স্তূপের ঘরে সহসা নিদারুণ শোকের ভীষণ অনল
জ্বলিয়া উঠিল, অষ্টোতাচার্য্যের সভা শ্রমকের বিবাদ-কালিমায়
সম্বাহিত হইল,—চারিদিকে শোকাশ্রয় অবিরাম ধারা বহিতে
লাগিল,—দীর্ঘ নিঃশ্বাসের বিরাম নাই—সর্বত্রই এক কথা—“হায়
বিশ্বরূপ কোথা গেল।” কিন্তু উপায় নাই।—বৃদ্ধ পিতা মাতা
শোক-বিহ্বল হইলেন, বন্ধুবান্ধবগণ সাহসনা দিয়া বলিতে লাগিলেন,
“মিশ্র, আপনি হুঃখ করিবেন না,—আপনার পুত্র সন্ন্যাস করিয়াছে

ইহা অতি ভাগ্যের কথা । যাহার গোষ্ঠীতে কোন ব্যক্তি সন্ন্যাস করেন, সেই বংশের ত্রিকোটিকুলের বৈকুণ্ঠে বাস হয় । ইহা অপেক্ষা মঙ্গলের কথা আর কি হইতে পারে ।”

এই সাক্ষ্যনার কি অমন গুণনিধান পুত্রের বিরহ-শোক শাস্ত হয় ? বৃদ্ধ মিশ্র ও শচীদেবী যদিও শোক-বিহ্বল হইলেন, তথাপি সন্ন্যাসগ্রহণার্থী পুত্রকে বাড়ীতে ফিরাইয়া আনিবার বাসনা আর তাঁহাদের মনে স্থান পাইল না । মিশ্র মহাশয় বিধাতার নিকট সন্ন্যাসার্থী পুত্রের সন্ন্যাস-প্রসক্তিরই প্রার্থনা করিলেন,—যথা শ্রীচৈতন্য-চরিত কাব্যে :—

অযং বয়োনুতনমেব সংশ্রিতো ।

বতাদিশিশ্রায় যতিত্বমেব যং ।

তদা বিধাতঃ করুণা বিধীয়তাং

সদাত্ম ধর্মে নিরতোস্তবেদ্যথা ।

জগন্নাথ শোকবিহ্বল চিত্তে ভগবানের নিকটে বলিলেন—
“হে বিধাতঃ এই বালক অতি অল্পবয়সে কঠোর যতিধর্ম গ্রহণ করিতেছে, তুমি দয়া করিয়া ইহার ধর্মে মতি রাখিও ।”

মিশ্র প্রকৃত পক্ষেই মহাপুরুষ, তাহা না হইলে কি স্বয়ং ভগবান্ তাঁহার পুত্ররূপে অবতীর্ণ হইলেন ।

বিশ্বরূপ সন্ন্যাসগ্রহণ করিয়া তীর্থ-ভ্রমণ করিতে করিতে দক্ষিণ দেশে পাণ্ডুরপুরে উপস্থিত হইলেন । এই তীর্থেই তিনি দেহ রক্ষা করেন । কতিপয় বৎসর পরে সন্ন্যাসগ্রহণান্তর গোবিন্দস্বামীর বখন

এই তীর্থে পদার্পণ করেন, তখন কথা-প্রসঙ্গে মাধবেন্দ্রপুরীর শিষ্য শ্রীরঙ্গপুরী তাঁহাকে এই সংবাদ প্রদান করিয়াছিলেন ।

এদিকে শোকবিহ্বলা জনক-জননীর রোদনে নিমাই বুঝিয়া ছিলেন, তাঁহার স্নেহের অগ্রজ সন্ন্যাস-গ্রহণের জন্ত চির দিনের তরে তাঁহাদিগকে ছাড়িয়া গিয়াছেন, আর তিনি বাড়ীতে ফিরিবেন না, আর তিনি তাঁহাকে দেখিতে পাইবেন না, আর তিনি তাঁহাকে অশ্রুত-সভা হইতে কাপড় ধরিয়া টানিয়া বাড়ীতে আনিবেন না । তাঁহার চাকল্যের জন্ত সকলেই তাঁহাকে শাসন করিতেন, কিন্তু তাঁহার দাদা তাঁহাকে একদিনের জন্তও একটি কটু কথা বলেন নাই, তিনি কত মিষ্ট কথায় তাঁহাকে বুঝাইতেন কত ভালবাসিতেন, দাদার সেই স্নেহমাখা কথা আর তিনি শুনিতে পাইবেন না । এইরূপ ভাবের প্রবাহে নিমাইর হৃদয়ে সহসা ভীষণ শোকের নিদারুণ আশ্রয় জলিয়া উঠিল । নিমাই দাদার জন্ত কান্দিতে কান্দিতে মুচ্ছিত হইয়া পড়িলেন ।

বৃদ্ধ পিতা-মাতা দেখিলেন,—এ আবার এক নূতন বিপদ । তাঁহারা বিশ্বরূপের বিরহ-শোকে চাপা দিয়া নিমাইকে লইয়া ব্যস্ত হইয়া পড়িলেন । বিশ্বরূপের জন্ত একটিবার হাহাকার করার অবসর নাই, একবিশু চোখের জল ফেলিবার উপায় নাই একটুকু দীর্ঘ নিঃশ্বাস ফেলিবার ও যো নাই,—অমনি নিমাই তাহাতে ব্যাকুল ও অধীর হইয়া পড়েন ।

দাদার বিরহে নিমাই একটু আনমনা হইয়া পড়িলেন, চাকল্য অনেক পরিমাণে কমিয়া গেল । পিতামাতা বিশ্বরূপের

শোক মনে চাপা দিয়া নিমাইকে প্রফুল্ল রাখার জন্ত সর্বদা যত্ন করিতে লাগিলেন । নিমাইও সর্বদা তাঁহাদের নিকটে থাকিতেন, বলিতেন, “তোমাদের চিন্তা কি ? দাদা গিয়াছেন, আশ্রিত আছি । আমিই তোমাদের প্রতিপালন করিব ।”

নিমাই খেলা ছাড়িয়া পড়ায় মন দিলেন । শক্তিময় চিত্ত যখন যে দিকে আকৃষ্ট হয়, তখন তাহাতেই মতিয়া পড়ে । নিমাই সর্বশক্তির আধার :—

খেলা সম্বরিয়া প্রভু যত্ন করি পড়ে ।

তিলান্ধেক পুস্তক ছাড়িয়া নাহি নড়ে ॥

একবার বে সূত্র পড়িয়া প্রভু যায় ।

আর বার উলটিয়া সবারে ঠেকায় ॥

অন্তান্ত লোকেরা বলিতে লাগিলেন, মিশ্র আপনায় ভাগ্যের সীমা নাই, কোথাও এমন প্রতিভাবান্ বালক দেখিতে পাওয়া যায় না । যথা—শ্রীচৈতন্যভাগবতে

তুমিতো কৃতার্থ মিশ্র এহেন নন্দনে ।

এমত সুবুদ্ধি শিশু নাহি ত্রিভুবনে ॥

বৃহস্পতি জিনিয়া হইবে অধ্যয়নে ।

শুনিলেই সর্বঅর্থ আপনে বাথানে ।

তান্ কাকি বাথানিতে নারে কোনজনে ॥

কিন্তু মিশ্র মহাশয় এসকল কথা শুনিয়া বিন্দুমাত্রও স্তম্ভিত হইতেন না । বিশ্বরূপের কথা তাঁহার মনে হইত,—বিশ্বরূপ

শাস্ত্র পড়িয়া সংসারের মায়া কাটাইল, নিমাই যদি পণ্ডিত হয়,—সে কি আর ঘরে থাকিবে ?

এই আশঙ্কা করিয়া জগন্নাথ নিমাইর পাঠ বন্ধ করিয়া দিলেন । শচীদেবী ইহাতে আপত্তি করিয়া বলিলেন “এ কি কথা, গুরুকে মূৰ্খ করা হইবে কেন ? থাকে কি করিয়া ?” মিশ্র বলিলেন, “সে ভাবনার ফল কি ? কৃষ্ণ যাহা করেন তাহাই হইবে ।”

কুল বিছা আদি উপলক্ষণ সকল ।

সবারে পোষয়ে কৃষ্ণ, কৃষ্ণ সর্ববল ॥”

“অনায়াসে মরণং বিনা দৈন্তেন জীবনং ।

‘অনারাধিত-গোবিন্দ-চরণস্ত কথং ভবেৎ ॥”

অনায়াসে মরণ,—জীবন দৈন্ত বিনে

কৃষ্ণ সেবিলে সে হয়, নহে বিছাধনে ॥

কৃষ্ণ কৃপাবিনা নহে হৃৎথের মোচন ।

থাকিলে বা বিছা কুল, কোটি কোটি ধন ॥

যার গৃহে আছয়ে সকল উপভোগ ।

তারে কৃষ্ণ দিয়াছেন কোন এক রোগ ॥

কিছু বিলসিতে নারে হৃৎথে পুড়ি মরে ।

যার নাহি—তাহা হইতে হৃৎখী বলি তারে ॥

এই সকল যুক্তি দিয়া মিশ্র শচীদেবীকে একবার নীরব করিলেন ; নিমাইকে ডাকিয়া বলিলেন, “বাবা, আমার দিব্য, আজ হইতে পাঠ বন্ধ কর ।” আর পড়ার প্রয়োজন নাই ।”

এই দিন হুইতে নিমাইর লেখাপড়া বন্ধ হইল। নিমাই পিতৃআদেশ-পালন করিলেন বটে, কিন্তু পাঠ-ভ্যাগের জন্ত মর্শে মর্শে হুঃখিত হইলেন। তাঁহার শক্তিশালি চিন্তা পাঠে ব্যাগৃত থাকিত, কিন্তু এখন আর পাঠ নাই। আবার চাকল্য ও হুটামি প্রবল হইয়া উঠিল—ঘরে বাহিরে ও গঙ্গাতীরে সর্বত্রই আবার নূতন উদ্ভবে নিমাইর উপদ্রব আরম্ভ হইল। জগন্নাথ ইহাতে কিছু বলিতেন না। কিন্তু এই উপদ্রব ও অত্যাচারের কথা লইয়া শচীমাতা নিমাইকে কিছু বলিলে, নিমাই উত্তর করিতেন “মূর্খের যে কাজ,—আমি তাই করি,—আমার অপরাধ কি ? আমার পড়িতে দাওনা কেন ?”

মিশ্র মহাশয়কে সকলেই ওলাহন করিয়া বলিতে লাগিলেন, “আপনি আশঙ্কা করেন কেন, কৃষ্ণের ইচ্ছায় কৰ্ম্ম। ছেলের পড়িতে চায় ; আপনি বাধা দিবেন না।”

মিশ্র মৌনভাবে সন্মতি জানাইলেন। নিমাই আবার পড়িতে লাগিলেন। তাঁহার লেখাপড়ায় একটা বিশেষ ভাব দৃষ্ট হইত। পড়িবার সময়ে তিনি আপন মনে বহুবার “কৃষ্ণ কৃষ্ণ কৃষ্ণ কৃষ্ণ” এইরূপ নাম পাঠ করিতেন। যদি কেহ জিজ্ঞাসা করিতেন “নিমাই এ পাঠ কোথায় ?” নিমাই গভীর ভাবে উত্তর করিতেন,—“সর্বত্রই”—তিনি পাতা ভরিয়া লিখিতেন :—

হরেকৃষ্ণ হরেকৃষ্ণ কৃষ্ণ কৃষ্ণ হরে হরে ।

হরেরাম হরেরাম রাম রাম হরে হরে ॥

উপনয়ন ও অধ্যয়ন ।

নিমাই নবম বর্ষে পদার্পণ করিলেন । যজ্ঞসূত্রের উপযুক্ত সময় হইল । মিশ্র মহাশয় অতি সমারোহের সহিত নিমাইর যজ্ঞোপবীতের আয়োজন করিলেন । শুভক্ষণে যজ্ঞোপবীতের বৈদিক কার্য আরম্ভ হইল । নিমাইর মস্তক মুণ্ডিত হইল, পরিম্নাত কলধৌত-কনক-কাস্তি যেন ব্রহ্মতেজে অধিকতর সমুজ্জ্বল হইয়া উঠিল,—গলদেশে কৃষ্ণাজিনসহ যজ্ঞসূত্র ও মেরুলা,—হস্তে বৈণব ও বিষ্ণুদণ্ড, নয়নযুগল সমুজ্জ্বল,—মুখমণ্ডল জ্যোতির্মান ও লাবণ্যপূর্ণ,—পরিধানে ঝাঁবি-রাগ-রঞ্জিত অরুণ বসন,—যেন সাক্ষাৎ মূর্তিমান তরুণ-ব্রহ্মচর্য্য নিরুপম-রূপে যজ্ঞস্থলে সমাগত,—যেন সাক্ষাৎ বামনদেব যজ্ঞালয়ে উপনীত । জগন্নাথ, নিমাইর কর্ণে সাবিত্রীমন্ত্র প্রদান করামাত্রই নিমাই কি-যেন-কি এক গূঢ়-গভীর ভাবাবেশে অবশ হইয়া গর্জ্জন করিয়া উঠিলেন, পরক্ষণেই আবিষ্টের ন্যায় মূচ্ছিত হইলেন । অনেক যত্নে তাঁহার চেতনা হইল । যদিও আনন্দোৎসব চলিতে লাগিল, কিন্তু শচীদেবী ও মিশ্র মহাশয় এই ব্যাপারে নিরতিশয় শঙ্কিত হইয়া পড়িলেন ।

উপনয়নের পরে মিশ্র মহাশয় তাঁহার শিক্ষার জন্ত স্বেচ্ছাবলম্ব করিয়া দিয়াছিলেন । ব্যাকরণ পাঠ প্রথম প্রয়োজনীয় । এই সময়ে নবদ্বীপে গঙ্গাদাস পণ্ডিতের ছাত্র বৈয়াকরণ অতি অল্পই ছিলেন । শ্রীশ্রীবিষ্ণুভট্ট-দেবের অধ্যয়ন-রুচি বাড়িতে লাগিল ।

তিনি গঙ্গাদাস পণ্ডিতমহোদয়কেই ব্যাকরণের অধ্যাপক-পদে মনে মনে বরণ করিলেন। জগন্নাথ মিশ্রের নিকট আকারে ইঙ্গিতে এই ভাব প্রকাশ করায় তিনি অবিলম্বে তাঁহার টোলে স্বীয় বালককে প্রবিষ্ট করিয়া দিলেন। যথা ত্রীচৈতন্য ভাগবতে :—

নবদ্বীপে আছে অধ্যাপক শিরোমণি।

গঙ্গাদাস পণ্ডিত যেহেন সান্দীপনি ॥

ব্যাকরণ শাস্ত্রের একান্ত তত্ত্ববিৎ।

তাঁহার ঠাঞি পড়িতে শ্রুত সমীহিত ॥

বুঝিলেন পুত্রের ইঙ্গিত মিশ্রবর।

পুত্র সঙ্গে গেলা গঙ্গাদাস বিপ্রধর ॥

শিষ্য দেখি পরন আনন্দে গঙ্গাদাস।

পুত্র প্রায় করিয়া রাখিলা নিজ পাশ ॥

গঙ্গাদাসের টোলে বিশ্বস্তর অদ্ভুত প্রতিভার পরিচয় দিতে লাগিলেন। গঙ্গাদাসের মুখ হইতে কোন ব্যাখ্যা হইতে না হইতেই বিশ্বস্তর উৎফুল্লভাবে বলেন, “ঠিক হয়েছে—বুঝেছি। কিন্তু এই ব্যাখ্যায় একটুকু দোষ আছে, তাহা এইরূপ” এই বলিয়া তাঁহার স্বীয় উক্তি সম্বন্ধে যুক্তি প্রদর্শন করেন। অধ্যাপক নিমাইর উক্তি ও যুক্তি শুনিয়া নিরন্তর হইয়া পড়েন। নিমাই গুরুর ব্যাখ্যা খণ্ডন করিয়া নিজেই সিদ্ধান্ত স্থাপন করেন। গঙ্গাদাস এই ব্যাপারে একেবারে বিস্মিত ও স্তম্ভিত হইলেন। তিনি সহস্র সহস্র ছাত্র পড়াইয়াছেন, ব্যাকরণে তাঁহার ব্যাখ্যায় দোষ দিতে পারে,—তিনি এ পর্য্যন্ত এমন কাহাকেও দেখিতে

পান নাই । কিন্তু বিশ্রমল্লন পাঠ্যরস্তুই অসাধারণ পাণ্ডিত্য
প্রদর্শন করিতে লাগিলেন । অধ্যাপক মহাশয় নিমাইর অমানুষিক
শক্তির পরিচয় পাইয়া মনে মনে বুঝিলেন, যে ইনি নরবেশে
স্বয়ং ভগবান্ নদীয়ার অবতীর্ণ হইয়াছেন । শ্রীচৈতন্য ভাগবতে
লিখিত আছে :—

যত ব্যাখ্যা গজাদাস পণ্ডিত করেন ।

সকল অনিলে মাত্র ঠাকুর ধরেন ॥

গুরুর যতেক ব্যাখ্যা করেন শুণন ।

পুনর্বার সেই ব্যাখ্যা করেন স্থাপন ॥

সহস্র সহস্র শিষ্য পড়ে যত জনে ।

হেন কারো শক্তি নাহি দিবার দুষণে ॥

দেখিয়া অদ্ভুত বুদ্ধি গুরু হরষিত ।

সর্ব শিষ্য শ্রেষ্ঠ করি করিলা পূজিত ৷

যিনি বিজ্ঞা-বুদ্ধি-প্রতিভার শিক্ষা-গুরুকেই বিশ্বিত করিয়া
তুলিয়াছিলেন, সহপাঠীগণ যে তাহার বিচারে কি প্রকারে বিচলিত
হইতেন, তাহা সহজেই বুঝা যাইতে পারে ।

বিজ্ঞানোচনার তরঙ্গ সিংহুর তরঙ্গের জায় নিরন্তর নিমাইর
হৃদয়ে উথলিয়া উঠিতে লাগিল । যেখানে-সেখানে যাহার তাহার
সহিত তিনি বিজ্ঞানকলহে প্রবৃত্ত হইতেন । গজাঘাটে গিয়াও
তিনি কাহাকে এই বিজ্ঞানবুদ্ধি ছাড়িয়া দিতেন না । এক ঘাট
হইতে অপর ঘাটে যাইয়া ছেলেদের সহিত শাস্ত্রকলহ করিতে
প্রবৃত্ত হইতেন :—

পরম চকল প্রভু বিশ্বস্তর যার ।
 এই মত প্রভু প্রতি ঘাটে ঘাটে যার ॥
 প্রতি ঘাটে পড়ুয়ার অন্ত নাহি পাই ।
 ঠাকুর কলহ করে প্রতি ঠাঞি ঠাঞি ॥
 প্রতি ঘাটে ঘাটে যার গঙ্গায় সাঁতারি ।
 এক ঘাটে দুই চারি দণ্ড ক্রীড়া করি ॥

বিশ্বস্তর কলাপ-ব্যাকরণ পাঠ করিতেন ; গঙ্গাঘাটে এই কলাপ ব্যাকরণের বৃত্তিপঞ্জী ও টীকার বিচার লইয়া যথেষ্ট দক্ষতা প্রদর্শন করিতেন । ইহার উপর তিনি তাঁহার স্বকীয় প্রতিভারও যথেষ্ট পরিচয় দিয়া উচ্চ শ্রেণীর পড়ুয়াগণকে বিস্মিত করিয়া ফেলিতেন । যথা :—

যত যত প্রামাণিক পড়ুয়ার গণ ।
 তারা বোলে কলহ করহ কি কারণ ॥
 জিজ্ঞাসা করহ বুঝি কার কোন বুদ্ধি ।
 বৃত্তি পঞ্জী টীকার কে জানে দেখি শুদ্ধি ॥”

বিশ্বস্তর বলিলেন, “অপরের বৃত্তি টীকা পঞ্জীর প্রয়োজন কি ? দেখ না আমি নিজেই সূত্রের ব্যাখ্যা করিতেছি ।” তাঁহার ব্যাখ্যা শুনিয়া উচ্চ শ্রেণীর ছাত্রগণ সন্তুষ্ট হইলেন, বলিলেন “তোমার ব্যাখ্যা অতি সুন্দর । এরূপ সুন্দর ব্যাখ্যা আমরা আর কখনও শুনি নাই ।”

গঙ্গাঘাটে পণ্ডিত ও ছাত্রগণ অবাক হইয়া তাঁহার সুধের

দিকে চাহিয়া রহিলেন । মুখখানি হাসিমাখা, কথাগুলি মধুর, ভাষা বালকের স্তায় সরল, কিন্তু ভাব অতি গভীর ।

বিশ্বস্তর হাসিয়া বলিলেন, “এই ব্যাখ্যাকেই তোমরা ভাল বলিতেছ ? এষে কিছুই হয় নাই, উহাতে কত দোষ আছে,”—এই বলিয়া গভীর পাণ্ডিত্য সহকরে নিজের ব্যাখ্যা নিজেই খণ্ডন করিতে লাগিলেন । বিশ্বস্তরের পর বিশ্বস্তর আসিয়া শ্রোতা পণ্ডিত ও ছাত্রগণের হৃদয় জুড়িয়া বসিতে লাগিল ! বিশ্বস্তর বলিলেন, “আমার ব্যাখ্যা যে দূষিত হইয়াছে, বুঝিলে তো । তোমরা এখন উহার ভাল ব্যাখ্যা কর ।”

একথা শুনিয়া সকলেই নীরব, একে অপরের মুখের দিকে চাহিয়া হাসিতে লাগিলেন । বিশ্বস্তর বলিলেন, “যখন ব্যাখ্যা খণ্ডন করিলাম, তখন অগত্যা আমিই স্থাপনের জন্ত দায়ী । তবে এইবার ভালরূপে সূত্র ব্যাখ্যা করিতেছি, দেখেদেখি কেমন হয় ।” এই বলিয়া বালক হাসিতে হাসিতে গুরু-গভীর ভাবে আবার ব্যাখ্যা করিতে প্রবৃত্ত হইলেন ।

চারিদিকে অসম্ভা পণ্ডিত লোক দাঁড়াইয়া বালকের অদ্ভুত বিচার-শক্তি ও শাস্ত্র-জ্ঞানের পরাকাষ্ঠা দেখিয়া স্তম্ভিত হইয়া গেলেন । বালকের নয়নে অপূৰ্ণ প্রতিভা বিস্ফারিত হইতে ছিল, কপাল হইতে অদ্ভুত জ্যোতি রিকীর্ণ হইয়া দর্শক মাত্রেয় দৃষ্টি আকর্ষিত করিয়াছিল ! অতি বৃদ্ধ পণ্ডিতগণও বলিতেছিলেন “গঙ্গাদাস পণ্ডিত অতি ধন্ত । তাঁহার এ ছাত্রতো মানুষ নয়—এষে

সাক্ষাৎ বৃহস্পতি । এই বয়সে ও এই পড়াতেই এই ! এমন পণ্ডিত বোধ হয় সমগ্র নদীয়াতেও নেই ।”

ব্যাখ্যা করিতে করিতেই নিমাইর বাল-স্বভাব-স্বলভ চাকল্যের উদয় হইল, তখন তিনি হাসিতে হাসিতে সহপাঠীদিগের চক্ষে জলের বাপটা মারিয়া বাপাইয়া গঙ্গায় পড়িলেন । শাস্ত্রবুদ্ধে যেমন তাঁহার সহিত সকলেই অপারগ ছিলেন, জলবুদ্ধেও সেইরূপ তাঁহার সহিত কেহ আটিয়া উঠিতে পারিত না । তিনি একক তাঁহা অপেক্ষা অধিক বয়স্ক শত শত বালককে জল ছিটাইয়া পরাস্ত করিয়া দিতেন ।

সম্ভরণে কেহই তাঁহার সমকক্ষ ছিল না । তিনি অসাধারণ সম্ভরণ-পটুতা প্রদর্শন করিতেন । গঙ্গায় তিনি এত বেগে সম্ভরণ করিতেন, তাঁহার মুখের দিকে যাহারা তাকাইয়া থাকিত, তাহারা মনে করিত,—গঙ্গায় যেন শত শত সোণার কমল এক শ্রেণীতে ফুটিয়া চলিয়াছে । এইরূপ বহুবার তিনি গঙ্গায় এক পার হইতে অপর পারে সীতার দিয়া যাইতেন । তাঁহার জায় ক্রান্ত সম্ভরণপটু আর কেহ ছিল না ।

২

জগন্নাথ মিশ্র পুত্রের সৌন্দর্য্য-মাধুর্য্য এবং অধ্যয়ন-নিপুণতা দেখিয়া মুগ্ধ হইতেন, মনে করিতেন, শ্রীভগবান্ কি তাঁহার এই সৌভাগ্য বজায় রাখিবেন । তিনি কাতর প্রাণে প্রার্থনা করিতেন :—

আমি তোম দাস প্রভু বতেক আমার ।

রাখিবা আপনি তুমি সকলি তোমার ॥

ফলতঃ নিমাইর অধ্যয়ন-বৃত্ত ও অঙ্গ-সৌন্দর্য্য দেখিয়া তাঁহার মনে সততই অন্তত চিন্তার উদয় হইত । একদিন তিনি স্বপ্নে দেখিলেন,—নিমাই শিখা-মুণ্ডন করিয়া কোপীন পরিয়াছেন, তাঁহার প্রাণের ধন, সোণার গৌরাক্ষ সন্ন্যাসী হইয়াছেন, আর কৃষ্ণ-নামে উন্নত হইয়াছেন । অষ্টোতাচার্য্যাদি তাঁহাকে বেড়িয়া নৃত্য করিতেছেন, নিমাই বিকৃত্যটায় বসিয়া সকলের মস্তকে পদার্পণ করিতেছেন, তাঁহার চরণ পাইয়া সকলেই কৃতার্থ হইতেছেন । কোটি কোটি লোক লইয়া নিমাই নগরে নগরে নাচিয়া নাচিয়া হরিনাম-কীর্ত্তন করিতেছেন । কেবল বাহুঘ নয়—দেবতাগণও এই মহা-সকীর্ত্তনে যোগদান করিয়া নিমাইর স্তুতি করিতেছেন :—

চতুর্মুখ পঞ্চমুখ সহস্র বদন ।

সভেই গায়েন জয় “শ্রীশচীনন্দন” ॥

কতক্ষেপে দেখি কোটি কোটি লোক লঞা ।

নিমাই বলেন প্রতি নগরে নাচিয়া ॥

লক্ষ কোটি লোক নিমাইর পাছে ধায় ।

ব্রহ্মাণ্ড স্পর্শিয়া সবে হরিশ্রবণি গায় ॥

এই স্বপ্ন দেখিয়া মিশ্রের আশঙ্কা অত্যন্ত বাড়িয়া উঠিল—
এমন কি তাঁহার হৃদয় ভাঙ্গিয়া গেল ।

দিবানিশি তাঁহার মনে কেবলই পুত্রের ভাবনা । এই হৃচ্চিন্তায় তাঁহার আর স্বাস্থ্য রহিল না । একদিন সহসা জগন্নাথ মিশ্র

শ্রীনিমাইর মুখচন্দ্র দেখিতে দেখিতে নয়নজলে বদন ভাসাইয়া গোবিন্দ নাম করিতে করিতে শচীদেবী ও নিমাইকে রাখিয়া দেহ-ত্যাগ করিলেন ।

পিতৃ-বিরোগে শ্রীনিমাই অধীর হইয়া পড়িলেন, সেই নিদারুণ শোকে শচীদেবীর যে দশা হইল, তাহা বর্ণনা করা বাহুল্যমাত্র । তিনি নিমাইর মুখের দিকে চাহিয়া কোনরূপে জীবন রক্ষা করিলেন । নিমাই রুক্ষা মাতাকে বলিতেন, “না তোনার ভাবনা কি ? আমি আছি । আমি তোমাকে প্রতিপালন করিব ।”

ব্রহ্মা মহেশ্বর যে দুর্লভ লোকে বলে ।

তাহা আমি তোমারে আনিয়া দিব হেলে ॥ .

শচী আনন্দময় নিমাইর মুখের দিকে চাহিয়া আনন্দ লাভ করিতেন ।

নিমাই আশ্রয় পাঠে মন দিলেন । তিনি পড়ুয়াদের সহিত শাস্ত্রালোচনা করিতেন, বিদ্যাবুদ্ধে জয়ী হইতেন, তাঁহার অলৌকিক প্রতিভায় সকলেই বিস্মিত হইত, কিন্তু গঙ্গানানান্তে নিমাই আর কাহারও মুখপানে তাকাইতেন না । ভক্তিবিগলিতচিত্তে তিনি গঙ্গাঘাটে বসিয়া সন্ধ্যা-বন্দনা করিতেন, আর গঙ্গাপূজা করিতেন, বাটীতে ফিরিয়া আসিয়া বিষ্ণুপূজা করিতেন, তুলসী দেবীকে জল দিতেন, এবং ভোজন করিয়া পাঠগ্রন্থ লইয়া নির্জনে বসিতেন, ব্যাকরণের সূত্র টিপ্সনৌ লিখিতেন, যথা শ্রীচৈতন্য ভাগবতে :—

করি বহুবিধ ক্রীড়া জাহ্নবীর জলে ।

গৃহে আইলেন গৌরচন্দ্র কুতূহলে ॥

যথাবিধি করি প্রভু শ্রীবিষ্ণু-পূজন ।

তুলসীয়ে জল দিয়া করেন ভোজন ॥

ভোজন করিয়া মাত্র প্রভু সেই ক্ষণে ।

পুস্তক লইয়া গিয়া বসেন নির্জনে ॥

আপনি করেন প্রভু সূত্রের টিপ্পনী ।

ভুলিলা পুস্তক-রসে সৰ্বদেবমণি ॥

এইরূপে গৌরাঙ্গসুন্দর প্রতিদিন গঙ্গাপূজা করিতেন, বাড়ী হইতে গঙ্গাপূজার সাজসজ্জা লইয়া যাইতেন । কিন্তু একদিন ইহা লইয়া বড়ই গোল বাধিয়াছিল । ঘটনা এইরূপ :—

শচীদেবী পিতৃহীন বালকটাকে লইয়া বৃদ্ধ বয়সে কোনরূপে দিনযাপন করিতেছেন, ভাবিতে বসিলে তাঁহার চুঃখের পার নাই । একে একে সকলগুলি জঠরের ধনই তাঁহার কোল শূন্য করিয়া চলিয়া গিয়াছে । প্রিয়তম জ্যেষ্ঠপুত্র নিরুদ্দেশ । নারী জীবনের একমাত্র সম্বল,—পতি, তিনিও পরলোকে । পুত্র নিমাই চঞ্চল, একবারেই পাগলের মত । ডাকিয়া জিজ্ঞাসা করে, সংসারে এমন কেহ নাই । ঘরে নারায়ণ । পুত্রটা তাঁহাকে জল তুলসী দেয়, কোন প্রকারে উহার ভোগের আয়োজন করিয়া ভোগান্তে মাতা ও পুত্র প্রসাদ পান । ঘরে আর দ্বিতীয় লোক নাই ! সাম্বিক প্রকৃতি জগন্নাথ ধন-সঞ্চয় করেন নাই । কোন প্রকারে বৃদ্ধা দেবীর দিন গুজরণ হইত । কিন্তু পুত্রটির যুখের দিকে চাহিয়া তিনি সকল দুঃখ ভুলিতেন । নিমাই চখের আড়াল হইলেই শচী পলকে প্রেলয় গণিতেন, চারিদিক অন্ধকার দেখিতেন । আবার পুত্রের চাঁদমুখ

দেখিলেই তাঁহার হৃদয় আনন্দে ভাসিয়া যাইত। বিষ্ণুখন্ডার নারায়ণ, এবং অঞ্চলের ধন,—অঙ্কের নয়ন,—পুত্রটাকে লইয়া বৃদ্ধা শচীদেবী এক প্রকারে দিন অতিবাহিত করিতেন।

পিতৃহীন বালক সময়ে অসময়ে বুঝিয়া না বুঝিয়া, ঘরে কিছু থাকুক আর না থাকুক, এক এক সময়ে আকারের ঝোঁক তুলিতেন, তখন বৃদ্ধা মাতাকে কিরূপ বিব্রত হইতে হইত, তাহা সহজেই বুঝা যায়। কিন্তু বৃদ্ধা মাতা তাহাতে ক্লেশ মনে করিতেন না। তিনি প্রকুল্লমনে সকল আদারই সহ্য করিতেন।

৩

একদিন নিমাই গঙ্গান্নানে যাইবার সময়ে বলিলেন,—“মা আমি গঙ্গাপূজার আজ স্নগন্ধি ফুলের মালা ও স্নগন্ধি চন্দন দিব। আমার মালা চন্দন দাও।”

মা বলিলেন—“বাপ, একটু অপেক্ষা কর, আমি মালা আনিয়া দিচ্ছি।” এই অপেক্ষা আর সহিল না। নিমাই একবারেই রোজ রূসে মাতিয়া উঠিলেন, বলিলেন “তুমি এখন মালা আনিতে যাইবে, আচ্ছা তবে দেখ।”

এই বলিয়া ঘরে প্রবেশ করিলেন, প্রথমে গঙ্গাজলের হাক্কি-গুলিকে একে একে হৃৎদাপ করিয়া ভাঙ্গিয়া কেলিতে লাগিলেন, যত জলময় হইয়া উঠিল, ভাঙ্গা কানা সমস্ত ঘরে বিকীর্ণ হইয়া গেল। তারপরে হাতে এক ঠেলা লইয়া যে সকল পাঞ্জে তৈল ঘৃত ও লবণাদি দ্রব্য ছিল, একে একে সে সকল ভাঙ্গিয়া চুরমার করিয়া

দিলেন, একটি মৃৎপাত্রও আস্ত রাখিলেন না । তৈল, ঘৃত, হৃৎ-
ক্রোতের ন্যায় বহিয়া চলিল । চাউল, কার্পাস, ধান, লবণ, বড়ী
মুগ যেখানে যাহা ছিল, সকল ছড়াইয়া ফেলিলেন । অবশেষে
শিকাগুলি টানিয়া ছিড়িয়া ফেলিলেন, এমন কি পরিধের বস্ত্র-
গুলিকে ছিন্ন বিচ্ছিন্ন করিয়া ফেলিতে লাগিলেন ।

ইহার পরে দেখিলেন নষ্ট করার আর কিছু অবশিষ্ট নাই ।
তখন ছই হাতে ঠেকা লইয়া অচেতন গৃহখানির উপরে ক্রোধের
বেগ দেখাইতে লাগিলেন । ইহাতেও ক্রোধের শাস্তি হইল না,
ঘরের বাহির হইয়া বৃক্ষগুলিকে ছই হাতে ঠেকা মারিতে মারিতে
অবশেষে মাটির উপরে ঠেকার আঘাত করিতে লাগিলেন । কিন্তু
এত ক্রোধের মধ্যেও ধর্মসংস্থাপক নিমাই জননীকে কিছুই বলি-
লেন না । বৃক্ষমাতা সশঙ্কচিত্তে দাঁড়াইয়া বালকের মহাকুন্দলীলা
প্রত্যক্ষ করিতেছিলেন । কিন্তু মায়ের দিকে একটা অঙ্গুলিও
উত্তোষিত হইল না । অবশেষে তিনি অঙ্গনে মাটিতে পড়িয়া গড়া-
গড়ি দিতে লাগিলেন, এবং নিস্তরু ভাবে নিদ্রিতের ন্যায় শাস্তভাবে
মাটিতে পড়িয়া রহিলেন ।

শচীদেবী অতি ব্যস্তভাবে মালা আনাইয়া বলিলেন—“বাপু,
এই লও মালা,—এখন উঠ, গঙ্গা পূজা করগে বাপু । দ্রব্যজাত
ভেঙ্গেছ, বেশ করেছ, ওসব তোমার বালাই লইয়া বাউক ।”

নিমাই উঠিলেন, লজ্জার মায়ের দিকে ত্রাল করিয়া চাহিতে
পারিলেন না । কিন্তু সে লজ্জা-মাথা ও ধূলিমাথা মুখখানি মূহু মধুর
হাসির কারণে যে সুন্দর সমুজ্জল হইয়া উঠিয়াছিল, শচীদেবী তাহা

দেখিয়া বিস্ময় হইয়া পড়িলেন—ইচ্ছা ছেলেটাকে একবার কোলে লইয়া চাঁদবদনে চুম্বন করেন, নিমাই বালা লইয়া সবেগে গঙ্গাঘাটের দিকে ছুটিয়া চলিলেন । তিনি মনের সাথে ভক্তিস্বরে স্বন্দর মালায় গঙ্গাপূজা করিলেন, দুই হাত জুড়িয়া গঙ্গাদেবীকে প্রণাম করিয়া নিমাই ঘরে ফিরিলেন । যখন নিমাই সন্ধ্যাস লইয়া নীলাচলে গিয়া ছিলেন, তখনও তাঁহার এই গঙ্গাভক্তি হৃদয়ে জাগরুক ছিল । তিনি জননী ও জাহ্নবী দর্শন করার জন্য সময়ে সময়ে ব্যাকুল হইতেন । তিনি আরও বলিতেন দারুশ্রদ্ধ ও দ্রবশ্রদ্ধ এই দুইই কলির জীবের নিস্তারের উপায় ।

কালিন্দীতটে যিনি রাখালপণের সহিত গোচারণ করিতেন, বাঁশী বাজাইতেন, খেলা করিয়া বেড়াইতেন, শিখিপুচ্ছের চুড়া মাথায় দিয়া বস্ত্রকূলে ভূষিত হইতেন, ধরা পড়িতেন, অন্ন বৈজ্ঞানিকের প্রধান কার্য্য,—গো-রক্ষা করিতেন ; এখন সেই তিনি,—গঙ্গাতটে ব্রাহ্মণ কুমার, টোলের ছাত্র, বিজ্ঞানসে প্রমত্ত ।

এখানে বৃন্দাবনের সে ধরণের উদ্দানভাব নাই, সেই দধি-ছানার দেশে, সেই সুকোমল কুসুমদামপূর্ণ লতাকুঞ্জের দেশে রাখাল সখাদের সাথে যে আনন্দ-লীলা হইত, নদীয়ার সেই আনন্দ-উদ্দাম অজ্ঞভাবে প্রকাশ পাইতে লাগিল । নবদীপ তখন বিবিধ বিজ্ঞান সমুজ্জ্বল কেন্দ্র । এখানকার গো-রক্ষকেরাও তখন হাতের পাচন কেলিয়া রাখিয়া টোলের পাশে দাঁড়াইয়া ভট্টাচার্য্যদের বিচার

তনিত্তে প্রস্তুত থাকিত, বুকু আর না বুকু তাঁহাদের হাতনাড়া, মুখনাড়া ও টিকীনাড়া দেখিয়া এক প্রকার নির্দোষ আনন্দ উপভোগ করিত ।

ব্রাহ্মণ কায়স্থ বৈষ্ণব সকলেই তখন লেখাপড়া শিখিতেন । নবদ্বীপে পঠন-পাঠনের প্রচলন তখন অত্যন্ত বেশী ছিল । এই অবস্থায় বিশিষ্ট ব্রাহ্মণবংশ জন্মপরিগ্রহ করিয়া বৃন্দাবনের গোপেন্দ্র-নন্দনকেও যে দেশে কালের উপযোগী অধ্যয়ন-শ্রমে প্রবৃত্ত হইতে হইবে, ইহাতে আর বিস্তারিত বিবরণ কি ? কিন্তু প্রতিভাবান্ বালক কিছুতেই পশ্চাত্তাপ হইবার নহেন । বৃন্দাবনের বনে তিনি কেবল যে বেণু বাজাইয়া দেখু লইয়া থাকিতেন, তাহা নহে । বৈষ্ণৱাজপুত গোপেন্দ্রনন্দন দেখু লইয়া দানব-যুদ্ধে প্রবৃত্ত হইতেন এবং বালক বয়সে কংস-প্রেরিত বহুল দৈত্যের প্রাণসংহার করিতেন । এখানে সেই সামরিক প্রবৃত্তি ও জিগীষা অপর আকার ধারণ করিয়াছিল ।

শ্রীশচীনন্দন বিদ্যারসে প্রবৃত্ত হইয়া নিরন্তর প্রতিদ্বন্দী খুঁজিতে লাগিলেন, তাঁহার আটোপটকারে ছাত্র ও প্রবীণ অধ্যাপক-গণ ভয়ে ভয়ে দূরে দূরে থাকিতেন, পাছে বা নিমাইর নিকট বিদ্যা-বিচারে অপদস্থ হইবেন । এই ঘটনার ঈষৎ আভাস শ্রীমদ্ বৃন্দাবনদাস ঠাকুর নিম্নলিখিত পদ্যে বর্ণনা করিয়াছেন :—

হেনমতে নবদ্বীপে শ্রীগোরসুন্দর ।

রাজি দিনে বিদ্যারসে নাহি অবসর ॥

উষাকালে শঙ্ক্য করি জিদশের নাথ ।

পড়িতে চলেন সর্ব শিষ্যগণ সাথ ॥

উপনয়ন ও অধ্যয়ন ।

আসিয়া বৈসেন গঙ্গাদাসের সভায় ।

পক্ষ প্রতাপক্ষ প্রভু করেন সদায় ॥

মহাপ্রভু বাল্যেও স্বীয় প্রভুত্ব প্রদর্শন করিতেন । তিনি বাঁহাদের জন্ত আসিয়াছেন, বাঁহারা তাঁহাকে আনিয়াছেন, অবতারিত করিয়াছেন,—তাঁহারা তাঁহাকে চিনিয়া লউক—এই দয়া বাল্য হইতেই আরম্ভ হইয়াছিল । ছাত্রমণ্ডলীর মধ্যে বাঁহারা তাঁহার নিকট ব্যাখ্যা দি শ্রবণ না করিত, তিনি তাহাদিগকে অপ্রতিভ করিয়া ছাড়িয়া দিতেন ।

এই বিষয়ে মুরারি গুপ্ত তাঁহার অধিকতর অনুগ্রহভাজন হইয়াছিলেন । পরবর্তীকালে এই মুরারি গুপ্তই সর্বপ্রথমে স্তম্ভুর ভাষায় তাঁহার লীলাগ্রন্থ লিপিবদ্ধ করেন । মুরারি গুপ্ত বয়সে শ্রীগোবিন্দের অনেক বড় ছিলেন, এবং শ্রীগোবিন্দের পাঠ্যশাস্ত্রের বহু বৎসর পূর্বে হইতে তিনি অধ্যয়নে প্রবৃত্ত ছিলেন । কিন্তু নিনাইটাদের ইচ্ছা, মুরারিকে তিনি কৃপা করিবেন, মুরারিকে আপন জন করিয়া লইবেন, মুরারিকে দাসামুদাস করিয়া শ্রীপাদপদ্মে স্থান দিবেন । কিন্তু মুরারি তাহা প্রথমে বুঝিতে পারেন নাই, নিমাই যে কি বস্তু মুরারির সে ধারণা তখনও জন্মে নাই । কিন্তু দয়াল প্রভু ভক্ত ছাড়িবার পাত্র নহেন । অধ্যয়নকালেই তিনি মুরারিকে পাইয়া বসিলেন । মুরারি তাঁহার নিকট পাঠ বুঝিয়া লইতে আসেন না, আসিবেন বা কেন,—তিনি গঙ্গাদাস আচার্যের টোলের প্রাচীন পড়ুয়া । নিমাইর জন্মের পূর্বে হইতে

তিনি পড়িতেছেন, নিমাইর নিকট তিনি পাঠ জিজ্ঞাসিতে আসিবেন কেন ? আত্ম-সম্বন্ধ-বোধ কাহারই বা না আছে ?

একদিন গঙ্গাদাস পণ্ডিতের টোলে নূতন পুরাতন সকল ছাত্রই উপস্থিত । শ্রীগৌরানন্দসুন্দর যোগপট্টছান্দে বস্ত্র বাঁধিয়া বীরাসন করিয়া তথায় উপবিষ্ট হইলেন । বয়স তখন ১৬ বৎসর মাত্র । কপালে চন্দনের উর্দ্ধ তিলক, দন্তগুলি মুক্তার তায় বক্ৰবকে, সুন্দর নয়ন হইতে যেন প্রতিভার কিরণমালা প্রবাহিত হইতেছে । তিনি রাজাধিরাজের তায় উপবিষ্ট ; মুরারি গুপ্তও সেইখানে উপস্থিত । অপর অপর ছাত্রগণ উহার নিকট পাঠাদি বুঝিয়া লইলেন । মুরারি গুপ্ত নিজের পুঁথি হাতে লইয়া গভীর ভাবে একদিকে বসিয়া রহিয়াছেন, আর পাঠ চিন্তা করিতেছেন । তিনি আর কাহার নিকট পাঠ চিন্তিবেন ? কেননা, তিনি এখানকার প্রবীণ ও প্রাচীন ছাত্র ।

অন্তর্যামী প্রভু মুরারির অন্তরের ভাব বুঝিয়া তাঁহাকে শুনাইয়া শুনাইয়া বলিতে লাগিলেন :—

—ইথে আছে কোন বড় জন ।

আসিয়া থণ্ডুক দেখি আমার স্থাপন ॥

সন্ধি কার্য না জানিয়া কোন কোন জন ।

আপনি চিন্তয়ে পুঁথি প্রবোধে আপন ।

অহঙ্কার করি লোক ভাল মূর্থ হয় ।

যেবা জানে তাঁর ঠাকুর পুঁথি না চিন্তয় ॥

উপনয়ন ও অধ্যয়ন ।

মুরারি গুপ্ত প্রভুর প্রত্যেকটা বাক্য আপন মনে মনে মন দিয়া শুনিলেন, কিন্তু কোনও কথার উত্তর না করিয়া নীরবে যেন প্রহ-
ছত্র দেখিতে লাগিলেন । যথা ক্রীতচৈতন্ত্যভাগবতে :—

প্রভু বলে বৈরা তুমি ইহা কেন পড় ।
লতাপাতা নিঞা আগে রোগী কর দড় ॥
ব্যাকরণ শাস্ত্র এই বিষয়ের অবধি ।
কক্ষপিত্ত অজ্ঞান ব্যবস্থা নাহি ইথি ॥
মনে মনে চিন্তি তুমি কি বুঝিবে ইহা ।
বরে যাহ তুমি রোগী দড় কর গিয়া ॥

মুরারি গুপ্ত নবদ্বীপে তখন একজন সুশিক্ষিত ছাত্র ।• মুরারির
প্রতিভার ও বিজ্ঞাবত্তার অন্ত্যন্ত ছাত্রগণ, এমন কি অধ্যাপকগণ
পর্যন্ত বিস্মিত হইতেন । বালক নিমাইর মুখে এইরূপ কথা
শুনিয়া মুরারি মনে মনে অত্যন্ত ক্রুদ্ধ হইলেন । কিন্তু তাঁহার
মুখেরদিকে চাহিয়া সে ক্রোধ রহিল না । তিনি তাঁহার নরনে
এক অমাহুধিক প্রতিভা-জ্যোতি দেখিয়া মাথা তুলিয়া আবার
অবনত হইলেন,—বলিলেন, “তুমি আমাকে কোন কথা জিজ্ঞাসা
না করিয়াই এরূপ বলিতেছ কেন, তুমি জাতিতে ব্রাহ্মণ,—কি আর
বলিব ?”

তখন নিমাই ও মুরারিতে শাস্ত্রব্যাখ্যা হইতে লাগিল ।
মুরারি অতি পাণ্ডিত্য সহকারে তাঁহার বিজ্ঞার পরিচয় দিতে
লাগিলেন, নিমাই অতি সঙ্কট হইয়া তাঁহার দেহে পন্নহস্ত প্রদান

করিলেন, করস্পর্শে মুরারির দেহ আনন্দময় হইয়া উঠিল । মুরারি তাহাতে একবারে অভিভূত হইগেলেন, তখন বুঝিলেন—ইনি প্রকৃত মাহুষ নহেন । সুতরাং ইহার নিকট পাঠব্যাত্ম্য গ্রহণ করার লজ্জার বিষয় নাই ।

এরূপ শাস্ত্র বিচার করিতে করিতে প্রভু ও পড়ুয়াগণ স্নানার্থে জাহ্নবীতটে চলিলেন । প্রসন্নসলিলা ভগবতী ভাগীরথীর পুণ্যতটে আবার শাস্ত্রপর্যালোচনা আরম্ভ হইল । এবার মুরারি পড়ুয়া মাত্রকেই বুঝাইলেন যে, বালক শচীনন্দন মাহুষ নহেন—স্বয়ং ভগবান্,—এখানে নররূপে অবতীর্ণ ।

প্রবীণ মুরারির কথায় ছাত্র ও পাণ্ডিতগণ মুগ্ধনেত্রে শ্রীগৌরান্দের প্রতিভা-সমুজ্জ্বল অনন্ত মাধুর্য্যের খনি,—মুখখানির দিকে স্তম্ভিতভাবে চাহিয়া রহিলেন । শ্রীগৌরান্ধ ভুবন-ভুলান হাসির ছটায় সকলকে লইয়া গঙ্গাগর্ভে অবগাহন করিলেন । ভাগীরথীর মনের সাধ এইরূপে প্রায় প্রতিদিনই সফল হইত । নিমাই দিনযামিনী শাস্ত্রচর্চায় বিভোর থাকিতেন —

কিবা স্নানে কি ভোজনে কিবা পর্য্যটনে ।

নাহিক প্রভুর আর চেষ্টা শাস্ত্র বিনে ॥

নিমাইর অসাধারণ পাণ্ডিত্যে সকলেই বিস্মিত হইতেন ।



অধ্যাপক ও অধ্যাপনা

১

ষোড়শবর্ষেই নিমাইর অধ্যয়ন শেষ হইল। এই সময়ে শ্রীমদ্
বল্লাভাচার্য্য তদীয় কন্যা স্বয়ং শ্রীশ্রীলক্ষ্মীদেবীকে উদ্বাহ-স্থত্রে নিমাই
পণ্ডিতের শ্রীকরকমলে সনর্পণ করিলেন। অতীব সমারোহে শুভ-
বিবাহ-ব্যাপার সুসম্পন্ন হইল। এবার শচীনাতার গৃহে শ্রীশ্রীলক্ষ্মী
দেবীর সনাগমে গৃহ আনন্দময় হইয়া উঠিল। লোকে এবার প্রকৃত
পক্ষেই দেখিতে পাইল, শচীর গৃহে—স্বয়ং লক্ষ্মী-নারায়ণ।

রুদ্ধ শচীনাতা, সুপণ্ডিত পুত্রও প্রত্যক্ষ লক্ষ্মী বধূ নাতাকে পাইয়া
যথেষ্ট আনন্দ লাভ করিলেন। ক্রমে নিমাইর পাণ্ডিত্যপ্রতিভার
গৌরব দেশ বিদেশে বিস্তৃত হইয়া পড়িল। অধ্যয়নাধিগণ্য দলে
দলে নিমাই পণ্ডিতের নিকট অধ্যয়ন করার জন্ত সমাগত হইলেন।
মুকুন্দ-সঞ্জয় নামক জনৈক ভাগ্যবান ব্যক্তি তখন নবদ্বীপে বাস
করিতেন। তাঁহার অবস্থা ভাল ছিল—বাড়ীতে অনেক ঘর ছিল।
তাঁহার চণ্ডীমণ্ডপের স্থায় প্রসরতর চণ্ডীমণ্ডপ আর কাহারও ছিল
না। মুকুন্দ-সঞ্জয়ের একটি পুত্র ছিল। মুকুন্দ-সঞ্জয় অতীব ভক্তি
সহকারে নিমাই পণ্ডিতের শ্রীচরণে নিজের পুত্রটিকে সমর্পণ করিয়া
দিয়া বলিলেন—“আমার এই সুপ্রসর চণ্ডীমণ্ডপ আপনার চতুষ্পাঠীর
জন্ত ছাড়িয়া দিলাম। দেশ বিদেশ হইতে অধ্যয়নার্থীরা আপনার

নিকট আসিতেছে, এই খানে চতুষ্পাঠী করুন আমার বালকটাকে দয়া করিয়া কিঞ্চিৎ বিদ্যাদান করুন ।”

নিমাই পণ্ডিত আগ্রহের সহিত এ প্রস্তাবে সম্মত হইলেন । মুকুন্দ-সঙ্কয়ের চণ্ডীমণ্ডপ তখনই ছাত্রগণ দ্বারা পরিপূরিত হইল এবং তাঁহাদের অধ্যয়ন-রবে মুখরিত হইয়া উঠিল । যদিও এই স্থানে প্রধানতঃ কলাপ ব্যাকরণেরই অধিকতর চর্চা হইত, কিন্তু সকলেরই বিশ্বাস ছিল,—নিমাই পণ্ডিত সর্ব শাস্ত্রেই সুপণ্ডিত । নিমাই বিদ্যা-যুদ্ধে কাহাকেও ছাড়িতেন না । দর্পহারী ভগবান্ সকলেরই বিদ্যা-দর্প চূর্ণ করিতেন । পণ্ডিত মাত্রেই নিমাই পণ্ডিতকে দেখিলে ভীত-ভীত ভাবে সরিয়া পড়িতেন—পাছে বা নিমাই তাঁহাকে অপ্রস্তুত করেন । কিন্তু নিমাইর হাত ছাড়িয়া কাহারও যাইবার উপায় নাই ।

শ্রীচৈতন্য ভাগবতে লিখিত হইয়াছে—

হেন মতে বিদ্যারসে শ্রীবৈকুণ্ঠ নাথ ।

বৈসেন সভার করি বিদ্যা-গর্ব্বপাত ॥

যত্বেপিহ নবদ্বীপ পণ্ডিত সমাজ ।

কোট্যর্কুদ অধ্যাপক নানা শাস্ত্ররাজ ॥

ভট্টাচার্য্য চক্রবর্তী নিশ বা আচার্য্য ।

অধ্যাপনা বিনা কারো নাহি কোনো কার্য্য ॥

যত্বেপিহ সবেই স্বতন্ত্র সভাজয়ী ।

শাস্ত্র-চর্চা হইলে ব্রহ্মারও নাহি সহী ॥

এই অসাধারণ পণ্ডিত-সমাজকে যুবক নিমাই পণ্ডিতের নিকট

অধ্যাপক ও অধ্যাপনা ।

সৰ্বদাই অবনত মস্তকে থাকিতে হইত । নিমাই পাণ্ডিত্যের সম্মুখে
সকলেরই পাণ্ডিত্য-প্রতিভা মলিন হইয়া পড়িত ।

তথাপিহ হেন জন নাহি প্রভু প্রতি ।
দ্বিকৃষ্টি করিতে কারো কভু নহে মতি ॥
হেন সে সাধবস জন্মে প্রভুরে দেখিয়া ।
সভেই যাতেন এক দিকে নম্র হইয়া ॥
যদি বা কাহারে প্রভু করেন সম্ভাষ ।
সেই জন হয় যেন অতি বড় দাস ॥

এইরূপ পাণ্ডিত্য গৌরব-প্রভায় অচিরে নিমাই পাণ্ডিত্যের নিকট
সহস্র সহস্র শিক্ষার্থী সমাগত হইতে লাগিলেন । শ্রীচৈতন্য ভাগ-
বতে লিখিত হইয়াছে :—

কত বা প্রভুর শিষ্য তার অন্ত নাহি ।
কত বা মণ্ডলী হইয়া পড়ে ঠাঞি ঠাঞি ॥

* * * *

সৰ্বদাই পরিহাস-মূর্তি বিছা বলে ।
সহস্র পড়ুয়া সঙ্গে যায় প্রভু চলে ॥

নিমাই পাণ্ডিত্যের রূপ ও বিদ্যা-প্রতিভা দেখিয়া সকলেই তাঁহাকে
অলৌকিক শক্তি-সম্পন্ন বলিয়া মনে করিতেন ।

পণ্ডিত অথচ ভক্তগণ নিমাই পাণ্ডিত্যের নিকট হইতে দূরে দূরে
থাকিতে প্রয়াস পাইতেন । ভক্তগণ পাণ্ডিত্য অপেক্ষা কৃষ্ণ-কথা
শুনিতে অধিকতর প্রয়াসী । নিমাই পাণ্ডিত্যের নিকটে গেলে কেবল

শাস্ত্রের পূর্বপক্ষ হইবে, কৃষ্ণকথা হইবে না এই আশঙ্কায় তাঁহার নিমাইর নিকটে ঘেসিতে ন।

মুকুন্দ দত্ত নামক এক ব্যক্তি যেমন ভক্ত, তেমনই সুগায়ক—
আবার তেমনই সুপণ্ডিত। মুকুন্দের প্রতি নিমাইর স্বাভাবিক
অমুরাগ ছিল। মুকুন্দ তখন তাহা বুঝেন নাই কিন্তু পরবর্তী সময়ে
এই মুকুন্দ প্রভুর অতি অন্তরঙ্গ ভক্তের মধ্যে পরিগণিত হইয়া-
ছিলেন। একদিন নিমাই মুকুন্দকে ধরিয়া বসিলেন। অলঙ্কার
শাস্ত্রে মুকুন্দ দত্তের অসাধারণ পাণ্ডিত্য। তাঁহার ধারণা ছিল,—
নিমাই ব্যাকরণের পণ্ডিত, অলঙ্কার জানেন না, কিন্তু সেদিন
নিমাই পণ্ডিতের হাতে পড়িয়া মুকুন্দের সে দৰ্প চূর্ণ হইল।
মুকুন্দ দত্ত কেন পলাইতেন, নিমাই তাহা বুঝিতে পারিয়াছিলেন,
যথা শ্রীচৈতন্য ভাগবতে :—

প্রভু বলে জানিলাম যে লাগি পলায় ।

বহির্মুখ-সন্তোষ করিতে না জুয়ায় ॥

এ বেটা পড়য়ে যত বৈষ্ণবের শাস্ত্র ।

পাঁজি পুঁথি টীকা আমি বাখানিয়ে মাজ ॥

আমার সম্ভাষে নাহি কৃষ্ণের কখন ।

অতএব আমা দেখি করে পলায়ন ॥

প্রভু ভক্তকে কখনও তাগ করেন না। মুকুন্দ দত্তকে ধরিয়া
বিচারে প্রবৃত্ত হইলেন। বিচারে মুকুন্দ দত্ত পরাজিত হইলেন।
নিমাই হাসিয়া বলিলেন, “মুকুন্দ ! পালাইয়া পার পাইবে কি, ?
আমার কাঁদে তোমাকে পড়িতেই হইবে :—

অধ্যাপক ও অধ্যাপনা ।

“এমত বৈষ্ণব মুক্তি হইব সংসারে

অজ্ঞ ভব আসিবেক আমার দুয়ারে ॥”

আর একদিন গদাধরকে ধরিয়া বলিলেন,—“গদাধর ! তুমি নাকি জ্ঞান পড়িতেছ ? তোমাদের জ্ঞানশাস্ত্রে মুক্তির লক্ষণ কাহাকে বলে, বলিতে পার ।” গদাধর নব্রভাবে যথাশাস্ত্রে উত্তর করিলেন । নিমাই পণ্ডিত এমনভাবে গদাধরের বাক্য খণ্ডন করিলেন যে, গদাধর নিমাইর মুখে নব্যজ্ঞানের জটিল ভাষার ঝটিকা-প্রবাহে একবারে স্তম্ভিত হইয়া পড়িলেন । অবিখ্যাত দীক্ষিতিকার শ্রী ১২ রঘুনাথ শিরোমণিকেও একদিন নিমাই পণ্ডিত এইরূপে নব্যজ্ঞানের হস্ত বিচারে বিস্মিত করিয়া তুলিয়া ছিলেন । রঘুনাথ শিরোমণি সেই দিন বুঝিয়া ছিলেন, নিমাই পণ্ডিত মানুষ নহেন—স্বয়ং তগবান্ ।

আর একদিন নিমাই ও রঘুনাথ যখন গঙ্গাপার হইতে ছিলেন রঘুনাথ সহসা নিমাই পণ্ডিতের নিকট তাঁহার স্বলিখিত একখানি জ্ঞানের গ্রন্থ দেখিলেন, রঘুনাথের মুখ মলিন হইল । নিমাই বুঝিতে পারিয়া জিজ্ঞাসিলেন,—“ভাই, তোমার মুখে সহসা বিষাদের ভাব দেখা দিল কেন ?”

রঘুনাথ বলিলেন “ভাই গঙ্গাবক্ষে বসিয়া মিথ্যাকথা বলিতে নাই, তুমি জ্ঞানের যে গ্রন্থখানি লিখিতেছ, জগতে উহা প্রকাশিত হইলে আমার পরিশ্রম বিফল হইবে । আমিও এই বিষয়ে এক খানি গ্রন্থ লিখিতেছি ।”

নিমাই রঘুনাথের হস্ত হইতে গ্রন্থখানি লইয়া সহাস্ত্রমুখে

উহা গঙ্গাস্রোতে ফেলিয়া দিয়া বলিলেন—“যা’ক এবার উৎপাত গেল।”

রঘুনাথ কাঁদিয়া বলিলেন—“ভাই কেন এ সর্বনাশ করিলে— এমন অমূল্যধন কেন গঙ্গায় বিসর্জন দিলে?”

নিমাই বলিলেন—“তোমার গৌরবেই আমার গৌরব। জগতে তুমি যশস্বী হও, ইহাই আমার একান্ত বাসনা।” রঘুনাথ এবার খাটিভাবে বুঝিলেন,—নিমাই পণ্ডিত প্রকৃতপক্ষেই,—
প্রেমের দেবতা।

আর একদিন শ্রীমন্মাধবেন্দ্রপুরীর শিষ্য পরমপণ্ডিত বিগুহ্য বৈষ্ণব-সন্ন্যাসী শ্রীপাদ ঈশ্বরপুরী নবদ্বীপে আসিলেন, নিমাই পণ্ডিতের পরিচয় লাভ করিলেন। তিনি গোপীনাথ আচার্য্যের বাড়ীতে বাসা লইয়াছিলেন, গদাধর বাল্যকাল হইতেই কৃষ্ণভক্ত। ঈশ্বরপুরী গদাধরকে দেখিয়া অতি প্রীতিলাভ করিয়াছিলেন। তিনি গদাধরকে স্বরচিত সংস্কৃতভাষায় লিখিত “কৃষ্ণলীলামৃত” গ্রন্থ পড়াইতেন।

নিমাই পণ্ডিতের সহিত আলাপ পরিচয়ের পরে ঈশ্বরপুরী তাঁহাকে বলিলেন “পণ্ডিত! আমি এই কৃষ্ণলীলামৃত-গ্রন্থ লিখিয়াছি, ইহাতে যদি কোন দোষ থাকে, আমাকে দেখাইয়া দিলে আমি বাস্তবিকই স্তম্ভী হইব।”

নিমাই বলিলেন—“সন্ন্যাসীঠাকুর! সে কি কথা? আপনি একে পণ্ডিত, তাহার উপরে পরমভক্ত, তায় আপনি শ্রীকৃষ্ণচরিত লিখিয়াছেন, ইহাতেই যে দোষ দেখাইবে, সেতো মহাপাপী।”

অধ্যাপক ও অধ্যাপনা ।

ভক্তের কবিত্ব যে-তে মতে কেন নয় ।

সর্বথা কৃষ্ণের প্রীতি তাহাতে নিশ্চয় ॥

ইহাতে যে দোষ দেখে, তাহাতে সে দোষ ।

ভক্তের বর্ণন-মাত্রে কৃষ্ণের সন্তোষ ॥

ঈশ্বরপুরী এই কথায় আনন্দলাভ করিয়া বলিলেন—“সে কথা থাকুক, আমি সরলভাবে বলিতেছি, গ্রন্থখানির দোষাদি থাকিলে আমাকে বলিতেই হইবে ।”

নিমাই পণ্ডিত গ্রন্থ লইলেন, পাঠ করিয়া প্রীতিলভ করিলেন হাসিয়া বলিলেন—“আপনি একটা পরশ্মৈপদী ধাতুকে আত্মনে-পদীভাবে ব্যবহৃত করিয়াছেন ।”

ঈশ্বরপুরী চিন্তা করিতে করিতে হির করিলেন যে, ঐ ধাতু আত্মনেপদীতেও রাখা যায় । নিমাই তাহাতে নম্র হইলেন । পরে এই ঈশ্বরপুরীর নিকটেই নিমাই দীক্ষাগ্রহণ করিয়াছিলেন ।

প্রবীণ শিক্ষার্থীরাও এই তরুণ যুবক অধ্যাপকের অতুল বিদ্যা-প্রতিভা ও বিচক্ষণতা দেখিয়া তাঁহার পদমূলে আশ্রয় গ্রহণ করিলেন । কিন্তু নিমাইর চাঞ্চল্য তখনও কমে নাই । যে মুখমণ্ডলে পরবর্তী সময়ে জাহ্নবী ধারার স্থায় অবিরাম নয়ন-সলিল বহিয়া চলিয়াছিল, এক্ষণে তাহা চিরপ্রকল্প, চির স্মৃতিভর । নিমাই বাহু দোলাইয়া দোলাইয়া পথে চলিতেছেন, মুখের দিকে চাহিয়া দেখুন, দেখিতে পাইবেন, নিমাই যেন বলিতেছেন, “আমি ভুবন-বিজয়ী, আমার সহিত লড়িতে পারে এমন কে আছে ?” তখন তাঁহার ত্রিমুখ খানি দেখিলেই এইরূপ মনে হইত ।

শ্রীবাস আসিতেছেন, তিনি বয়সে নিমাইর অনেক বড়, সুপণ্ডিত, উদার ও মহাভাগবত । নিমাই তাঁহাকে দেখিয়া হাসিয়া মুহু-মধুরস্বরে বলিলেন—“নমস্কার ।”

শ্রীবাস হাসিয়া বলিলেন, “চিরজীবী হও । উদ্ধত-চূড়ামণি, যাচ্ছ কোথা ? দিনযামিনী কেবল ত ছাত্র পড়াইয়াই অতিবাহিত করিতেছ । কৃষ্ণ-ভজনা না করিয়া বৃথা সময় কাটাইতেছ কেন ? লোকে পড়াশুনা করে কেন ? কৃষ্ণভক্তি জানিবার জন্ত তো ? তাহা যদি নাইল, তবে বল দেখি সে পড়ায় প্রয়োজন কি ? ঢের পড়া হইয়াছে ! আর পড়ায় প্রয়োজন নাই, এখন কৃষ্ণভজন কর ।” ঋগ্ণা শ্রীচৈতন্যভাগবতে :—

হাসিয়া শ্রীবাস বলে “কহ দেখি শুনি ।

কৃতি চলিয়াছ উদ্ধতের শিরোমণি ॥

কৃষ্ণ না ভজিয়া আর কি কার্য্যে গোড়াও ।

রাত্রিদিন নিরবধি কেন বা পড়াও ॥

পড়ে লোক কেনে ? কৃষ্ণভক্তি জানিবারে ।

সে যদি নহিল, তবে বিস্থায় কি করে ॥

এতেক সর্ব্বথা ব্যর্থ না গোড়াও কাল ।

পড়িলা তো,—এবে কৃষ্ণ ভজহ সকাল ॥

যদি অপর কোন পণ্ডিত নিমাইকে এইরূপ ভাবে উপদেশ দিতে আসিতেন, তবে নিমাই হয়ত তর্কের জোড়ে তখনই তাঁহাকে নিরস্ত ও অপ্রতিভ করিয়া দিতেন, কিন্তু শ্রীবাস মহাভাগবত, তাঁহার সহিত তর্ক চলে না । নিমাই উদ্ধত চূড়ামণি হইলেও ভক্তের,

প্রতি সম্মান-প্রদর্শনে তাঁহার কখনও আন্তরিক ~~কি~~টি দেখিতে পাওয়া যায় নাই ।

নিমাই শ্রীবাসের বাক্যে একটু হাসিলেন, হাসিয়া বলিলেন, “পণ্ডিত, তোমার কৃপায় তাহাও হইবে ।” প্রভু হয়ত এই মনে করিয়া হাসিলেন যে, তুমি আমায় কৃষ্ণভক্তির উপদেশ দিতেছ, তুমি এখনও বুঝিতে পার নাই যে, আমি কৃষ্ণভক্তির মূর্তিরূপেই অবতীর্ণ হইয়াছি । “থাক না দুই দিন,—ভক্তির বিশাল বস্ত্রায় দেখিবে তোমায় কোথায় ভাসাইয়া লইয়া বাইব ।”

উক্ত চূড়ামণির মুখে একটা আশার কথা শুনিয়া শ্রীবাস আশা-বিভাসিত হৃদয়ে কৃষ্ণ চিন্তা করিতে করিতে আপন পথে গমন করিলেন ।

[২]

এদিকে শিষ্যগণসহ নিমাই পণ্ডিত গঙ্গাতীরে আসিয়া উপনীত হইলেন । আজ গঙ্গাতীরেই অধ্যাপনা হইবে । শ্রীমদ্বৈদ্যনাথ দাস লিখিয়াছেন :—

গঙ্গাতীরে বসিলেন শ্রীশচীনন্দন ।

চতুর্দিকে বেড়িয়া বসিল শিষ্যগণ ॥

কোটি মুখে সেই শোভা না পারি কহিতে ।

উপমাও তার নাহি দেখি ত্রিজগতে ॥

এই শোভা বর্ণনা করার জন্য পূজ্যপাদ ব্যাসাবতার কবিবর উপমা খুঁজিতে লাগিলেন, কিন্তু যিনি নিরুপম, তাঁহার কি কখনও উপমা মিলে ? তাই কবিবর বলিতেছেন :—

চন্দ্রতারাগণ বা বলিব সেহ নহে ।

—সকলক,—তার কলা ক্ষয় বৃদ্ধি হয়ে ॥

সর্বকাল পরিপূর্ণ এ প্রভুর কলা ।

নিষ্কলক,—তেই উপমা দূরে গেলা ॥

চন্দ্রের উপমা ব্যর্থ হইল । কবি বৃহস্পতির সহিত তুলনা
করিতে যাইয়া লিখিতেছেন :—

বৃহস্পতি উপমা দিতেও না জুয়ায় ।

তেঁহ একপক্ষ,—দেবগণের সহায় ॥

এ প্রভু সভার পক্ষ, সহায় সভারণ ।

অতএব সে দৃষ্টান্ত না হয় ইহার ॥

বিছা প্রীতি ছাড়িয়া দিয়া রূপের দিকে দৃষ্টি পড়িল । কবি
অমনি কামদেবের কথা মনে তুলিলেন—কিন্তু সে তুলনাও অসঙ্গত
বোধে কবি বলিতেছেন :—

কামদেব-উপমা বা দিব, সেহ নহে ।

তিঁহ চিত্তে জাগিলে চিত্তের ক্ষোভ হয়ে ॥

এ প্রভু জাগিলে চিত্তে সর্ববন্ধ-ক্ষয় ।

পরম নির্মল সুপ্রসন্ন চিত্ত হয় ॥

কোনও দৃষ্টান্ত যোগ্য হইল না । ইহার পরে ভাবিতে ভাবিতে
একটি উপমা তাঁহার মনে আসিল । কবি এবার মন খুলিয়া
লিখিতেছেন—

কালিন্দীর তীরে হেন শ্রীনন্দকুমার ।

গোপবৃন্দ মধ্যে বসি করেন বিহার ॥

সেই গোপবৃন্দই, সেই কৃষ্ণচন্দ্র ।

বুঝি দ্বিজরূপে গঙ্গাতীরে করে রঙ্গ ॥

গঙ্গাতীরে যে জন দেখে মহাপ্রভুর মুখ ।

সেই পায় অতি অনির্বচনীয় স্মৃথ ॥

“তার তুলনা তার সনে”—এবার উপমা ঠিক হইল । নিমাই নবীন অধ্যাপক,—তরুণ যৌবন,—তাঁহার রূপে কোটিকন্দর্পের সৌন্দর্য্য ও পরাজিত, বিজ্ঞা-প্রতিভায় স্বয়ং সরস্বতীও বিস্মিতা ও বিমুগ্ধা । পণ্ডিত-প্রধান নবদ্বীপের প্রাচীন ও প্রাণি পণ্ডিতগণ গঙ্গাঘাটে আসিয়া সারস্বত-শক্তির পূর্ণ প্রকাশ—নিমাইর শ্রীমুর্তি দেখিয়া স্তম্ভিতভাবে দাঁড়াইলেন—কি শাস্ত্রব্যাখ্যা, কি বুদ্ধিচাতুর্য্য, কি বাগ্মিতাস কৌশল, কি বিপুল বিশাল ও সুগভীর শাস্ত্রজ্ঞান, দেহের কি সৌন্দর্য্য আর বাক্যেরই বা কি মাধুর্য্য—প্রত্যক্ষ করিয়া সকলেই বিস্মিত হইলেন—নয়ন হইতে যেন অনন্তবিজ্ঞার তীক্ষ্ণ জ্যোতিঃ বলকে বলকে প্রবাহিত হইতেছিল, দেহ হইতে যেন সাক্ষাৎ ব্রহ্মতেজ বিকীর্ণ হইতেছিল । অতি বড় বিদ্বান্ ও বুদ্ধিমানদের হৃদয়েও একটা সন্দেহ আসিল—নিমাই কি মানুষ ? গঙ্গাঘাটে সহস্র সহস্র লোক । দেবতা দর্শন করার তায় দ্বী পুরুষ, বিদ্বান্ মূর্থ, ব্রাহ্মণ শূদ্র সকলেই নিমাইকে ভক্তিতরে দর্শন করিতে লাগিলেন—কাণাকাণি করিতে লাগিলেন, যথা শ্রীচৈতন্যভাগবতে—

দেখিয়া প্রভুর তেজ অতি বিলক্ষণ ।

গঙ্গাতীরে কাণাকাণি করে সর্ব্বজন ॥

কেহ বলে “এত তেজ মানুষের নহে ।”

কহ বলে “ব্রাহ্মণ বিষ্ণু অংশ হয়ে ॥”

কহ বলে “বিপ্ররাজ হইবেক গোড়ে ।

সেই হেন এই বুঝি কখনো না নড়ে ॥

রাজচক্রবর্তী চিত্র দেখিয়ে সকল ।”

এই মত বোলে,—যার যত বুদ্ধি বল ।

আধুনিক একদল ভালমানুষ লেখক শ্রীবৃন্দাবনদাসের উপর বড় চটা, কেননা, তিনি কেন জগদীশ্বরকে ঠিক আমার তোমার মত মানুষটা কিরিয়া বর্ণনা করেন নাই? তিনি কেন তাঁহার মানুষের অতিরিক্ত অলৌকিক গুণগ্রামের বর্ণনা করিলেন? এই সকল রূপাই অজ্ঞ লেখকেরা জানে না যে, ঈশ্বর চিরদিনই ঈশ্বর, তিনি মানুষের ভাবে, মানুষের সমাজে, মানুষ সাজিয়া আসিলেও তিনি সাক্ষাৎ ঈশ্বর । তিনি মৎস্ত, কূর্ম, নৃসিংহ, বরাহবেশে আসিলেও তিনি ঈশ্বর । তাঁহার ঐশ্বরিক শক্তি প্রকাশ পাইবে, তাহাতে আর তোমার আপত্তিকি হইতে পারে? আর তুমি অবোধের স্থায় তাহাতে আপত্তি উত্থাপন করিলেই বা ভগবতত্ত্ব বিশ্বাসী বুদ্ধিমান লোকেরা তোমার উন্নত প্রলাপের প্রশংসা দিবেন কেন?

ঈশ্বর মানুষ নহেন, মানুষও ঈশ্বর নহেন । ঈশ্বর মানবের বেশে অবতীর্ণ হয়েন, তাই বলিয়া তিনি মানুষ নহেন । তাঁহার অলৌকিক অচিন্ত্যশক্তি প্রকাশ পায় বলিয়াই লোকে তাঁহাকে ভগবান্ বলিয়া পূজা করে । তুমি ভগবান্কে সাধু বলিয়া স্থির করিতে চাহ, কাজেই তাঁহার অলৌকিক শক্তির কথা শুনিলে তুমি

সহিতে পার না, কিন্তু যাহারা প্রকৃত তত্ত্বজ্ঞ তাঁহারা কি তোমার মনোমত করিয়া গড়িবার জন্ত ঈশ্বরের অলৌকিক শক্তি-প্রকাশ লুকাইবেন? ঈশ্বরের একরূপ লুকাইয়া বর্ণনা করা অবিশ্বাসী অজ্ঞ নাস্তিকদের পক্ষেই শোভা পায়। যাহারা ভক্তির দিব্যচক্ষে ব্রহ্মদর্শন করেন, তাঁহাদের দৃষ্টি,—আর এই শ্রেণীর অজ্ঞ লেখকদের দৃষ্টিতে অনেক পার্থক্য। এখানে সে বিচারের অবকাশ নাই।

এখানে কেবল এই মাত্র বলা যাইতে পারে যে, এই শ্রেণীর লেখকেরা বিষয়স্বৰূপে প্রনত, ইহাদের দৃষ্টি অতি স্থূল স্বল্প নিয়ম ও সূক্ষ্মতত্ত্ব বুঝিবার শক্তি ইহাদের নাই। ব্রহ্মশক্তি, ব্রহ্মভাব, ব্রহ্ম-রূপৈশ্বর্য্য-প্রকটন, ভগবদাবির্ভাব প্রভৃতি তত্ত্বে ইহাদের প্রবেশাধিকার অসম্ভব। আপনি ইহাদের নিকট ভগবৎ-প্রদীপের বর্ণনা করিবেন, ইহারা তাঁহাকে নান্দুসরূপে গ্রহণ করিতে চেষ্টা পাইবে। যেখানে ইহাদের জড়বুদ্ধি প্রবেশ করিতে না পারে, সেই স্থলেই আপনার বর্ণনায় ইহারা দোষারোপ করিবে। বঙ্গসাহিত্যে কোন কোন লেখকের এইরূপ মূর্খতানয় পাণ্ডিত্যপ্রকর্ষ-প্রদর্শনের প্রয়াস দেখিয়া আমাদের ননে যুগপৎ হাস্য ও বিস্ময়ের উদ্বেক হইয়াছে।

গঙ্গাঘাটে মহাপ্রভুর লীলাবিলাস ভক্তজনগণের হৃদয়াকর্ষী। তাই শ্রীমদ্ বৃন্দাবনদাস ঠাকুর লিখিয়াছেন—

প্রভুর পাণ্ডিত্য বুদ্ধি শিশুকাল হৈতে ।

সবাই জানেন গঙ্গাতীরে ভাল মতে ॥

শ্রীভগবান গৌরসুন্দর নবদ্বীপে আবির্ভূত হইলেন। তিনি যদি আত্মপ্রকাশ না করিয়া প্রাকৃত লোকের জ্ঞান কালোতিপাত

করিতেন, তাঁকে তাঁহাকে কে জানিত, কে তাঁহাকে চিনিত্তে পারিত ?

তঁহে যদি না করেন আপনা বিদিত ।

তবে তানে কেহ নাহি জানে কদাচিত ॥

শ্রীভগবান যখন আবির্ভূত হইলেন, তখন আত্মপ্রকাশ না করিলে তাঁহার উদ্দেশ্য সিদ্ধ হইবে কেন ? কাজেই তাঁহার ঐশ্বর্য ও ভগবত্ব প্রকাশ করা প্রয়োজন, কাজেও তিনি তাহাই করেন ।

৩

আর একদিনের আর একটা বিবরণ শুনুন । নবদ্বীপে তখন পাণ্ডিত্যের লীলাভূমি ছিল । সম্রাট যেমন দিগ্বিজয় করিতে বহির্ভূত হইলেন, এইরূপ প্রাচীনকালে যাহারা নিজদিগকে বিছা-সম্রাট বলিয়া মনে করিতেন, তাঁহারাও তেমন পণ্ডিত-সমাজকে পরাস্ত করিয়া স্বীয় প্রতাপ ও প্রভাব জগতে প্রচার করিতে প্রয়াস পাইতেন । নবদ্বীপের বিছা-গৌরবের এই শুভদিনে নবদ্বীপে নানাদিগদেশ হইতে দিগ্বিজয়ী পণ্ডিতগণ বিচারার্থ আগমন করিতেন । নিমাই যখন পণ্ডিত হইলেন, সেই সময়েও নবদ্বীপে একজন দিগ্বিজয়ী পণ্ডিত আগমন করিয়াছিলেন । দিগ্বিজয়ী পণ্ডিতের আগমন ব্যাপারও কতকটা দিগ্বিজয়ী বীরের আগমনের স্থায় মনে হইত । ইহারা লোকজন নিশান ডঙ্কা হাতী ঘোড়া লইয়া চলিতেন ।

নবদ্বীপে দিগ্বিজয়ী পণ্ডিত আসিয়াছেন এই সংবাদে চারিদিকে একটা হলধূল পড়িয়া গেল । পণ্ডিত নহলে একটা আশঙ্কার কারণ হইল । অনেকেই ভীত হইয়া পড়িলেন । পণ্ডিতেরা প্রাণের

অধ্যাপক ও অধ্যাপনা ।

অপেক্ষাও মানের আদর করিতেন । তাঁহাদের ধন ছিল না । কেবল
বিজ্ঞা-গৌরবকেই তাঁহারা প্রধানতম গৌরব বলিয়া মনে করিতেন ।
সুতরাং সকলেই ভয়ে শশব্যস্ত ।

সহস্র সহস্র মহা মহা ভট্টাচার্য্য ।

সবাই চিন্তেন মনে ছাড়ি সৰ্ব্বকাৰ্য্য ॥

নিমাই পণ্ডিতের ছাত্রগণও এই সংবাদ শুনিতে পাইয়া
তাড়াতাড়ি তাঁহাদের অধ্যাপকের নিকটে গিয়া বলিতে লাগিলেন—

“এক দিগ্বিজয়ী সরস্বতী বশ করি ।

সৰ্ব্বত্র জিনিয়া বুলে জয়পত্র ধরি ॥

হস্তী ঘোড়া দোলা লোক অনেক সংহতি ।

সম্প্রতি আসিয়া হৈলা নবদ্বীপে স্থিতি ॥

নবদ্বীপে আপনার প্রতিদ্বন্দ্বী চায় ।

নহে জয়পত্র নাগে সকল সভায় ॥”

ছাত্রদের কথা শুনিয়া গোরামসুন্দর একটুকু হাসিলেন,
হাসিয়া বলিলেন—“একি গৰ্ব্ব ? তোমরা জানিয়া রাখ ঈশ্বর
কখনও গৰ্ব্ব সহিতে পারেন না ।”

যে যে শুণে মন্ত হই করে অহঙ্কার ।

অবশ্য ঈশ্বর তাহা করেন সংহার ॥

হৈহয় নহব বেণ নরক রাবণ ।

মহা দিগ্বিজয়ী শুনিয়াছ যে যে জন ॥

বুঝ দেখি কার গৰ্ব্ব চূর্ণ নাহি হয় ।

সৰ্ব্বদা ঈশ্বর অহঙ্কার নাহি সহে ॥



শ্রীশ্রীগৌর-প্রকৃপ্রিয়া ।

এতেকে তাঁহার যত বিদ্যা অহঙ্কার ।

দেখিবা এথাই সব হইবে সংহার ॥

“ঈশ্বর দর্পহারী । তিনি কাহারও দর্প সহিতে পারেন না । যে, যে গুণে মত্ত হইয়া অহঙ্কার করে, ঈশ্বর অবিলম্বে তাহার সেই গুণ নষ্ট করেন । দেখ না কেন, হৈহয়, নহষ, বেণ, ও নরক প্রভৃতি কত বীরদর্পী এ জগতে আবির্ভূত হইয়াছিল, শ্রীভগবানের প্রভাবে কাহার দর্প অটুট রহিল ? এই যে দিগ্বিজয়ী আসিয়াছে, ইহার দর্প এইখানেই চূর্ণ হইবে ।”

কাহাঘারা কিরূপে দর্প চূর্ণ হইবে, তাহার লেশমাত্রও প্রভু ব্যক্ত করিলেন না । কেবল ইঙ্গিতে একটি কথামাত্র শিষ্যদিগকে জানাইয়া রাখিলেন, তাঁহার গূঢ় অভিপ্রায় কাহাকেও তিনি বুঝিতে দিলেন না ।

সন্ধ্যার সময় তিনি শিষ্যদিগকে লইয়া গঙ্গাতীরে গেলেন । পূর্বেই বলিয়াছি, গঙ্গাঘাট মহাপ্রভুর বিজ্ঞাবিলাসের এক প্রধানতম লীলাস্থলী । শ্রীগৌরাজ গঙ্গা স্পর্শ করিলেন, গঙ্গা নমস্কার করিয়া গঙ্গাতটে উপবেশন করিলেন । শিষ্যগণ চতুর্দিকে মণ্ডলী করিয়া বসিল । বিবিধ ধর্ম্যকথা ও শাস্ত্রকথা উত্থাপিত হইল । কত লোক আসিল, কত লোক চলিয়া গেল । শ্রীনিমাই পণ্ডিত প্রফুল্লমনে শাস্ত্রকথা ও শাস্ত্রবিচার তুলিয়া উপস্থিত লোকমাত্রকেই বিমুগ্ধ করিলেন ।

অপরাপর পণ্ডিতগণের মধ্যে আজ অনেকেই অমুপস্থিত । তাঁহার প্রতিদিন গঙ্গাতীরে সন্ধ্যা বন্দনা করেন, জাহ্নবীতটে

অধ্যাপক ও অধ্যাপনা ।

উপবেশন করিয়া ভগবৎচিন্তা করেন । কিন্তু এদিন আর তাহাতে তাঁহাদের মন বসিল না । কেননা অনেকেই ভয়ে বিহ্বল হইয়া ছিলেন । বড় বড় তार्কিক পণ্ডিতগণ বাড়ীর লোকদিগকে বলিয়া রাখিলেন যে, কেহ জিজ্ঞাসা করিলে বলিও,—পণ্ডিত মহাশয় স্থানান্তরে গিয়াছেন ।”

এই বিষম ভয়ের দিনে কেবল একমাত্র নিমাই পণ্ডিত সৰ্বজন-সমাগমস্থল গঙ্গাঘাটে বীরপুরুষের জায় নির্ভীকভাবে উপবিষ্ট । তাঁহার বদনকমল চিরপ্রফুল্ল, চিরসমুজ্জ্বল । কেহ কেহ বলিতে লাগিল, নিমাই পণ্ডিতটা কি নির্ভীক, দিগ্বিজয়ী পণ্ডিতের ভয়ে আজ নবদ্বীপের পণ্ডিতকুল আকুল হইয়া লুকাইতেছে, আর ইনি মহারাজ চক্রবর্তীর জায় একান্তে গঙ্গাঘাটে উপবিষ্ট ।

পূর্ণিমার চাঁদ উদ্ভিত করিয়া নবদ্বীপের গঙ্গাঘাটে সন্ধ্যাদেবী দেখা দিলেন । নিমাই পণ্ডিত শিষ্যসহকারে সন্ধ্যা-বন্দনাদি শেষ করিলেন । গঙ্গার মুহূর্ত্ত তরঙ্গলহরে চাঁদের জ্যোৎস্না ঝিকিঝিকি করিয়া খেলা করিতে লাগিল, রজতগুহ্র চঞ্জকিরণ গঙ্গার ঘাটে ঘাটে বিচিত্র শোভার পসার খুলিয়া দিল । সমগ্র নীলাকাশ চাঁদের বিমল জ্যোৎস্নায় মনোরম হইয়া উঠিল ।

পাঠক, পূর্ণিমার চাঁদ দেখিতে কাহার সাধ না হয় ? আর সে চাঁদ দেখিয়া কাহার চিত্তই বা আহ্লাদিত না হয় ? কিন্তু আজ গঙ্গাঘাটে চলুন, আকাশের পূর্ণিমার চাঁদ আপনার নিকট অতীব তুচ্ছ বলিয়া মনে হইবে ।

ঐ দেখুন কাহার পদনখের অতুল জ্যোৎস্নায় ক্ষেতীচন্দ্রের লাবণ্য-

জ্যোৎস্না লঙ্কার মলিন হইয়া যায়, সেই গৌরাচাঁদের ভুবন-ভুলানো
 লাবণ্যমূর্তি, মুখচক্রে মনোরম অতুলনীয় শোভা। অনন্ত
 ব্রহ্মাণ্ডের নিগূঢ় রূপরাশি যেন ও মুখচক্রে স্থান না পাইয়া চারিদিকে
 ফোয়ারার ছায় উছলিয়া পড়িতেছে। ঐ হাসিমাখা বদনশোভায়
 কোটি চাঁদের উজ্জ্বল প্রভাও মলিন হইয়া যাইতেছে। চক্ষু হইটী
 অনিন্দ্য পদ্মকোরকের ছায় স্তম্ভা ও আকর্ষণ-বিস্তৃত,—আর উহা
 প্রতিভা-জ্যোতিতে সমুজ্জ্বল অথচ স্নিগ্ধলাবণ্যপূর্ণ,—দন্তগুলি মুক্তা-
 পাতিবিনির্দ্দি,—বিশ্ববিনিন্দ্য ওষ্ঠাধর, সর্বাক্রম সমস্ত সৌন্দর্যের
 আকর। শ্রীপাদ বৃন্দাবন দাসের বর্ণনা শুধুনঃ—

শিষ্য সঙ্গে গঙ্গাতীরে আছেন ঈশ্বর ।

অনন্ত ব্রহ্মাণ্ডের রূপ সর্বমনোহর ॥

হাস্তযুক্ত শ্রীচন্দ্রবদন অমুকুণ ।

নিরন্তর দিব্যদৃষ্টি হই শ্রীনয়ন ॥

মুক্তা যিনি শ্রীদশন, অরুণ অধর ।

দয়াময় স্বকোমল সর্ব-কলেবর ॥

স্বলিত শ্রীমস্তকে শ্রীচাঁচর কেশ ।

সিংহগ্রীব গজস্কন্ধ বিলক্ষণ বেশ ॥

সুপ্রকাশ শ্রীবিগ্রহ সুন্দর হৃদয় ।

যজ্ঞসূত্ররূপে তহি অনন্ত বিজয় ॥

শ্রীললাটে উর্দ্ধ সুতিলক মনোহর ।

আজার্ললম্বিত হই শ্রীভুজ-সুন্দর ॥

যোগপট্ট ছান্ধে বস্ত্র করিয়া বন্ধন ।

বাম উরু মাঝে থুই দক্ষিণ চরণ ॥

করিতে আছেন ঐতু শাস্ত্রের ব্যাখ্যান ।

“হয়” “নয়” করে “নয়” করয়ে স্থাপন ॥

অনেক মণ্ডলী হই সৰ্ব্ব শিষ্যগণ ।

চতুর্দিকে বসিয়া আছেন সুশোভন ॥

নিমাই পণ্ডিত যখন এইরূপে গঙ্গাতটে বিরাজ করিতেছিলেন, তখন সহসা দিগ্বিজয়ী গঙ্গাতটে উপস্থিত হইয়াই এই দিব্য-মুক্তি দেখিতে পাইলেন । দর্শনমাত্রই তাঁহার বিশ্বয় জন্মিল । তিনি মনে মনে ভাবিতে লাগিলেন—একি মানুষ? মানুষের এত রূপ, মানুষের এত সৌন্দর্য্য-মাধুর্য্য আরতো কখনো দেখি নাই । মানুষের দেহ হইতে এই স্নিগ্ধমধুর কিরণচ্ছটা বিকীর্ণ হইতেছে । দিগ্বিজয়ী এরূপ লাভ্য দেখিয়া একবারে স্তম্ভিত হইয়া গেলেন, সতৃষ্ণনয়নে মস্তমুণ্ডের জায় শ্রীমুক্তির দিকে চাহিয়া রহিলেন, আর কাণ পাতিয়া শাস্ত্রচর্চা ও শাস্ত্রবিচার শুনিতে লাগিলেন । তিনি দূরদেশ হইতে নিমাই পণ্ডিতের নাম শুনিয়া-ছিলেন । তিনি শুনিয়াছিলেন নিমাই পণ্ডিতের বয়স অল্প, তিনি ব্যাকরণের খুব ভাল অধ্যাপক । দূর হইতে দেখিয়া তিনি একটি শিষ্যের নিকট জিজ্ঞাসা করিলেন—“ইনিই কি নিমাই পণ্ডিত?” উত্তর হইল—“হাঁ” ।

দিগ্বিজয়ী সসজ্জমে নিমাই পণ্ডিতের ছাত্রসভায় উপনীত হইলেন । সম্মান-মর্যাদা-সংরক্ষক নিমাই পণ্ডিত তাঁহার অভ্যর্থনা

করিলেন। নিমাই পণ্ডিতের নম্রতা ও বিনয় দেখিয়া দিগ্বিজয়ী
মনে বিপরীত ভাবের উদয় হইল। দিগ্বিজয়ী মনে করিলেন,
নিমাই পণ্ডিত আপনাকে দুর্বল মনে করিয়াই তাঁহার নিকট
নম্রভাব প্রকাশ করিতেছেন। সুতরাং তাঁহার হৃদয়ের স্বাভাবিক
গর্বভাব প্রবল হইয়া উঠিল। দিগ্বিজয়ী অবজ্ঞার সুরে বলিতে
লাগিলেন—

“তোমার নামই কি নিমাই পণ্ডিত, তুমি বুঝি বালাশাস্ত্র
ব্যাকরণের অধ্যাপক? এ সম্বন্ধে তোমার খ্যাতির কথাও
শুনিয়াছি। তা ব্যাকরণের মধ্যে কেবল বুঝি কলাপ ব্যাকরণই
তোমার অধীত?”

চির-নম্র নিমাই, মুহু মধুরস্বরে বলিলেন, “ব্যাকরণ পড়াই
বলিয়া অভিমান করিয়া থাকি, কিন্তু কি যে পড়াই তা আমিও
বুঝি না, ছাত্রেরাও বোঝে না। এ আমার এক মিথ্যা অভিমান।
আপনার নিকট আমি কিছুই নহি। কোথায় বা সর্বশাস্ত্রজ্ঞ প্রবল
পণ্ডিত আপনি,—আর কোথায় বা নবীন পড়ুয়া আমি। আমি
তো আপনার নিকটে সবে শিশু মাত্র। আপনার নিকট আমি
আর কি পরিচয় দিব? শুনেছি আপনি শ্রেষ্ঠ কবি, দয়া করিয়া গঙ্গা
মাহাত্ম্য-বর্ণনা করিলে শুনিয়া সুখী হই। যথা শ্রীচরিতামৃতঃ—

প্রভু কহে ব্যাকরণ পড়াই অভিমান করি ।

শিষ্যেতে না বুঝে আমি বুঝাইতে নারি ॥

কাঁহা তুমি সর্বশাস্ত্রে কবিষে প্রবীণ ।

কাঁহা আমি সবে শিশু পড়ুয়া নবীন ॥

তোমার কবিত্ব কিছু শুনিতে হয় মন ।

কৃপা করি কর যদি গল্পার বর্ণন ॥

শ্রীশ্রীনিমাই পণ্ডিতের শ্রীমুখনিঃসৃত প্রশংসার হিল্লোলে
গর্জ্বলিত দ্বিধিজয়ী তৎক্ষণাৎ গঙ্গা-মাহাত্ম্যসূচক শ্লোকাবলী
বাটিকার ছায় বেগে দ্রুতরচন-নৈপুণ্যে বলিয়া বাইতে লাগিলেন ।
শ্রীচৈতন্যভাগবতে এ সম্বন্ধে নিম্নলিখিত বর্ণনা দৃষ্ট হয় :—

দ্রুত যে লাগিলা বিপ্র করিতে বর্ণনা ।

কত রূপে বোল তার কে করিবে সীমা ॥

কত মেঘ, শুনি, যেন করয়ে গর্জন ।

এই মত কবিত্বের গান্ধীদ্য-পঠন ॥

জিহ্বায় আপনি সরস্বতী অধিষ্ঠান ।

সে বোলয়ে সেই হয় অত্যন্ত প্রমাণ ॥

মুখ্যের শক্তি তাহা দৃষ্যবেক কে ।

হেন বিজ্ঞাবস্থ নাহি বুঝিবেক যে ॥

সহস্র সহস্র যত প্রভুর শিষ্যগণ ।

অবাক হইলা সবে শুনিয়া বর্ণন ॥

দ্বিধিজয়ী দ্রুত কবি, তিনি যে-সে রকমের কবি ছিলেন না ।
তাঁহার অদ্ভুত শক্তি দেখিয়া সকলেই বিস্মিত হইলেন । তাঁহার
কবিত্বের শব্দালঙ্কার ও অর্থালঙ্কারের চমৎকারিছে পঙ্কজমাজেই
বিস্ফারিতনেত্রে তাঁহার মুখের দিকে চাহিয়া রহিলেন । শ্রীপাদ
বৃন্দাবনদাস লিখিয়াছেন—

সর্বশাস্ত্রে মহাবিশারদ যে যে জন ।
 হেন শব্দ তাঁহাদেরও বুঝাও বিষম ॥
 এই মত প্রহর খানিক দিগ্বিজয়ী ।
 পড়ে দ্রুত বর্ণনা তথাপি অন্ত নাহি ॥

শ্রীচৈতন্যচরিতামৃতে লিখিত আছে :—

শুনিয়া ব্রাহ্মণ গর্বে বর্ণিতে লাগিল ।
 ঘাট একে শত শ্লোকে গঙ্গারে বর্ণিল ॥

চারিশত বৎসর পূর্বেও ভারতবর্ষে এইরূপ পাণ্ডিত্য-পরাকাষ্ঠার পরিচয় পাওয়া যাইত। কিন্তু এখন সর্বত্রই ধন-লালসার প্রবল প্রভাব।, বিজ্ঞার আদর এদেশে আর নাই।

দিগ্বিজয়ী-কাটিকা বেগে অর্ধ মুহূর্তের মধ্যে গঙ্গা-মাহাত্ম্যসূচক কত শ্লোক বর্ণনা করিয়া সকলকে বিস্মিত ও চমৎকৃত করিয়া তুলিলেন।

সর্বশৃংগের সমাদরকারী নিমাই পণ্ডিত উহাতে বিস্ময়ের ভাব প্রকাশ না করিয়া দিগ্বিজয়ীকে উৎসাহ প্রদান করিয়া বলিলেন, “দ্রুত রচনায় আপনার বেশ ক্ষমতা আছে দেখিতে পাইলাম। আপনি যে সকল শ্লোক বলিলেন, উহার মধ্যে যেটি আপনার নিকট খুব ভাল বলিয়া বোধ হইতেছে, সেইটির ব্যাখ্যা করুন, আমরা আপনার মুখে উহার ব্যাখ্যা শুনিতে ইচ্ছা করি।”

দিগ্বিজয়ী বলিলেন, “তুমি কোন শ্লোকের ব্যাখ্যা শুনিতে চাও বল।” নিমাই পণ্ডিত বলিতে লাগিলেন :—

“মহৎ গন্ধায়াঃ সততমিদমাভাতি নিতরাং

যদেবা শ্রীবিষ্ণোশ্চরণকমনোংপত্তিসুভগা ।

দ্বিতীয়া শ্রীলক্ষ্মীরিব সুরনরৈরর্য্যচরণা

ভবানীভর্তৃধা শিরসি বিভবতাদ্ভুতগুণা ॥

কেমন, এই শ্লোকটা আপনি বলিয়াছেন ত ? দিগ্বিজয়ী বলিলেন, “ঠিক, আর এইটাই খুব ভাল বর্ণনা। কিন্তু আমি এতগুলি শ্লোক এত দ্রুতরূপে পড়িয়া গিয়াছি, তার মধ্যে এই সৰ্ব্বাপেক্ষা ভাল শ্লোক তুমি ঠিক বুঝিয়া বাছিয়া লইয়াছ। কেবল তাহাই নহে, তুমি শ্লোকটি একবারে শুনিয়াই অবিকল মনে রাখিয়াছ। ধন্য তোমার প্রতিভা !”

নিমাই পণ্ডিত হাসিয়া বলিলেন, “ইহাতে আর প্রতিভার পরিচয় কি আছে ! আপনি যেমন দেবতার বরে দ্রুত-রচনাশক্তি লাভ করিয়াছেন, সেইরূপ দেবতার বরে অপরও শ্রুতিধর হইতে পারে। ইহাতে আর বিস্ময়ের কথা কি ? যাহা হউক আপনি ইহার ব্যাখ্যা করুন ।”

দিগ্বিজয়ী পণ্ডিত নিমাইর কথায় সন্তুষ্ট হইয়া ব্যাখ্যা করিতে লাগিলেন ।

নিমাই বলিলেন, “আপনার ব্যাখ্যা শুনিলাম। কিন্তু শ্লোকটির দোষগুণের সম্বন্ধেও কিছু বিচার শুনিতে চাই ।”

দিগ্বিজয়ী রুষ্ট হইয়া তীব্র স্বরে বলিতে লাগিলেন, “আমার রচিত শ্লোক ! তাহাতে কি আবার দোষ থাকিতে পারে ? ইহাতে দোষের কোনো লেশাভাস নাই। বরং ইহাতে যে সকল গুণ আছে

তাহাই তোমাকে সুনাইতেছি । ইহাতে উপমা অলঙ্কার আছে, গুণ আছে, অমুশ্রাস আছে । ইহার পরে আবার চাও কি ?”

দিগ্ভিজয়ী কাব্যশাস্ত্রে পণ্ডিত । তিনি নিমাই পণ্ডিতকে বুঝাইয়া বলিলেন, “দেখ বাপু অলঙ্কার কাব্য-শাস্ত্রের উৎকর্ষ-সাধক । আমার এই শ্লোকে অর্থালঙ্কার ও শব্দালঙ্কার উভয়ই আছে । শব্দালঙ্কারের মধ্যে অমুশ্রাস এই শ্লোকে বিস্তৃত হইয়াছে । ইহার উপরে এই শ্লোকে মাধুর্য্যাদি গুণেরও অভাব নাই, সুতরাং কাব্য-বিচারে আমার-কৃত শ্লোকে চমৎকারিত্ব ভিন্ন দোষের লেশাভাসও পরিলক্ষিত হইবে না । উপমা কাহাকে বলে জান কি ? শাস্ত্রকার বলিয়াছেন :—

“প্রফুটং সুন্দরং সাম্যমুপমেতাভিবীৰ্যতে ।

দেখ দেখি “শ্রীলক্ষ্মীরিব”—এই স্থলে কেমন প্রফুট সুন্দর সাম্য প্রদর্শিত হইয়াছে । কাব্যশাস্ত্রে গুণ কাহাকে বলে, হয়ত তুমি তাহা জান না ? গুণের লক্ষণ বলিতেছি শ্রবণ কর :—

যে রসস্তান্নিনোধর্মা শৌর্য্যাদয়ইবামলাঃ

উৎকর্ষ-হেতবস্তেহস্ম্যঃ রচণস্থিতয়ো গুণাঃ ।

ইহার অনেক বিচার আছে । কেহ কেহ বলেন, এই গুণ দশ প্রকার । যথা—শ্লেষ, প্রসাদ, সমতা, মাধুর্য্য, সুকুমারতা, অর্থ-ব্যক্তি, উদারতা, ওজঃ, কান্তি ও সমাধি । বৈদ্যভট্ট রীতির এই দশ গুণ । সাহিত্য-দার্শনিক দণ্ডী এই মতের পোষক । আবার কেহ কেহ বলেন, মাধুর্য্য, ওজঃ ও প্রসাদ এই তিন গুণ মাত্র । এ সকল

তুমি ভাল বুঝিতে পারিবে না। আমার এই শ্লোকে কি কি গুণ আছে, আমি তোমাকে তাহা বুঝাইতেছি।”

এই বলিয়া তিনি তাঁহার স্বকৃত শ্লোক হইতে কাব্যশাস্ত্রের পারিভাষিক গুণের উদাহরণ অভিব্যক্ত করিতে লাগিলেন ।

নিমাই বলিলেন, “আপনার আরও কিছু বক্তব্য আছে কি ?”

দিগ্বিজয়ী বলিলেন, “আছে বই কি ? অমুপ্রাসের কথাটা বলাই হয় নাই। কাব্যপ্রকাশে লিখিত আছে—“বর্ণসাম্যমমুপ্রাসঃ” দেখ দেখি মংকৃত শ্লোকের প্রথম চরণ হইতে চতুর্থ চরণ পর্য্যন্ত কত স্থলে বর্ণসাম্য আছে ? ইহা অতি সহজ কথা। যাহার বর্ণজ্ঞান আছে, সেই ইহা বুঝিতে পারে। একরূপ প্রতি পদেই অমুপ্রাস দিয়াছি।”

নিমাই বলিলেন, “আপনার আরও কিছু বলিবার আছে কি ? ভাল করিয়া বিচার করিয়া দেখুন।”

দিগ্বিজয়ী এবার গর্বে গরম হইয়া উঠিলেন, ক্রটিভাবে বলিলেন “আমার শ্লোক দোষ-লেশ-পরিশৃঙ্খ এবং বেদবৎ অস্বাস্ত। তোমাকে কাব্যালঙ্কার বুঝাইলেও বুঝিতে পারিবে না ! তুমি বৈয়াকরণ, শিশুশাস্ত্র ব্যাকরণ মাত্র পাঠ করিয়াছ, এবং শিশুদিগকে উহারই পাঠ দিতেছ—এই তো পণ্ডিত—তুমি ! তুমি আবার কাব্যের বুঝিবে কি ? তোমায় কাব্যের কথা বুঝাইবই বা কি ?”

চিরবিনয়ী নিমাই পণ্ডিত বলিলেন, “সেই জন্তাইত আপনাকে পুনঃ পুনঃ জিজ্ঞাসা করিতেছি যে, একটুকু বিচার সহকারে, এই শ্লোকের ব্যাখ্যা করুন। আমি অলঙ্কার শাস্ত্র না পড়িলেও যখন

নবদ্বীপে থাকি, অবশ্যই এসম্বন্ধে আমার কিছু গুনা আছে। তাতেই মনে হয় আপনার শ্লোকে যেন কিছু কিছু দোষও আছে। তা আপনি যদি অসম্ভব না করেন, এ বালকের কথার জুড় না করেন, তবে এক একটা করিয়া সে সকল কথা বলিতেছি।”

নিমাই পণ্ডিতের কথা শুনিয়া দিগ্বিজয়ী বস্ত্ততঃই জুড় হইলেন, বলিলেন, “তোমার যত বিজ্ঞাই জ্ঞানা আছে, আমার শ্লোকের দোষ তুমি ধরিবে, তোমার মুখ্যতাই ইহাতে প্রকাশ পাইবে। বল বল, তোমার মুখ্যতাময়ী উক্তিই গুনা যাউক।”

নিমাই পণ্ডিত শাস্তভাবে মৃদু মধুর হাসিয়া বলিলেন, “যখন আপনার রূপা আজ্ঞা হইল, তবে একবার কিঞ্চিৎ শুনুন। কিন্তু অপরাধ মার্জনা করিবেন” এই বলিয়া নিমাই পণ্ডিত দিগ্বিজয়ীর শ্লোক-বিচারে প্রবৃত্ত হইলেন।

শ্রীশ্রীনিমাই পণ্ডিত বলিলেন, “দিগ্বিজয়ী মহোদয়, আপনার পণ্ডের দুই স্থানে “অবিস্মৃষ্ট-বিধেয়াংশ”* দোষ আছে। আপনার এই পণ্ডে “গঙ্গার মহত্ব”ই বিধেয়। “ইদং” পদে কিন্তু অনু-

* শ্রীশ্রীনিমাই পণ্ডিত বেক্রপ পাণ্ডিত্য সহকারে দিগ্বিজয়ীর শ্লোক-বিচার করিয়াছিলেন, সেই সকল উক্তি ও বুক্তি বিলুপ্ত হইয়াছে। শ্রীচরিতা-মৃত্ত প্রভে উহার দুই একটি কথা দেখিতে পাওয়া যায়। আমরা এখানে তাহারই একটু আভাস দিতেছি। তিনি প্রথমতঃ এই শ্লোকের দুই স্থানে “অবিস্মৃষ্ট-বিধেয়াংশ” দোষের উল্লেখ করিয়াছেন।

১। অবিস্মৃষ্টবিধেয়াংশ দোষের নাম কাব্যপ্রকাশেও দেখিতে পাওয়া যায়।
ব্যাখ্যা :—

বাস্তবের ভাব নিহিত আছে । আপনার শ্লোকে অনুবাস্তবের পুঙ্খই
বিধের বিস্তৃত হইয়াছে । শাস্ত্রের নিয়ম এই যে,—

অনুবাস্তব + মনুজৈব ন বিধেয় মুদীরয়েৎ ।

অর্থাৎ অনুবাদ্য না বলিয়া বিধেয় বলিতে নাই । সুতরাং
আপনার পদ্যের এই স্থল অবিমৃষ্ট-বিধেয়াংশদোষ-দুষ্ট । এই

সন্দিক্তমপ্রতীতম্

গ্রাম্যং নৈম্যার্থমথ ভবেৎ রিষ্টম্

• অবিমৃষ্টবিধেয়াংশম্

সপ্তম উল্লাস । ৩ শ্লোক ।

অবিমৃষ্টঃ প্রাধাত্ত্বেন অনিদিষ্টো বিধেয়াংশো যত্ ।

অর্থ—যেহলে বিধেয়াংশের প্রাধাত্ত্ব নির্দেশ না হয়, সেই স্থলই অবিমৃষ্ট-
বিধেয়াংশ-দোষ-দুষ্ট ।

এহলে প্রাধাত্ত্ব শব্দের অর্থ,—ত্রিবিধ-প্রতীতিযোগ্যতা ।

+ “অনুবাদ্যমনুজৈব ন বিধেয়মুদীরয়েৎ ।

নহলকাল্পং কিঞ্চিৎ কৃত্তচিৎ প্রতীতিঃ ॥

অনুবাস্তব—শ্রীচরিতামৃতের কতকগুলি মুদ্রিত সংস্করণে এবং শ্রীচরিতামৃতের
ঐকগানি মুদ্রিত শ্লোকমালায় ‘অনুবাস্তব’ স্থলে ‘অনুবাদ’ পাঠ দৃষ্ট হইল । বলা
বাহুলা এ পাঠ ভ্রম । অনুবাদ্য ও অনুবাদ একার্থবাচক নহে । বিশেষতঃ এহলে
“বিধেয়” পদের সহিত “অনুবাদ” সামান্যাদিকরণে সন্নিবেশিত করাও অসঙ্গত ।
স্তারস্বত্রে অনুবাদ পদের অর্থ এই :—

বিধিবিহিতস্তানুবচনমনুবাদঃ ।

অর্থাৎ বিধিবিহিত বাক্যের অনুবচনই অনুবাদ । ব্যাংজারন ভাষ্যে ইহার
অর্থ বিবৃত হইয়াছে । ভাষ্যকার বলেন, বিধির অনুবচনও অনুবাদ, আবার

দোষটী—“দ্বিতীয় শ্রীলক্ষ্মী” এই স্থলেও আছে। “দ্বিতীয় শ্রীলক্ষ্মী” এই বাক্যে দ্বিতীয় পদটি বিধেয় কিন্তু আপনি উহাকে শ্রীলক্ষ্মীর সহিত সমাসে যুক্ত করিয়া ফেলিয়াছেন। উহার মুখ্য অর্থ স্থানে গোণ অর্থ ঘটিয়াছে, তাহাতে অর্থ নষ্ট হইয়াছে।

বিহিতের অনুবচনও অনুবাদ। বিধির অনুবচনকে শব্দানুবাদ বলে, বিহিতের অনুবচন অর্থানুবাদ নামে অভিহিত। অর্থবান্ অভ্যাসই (পুনঃ পুনঃ বলা) অনুবাদ। যেমন “পঢ়তু পঢ়তু ভবান্” আপনি পাক করুন, পাক করুন। এইরূপ বলিবার একটা অর্থ আছে। যেখানে এইরূপে বাক্য অভ্যাস হয়, অথচ উহার কোন অর্থ না থাকে তবে উহা পুনরুক্ত দোষ নামে অভিহিত হয়। বেদে বিধিবাদ অর্থবাদ ও অনুবাদ এই তিন প্রকার বচন-বিভাগ দেখিতে পাওয়া যায়, ইহাই গৌতমের মত। তদ্ব্যথা :—

ত্রিধার্থবাদানুবাদবচনবিনিয়োগাৎ ।

গৌতমশাস্ত্রে বিধি কাহাকে বলে, অর্থবাদ কাহাকে বলে, সংক্ষেপতঃ তাহার ব্যাখ্যা আছে। কিন্তু মীমাংসাকরণ ও নব্য নৈয়ায়িকগণ এই সকল কথা লইয়া সন্নিহিত আলোচনা করিয়াছেন।

আপোদেব-বিরচিত মীমাংসা-স্তায়প্রকাশ, কৃকবজ্জকৃত মীমাংসা-পরিভাষা ও লৌগাকি ভাস্কর কৃত অর্থসংগ্রহ গ্রন্থে বিধি ও অর্থবাদাদির যথেষ্ট আলোচনা আছে। নব্য স্তায়বিশারদ মহামহোপাধ্যায় গঙ্গেশকৃত তত্ত্বচিন্তামণি গ্রন্থের শব্দার্থে মহামহোপাধ্যায় শ্রীমধ্বনাথ তর্কবাগীশ-রচিত উক্ত গ্রন্থের রহস্য নামক টীকার ও মহামহোপাধ্যায় শ্রীজয়দেব মিশ্র-রচিত আলোকাধ্য টীকার এই সকল বিষয়ের প্রচুর আলোচনা আছে।

মীমাংসাকরণ স্তায়চার্য্য গৌতমের মূত্র বাক্য হইতে ভিন্ন পথে বিচরণ করিয়াছেন। দৃষ্টান্ত স্থলে এখানে লৌগাকি ভাস্করের অর্থসংগ্রহ হৃত একটি কারিকার উল্লেখ করা বহিঃতঃ :—

“দ্বিতীয় শ্রীলক্ষ্মীরিব” এই বাক্যে “ইব” শব্দ দ্বারা লক্ষ্মীর সহিত যে সমতা দেখাইতে আপনি ইচ্ছা করিয়াছেন, আপনার শব্দবিভাগে সে সমতা-অর্থ বিনষ্ট হইয়াছে, এখানেও অনুবাদের পূর্বে বিধেয় পদ বিভক্ত হইয়াছে। সুতরাং এস্থলেও অবিশুদ্ধবিধেয়াংশ দোষ ঘটিয়াছে।

বিরোধে ভগ্নবাদঃ স্তাদনুবাদোহন্যধারিতে ।

ভূতার্থবাদস্তচ্ছানার্থবাদ স্থিধ্যমতঃ ॥

এখানে দেখা যায় অনুবাদ অর্থবাদের অন্তর্গত। অবধারণার্থ প্রকাশ অনুবাদের দ্বারাই সম্পন্ন হয়। গোতম কিন্তু বিধি, অনুবাদ ও অর্থবাদ এই তিনের ভিন্ন সংজ্ঞা করিয়াছেন।

যাহা হউক, লৌগাঙ্কিতান্ত্রের অনুবাদের যে অর্থ করিতেছেন তাহা এই :—

প্রমাণান্তরাবগতার্থাববোধকোহনুবাদঃ ।

অর্থাৎ অনুবাদ প্রমাণান্তর দ্বারা অর্থবোধ করায়। ইহার দৃষ্টান্ত এই যে অগ্নি হিমস্ত ভেদজন্ম,—অর্থাৎ অগ্নি হিমের ভেদজ।

লৌগাঙ্কি ভাস্কর লিখিয়াছেন :—

‘অত্র হিম বিরোধিত্ত্ব অগ্নৌ প্রত্যক্ষাৎসমব্রাৎ ।

’ অর্থাৎ অগ্নিতে যে হিমবিরোধী ভগ্ন আছে, তাহা প্রত্যক্ষপ্রমাণ সিদ্ধ।

কুব্জবদ্ধাকৃত মীমাংসা-পরিভাষাতে লিখিত আছে :—

মানান্তরেন প্রাপ্তার্থস্ত পুনঃ প্রবণমনুবাদঃ ।

অর্থাৎ মানান্তর দ্বারা প্রাপ্ত অর্থের পুনঃ প্রবণই অনুবাদ।

অনুবাদ্য ও অনুবাদ্যম্—উদ্দেশ্য । প্রাপ্তস্ত প্রাপ্তরে কথনমুদ্দেশ্যঃ । যে অর্থ বা বিবরণ প্রাপ্ত হওয়া যায়, অপর ধর্মদ্বারা সেই অর্থ বা বিবরণের প্রাপ্তির যে কথন—তাহাই উদ্দেশ্য।

দিগ্বিজয়ীর মুখ পরিপ্লান হইল ।

এতদ্ব্যতীত “ভবানী ভর্তৃঃ” পদে আরও একটা দোষ সংঘটিত হইয়াছে। এই দোষটির নাম—‘অবিরুদ্ধমতিক্রম’। যে শব্দ-
বিশ্বাসে প্রকৃত অর্থে বিরুদ্ধ-প্রতীতি জন্মে, তাহারই নাম—
‘বিরুদ্ধমতিক্রম’ ।

বিধেয়ম্ সাধ্যম্ । অপ্রাপ্তস্ত প্রাপ্তয়ে কথনম্ বিধানম্ । অপ্রাপ্ত অর্থের
বা বিবরের প্রাপ্তির নিমিত্ত যে কথন, তাহাই বিধান ।

অগ্রে অমুবাদ্যের (উদ্দেশ্যের) কথা না বলিয়া বিধেয়ের কথা বলিতে
নাই । অলঙ্কারে কোন বিষয় কোন স্থানে সন্নিবেশিত করা অসঙ্গত । অর্থাৎ
যাহা অজ্ঞাত, তাহা পূর্বে বলিতে নাই । কেন না, তাহা হইলে উহার অর্থবোধ
অসিদ্ধ হইয়া উঠে ।

শ্রীচৈতন্যচরিতামৃতের এই শ্লোকের মূল্যষ্ট ব্যাখ্যা আছে তদ্বৎথা :—

অমুবাদ্য না কহিরা না কহি বিধেয় ।

আগে অমুবাদ্য কহি পশ্চাৎ বিধেয় ॥

বিধেয় কহি তারে যেই হয় অজ্ঞাত ।

অমুবাদ্য কহি তারে যেই হয় জ্ঞাত ॥

বৈছে কহি এই বিপ্র পরমপণ্ডিত ।

বিপ্র অমুবাদ্য ইহার বিধেয় পাণ্ডিত্য ।

বিপ্রই ব্যাতি তার পাণ্ডিত্য অজ্ঞাত ।

অন্তএব বিপ্র আগে পাণ্ডিত্য পশ্চাতে ॥

যাহা ব্যাতি তাহাই অমুবাদ্য । অবিশুদ্ধবিধেয়ারণ দোষের অপরাধ নাম,—বিধেয়-
বিশর্প ।

এখানে “ভবানীভর্তা” ; পদদ্বারা “শিবপত্নীর ভর্তা”, অর্থাৎ “দ্বিতীয় ভর্তা” অর্থের প্রতীতি জন্মে ।

ভবানী শব্দে কহে মহাদেবের গৃহিণী ।

তার ভর্তা কহিলে দ্বিতীয় ভর্তা জানি ॥

শিবপত্নী ভর্তা ইহা শুনিতে বিরুদ্ধ ।

বিরুদ্ধমতি শব্দ শাস্ত্রে কভু নহে শুদ্ধ ॥

ব্রাহ্মণ পত্নীর ভর্তার হস্তে দেহ দান ।

শব্দ শুনিতেই হয় দ্বিতীয় ভর্তা জ্ঞান ॥

ভবানীপতি পদটি বিরুদ্ধমতিকৃৎ-দোষের উদাহরণরূপে কাব্যপ্রকাশ ও সাহিত্য দর্পণাদি গ্রন্থে ব্যবহৃত হইয়াছে । কাব্যপ্রকাশকার লিখিয়াছেন :—

“ভবানীপতিশব্দোভবাত্মাঃ পত্যস্তরে প্রতীতিং কয়োতি ।”

অর্থাৎ “ভবানীভর্তা” পদে ভবানীর পত্যস্তরে প্রতীতি জন্মায় । ভবের পত্নীই ভবানী । তাহার পরে আর “ভর্তা” পদ ব্যবহার অসঙ্গত নহে ।

সাহিত্য-দর্পণকারও এই কথাই প্রতীক্ষণ করিয়াছেন যথা :—

“ভবানীশঃ শব্দো ভবাত্মাঃ পত্যস্তর প্রতীতিং কারয়িত্বা বিরুদ্ধ-মবগময়তি ।” অর্থাৎ ভবানীশ পদ ভবানীর পত্যস্তরে প্রতীতি জন্মাইয়া বিরুদ্ধতাব জন্মাইয়া “বিরুদ্ধমতিকৃৎ” দোষ জন্মায় ।

দিগ্বিজয়ী লজ্জায় ও অপমানে মস্তক অবনত করিলেন ।

নিমাই বলিলেন, “মহাশয় আপনার পক্ষে আরও একটি দোষ

আছে—উহার নাম “পুনরাস্তদোষ । সমাপিত-বচনান্তর-কথনম্—
পুনরাস্তম্ । অর্থাৎ সমাপ্তবাক্যের পরে পুনশ্চ সেই বাক্যে শব্দ-
বিস্তার করাই পুনরাস্তদোষ ।

এই পঙ্ক্তির চতুর্থ চরণে “বিতবতি” ক্রিয়া-প্রয়োগে বাক্য
পরিসমাপ্ত হইয়া গিয়াছে । আবার তাহার পরে “অদ্ব্যতগুণ”
এই বিশেষণ প্রদত্ত হইয়াছে । ইহাই পুনরাস্তদোষ ।

আর একটি দোষ—ভগ্নক্রম । এই পদের তিন চরণে
অনুপ্রাস আছে, কিন্তু এক চরণে অনুপ্রাস নাই । “ভগ্নঃ
ক্রমঃ উদ্দেশ্যানুগুণঃ প্রস্তাবো বস্মিন্ স ভগ্নক্রমঃ ।”

অর্থাৎ যে ক্রমে বর্ণনা হইয়া আসিতেছে, যদি কোথাও
তাহাতে কোনরূপে ক্রম-ভঙ্গ হয়, তাহা হইলে উক্ত দোষ ভগ্নক্রম
নামে অভিহিত হয় ।

নিমাই পণ্ডিত বলিলেন, আপনার পদ্যটীতে প্রশংসার বিষয়
যে না আছে তাহা নহে, কিন্তু পাঁচটি দোষে উহা ছুট হইয়া
পড়িয়াছে । রসশাস্ত্রের আদি, গুরু ভরত মুনি বলেন :—

রসালঙ্কারবৎকাব্যঃ দোষযুগ্চেদ বিভূষিতঃ

স্বাদুপুঃ স্তম্ভরমপি শিত্রে নৈকেন ছর্ভগম্ ।

অর্থাৎ রসালঙ্কারবিশিষ্ট কাব্য নানা গুণে বিভূষিত হইলেও
অল্পমাত্র দোষযুক্ত হইলেই তাহার সৌন্দর্য্য নষ্ট হইয়া যায়,
শ্বেতি-লেশযুক্ত দেহ স্তম্ভর হইলেও উহা ছর্ভগ-বলিয়া অনাদৃত
হইয়া থাকে ।

দিগ্বিজয়ী নিতান্ত অপ্রতিভ ও* অসহায়ের জ্ঞান দীনাতদীন

ভাবে নিমাই পণ্ডিতের মুখের দিকে চাহিয়া রহিলেন । পরম করুণাময় বুঝিলেন, দিগ্বিজয়ীর গৰ্জ্জ একেবারেই বিচূর্ণিত হইয়াছে ।

শ্রীশ্রীনিমাই পণ্ডিত দিগ্বিজয়ীকে অপ্রতিভ দেখিয়া হুঃখিত হইলেন । নিমাইপণ্ডিত বালক হইলেও তাঁহার হৃদয়ে মায়ের মত স্নেহ । কোলের শিশুর মুখখানি মলিন দেখিলে মায়ের হৃদয়ে যেরূপ যাতনা হয়, দিগ্বিজয়ীর নিস্ত্রুত বিমলিন মুখ দেখিয়া সদয়-হৃদয় নিমাই স্নেহস্নিগ্ধ মুখে বলিলেন,—“দিগ্বিজয়ী ঠাকুর, আপনার শ্লোকে প্রশংসার বিবরণ অনেক আছে । ইহাতে শকাবলকার আছে, অর্থালঙ্কার আছে । ইহার দুই স্থানে শকাবলকার ও তিন স্থানে অর্থালঙ্কার দৃষ্ট হইতেছে ।

শকাবলকারের মধ্যে প্রথমতঃ আনি অনুপ্রাসের কথাই বলিতেছি । আপনার শ্লোকের তিন পাদেই অনুপ্রাস আছে, প্রথম চরণে পঞ্চ তকার, তৃতীয় চরণে পঞ্চ রকার এবং চতুর্থ চরণে ভকার চতুষ্টয় বিদ্যমান থাকিয়া যথারূপে অনুপ্রাসের পরিচয় প্রদান করিতেছে । অতি সুন্দর অনুপ্রাসে পদ্যের লালিত্য বৃদ্ধি পাইয়াছে ।

মাতা যেমন শিশুর মনস্তত্ত্বের জ্ঞাত অনেক প্রকার স্তোভবাক্য বলিয়া শিশুকে সান্ত্বনা প্রদান করেন, নিমাইসুন্দর ঠিক সেইভাবে দিগ্বিজয়ীকে সান্ত্বনা দিবার জ্ঞাত বলিতে লাগিলেন :—দেখুন দিগ্বিজয়ী ঠাকুর “পুনরুক্তবদান্তাস”—কাব্যের একটা প্রশংসনীয় শকাবলকার । “পুনরুক্তবদান্তাস”—কাহাকে বলে—আপনার তো তাহা অবিকৃত নহে ।

আপাততো বদর্থস্ত পৌনরুক্ত্যেনভাসনম্ ।

পুনরুক্তবদাভাসঃ স ভিন্নাকারশব্দগঃ ॥

“শ্রীলক্ষ্মীঃ” পদে শ্রীশঙ্করের অপর পর্যায় লক্ষ্মী হইলেও এখানে পুনরুক্তি দোষ ঘটে নাই । শব্দবিজ্ঞাসটী পুনরুক্তির ছায় প্রতীর-
বান হইতেছে বটে, কিন্তু ইহাকে পুনরুক্তি দোষ বলা যায় না ।

শ্রীশঙ্কটী লক্ষ্মীশঙ্করের পর্যায়ভুক্ত, বধা অমরকোষে—

লক্ষ্মীঃ পদ্মালয়া পদ্মা কমলা শ্রীহরিপ্রিয়া ।

ইন্দ্রিরা লোকমাতা, মা, ক্ষীরাক্ষিতনয়া রমা ॥

কিন্তু এতদ্ব্যতীত ইহার আরও অর্থ আছে । শ্রীশঙ্কটী ভগ ও নিরতিশয় শোভা অর্থও প্রকাশ করে । সুতরাং এখানে শ্রীলক্ষ্মী অর্থ,—পূরম শোভাশালিনী লক্ষ্মী ।

ইহাই পুনরুক্তবদাভাস ! এইরূপ প্রয়োগ শব্দালঙ্কার বলিয়াই গণ্য ।

এক্ষণে আমি আপনার গ্লোকে অর্থালঙ্কারের কথা বলিতেছি ।

“লক্ষ্মীরিব” বাক্যে উপমা প্রদর্শিত হইয়াছে । এটা অবশ্যই সাধারণ অলঙ্কাররূপেই এখানে গণ্য, কিন্তু অপর যে একটি অর্থালঙ্কার আপনার গ্লোকে দেখিতে পাই, তাহা অতি চমৎকার । আমি এখানে “বিরোধাভাস” অলঙ্কারটীর কথাই বলিতেছি ।

জলে কমলের জন্ম, একথা সকলেরই সুবিদিত । কিন্তু কমলে গন্ধার উৎপত্তি, একথাই চমৎকারিত্ব আছে । কমলে কি কখনও গন্ধা জন্মিতে পারে ? ইহা অসম্ভব—ইহা অতি বিরুদ্ধ । কিন্তু আপনি এই অসম্ভবকে প্রকৃত সত্যরূপে সঙ্গ্রহণ করিয়াছেন । এই

বিরোধ যে বিরোধ নয়, কেবল বিরোধ বলিয়া আপাততঃ প্রতীয়মান হয়—আপনি তাহা সুস্পষ্ট প্রদর্শন করিয়াছেন ।

আপনি বলিয়াছেন বিষ্ণুচরণ কমল হইতে গঙ্গার উৎপত্তি । এ অতি চমৎকার বিরোধভাস অলঙ্কার । ইহাতে বিরোধ নাই, কেবল বিরোধের আভাস মাত্র প্রতীয়মান হইতেছে ।

“আভাসহাৎ বিরোধস্ত বিরোধভাস ইব্যতে ।”

আপনার শ্লোক শুনিয়া আমার মনে সহসা একটা ভাবের উদয় হইল :—

অমৃতমম্বুনি জাতঃ

কচিদপি ন জাতমম্বুজাদম্বু ।

মুরভিদি তদ্বিপরীতঃ

পাদাস্তোজায়হানদী জাতা ॥

অর্থাৎ জলেই পদ্ম জন্মে, কমল হইতে কখনও জলের জন্ম হয় না । কিন্তু কমলপদ মুরারিতে তাহার বিপরীত দৃষ্ট হয়, তাহার চরণকমল হইতেই গুণাতোয়া মহানদী গঙ্গার উৎপত্তি হইয়াছে ।

• আরও একটি অর্থালঙ্কারের কথা বলিতেছি । উহা—অমুমানালঙ্কার ।” সাধন বা হেতু দ্বারা সাধ্যের জ্ঞানস্থচক অলঙ্কারকেই অমুমানালঙ্কার বলা হয় ।

এখানে গঙ্গার মহত্বই—সাধ্য ।

আপনি তাহার এই হেতু প্রদর্শন করিয়াছেন যে,—ইনি বিষ্ণু-পাদপদ্ম হইতে উৎপন্ন । বিষ্ণু-পাদপদ্ম নিরতিশয় মহৎ, বাহা বিষ্ণু-পাদপদ্ম হইতে উদ্ভূত তাহাও মহৎ, গঙ্গা বিষ্ণু-পাদপদ্ম-সম্ভূতা,

স্বতন্ত্র অসুখমিতি দ্বারা গঙ্গার মহত্ব স্থিরীকৃত হইল। ইহাই অসুখমানালঙ্কার ।

আপনার কবিতা প্রতিভাময়ী, ইহাতে নবনবোন্মেষশালিনী বুদ্ধির বহু পরিচয় পাওয়া যায়। সবিশেষ বিচার করিলে ইহাতে আরও বহু বহু গুণের নিদর্শন পাওয়া যাইতে পারে। বিশেষতঃ আপনি দেবতার বরে কবিত্ব শক্তি লাভ করিয়াছেন।

নিমাই পণ্ডিতের সাস্ত্রনা বা স্তোভ বাক্য শুনিয়াও দিগ্বিজয়ীর মন প্রবোধ মানিল না। তিনি নিমাইর অপরিমেয় পাণ্ডিত্য প্রতিভা-প্রকর্ষ দেখিয়া স্তম্ভিত হইগেলেন। কিয়ৎক্ষণ তাঁহার মুখে কোনও কথার স্ফুর্তি হইল না। প্রচণ্ড মার্ত্তণ্ডের তীব্রালোকে ঋত্বোত্তের কীর্ণ জ্যোতি যেমন অদৃশ্য হইয়া যায়, নিমাইর সম্মুখে দিগ্বিজয়ীর দিগ্বিজয়িনী প্রতিভাও তেমনি লীন হইয়া পড়িল।

দিগ্বিজয়ী নিমাইর মুখের দিকে চাহিয়া দেখিলেন—মুখখানি যেন চির সমুজ্জল, চিরমধুর স্নিগ্ধ প্রতিভার আধার। এমন পাণ্ডিত্য, এমন মাধুর্য্য ও এমন প্রসন্ন বাৎসল্যের একরূপ সংমিশ্রণ দিগ্বিজয়ী আর কোথাও দেখিতে পান নাই। দিগ্বিজয়ীর ইচ্ছা—তিনি নিমাই পণ্ডিতের চরণতলে পড়িয়া একবার কাতরস্বরে জিজ্ঞাসা করেন—“বল শুনি তুমি কে,—তুমি যে হও সে হও, কিন্তু তুমি যে মানুষ নও—ইহা নিশ্চয়। মানুষের মুখে আমি এমন ভাব আর কখনও দেখি নাই।”

কিন্তু দিগ্বিজয়ীর হৃদয় তখনও এত নির্মল ও নরম হয় নাই যে ভক্তিতাবে মহাপ্রভুর চরণাশ্রয় করিতে পারেন, অভিমানের লেশ-

ভাল তখনও উহার হৃদয়ে বিরাজমান । তিনি ভাবিতে লাগিলেন, না জানি কি অপরাধে সরস্বতী দেবী আমার প্রতি কষ্টা হইয়াছেন, তাই আজ এই বাণকের দ্বারা আনাকে অশ্রুতিভ করিলেন ।”

যাহা হউক, তিনি মনের ভাব গোপন করিয়া বলিলেন, “নিমাই পণ্ডিত, তোনার ব্যাখ্যা শুনিয়া আমি বিস্মিত হইয়াছি । তোমার শাস্ত্রাভ্যাস নাই, অলঙ্কারশাস্ত্র-অধ্যয়ন নাই, কিন্তু অতি বিস্ময়ের কথা এই যে তুমি কোন্ শক্তিতে শক্তিমান হইয়া এইরূপ ব্যাখ্যা করিতে সমর্থ হইলে !

নিমাই পণ্ডিত অতি ভাল মানুষের দ্বার শিষ্টভাবে বলিতে লাগিলেন,—দিখিজরী ঠাকুর, শাস্ত্রের বিচার বুঝি না, ভালমন্দও জানি না, সরস্বতী যাহা বলাইয়াছিলেন, তাহাই বলিয়াছি । এক্ষণে আপনি কিছুই মনে করিবেন না ।”

দিখিজরী চক্ষু দুইটা ছল্ ছল্ হইয়া উঠিল । বিস্ময়ের প্রভাব কমিল, আর অমনি পরাভবের প্রভাব তাঁহার হৃদয়ে নূতন বেগে উথলিয়া উঠিল । তাঁহার নিম্প্রভ মলিন ও কঁাদ-কঁাদ মুখখানি দেখিয়া নিমাই পণ্ডিতের শিষ্যগণ হাসিবার উপক্রম করিলেন । মর্যাদা-ব্রহ্মক অমানি-মানদ নিমাই পণ্ডিত ইঙ্গিত করিয়া শিষ্যদিগকে বাধা দিলেন, আবার শ্রদ্ধাপূর্ণ অথচ সতর্ক নয়নে দিখিজরীর দিকে চাহিয়া বলিলেন :—

“দিখিজরী ঠাকুর, আপনি মহাপণ্ডিত, কবি-শিরোমণি । আপনি যে সকল শ্লোক আজ শুনাইলেন, এরূপ ক্রতরচিত শ্লোকাবলী রচয়িতা প্রকৃতই দুর্লভ । তবে দোষের কথা,—তা কোন্ কাব্যই বা

নির্দোষ ? বিচার করিয়া দেখিলে ভবভূতি কালিদাস ও জয়দেবাবির
কাব্য হইতেও দোষ প্রদর্শন করা যাইতে পারে। তাহাতে কি
তঁাহাদের কবিত্ব-গৌরবের ক্ষতি হয় ? আপনার কবিত্ব-গৌরবে
আমি যথেষ্ট শ্রদ্ধা করিতেছি। দোষ-গুণ-বিচারশক্তি, আর কবিত্ব-
শক্তি এক কথা নহে। দোষগুণ-বিচার সকলেই করিতে পারে,
কিন্তু কবিত্বের শক্তি অতি দুর্লভ। আমি আপনার নিকট শিশু
মাত্র। আমার শৈশবচাপল্যজনিত অপরাধ লহবেন না, আমি
আপনার শিষ্যের সমানও নই। আজ বাসায় গমন করুন। কল্যা
আবার দেখা হইবে, আবার আপনার মুখে শাস্ত্রবিচার শুনিব।

দিগ্বিজয়ী ও নিমাই পণ্ডিত আপন গৃহে গমন করিলেন। দিগ্-
বিজয়ী সারো রাত্রি সরস্বতীর ধ্যানে মগ্ন হইলেন। সরস্বতী স্বপ্ন-
যোগে তঁাহাকে জানাইলেন—নিমাই পণ্ডিত মাহুষ নহেন, স্বয়ং
ভগবান্। রাত্রি অবসান হওয়া মাত্রই দিগ্বিজয়ী মহাপ্রভুর
শ্রীচরণে শরণ লইয়া প্রার্থনা করিলেন, “প্রভো, আর আমার নিকট
আত্মগোপন করিও না। এখন আমার কৃপা কর।” স্বয়ং সরস্বতী
আমাকে জানাইরাছেন,—তুমি স্বয়ং ভগবান্।

শ্রীশ্রীনিমাই পণ্ডিত তঁাহার চির-সঙ্কিত কৰ্ম্মবন্ধন ঘুচাইয়া দিয়া
তঁাহাকে শ্রীচরণাশ্রিত করিয়া লইলেন।

শ্রীগৌরানন্দর জাহ্নবীতটে কতরূপ লীলা প্রকাশ করিয়া-
ছেন, তঁাহার অন্তরঙ্গ ভক্তগণ সেই সকল লীলার অন্নমাত্রই
জীবগণের আনন্দনের জন্য লিপিবদ্ধ করিয়া গিয়াছেন।

দিগ্বিজয়ীর মুখেও তিনি গঙ্গামাহাত্ম্য প্রকাশ করাইলেন।

দিখিজরীর শ্লোকের যে অংশ বিরোধভাগ অলঙ্কারে বিভূষিত, কল্পনাময় সেই অংশের ভূয়সী প্রশংসা করিয়াছেন। অর্থাৎ জলেই কমলের জন্ম, কিন্তু শ্রীভগবানের চরণ-কমলের এমনই মাহাত্ম্য, যে উহা হইতেই জাহ্নবীধারা প্রবাহিতা এবং সেই ধারা জীবগণের নিস্তারের উপায়রূপে বিরাজমান।

জীবের চিরসুখদুঃখ শ্রীশ্রীগোরাঙ্গমুন্ডের দিখিজরীকে গঙ্গাঘাটে দয়া করিলেন কেন? আর তিনি তাঁহার দ্বারা গঙ্গামাহাত্ম্যসূচক শ্লোকই বা বর্ণনা করিলেন কেন? দয়াময় এতদ্বারা জীবগণকে বুঝাইলেন, জাহ্নবী পতিতপাবনী, কলুধনিবারিণী। বাঁহারা তাঁহার শ্রীপাদপদ্ম খুঁজিতে যায়, তাহাদিগকে জাহ্নবীর শরণাপন্ন হইতে হইবে, ইহা একটা সাধনা-বিশেষ। অদৃষ্ট বস্তুর জ্ঞানসন্ধান করিতে হইলে তৎসংসৃষ্ট দৃষ্ট বস্তুর সাহায্য লইয়া তাহার অনুসন্ধান করাই সহজ উপায়।

শ্রীমদ্ভাগবতে এই উপায় প্রদর্শিত হইয়াছে। তৃতীয় অধ্যায়ে প্রকৃতির অধিষ্ঠাত্রী দেবতাগণ শ্রীভগবানের স্তব করিয়া বলিতেছেন :—

মার্গস্তি যন্তে মুখপদ্মনীড়ৈশ্ছন্দঃসুপর্ণৈঃ ঋষয়ো বিবিক্তে

যশ্চাষ্মমৰ্বোদ-সরিদ্বারায়্যাঃ পদং পদং তীর্থপদঃ প্রপন্নাঃ।

অর্থাৎ “হে ভগবন্! আমরা তোমার শ্রীপাদপদ্মের পরণ লইলাম। ঋবিগণ তোমার শ্রীপাদপদ্মের অনুসন্ধান করার সুবিধাজনক প্রণালী অবলম্বন করেন। তাঁহারা জানেন, বেদরূপ-বিহঙ্গগণের আশ্রয় স্থান,—তোমারই শ্রীপাদপদ্ম। বৃক্ষাদি-বিবর্জিত

নিরাশ্রয় প্রান্তরের পথিক যেমন গগনচর বিহগগণের সাক্ষ্যগতি দেখিয়া বৃক্ষাদির অবেষণে সেই দিকে ধাবিত হয়, অসঙ্গচিত্ত-
 ঋষিরাও ঠিক সেইরূপ বেদরূপ পক্ষিগণের অনুসরণ করিয়া তোমার
 শ্রীপাদপদ্মের অভিমুখে অগ্রসর হইয়া থাকেন। কিন্তু তোমার
 শ্রীপাদপদ্মলাভের পক্ষে ইহা অপেক্ষা আরও সহজ উপায় আছে।
 “তোমার শ্রীচরণ হইতেই যখন পতিতপাবনী জীবনিস্তারিণী
 জাহ্নবীর উদ্ভব, তখন সেই জাহ্নবীর সেবা দ্বারাও তোমার শ্রীপাদ-
 পদ্মের প্রাপ্তে উপস্থিত হওয়ার উপায় রহিয়াছে।”

জাহ্নবী পাপনাশিনী, নরকনিবারণী,—জাহ্নবী শ্রীকৃষ্ণভক্তি-
 প্রদায়িনী। তাই কলিকলুঘনিস্তারিণী জাহ্নবীর মাহাত্ম্য কীর্তন
 করাইয়া, দয়াময় দিগ্বিজয়ীর চিত্ত সংশোধন করিলেন, তাঁহার
 পাপ নাশ হইল, তাঁহার হৃদয় শ্রীগৌরানুসন্দেরের কৃপাদৃষ্টির
 উপযোগী হইল।

দুই চারি মুহূর্ত্ত অতিবাহিত হইতে না হইতেই তাঁহার হৃদয়ে
 শ্রীগৌরভক্তি উছলিয়া উঠিল। তখন দিগ্বিজয়ী গৌর-কৃপা
 বৃদ্ধিতে সমর্থ হইলেন, শ্রীগৌরানন্দের শ্রীচরণে চিরদিনের তরে
 আশ্রয় লইলেন।

ভক্তিলাভের প্রাথমিক অবস্থা সাধন-সাধ্য। সাধন দ্বারা চিত্ত-
 ভগবদ্ভক্তি লাভের উপযোগী হয়। এস্থলে মহাপ্রভু দেখাইলেন
 শ্রীশ্রীগঙ্গামাহাত্ম্য-কীর্তনই পাপ-নাশের এক মহাসাধন। তাই
 শ্রীশ্রীগঙ্গার মাহাত্ম্য কীর্তন করাইয়াই পরম করুণাময় ভগবান্
 দিগ্বিজয়ীকে আপন শ্রীচরণের নিত্যদাস করিয়া লইলেন।

দিথিজয়ীর পরাজয়ের বার্তা। পরদিন রাত্রি প্রভাত হওয়ামাত্র সমগ্র নদীয়ায় প্রচারিত হইল—সর্বত্রই এক কথা—“নিমাই পণ্ডিতের নিকট দিথিজয়ী পরাস্ত হইয়াছেন—অত বড় দিথিজয়ী নিমাই পণ্ডিতের শিষ্য স্বীকার করিয়াছেন। দশদিকে জয়-জয় রবের ধ্বনি উঠিল। সকলেই বলিতে লাগিলেন—“ভাগ্যে জগন্নাথ মিশ্র-নন্দন নিমাই, পণ্ডিত হইয়াছেন, তাই নবদ্বীপের মান রক্ষা হইল। নিমাই বিজ্ঞার গৌরব করেন, আর আমরা প্রকাশ্যে অপ্রকাশ্যে তাঁহার নিন্দা করি, এখন বুঝিলাম নিমাই পণ্ডিতের গর্ব সার্থক। পণ্ডিতেরা সববেত হইয়া বলিতে লাগিলেন—“নিমাই সেদিনকার বালক কিন্তু কি অমাহুঘী প্রতিভা! আমরা কতজনকে কত পদবী দিয়া থাকি। এখন নিমাই পণ্ডিতকে “বাদিসিংহ” পদবী দেওয়া হউক। যথা শ্রীচৈতন্যভাগবতে :—

সকল লোকের হৈল মহাশ্যার্য জ্ঞান।

নিমাই পণ্ডিত হয় বড় বিজ্ঞাবান॥

দিথিজয়ী হারিয়া চলিল যার ঠাকুর।

এত বড় পণ্ডিত আর কোথা শুনি নাই॥

সার্থক করেন গর্ব নিমাই পণ্ডিত।

এবে সে তাহান বিদ্যা হইল বিদিত॥

কেহ কেহ বলে “ভাই মিলি সর্বজননে।

বাদিসিংহ বলিয়া পদবী দিব তানে॥”

এইরূপে নদীয়ায় শ্রীগৌরানন্দের অমাহুযী বিষ্ণাবুদ্ধি-প্রতিভা-
গৌরব প্রকাশ পাইয়াছিল ।

শ্রীভগবানের অপর এক শক্তি—সর্বলোকের চিত্ত-আকর্ষণ ।
তিনি জীবের চিত্ত স্বীয় চরণের দিকে আকর্ষণ করেন, এই অর্থে
শ্রীভগবানেয় এক নাম কৃষ্ণ । গৌরানন্দসুন্দর নিমাই পণ্ডিতও
কৃষ্ণ । তাঁহার লোকাকর্ষণ-শক্তি-দীনা শ্রীচৈতন্যভাগবতের আদি-
দ্বাদশ অধ্যায়ে বর্ণিত হইয়াছে ।

সর্ব নবদ্বীপে সর্বলোকে হৈল ধ্বনি ।

নিমাই পণ্ডিত অধ্যাপক-শিরোমণি ॥

বড় বড় বিষয়ী সকল দোলা হৈতে ।

নাঞ্চিয়া করেন নমস্কর বহনতে ॥

কেবল নমস্কারে নহে, সকলের গৃহ হইতেই প্রতিনিয়ত নিমাই
পণ্ডিতের ঘরে ভক্তি-উপহারস্বরূপ যথেষ্ট ভোজ্য দ্রব্যাদি আসিত ।
নিমাই পণ্ডিত উহার এক তিলও স্বগৃহে রাখিতেন না ! সকল
বস্তু দীনহুঃখীকে বিলাইয়া দিতেন ।

প্রভু সে পরমব্যয়ী ঈশ্বর ব্যাভার ।

হুঃখিতের নিরবধি দেন পুরস্কার ॥

হুঃখিত দেখিলে প্রভু বড় দয়া করে ।

অন্নবস্ত্র কপর্দক দেন পুরস্কারে ॥

দীনের প্রতি দয়া করা করুণাবতারের চিরস্বভাব । অতিথি
সেবার তাঁহার প্রীতি কেমন, তাহাও শুনুন :—

নিরবধি অতিথি আইসে প্রভু ঘরে ।
 যার যেন যোগ্য প্রভু দেন সভাকারে ॥
 কোনদিন সন্ন্যাসী আইসে দশবিশ ।
 সন্তে নিমন্ত্রণ প্রভু হইয়া হরিষ ॥

অতিথি আসিলেই নিমাইর আনন্দ । ঘরে কি আছে, না আছে, তাহার খোজ নাই । নিমাই মাকে বলিয়া পাঠান, “মা আজ কুড়িজন সন্ন্যাসীর আগমন হইয়াছে, রন্ধন হউক ।”

শচীমাতা ভাবিয়া আকুল, ঘরে কিছু নাই, রান্না হইবে কি ? কিন্তু বিশ্বস্তরের গৃহে অভাব কিসের ? শচীমাতার চিন্তামাত্র সহসা বিবিধ ভোজ্যদ্রব্য আসিয়া উপস্থিত হইত । সর্বাঙ্গব্যাপী ভগবান্ এইরূপেই প্রয়োজনীয় দ্রব্য জোড়াইতেন, লক্ষ্মীদেবী রন্ধন করিতেন । নিমাই স্বয়ং অতিথিদের নিকট বসিয়া তাঁহাদিগকে ভোজন করাইতেন । এইরূপে নিমাই গৃহস্থদিগকে আতিথ্যধর্ম শিক্ষা দিতেন :—

গৃহস্থেরে মহাপ্রভু শিখায়েন ধর্ম ।
 অতিথির সেবা গৃহস্থের মূলকর্ম ॥
 গৃহস্থ হইয়া যদি অতিথি না করে ।
 পশুপক্ষী হইতেও অধম বলি তারে ॥
 যার বা না থাকে কিছু পূর্বাদৃষ্ট দোষে ।
 সেহো তৃণ জল ভূমি দিবেক সন্তোষে ॥
 সত্যবাক্য কহিবেক করি পরিহার ।
 তথাপি অতিথিশূন্য না হয় তাহার ॥

নিমাই পণ্ডিতের এইরূপ আচরণে সকলেই বুঝিতে পারিয়াছিলেন, দীনহুঃখিপরিভ্রাণের জন্তই তিনি নদীয়ার অবতীর্ণ হইয়াছেন ।

লক্ষ্মীদেবীও স্বয়ং লক্ষ্মী । রাত্রি প্রভাত হইবার পূর্বে তিনি শয্যা হইতে গাত্রোত্থান করিয়া নিজহস্তে সংসারের কার্য্য করিতেন, দেবালয়ে ষাইয়া দেবালয় মার্জন করিতেন, দেবালয়ে শঙ্খ চক্র আঁকিতেন, স্তম্ভিকনওলী আঁকিতেন, পূজার সাজ করিতেন এবং বৃদ্ধা শঙ্কমাতার সেবা করিতেন ।

এইরূপে অধ্যাপন ও গৃহস্থধর্ম্মের আদর্শ প্রদর্শন করিয়া স্বয়ং ভগবান্ নদীয়ায় বিরাজ করিয়াছিলেন ।

এক সময়ে পূর্ব্ববঙ্গে গমনের জন্ত তাঁহার মনে বাসনা হইল । মায়ের নিকট বিদায় লইলেন, প্রিয়তমা অঙ্কলক্ষ্মী স্বয়ং লক্ষ্মীকে বলিয়া গেলেন, “আমি সত্বরেই ফিরিয়া আসিব, তুমি আমার বৃদ্ধা মাতাকে দেখিও, সতত তাঁহার সেবা করিও ।”

এই বলিয়া শ্রীগৌরমুন্দের শিষ্যগণসহ পূর্ব্ববঙ্গাভিমুখে গমন করিলেন । পথে পথে নরনারীগণ তাঁহার সৌন্দর্য্য-মাধুর্য্যে বিমুগ্ধ হইয়া পড়িলেন । তিনি ধীরে ধীরে কয়েকদিন পরে পদ্মাবতী নদীতটে উপনীত হইলেন । শ্রীগৌরমুন্দের পদ্মার পুলিন, পদ্মার জল ও পদ্মার তরঙ্গ দেখিয়া আনন্দলাভ করিলেন । পদ্মার পর পারে গিয়া কিয়দ্দিবস তথায় অবস্থান করিলেন । এই সময়ে তিনি প্রতিদিন পদ্মার স্নান করিয়া পদ্মাবতীকে প্রকৃতপক্ষেই পুণ্যতীর্থে পরিণত করিয়াছিলেন । শ্রীচৈতন্যভাগবতাকার বলেন :—

দেখি পদ্মাবতী প্রভু মহাকুতূহলে ।

গণসহ স্নান করিলেন তার জলে ॥

ভাগ্যবতী পদ্মাবতী সেইদিন হৈতে ।

যোগ্যা হৈলা সৰ্বলোক পবিত্র করিতে ॥

ফলতঃ মহাপ্রভুর শুভাগমনে বঙ্গদেশ ধন্ত হইল, প্রত্যাহ শত-
শত লোক তাঁহাকে দর্শন করিতে আগমন করিতেন, তাঁহারা
বয়োজ্যেষ্ঠ হইলেও করযোড়ে দণ্ডায়মান হইয়া বলিতেন—
আমাদের মহাভাগ্য যে এদেশে আপনার শুভাগমন হইয়াছে, আমরা
আপনার নাম শুনিয়া মনে করিয়াছিলাম, অর্থাৎসহ আপনার
নিকট উপস্থিত হইয়া, অধ্যয়ন করিব, আপনি স্বয়ং শুভাগমন
করিয়া আমাদের সে বাসনা পূর্ণ করিলেন। আপনি স্বয়ং
বৃহস্পতি ;—তাই বা বলি কেন, আপনি ঈশ্বর। আমরাগকে বিজ্ঞা
দান করুন, আপনি যে ব্যাকরণের টিপ্পনী লিখিয়াছেন, সেই টিপ্পনী
পড়িতে আমাদের ইচ্ছা।”

শ্রীগোরাঙ্গসুন্দর ইহাদের বাসনা সফল করিয়াছিলেন। এই
সময়ের মধ্যে সকলেই তাঁহাকে ঈশ্বর বলিয়া বুঝিতে পারিয়াছিলেন।
শ্রীভগবানের শুভাগমে বঙ্গদেশ পবিত্র হইয়াছিল।

সেই ভাগ্যে অত্মাপিহ সৰ্ব বঙ্গদেশে ।

শ্রীচৈতন্যসঙ্কীৰ্ত্তন করে জীপুরুষে ॥

শ্রীগোরাঙ্গসুন্দর দুই তিনমাসকাল পদ্মাবতীতটে অবস্থান
করিয়াছিলেন, এই সময়ের মধ্যে তাঁহার সহস্র সহস্র শিষ্য হইয়া-
ছিল যথা :—

সহস্র সহস্র শিষ্য হইল তথায় ।

হেন নাহি জানি কে পড়য়ে কোন ঠাঞি ॥

মহাবিষ্টা-গোষ্ঠী প্রভু করিলেন বঙ্গে ।

পদ্মাবতী দেখি প্রভু ভুলিলেন রঙ্গে ॥

এই সন্ময়ে তপনমিশ্র নামক একজন ব্রাহ্মণ তাঁহার অত্যন্ত ভক্ত হইলেন, তাঁহাকে শ্রীগৌরানন্দ বারানসীধামে প্রেরণ করেন । পরে এই তপনমিশ্র দ্বারা তিনি অনেক কার্য সম্পন্ন করিয়াছিলেন ।

এদিকে শ্রীগৌরানন্দস্বন্দরের বিরহে লক্ষ্মীদেবী অন্তর্ধান করিলেন । সাধারণ লোকেরা জানিল কালসপর্দংশনে শ্রীগৌরানন্দের অঙ্কলক্ষ্মী অস্তিত্ব হইয়াছেন । শচীমাতার অবস্থা ইহাতে কিরূপ হইল, তাহা বর্ণনা করাই বাহুল্য মাত্র ।

শ্রীগৌরানন্দ গৃহে ফিরিলেন, শোকসংবাদ শুনিলেন । কিন্তু তিনি নিজের কথা ভুলিয়া বধু-বিরহ-বিধুরা বৃদ্ধা মাতাকে সাহসনা দিয়া সুস্থির করিতে লাগিলেন ।

প্রভুবোলে “মাতা দুঃখ ভাব কি কারণে ।

ভবিতব্যে যে আছে সে স্মৃতিবে কেননে ॥

এইমত কালগতি,—কেহ কারো নহে ।

অতএব সংসার অনিত্য বেদে কহে ॥

ঈশ্বরের অধীন এই সকল সংসার ।

সংযোগ বিয়োগ,—কে বলিতে পারে আর ॥”

মাতার মন ইহাতে প্রবোধ মানিল না । পাছে নিমাইর মনে কষ্ট হয় এই আশঙ্কায় তিনি মনের আগুন মনে চাপা

দিয়া সংসারের কার্য্য করিতেন । নিমাই পণ্ডিত পূৰ্ণবৎ প্রসন্ন-
গম্ভীরভাবে অধ্যাপনায় মন দিলেন । কিন্তু শচীদেবীর চিত্তে শান্তি
নাই,—আবার কবে তাঁহার ঘরে আর একটি বধূলক্ষ্মী দর্শন দিবেন,
তাঁহার মনে কেবলই এই চিন্তাই আগিয়া থাকিত ।

এই সময়ে এই ভুবন-বন্দনীয় ভুবনবিজয়ী ‘অধ্যাপক’
শ্রীগৌরান্দের নাম-যশ দশদিকে ছড়াইয়া পড়িল । নিমাইর তরুণ
ঘোষন, ভুবনমোহন রূপ,—অসীম পাণ্ডিত্য, দশদিক্-ব্যাপী
অনন্ত যশপ্রবাহ ;—কিন্তু সৰ্ব্বাপেক্ষা সমুজ্জ্বল তাঁহার চরিত্রগৌরব ।
তাঁহার যত চাঞ্চল্য যত চাপল্য সকলই পুরুষের সহিত । জীলোক
দেখিলে তিনি সলজ্জভাবে একদিক চলিয়া বাইতেন, কাহারও
মুখপানে তাকাইতেন না, কাহারও সমক্ষে কোন অশিষ্ট বা
অশ্রদ্ধা কথা বলিতেন না—সেক্ষেপ ভাবও তাঁহার জন্মে ছিল না ।
শ্রীচৈতন্যভাগবত-কার লিখিয়াছেন :—

এই মত চাপল্য করেন সভাসনে ।

সবে জীমাত্র নাহি দেখেন দৃষ্টিকোণে ॥

জীহেন নাম শ্রুত্ব এই অবতারে ।

শ্রবণ না করিলা বিদিত সংসারে ॥

প্রেম-পবিত্রতার অফুরন্ত উৎস,—শ্রীগৌরান্দ্রহৃদয়ের এই পুণ্যচিত্র
অতি সুন্দর ও অতি পবিত্র ।

তাঁহার ভাবগতি ও কার্য্য দেখিয়া সকলেই মনে করিতেন
নিমাইপণ্ডিত মনুষ্য নহেন—স্বয়ং পরমেশ্বর ।

শ্রীশ্রীবিমুণ্ডপ্রিয়া ।

প্রিয়পাঠক, নিমাইর চাকল্য ও পাণ্ডিত্যপ্রভাবের মধুময়ী লীলা গঙ্গাঘাটে কিরূপে প্রদর্শিত হইয়াছে, তাহার কিঞ্চিৎ আভাস আপনি প্রাপ্ত হইয়াছেন। চাকল্য-ভাব,—উত্তমেরই অভিব্যক্তি। নিমাইর চাকল্যের মধ্য দিয়া একটা অলৌকিক শক্তি ক্রমেই অভিব্যক্ত হইতেছিল।

কিন্তু শক্তির সহিত শাস্তির চিরসম্বন্ধ—সে সম্বন্ধ অতি ঘনিষ্ঠ। শক্তি বৃদ্ধিতে হইলে শাস্তি বৃদ্ধিতে হয়। বিজ্ঞানবিদগণ বলেন, যে শক্তি জড়জগতে প্রকাশিত হইয়া অনন্ত পরিবর্তন সংঘটন করে, সেই শক্তির সঞ্চয়-স্থান—ইথার। ইথারেই জড়শক্তিসমূহ গুপ্ত ও সঞ্চিত থাকে। কিন্তু সেখানে ইহার প্রকাশ নাই, বিকাশ নাই—সে এক মহানীরবতাময় ও মহাশাস্তিময় স্থান। আমরা এইরূপে দেখাইতে প্রয়াস পাইব, শ্রীশ্রীনিমাইমুন্দরেরও শক্তি-সংস্থানের একটা শাস্তিময় আধার আছেন, একটা শাস্তিময়ী মূর্তি আছেন।

নিমাই যখন অষ্টম বর্ষে পদার্পণ করিয়া গঙ্গাতটে অনন্ত চাকল্যলীলায় মত্ত ছিলেন, সম্ভবতঃ সেই সময়ে একটা শাস্তিময়ী শ্রীমূর্তি নবদীপে নব-ইন্দীরার জ্বায় আবির্ভূত হইলেন। শ্রীশ্রীলীলা-গ্রন্থ পাঠকগণ, প্রথমতঃ গঙ্গাঘাটেই সেই স্বর্ণলক্ষ্মীর শ্রীচরণ সন্ধান লাভ করেন।

ইনি নবদীপনিবাসী শ্রীপাদ সনাতন নামক এক বিপ্রের গৃহে

আবির্ভূতা হয়েন। সনাতন পরম পণ্ডিত ছিলেন। সনাতন রাজপণ্ডিত,—যেমন বিজ্ঞা, তেমনই সম্মান—আবার তেমনই ঐশ্বর্য্য। তাঁহার বিজ্ঞা পর-পর-দর্প-দলনের জন্ত বিনিয়োগিত হইত না। বিজ্ঞার যাহা প্রকৃত উদ্দেশ্য, সনাতনের বিজ্ঞা সেই ভগবন্তস্ব-জ্ঞানেই পর্য্যবসিত হইত। তিনি বিজ্ঞভক্ত ছিলেন। একধারে এরূপ পাণ্ডিত্য ও এরূপ ভক্তি তখনও অতি বিরল ছিল। তাঁহার চরিত্র যেমন পবিত্র, তেমনই উদার ছিল। গর্ব্ব, অভিমান ঘেব, অস্থিরা বিবাদ কলহের কথা, সনাতন একেবারেই জানিতে না। তিনি সৎসংজ্ঞাত ছিলেন। বিজ্ঞা, বৈভব, আভিজাত্য রাজসম্মান প্রভৃতিতে অনন্ত-সাধারণ সৌভাগ্য-সম্পন্ন হইয়াও সনাতন নিরতিমান ও অকিঞ্চন ভক্তের জায় দিন যাপন করিতেন। তাঁহার ভাবের ভিতরে কোনও প্রকার কপটতার লেশাভাস পরিলক্ষিত হইত না। তাঁহার কোমল হৃদয় জীবের কিস্কিন্দ্রাজ হৃৎ দেখিলেও ব্যাকুল হইয়া উঠিত। তাঁহার জ্ঞান পরোপকারী নবদীপে অতি কমই ছিলেন। আত্মীয় স্বগণ বন্ধুবান্ধবদের ত কথাই ছিল না, অপরাপর বহু লোক প্রতিনিয়ত তাঁহার আলয়ে গ্রাসাচ্ছাদন প্রাপ্ত হইতেন। অতিথি সেবা তাঁহার নিত্য ব্রত ছিল। ইহার উপরে নৈমিত্তিক ক্রিয়াকলাপও যথেষ্ট সমারোহে সুসম্পন্ন হইত। সনাতনের প্রশস্ত সুন্দর গভীর মুখচ্ছবিতে সর্ব্বদাই ভক্তিভাব বিকশিত থাকিত।* তাঁহাকে যে দেখিত, সেই তাঁহার সমক্ষে ভক্তিভরে অবনত হইত।

* ঐগাদ সনাতন দ্বিধের বংশ-পরিণয় সব্বদে কোনও কথা ঐচৈতন্ত-ভাগবত প্রভৃতি প্রচলিত প্রমাণ আছে নাই। লোকমুখে জনপ্রতিভে অনেক

সনাতন বিষ্ণু ভক্তিতে বিভোর থাকিতেন, বিষ্ণুমন্ত্র জপ করিতেন, অমুকুণ বিষ্ণু এই বর্ণদ্বয় তাঁহার জিহ্বায় নৃত্য করিত, এই নাম তাঁহার নিকট মধু হইতে ও মধুর বলিয়া মনে হইত। এই সদাশয় মহাপুরুষের ওরসে মূর্তিমতী ভক্তিশক্তি আবির্ভূত হইয়া সহসা তাঁহার গৃহ খানিকে অধিকতর সমুজ্জ্বল ও সমলঙ্কৃত করিয়া তোলেন। তাঁহার গৃহিণী সর্বতোভাবে পতির অমুরূপা ছিলেন—পতিব্রতা, ভক্তিমতী, গৃহকার্যে দক্ষ-বিনীতা সনাতন-গৃহিণী আদর্শ মহিলা বলিয়া নারী-সমাজে সম্মানিতা হইতেন। সাধারণতঃ যে বয়সে সন্তান হয়, তিনি সে বয়সে অতিক্রম করিলেন, গর্ভ লক্ষণ তখন ও দৃষ্ট হইল না। সততই সন্তান কামনায় তিনি বিষ্ণু পাদপদ্ম স্মরণ করিতেন, দয়াময় বিষ্ণুর রূপা হইল, তাঁহারই প্রীতি-শক্তি সনাতন-গৃহিণীর উদরে আবির্ভূত হইলেন। গর্ভে যে সেই প্রীতি-শক্তি সঞ্চারিত হইয়াছেন, তাঁহার বহুল নিদর্শন ও দৃষ্ট হইতেছিল। বথাসময়ে এক দিবস শুভক্ৰমে তিনি একটি কন্যারূপে প্রসব করিলেন।

কথা শুনিতে পাওয়া যায়, সে সকল কথা পরস্পরবিরুদ্ধ। কেহবা তৎক্ষণে বলিয়া আশ্ব-পরিচয় প্রদান করিতে ইচ্ছুক, কেহবা তাহার বিপরীত বলেন। এই সকল কারণে আমরা প্রামাণ্য প্রচলিত গ্রন্থ ব্যতীত নান্য ধাম ও বংশ-পরিচয়ের কথা উল্লেখ করিলাম না। বিশেষতঃ ভক্তিগ্রন্থে ভক্তিই প্রাধান্যরূপে বর্ণনীয়। কালদিক নাম ধামাদির সন্নিবেশ নিম্প্রয়োজন, সুতরাং সে প্রয়াস হইতে বিরত হইলাম।

সনাতন প্রসব-গৃহের দ্বারে গিয়া দেখিলেন, একখানি সমুজ্জল কনক-প্রতিমা, স্মৃতিকা ঘর আলোকিত করিয়া রহিয়াছেন। তিনি মনে করিলেন, এ মূর্তি কখনই নর-শিশু নহেন,—ইনি যে স্বয়ং লক্ষ্মী। এমন রূপ, মুখের এমন ভাবও কি মানুষের হয় ! বিশ্বরে ও আনন্দে সনাতন স্তম্ভিত ভাবে শ্রীমূর্তি দেখিতে লাগিলেন। তাঁহার মনে হইল, ঐ মূর্তিখানি মাথায় তুলিয়া লইয়া তিনি মৃত্যু করেন। কি বর্ণ, কি লাবণ্য, কি স্মৃষ্টাম সুকোমল দেহ—কি অরূপ-রাগরঞ্জিত হস্ত ও পদতল, কি মন্থণ পকবিশ্ববিনিন্দি ওষ্ঠ, কি স্নিগ্ধ-সমুজ্জল স্তন্য নব-নলিন-নিন্দি নয়ন-মুগল,—যে অঙ্গে দৃষ্টি পড়িতে লাগিল, সেই অঙ্গ হইতেই যেন বিষ্ণুভক্তির আনন্দময় কিরণ প্রবাহ বিচ্ছুরিত হইয়া তাঁহার নেত্র উদ্ভাসিত করিয়া তুলিতে লাগিল। রাজপণ্ডিত বুঝিলেন—বিষ্ণুভক্তির * ফল ফলিয়াছে, ইনি সাক্ষাৎ বিষ্ণুপ্রিয়া,—বুঝিয়াই নাম রাখিলেন **শ্রীবিষ্ণুপ্রিয়া**।

গুরুপক্ষের শশীর গ্রায় দিন দিন এই শ্রীমূর্তির আকার ও শোভা-সম্পদ বৃদ্ধি পাইতে লাগিল। এই কনক-প্রতিমার আকার দীর্ঘ ছাঁচের, ঢল ঢল লাবণ্যময় সুগোল গঠন। ইনি সুলাঙ্গী নহেন, অথচ নবনী-বিনিন্দি কোমলতার শ্রীঅঙ্গের সর্বত্রই যেন লাবণ্য খেলিয়া বেড়াইতেছে—মুখখানি দেখিলে মনে হয় যেন কত দয়া—কত স্নেহ, কত আনন্দ এবং কত শান্তি, লজ্জা ও প্রসন্নতা ঐ শ্রীমুখে বিরাজিত। যাহার দিকে উনি

* ভগবান্। শ্রীবিষ্ণুভক্তিঃ সত্যবৎস্ব বর্ত্তত এব

অধৈত। ইদানীং সৈব বিষ্ণুপ্রিয়া।—(শ্রীচৈতন্য চন্দ্রোদয় নাটক ২য় অঙ্কে)

কৃপা করিয়া দৃষ্টিপাত করেন, তাহারই মনে হয় যেন “মা” বলিয়া কোলে তুলিয়া লই। প্রায় সকলেই উহাকে মা লক্ষ্মী বলিয়া ডাকিতেন। যেদিন শ্রীবিষম্ভর-বিরহে শচীদেবীর গৃহ অন্ধকার করিয়া শ্রীগৌর-বিষম্ভরের অঙ্কলক্ষ্মী অন্তহিতা হইলেন, সেই দিন হইতেই শ্রীশ্রীপ্রিয়াজীর মুখে এক নূতন ভাবের আবির্ভাব দেখা দিল। উহার শৈশব নৈত্রে অমুরাগের ভাব ফুটিয়া উঠিল, লজ্জার কোমলরাগে উহাতে এক অভিনব সৌন্দর্য্যের রেখা টানিয়া দিল। ইনি শিশুকালে খেলার ছলে বিষ্ণুপূজা করিতেন, সে খেলা এখন প্রকৃত পূজার পরিণত হইল।

শ্রীশ্রীপ্রিয়াজী মাতার সহিত সলজ্জচরণে গঙ্গাঘাটে স্নান করিতে যান, তাঁহার টুকটুকে রান্ধা পাখানি ভূমির উপরে পড়ে, দেখিলে মনে হয় ভূমির উপরে যেন কনকপদ্ম ফুটিয়া উঠিয়াছে। নবদীপবাসীরা প্রতিদিন এই শোভা দেখিয়া কৃতার্থ হইতেন। কাহারও কাহারও মনে হইত, এই বালিকার গমন সময়ে ইহার সম্মুখে বুক পাতিয়া দিই, আর তাহার উপরে যেন এই সুকোমল চরণকমল বিস্তৃত হয়।

মায়ের সহিত প্রতিদিন শ্রীশ্রীপ্রিয়াজী গঙ্গাস্নান করিতেন, সলজ্জ ভাবে গঙ্গাঘাটে আসিয়া দাঁড়াইতেন, আর জবজ্বল গঙ্গাদেবী শান্তিময়ী স্বয়ং লক্ষ্মীর দ্বিধ্ব পদকমল,—যীর তটের পুরম অলঙ্কার মনে করিয়া গৌরবাসিত হইতেন।

যে ঘাটে রাজপণ্ডিত সনাতনের গৃহিণী স্নান করিতে আগমন করিতেন, শচীদেবীও সেই ঘাটেই স্নান করিতেন। ইহার প্রায় এক সময়েই স্নানার্থ গঙ্গাঘাটে সম্মিলিত হইতেন।

লক্ষ্মীদেবীর অন্তর্দ্বারের পর হইতেই শচীদেবীর হৃদয় একবারে ভয় হইয়া গিয়াছিল। তাঁহার নিকট বাড়ী ঘর সততই শূন্য-শূন্য বোধ হইত। ছেলেটী পরম পণ্ডিত, জগৎমান্ত্র, নবীন বয়স অথচ সংসারে উদাসী, তাঁহার উপরে আবার গৃহশূন্য। শচীদেবী পাগলিনীর মত গৃহে থাকিতেন, আর গঙ্গাঘাটে স্নানে আসিলেই বালিকাদের উপরে তাঁহার দৃষ্টি পড়িত। তাঁহার পুত্রের উপস্থিতি একটি মেয়ে তাঁহার চক্ষে পড়ে কিনা, গঙ্গাঘাটে আসিয়া ইহাই তাঁহার প্রধান লক্ষ্যের বিষয় হইত।

একদিন রাজপণ্ডিত-গৃহিণী তাঁহার কস্তার সহিত স্নানে আসিয়াছেন, কস্তাটি বৃদ্ধা শচীদেবীকে দেখা মাত্রই সলজ্জভাবে তাঁহার পদান্তিকে গিয়া প্রণত হইলেন। শচী মাতা মুখখানি ধরিয়া তুলিয়া চুপন করিয়া বলিলেন—“ওগো পণ্ডিত-গৃহিণী, মেয়েটী তোমার ? কি সুন্দরী বুদ্ধিমতী মেয়ে। এইত বয়স, কেমন দ্বিধা-ভাব, কেমন লজ্জা ও ভক্তিমাধা মুখখানি। তুমি রত্নগর্ভা। ভগবান্ তোমায় বেশ মেয়েটী দিয়াছেন, বেঁচে থাকুক সুপাত্রে হাতে পড়ুক।

রাজপণ্ডিত-গৃহিণী। হাঁ মা, সেই আশীর্বাদ করুন।

শচী। এখন বিবাহ দিলেও হয়, এ বয়সে বিবাহ দেওয়া চলে।

প্রিয়াজী অধোবদনে সলজ্জচরণে একটুকু দূরে গিয়া দাঁড়াইলেন।

রাজপণ্ডিত-গৃহিণী। দিলে হয়, কিন্তু এখনও কোথাও কোন

কথা উঠে নাই । বিধাতা কোথায় কি লিখিরাছেন, বলা যায় না । এখন আপনাদের আশীর্ব্বাদে উপযুক্ত পায়ে মেয়েটা পড়ে, তবেই সূখের কথা ।

শচীদেবী সতৃষ্ণনয়নে প্রিয়াজীর দিকে আবার তাকাইলেন, তাঁহার মনে হইতে লাগিল, তখনই কন্নাটিকে কোলে তুলিয়া গৃহ পানে চলিয়া যান । শচীদেবী প্রিয়াজীর নিকটে গিয়া তাঁহার চিবুক ধরিয়া বলিলেন, “মা আমাদের বাড়ীতে বেড়াতে যাবে,” প্রিয়াজী সলজ্জভাবে মন্তক হেলাইয়া সম্মতি প্রকাশ করিলেন ।

শচীমাতার প্রতি শ্রীবিষ্ণুপ্রিয়ার এইরূপ ভাবের উদয় হওয়ার একটা কারণ নববীপবাসী মুকুন্দ পণ্ডিত প্রণীত “গৌরাজ্জ-উদয়” গ্রন্থে আছে বলিয়া জানা যায় । উহাতে লিখিত আছে, শ্রীশ্রীপ্রিয়াজীউ বিবাহের বহু পূর্বে জাহ্নবী-বাটে শ্রীগৌরাজ্জ-দর্শন লাভ করিয়াছিলেন । প্রেমময়ের শুভ দর্শন যাজে তাঁহার হৃদয়ে নবানুরাগের উদয় হয়, সেই অনুরাগের সকল লক্ষণই তাহাতে প্রকাশিত হইয়াছিল । কিন্তু লজ্জা ও সংযমই তাঁহার চরিত্রের বিশেষ গৌরব । তিনি মনের ভাবে চাপা দিয়া সলজ্জ ভাবে গঙ্গাঘাটে আসিতেন, কিন্তু তাঁহার অনুরাগময় নয়ন-বুগল সেই স্বর্ণগৌর বিম্বন্তরকে চকিতের ভাষে অনুসন্ধান করিত ।

নিমাই পণ্ডিতের নাম তখন সমগ্র নদীরায় সুপ্রসিদ্ধ । তাঁহাকে সকলেই জানিত, প্রিয়াজীও মেয়েদের মুখে তাঁহার ‘শুণগ্রামের কথা’ শুনিতে পাইতেন । শচীমাতা গঙ্গাঘাটে

জ্ঞান করিতেন । তিনিই যে নিমাই পণ্ডিতের মাতা, বিষ্ণুপ্রিয়া তাহা জানিয়া তাঁহার নিকটে যাইতেন, তাঁহাকে প্রণাম করিতেন, তাঁহার মনে হইত তিনি বধু হইয়া শচীদেবীর নিকটে থাকেন । তাঁহার হৃদয়ে এই বাসনা ক্রমশঃ বলবতী হইতে লাগিল, আর গঙ্গা-ঘাট তাঁহার নিকট ক্রমেই অধিকতর প্রিয়তর হইয়া উঠিল । রাত্রিতে তিনি মনে ভাবিতেন, কখন রাত্রি প্রভাত হইবে, আবার কখন গঙ্গাস্নান করিতে যাইবেন, তখন শচীমাতাকে দেখিতে পাইবেন কি না, দেখিতে পাইলে তাঁহাকে প্রণাম করিবেন, আর সলজ্জ নয়নে ঘাটের এদিক ওদিকে যাইয়া দেখিবেন, তাঁহার চিত্তচোর শ্রীগোরাঙ্গসুন্দরকে আর একটি বার দেখিতে পান কি না ?

শ্রীবিষ্ণুপ্রিয়ার নবানুরাগের ভাব-প্রকাশক একটি পদ বাস্তু-ঘোষের লেখায় প্রকাশিত আছে যথাঃ—

গোরাক্ষপ লাগিল নয়নে ।

কিবা নিশি কিবা দিশি শয়নে সপনে ॥

যে দিকে ফিরাই আশি সেই দিকে দেখি ।

পিছলিতে করি সাধ না পিছলে আশি ।

কি ক্ষণে দেখিমু গোরা কিনা মোর হৈল ।

নিরবধি গোরাক্ষপ নয়নে লাগিল ।

চিত্ত নিবারিতে চাহি নহে নিবারণ ।

বাস্তুঘোষ বলে গোরা রমণী-মোহন ॥

শ্রীবিষ্ণুপ্রিয়া গঙ্গাঘাটে শচীদেবীকে প্রায়শঃ দেখিলে পাইতেন, সলজ্জনয়নে তাঁহার মুখের দিকে চাহিতেন, সলজ্জ চরণে তাঁহার

নিকট উপস্থিত হইতেন ;—মুখখানি সরলতা ও শ্রীতিমাখা, মস্তক অবনত করিয়া শচীমাতার চরণে প্রণাম করিতেম, আর মনে মনে বলিতেন “মা দয়াময়ি, তোমার পুত্র কি আমার তাঁহার শ্রীচরণে স্থান দিবেন, আমি কি তোমার ঘরে গিয়া তোমাদের সেবাধিকার লাভ করিতে পারিব ?”

মনের কথা মনে থাকিত, কিন্তু শচীমাতার হৃদয়ে উহার তরঙ্গ পৌঁছিত । তিনি বুঝিতেন মেয়েটা তাঁহার শত জন্মের আপন ধন ।

শ্রীশচীদেবী ইতঃপূর্বেও গঙ্গাঘাটে এই লক্ষ্মী প্রতিমা বালিকাটিকে দেখিতে পাইতেন, বালিকাটি তাঁহাকে দেখিলেই নিকটে আসিয়া প্রণাম করিতেন, দ্বিধ্বনয়নে আপন ভাবে তাঁহার দিকে চাহিয়া থাকিতেন, কিন্তু অল্প কোন দিন তেমন লক্ষ্য করেন নাই । গঙ্গাঘাটে কত মেয়েই প্রতিদিন স্নান করিতে আইসে, শচীদেবী বৃদ্ধা, সকলেই তাঁহার সন্ধান করেন । কিন্তু এই দিন শ্রীমতী বিষ্ণুপ্রিয়া তাঁহার নিকটে আইসামাত্রই তাঁহার মুখের দিকে চাহিয়া বৃদ্ধা একবারে বিহ্বল হইলেন ।

গঙ্গাঘাট হইতে ঘরে ফিরিয়া আসিয়া নিত্য নৈমিত্তিক কার্য শেষ করিয়াই তিনি কাশীনাথ পণ্ডিতকে ডাকাইলেন । কাশীনাথ পণ্ডিত অতি স্নেহন, বিশেষতঃ ঘটকালিতেও তাঁহার বিশেষ দক্ষতা ছিল । কাশীনাথ তৎক্ষণাৎ আসিলেন । শচী বলিলেন, “বাবা কাশীনাথ, জানত আমার সোণার প্রতিমা বউমাকে হারা হইয়া আমি কি ভাবে আছি । বাড়ী ঘর সব যেন শূন্য-শূন্য । নিমাই

আমার একেই উদাসী। তাহাকে যেন এখন আরও উদাসী-
উদাসী মনে হয়। এ দুঃখ আমি সহ্য করিতে পারি না।
আজ গঙ্গাঘাটে গিয়া রাজপণ্ডিত সনাতনের কস্তাটী দেখিয়া
অবধি মনে হইতেছে, যদি এই মেয়েটিকে পাই, তবে আমার
আঁধার ঘর আলোকিত হয়। মেয়েটী আমার নিমাইর ঠিক
অমুরূপ। রং যেন কাঁচা সোণা। কেমন শান্ত ও সুশীলা।
আর অতি ভক্তিমতী। দিনে দুই ‘তিনবার গঙ্গান্নান করে, দেব-
দ্বিজের এমন অল্প বয়সে এত ভক্তি আমি আর কাহারও দেখি নাই।
সনাতন বংশে ভাল,—সর্বত্রই অতি সম্মানী। আমার নিমাই নব-
দ্বীপ এখন প্রধান পণ্ডিত। বয়সই বা কি। তুমি একবার সনাতনের
নিকটে যাইয়া বল, যদি তাঁহার ইচ্ছা হয়, তিনি আমার নিমাইকে
কস্তাদান করিতে পারেন—যেমন মেয়ে তেমন ছেলে। বাবা
কাশীনাথ, আর বিলম্ব করো না, এখনই যাও।

কাশীনাথ বলিলেন,—“একথা আমিও মনে মনে ভাবিতে-
ছিলাম, আজ বলি, কাল বলি, বলিয়া আপনাকে বলিতে পারি
নাই। আপনি ঠিক কথাই বলিয়াছেন। এতো ঘটাকার্য। কেবল
বলার অপেক্ষা। রাজপণ্ডিত জগৎ ভ্রমিয়াও তাঁহার কস্তার জন্ত
একরূপ বর পাইবেন না। এই আমি এখনই যাচ্ছি।”

কাশীনাথ দুর্গা দুর্গা কৃষ্ণ কৃষ্ণ বলিয়া চলিলেন, অনতিবিলম্বেই
রাজপণ্ডিতের বাটীতে উপস্থিত হইয়া শুভ বিবাহের কথা তুলিলেন।
বড় বেশী কথা বলিতে হইল না। শুনা মাত্রই রাজপণ্ডিত আগ্রহ
সহকারে বলিলেন, “আমার যে এমন ভাগ্য হবে, স্বপ্নেও তাহা

ভাবি নাই, আমি সর্বদাই মনে করিতাম আমার মেয়েটিকে যদি নিমাইর হাতে দিতে পারি, তবে এ জীবনের একটি কার্য সম্পন্ন হয়। এ কার্যে শচীদেবীর অভিমত কি ?” কানীনাথ বলিলেন, “তাহার অভিমতি ও অনুমতি লইয়াই আমি আসিয়াছি।”

সনাতন বলিলেন, “আপনি এটুকু অপেক্ষা করুন, আমি এখনই আসছি।” এই বলিয়া সনাতন অন্তঃপুরে গিয়া প্রীতি-প্রফুল্লচিত্তে গৃহিণীর নিকটে এই কথা জ্ঞাপন করিলেন। সনাতন গৃহিণী হর্ষে ও বিশ্বসে বিহ্বল হইয়া বলিলেন, “দয়াময় ভগবান্ সত্য সত্যই কি আমাদের এই সৌভাগ্য দিবেন ? নিমাইর জননী বিষ্ণুপ্রিয়াকে বড় ভালবাসেন, আজ গঙ্গাঘাটেও উহাকে কত আদর বহ্ন করিলেন, আর এই মেয়েটারও স্বভাবতঃই যেন উহার প্রতি টান। তা এ ঘরে পড়িলে, আমার মেয়ের ভাগ্যই বলিতে হইবে। নিমাইর মত রূপে, গুণে, মানে, সম্মানে, বিদ্যায়, বুদ্ধিতে সর্বজ পূজ্য বর কোথাও আছে বা থাকিতে পারে, বলিয়াই আমার মনে হয় না। অমন রূপ তো মানুষের হয় না। আর আপনিই তো কতদিন বলেছেন যে, নিমাই বালক বটে কিন্তু এমন পণ্ডিত কোন দেশেই নাই। আর অপেক্ষার প্রয়োজন নাই, বাহাতে অতি সম্বরে এই শুভ কার্য হয়, আপনি তাহার চেষ্টা দেখুন।”

রাজপণ্ডিত অপরাপর আত্মীয়গণের সম্মতি গ্রহণ করিয়া তৎক্ষণাৎ বহির্দ্বারে আসিয়া কানীনাথ পণ্ডিতকে বলিলেন, “বাহাতে এই শুভ কার্য সম্পন্ন হয়, আপনাকে তাহা করিতেই হইবে।

অতি সহরে গিয়া নিমাইর জননী পূজনীয়া শচীদেবীকে আমার প্রার্থনা জ্ঞাপন করুন ।”

কাশীনাথ শ্রীতি-প্রকল্পচিত্তে শচীদেবীর নিকট আসিয়া সকল কথা জানাইলেন । শচীদেবীর শোকাকুল স্নানমুখে আনন্দের আলোক রেখা ফুটিয়া উঠিল । তিনি অবিলম্বে আপন জনগণকে ডাকিয়া এই শুভ সংবাদ জানাইলেন । সংবাদ শুনিয়া সকলের হৃদয়ই ভাবি উৎসবানন্দে মাতিয়া উঠিল ।

শুভ বিবাহের প্রস্তাবে উভয় পক্ষের সম্মতি হইল । কিন্তু লক্ষ কথা না হইলে বিবাহ হয় না । এদিকে শ্রীগৌরানন্দমন্ডর সহসা এই শুভ প্রস্তাবে এক বিবাদের ইঙ্গিত উপস্থাপিত করিলেন ।

শ্রীপাদ মুরারি শুণ্ড তদীয় শ্রীকৃষ্ণচৈতন্ত চরিতামৃতে এতৎ সম্বন্ধে বাহা লিখিয়াছেন, শ্রীপাদ লোচনদাস উহারই মর্ম্মানুবাদ করিয়া বলেন :—

গণক কহিল শুন শুন হে পণ্ডিত ।

আসিতে দেখিল গৌরচন্দ্রে আচরিত ॥

তারে দেখি আনন্দিত ভেল মোর মন ।

কৌতুকে তাহারে আমি যে কৈল বচন ॥

কালি শুভ অধিবাস হইবে তোমার !

বিবাহ হইবে শুন বচন আমার ॥

এ বোল শুনিয়া তেহো কহিল উত্তর ।

কহ কোথা কার বিভা কেবা কস্তা ধর ॥

আমার সাক্ষাতে কথা कहিল যখন ।

বুঝিয়া কার্যের গতি কর আচরণ ॥

শ্রীপাদ সনাতন গণকের বাক্য শুনিয়া হুঃখিত হইলেন । তিনি স্বভাবতঃই ধীর-প্রকৃতি, সুতরাং মাথায় হাত দিয়া অধীর হইয়া পড়িলেন না । তিনি বলিলেন, “আমি বিবাহের সবিশেষ উদ্যোগ আয়োজন করিয়াছি, দ্রব্যাদিসংগ্রহও করিয়াছি । আমার কিছু ক্রটি নাই । ইহাতে শ্রীমান্ গৌরসুন্দরের অভিমত হইল না—সকলই দৈবের হাত । আমার অপরাধ কি ?” যথা শ্রীচৈতন্যমঙ্গলে—

গণকের মুখে শুনি এসব বচন ।

ধৈর্য্য অবলম্বি কিছু না কৈল তখন ॥

সনাতন পণ্ডিত সে চরিত্র উদার ।

বহুগণ লঞা করে অনুমান সার ॥

নানা দ্রব্য কৈল নানা কৈল অলঙ্কার ।

কাহাকে কি দোষ দিব করম আমার ॥

আমি কোন কিছু অপরাধ নাহি করি ।

কি কারণে আদর ছাড়িলা গৌরহরি ॥

এ দিকে শ্রীপাদ সনাতনের কথা শুনিয়া তাঁহার পত্নী মৰ্ম্মাহত হইলেন । সনাতন-পত্নী সৎকুলজাতা, লজ্জাশীলা, বিশেষতঃ বিষ্ণু-ভক্তা ও পতিব্রতা । তিনি বুঝিতে পাইলেন, তাঁহার স্বামী পরম ধৈর্য্যশীল হইলেও মৰ্ম্মে মৰ্ম্মে ক্লেশ পাইতেছেন । আমার মনোবেদনার তাঁহার হৃদয়ে আরও ক্লেশ হইল । তিনি বলিলেন—“এজ্ঞ আপনার হুঃখ কি, লোক সমাজে নিন্দাই বা কি ? নিম্নাই সুন্দর

নিজেই যখন এ বিবাহে অমত প্রকাশ করিয়াছেন, আপনার আর তাহাতে অপরাধ কি ? লোক-সমাজেই বা আপনার এজ্ঞা কি নিন্দা হইতে পারে ? বাহা : শক্তির অতীত, সামর্থ্যের অতীত, তাহার জ্ঞান ভ্রুংখ করা কর্তব্য নহে ।”

পতিব্রতা, বুদ্ধিমতী পত্নীর মুখে এইরূপ সাঙ্ঘনা বাক্য শুনিয়া পণ্ডিত সনাতনের হৃদয় আশস্ত হইল । তিনি বঙ্কুবান্ধবের সহিত এই যুক্তি স্থির করিয়া প্রকাশ করিলেন যে, “যখন বিশ্বস্তরের এই কার্য্যে ইচ্ছা নাই, তখন আমার অপরাধ কি, কাজেই আমাকেও নবৃত্ত হইতে হইল ।”

শ্রীপাদ সনাতন নিবৃত্ত হইলেন বটে, কিন্তু এই ব্যাপারে ব্রাহ্মণ-দম্পতির হৃদয় ভ্রুংখে বিদীর্ণ হইতে লাগিল । তাঁহারা কাঁহাকে ও আর কোন কথা না বলিয়া গোপনে গোপনে মনের ভ্রুংখ মনে মনে সহিতে লাগিলেন ।

কিন্তু শ্রীগোরাঙ্গসুন্দর অন্তর্যামী ও পরম কারুণিক । যিনি জগতের জীবের উপর দয়া বৃষ্টি-সঞ্চার করিতেই অবতীর্ণ, তিনি কি তাঁহার অন্তরঙ্গ ভক্তের হৃদয়ে ভ্রুংখ যাতনা দিয়া স্থির থাকিতে পারেন ? কোন্ ভাবে প্রণোদিত হইয়া তিনি গণকের নিকট ঐরূপ কথা বলিয়াছিলেন, তাদৃশ গভীর-চরিত্র বিশ্বস্তরের হৃদয়ের কথা কে বুঝিতে পারে ? এইরূপ উপেক্ষা ভগবানের লীলার এক বিশেষ-ভাব । বৃন্দাবন-লীলাতেও তাঁহার এইরূপ মর্যাদাস্তিক যাতনাদায়ক উপেক্ষার ভাব দৃষ্টি হয় । মহাজনগণ বলেন, নিজ-জনগণের প্রতি তাঁহার সামান্যিক উপেক্ষা ভাব কেবল প্রেম-বৃদ্ধির উদ্দেশ্যমূলক ।

শ্রীশ্রীবিশ্বস্তর ব্রাহ্মণ-ব্রাহ্মণীর হুঃখ-প্রশমনার্থ তখনই পরোক্ষে তাঁহাদিগকে জানাইলেন, তিনি কৌতুক-রভসে গণকের নিকট ঐরূপ কথা বলিয়াছিলেন, তজ্জন্ত তাঁহার কার্য্য বন্ধ রাখিলেন কেন ? বিবাহ হউক না হউক, তাহাতে তাঁহার কিছুই বলিবার নাই, কিন্তু এই বিবাহ না হওয়ায় পণ্ডিত সনাতনের মনে হুঃখ হইলে তজ্জন্ত তিনি অত্যন্ত লজ্জিত ও হুঃখিত হইবেন । বিশেষতঃ তাঁহার পরমারাধ্যা স্নেহময়ী জননীদেবী যখন কথা দিয়াছেন, তাহার উপরে তাঁহার নিজের কথা কোনও কার্য্যকরী হইতে পারে না । তিনি মায়ের কথা লজ্জন করিতে একান্ত অসমর্থ ।
যথা শ্রীচৈতন্যমঙ্গলে :—

“কৌতুক রভসে আমি গণকেরে বৈল ।

না বুঝিয়া কার্য্যে কেনে অবহেলা কৈল ॥

কার্য্য অবহেলা, তাহে নাহিক অধিক ।

তা সভার চিন্তে হুঃখ এ নহে উচিত ॥

মায়ে যে কহিল, তাহে আছে কোন কথা ।

তাহার উপরে কেবা করয়ে অন্তথা ॥

মিছা কার্য্য ক্ষতি, মিছে হুঃখ পাও চিতে ।

করহ বিভার কার্য্য যে হয় উচিতে ॥

ব্রাহ্মণ শ্রীগৌরাক্ষের এই কথাগুলি আপন তাঁহার শ্রীপাদ সনাতনের নিকটে যাইয়া প্রকাশ করিলেন, বলিলেন—“আমি নিম্নাই পণ্ডিতের মনের কথা বুঝিয়াছি । তিনি কৌতুক করিয়াই গণকের নিকট ঐরূপ বলিয়াছিলেন । এ বিষয়ে কোনও সন্দেহ

নাই। তিনি অতি মাতৃভক্ত, সুপণ্ডিত, এবং পরম দয়াল। তিনি কি মায়ের কথা লজ্বন করিবেন? আপনারা শুভ কার্য্যে প্রবৃত্ত হউন।”

২

রাজপণ্ডিত সনাতন মিশ্র ইহাতে যেন মৃতদেহে প্রাণ পাইলেন, বিশেষ সংবাদ জানিয়া নিশ্চিন্ত হইলেন। শুভ বিবাহের উদ্যোগ-আয়োজন পূর্ণমাত্রায় আরম্ভ হইল।

শ্রীশ্রীবিষ্ণুস্তরের শুভ পরিণয়-সংবাদ ভক্তগণের মধ্যে প্রচারিত হইল। সর্ব্বত্রই আনন্দের বজ্রা প্রবাহ বহিয়া চলিল। বুদ্ধিমন্ত খা প্রভুর অতি প্রিয় ভক্ত, ইনি রাজসরকারে কর্ম্ম করিয়া যথেষ্ট সম্পত্তি লাভ করিয়াছিলেন। বুদ্ধিমন্ত বলিলেন, নিমাই পণ্ডিতের বিবাহ হইবে, “এ বড় আনন্দের কথা। এই বিবাহের ব্যয়ভার আমি একাই বহন করিব।” মুকুন্দসঙ্কয়েরও অবস্থা ভাল। তিনি বলিলেন, “আমাকে ছাড়িবে কেন, আমি কি একবারেই এই শুভ কার্য্যের কেহ নই?”

বুদ্ধিমন্ত বলিলেন, “আরে ভাই, তুমি বুঝিতে পারিতেছ না, “বামনিঞা” ভাবে এই শুভ ব্যাপার সম্পন্ন করা হইবে না। নিমাই পণ্ডিতের বিবাহ এবার এমন সমারোহের সহিত সম্পন্ন করিব, লোকে দেখিবে যেন রাজপুত্রের বিবাহ হইতেছে।” যথা শ্রীচৈতন্যভাগবতে :—

বুদ্ধিমন্ত খান বলে শুন সর্ব্ব ভাই ।

বামনিঞা মত এ বিবাহে কিছু নাই ॥

এ বিবাহ পণ্ডিতে করেইব হেন ।

রাজকুমারের মত লোকে দেখে যেন ॥

শচীদেবীর আলয়ে বসিয়া ভক্তগণ ও আত্মীয় স্বজনগণ শুভ বিবাহের লগ্ন করিলেন । পণ্ডিত শ্রীপাদ সনাতনও অতীব আনন্দের সহিত কার্যে প্রবৃত্ত হইলেন ।

বিবাহ ব্যাপার কিরূপে সম্পন্ন হইল, তাহার বিবরণ উল্লেখ করা প্রয়োজন । ইহাতে চারিশত বৎসরের পূর্বে বঙ্গে বিবাহের সমারোহ কি প্রকার ছিল, তাহার ঐতিহাসিক বিবরণ জানা যায় । বিবাহ-উৎসবে যে কেমন ভরপুর আনন্দ আনন্দ হইত, তাহারও আভাস পাওয়া যায় । কিন্তু সকলের উপরের কথা এই যে প্রিয়া-জীর সহিত স্বয়ং ভগবানের বিবাহ-সম্মিলনের আনন্দময় ব্যাপারের বিবরণে ভক্ত চিত্তে আনন্দের যে উত্তাল তরঙ্গ লীলার উদয় হয়, আমরা সেই আনন্দসিদ্ধুর কণামাত্র মানসনেত্রে সন্দর্শন করিলেও কৃতার্থ হইতে পারি । সেই শুভ সম্মিলনের সুখময় বিবরণ ভক্ত-নাটকেরই পরম আশ্রয় । তাই এস্থলে আমরা আত্মতৃপ্তির জন্য উহার বৎকিঞ্চিৎ আভাস আমাদের দরিদ্র ভাষায় অসমর্থ ভাবে প্রকাশ করিতে প্রয়াস পাইতেছি ।

বাড়ীর সাজসজ্জা সম্বন্ধে শ্রীচৈতন্যভাগবত পাঠে কিছু আভাস পাওয়া যায় । প্রাক্‌গণে বড় বড় চক্রাতপ ঢাকাইয়া সুশ্রবসর চক্রাতপ তলে লোকজনের উপবেশনাদির স্থান করা হইল, চক্রাতপের চারিদিকে উৎসব-শোভার জন্য কদলী তরু রোপিত হইল । আলিনাগুলি বিবিধ চিত্রবিচিত্র আলিপনায় সুসজ্জিত হইয়া

উঠিল। কদলী মূলে পূর্ণঘট, ঘটের উপর অন্নপল্লব, এবং ঘটের গারে দধিমাথা। ধ্বজপতাকাদি,—মহোৎসবের চিহ্ন দূরে দূরে পরিস্ফুট করিয়া তুলিল।

এইরূপে বিবাহ বাড়ী সজ্জিত হইল। সায়াহ্নে অধিবাস। তৎপূর্বেই নবদ্বীপ নগরের ব্রাহ্মণ ও সাধু বৈষ্ণব সজ্জনমাত্রেই অধিবাসে নিমন্ত্রিত হইলেন। যথা শ্রীচৈতন্যভাগবতে :—

সভারেই নিমন্ত্রণ করিলা সকলে ।

অধিবাসে গুয়া আসি থাইবে বিকালে ॥

অধিবাসে “গুয়া খাওয়ার” নিমন্ত্রণের প্রথা এখনও অনেক সুদূর পল্লীতে দেখিতে পাওয়া যায়। কিন্তু এই প্রথা ক্রমে ক্রমে বিলুপ্ত হইতেছে। বাহা হউক, অপরাহ্ন হওয়ারমাত্রই বাণ্ঠকরগণ আসিয়া বিবাহ-বাড়ীটিকে উৎসবময় করিয়া তুলিল, মৃদঙ্গ, সানাই, জয়ঢাক ও করতাল প্রভৃতি বাস্ত্রে শুভ বিবাহের উৎসবান্বন মুখরিত হইয়া উঠিল। ঘন ঘন শব্দধ্বনি হইতে লাগিল। শ্রীমদ বৃন্দাবনদাস ঠাকুর লিখিয়াছেন :—

• অপরাহ্নকাল মাত্র হইল আসিয়া ।

বাণ্ঠ আসি করিতে লাগিল বাজনিয়া ॥

মৃদঙ্গ, সানাই, জয়ঢাক করতাল ।

নানাবিধ বাণ্ঠ ধ্বনি উঠিল বিশাল ॥

এখন নূতন বাণ্ঠযন্ত্র, পুরাতন বাণ্ঠযন্ত্রের স্বামি অধিকার করিতেছে। পল্লীতে সঙ্কীৰ্ত্তন ব্যতীত মৃদঙ্গ ও করতাল বাস্ত্রের ব্যব-

হার নাই। সহরে ইংরাজী বাস্তের সহিত এক প্রকার করতালের
বাস্ত এখনও দেখিতে পাওয়া যায়। সানাগ্রি এখনও পুরা প্রভাবে
আপন অস্তিত্ব রক্ষা করিয়া আসিতেছে।

ভাটেরা বিবাহ সময়ে বংশ-গুণকীর্তন করিতে লাগিল। যথা :—

তাটগণ পড়িতে লাগিল। রায়বার।

এখন এই “রায়বার” পাঠের প্রথা একেবারেই তিরোহিত
হইয়াছে। “রায়বার” ব্যাপরটা কি তাহা পর্য্যন্ত এদেশের লোক
একবারে ভুলিয়া গিয়াছে। “রায়বার” শব্দটি এখন সাহিত্যিক-
গণের শব্দ-ইতিহাস পর্যালোচনার বিষয়ীভূত হইয়া দাঁড়াইয়াছে।

অধিবাস ব্যাপরটা কিরূপে সম্পন্ন হইয়াছিল তাহাও শুধুন,
অধিবাসের সময়ে ভাটগণ রায়বার পাঠ করিতে লাগিল। নারীগণ
উলুধনি করিতে লাগিলেন, ব্রাহ্মণগণ বেদমন্ত্র উচ্চারণ করিতে
লাগিলেন, চতুর্দিকে ব্রাহ্মণ পণ্ডিতগণ আসন পরিগ্রহ করিলেন,—
আর সকলের মধ্যে আমাদের চিরসুন্দর গৌরসুন্দর, তখন আপন
রূপের ছটা বিকাশ করিয়া অধিবাস স্থান উজ্জল করিয়া বসিলেন।
তখন ব্রাহ্মণগণকে গন্ধ, চন্দন, তাষূল ও মালা দান করার ব্যাপার
আরম্ভ হইল। সে এক অতি সুন্দর উৎসব। ব্রাহ্মণগণের মাথায়
ফুলের মালা ও সর্বাঙ্গে চন্দনে মাখিয়া দেওয়া হইল এবং এক এক
বাটা করিয়া তাষূল দেওয়া হইল। কিন্তু এই ব্যাপার বড় ছোট
খাট নয়। শ্রীচৈতন্যভাগবতকার লিখিয়াছেন—

বিশ্বকুল নদীয়া—বিপ্রের অস্ত নাই।

কত ধায় কত আইসে অবধি না পাই ॥

ইহার উপরে আবার আরও এক কথা শুনুন—

তথিমধ্যে লোভিষ্ঠ অনেক জন আছে ।

একবার লইঞা পুন আর কাচ কাচে ॥

আরবার আসি মহালোকের গহণে ।

চন্দন শুবাক মালা নিঞা নিঞা চলে ॥

ইহাতে বুঝা যাইতেছে যে, প্রভুর অধিবাসে অসংখ্য লোক উপস্থিত হইয়াছিলেন । লোকের এত সমাগন হইয়াছিল যে, কে আসিল, কে মালা চন্দন পাইল, কে পুনরায় আসিল, তাহার নিয়ন্ত্রণ করাই একরূপ অসম্ভব হইয়া উঠিয়াছিল । অবশেষে বিতরণ-কারিগণ বুদ্ধিতে পারিলেন যে লোভিষ্ঠ লোকেরা পুনঃ পুনঃ আসিতেছে । কিন্তু ইহার প্রতিবিধানের উপায় নাই । তখন প্রভু এক ঔদার্যময় আদেশ প্রচার করিলেন । যথা শ্রীচৈতন্য-ভাগবতে—

সভেই আনন্দে নৃত্ত কে কাহারে চিনে ।

প্রভুও হাসিয়া আজ্ঞা কহিলা আপনে ॥

সভারে তাড়ুল মালা দেহ তিনবার ।

চিন্তা নাহি, ব্যয় কর যে ইচ্ছা যাহার ॥

মহাপ্রভু পরম দয়াময়, তিনি মনে করিলেন, পাছে বা তাঁহার বাড়ীতে কাহারও অসন্মান হয়, পাছে বা কোন ব্রাহ্মণ ধরা পড়িয়া লজ্জিত হইবেন, পাছে বা লোকেরা শাঠ্য-দোষে ছষ্ট হয়,—এই অন্তর্বিধার প্রতিকার করার জন্য তিনি তিনবার করিয়া মালা-তাড়ুল প্রদান করার আদেশ করিলেন ।

কলতঃ তাঁহার এই ব্যবহার শাঠ্য ও লোভের যথেষ্ট প্রতীকার

হইল । এমন মুক্তহস্তে মালা তাহুল বিতরিত হইল যে, নদীয়ার
রাজপুত্রের বিবাহেও কেহ কখন এমন মালা চন্দন বিতরণ দেখিতে
পায় নাই । দান করা দূরের কথা, দান করার সময়ে মাটিতে যে
সকল মালা চন্দন পড়িয়াছিল, তাহাতেও বড় বড় পাঁচ অধিবাসের
কার্য্য কুলাইয়া যায় । শ্রীচৈতন্যভাগবতকার লিখিয়াছেন :—

সকল লোকের চিত্তে হইল উল্লাস ।

সবে বলে ধন্ত ধন্ত ধন্ত অধিবাস ॥

লক্ষেরো দেখিয়াছি এই নবদীপে ।

হেন অধিবাস নাহি করে কারো বাপে ॥

এমত চন্দন মালা দিব্য গুয়া পান ।

* অকাতরে কেহ কভু নাহি করে দান ॥

বৃদ্ধিমন্ত খান বাহা বলিয়াছিলেন, কার্য্যতঃ ঠিক তাহাই হইতে
চলিল ।

শ্রীপাদ সনাতন পণ্ডিত এই সময়ে আত্মীয়গণসহ অধিবাস
দ্রব্যাদি লইয়া উপনীত হইলেন, তিনিও অধিবাসার্থ মহাসমারোহে
আগমন করিয়াছিলেন ।

বিপ্রবর্গ আশ্রবর্গ করি নিজ সঙ্গে ।

বহুবিধ বাস্তব নৃত্য গীত মহারঙ্গে ॥

বেদ বিধি পূর্ব্বক পরম হর্ষ মনে ।

ঈশ্বরের গঙ্গ স্পর্শ কৈলা শুভক্ষণে ॥

শ্রীমৎ লোচনদাস ঠাকুর লিখিয়াছেন :—নারীগণ মুখে তৈল
হরিত্রা লেপন ও কপাল সিন্দূরে সজ্জিত করিয়াছিলেন এবং খই

কদলা সন্দেশ তাষুল প্রাপ্ত হইয়া আনন্দে অধিবাস-মঙ্গল-গান করিতে করিতে শ্রীগোবিন্দের শুভ অধিবাস সুসম্পন্ন করিয়াছিলেন ।

শ্রীপাদ সনাতন এমনই সমারোহে প্রিয়াজীর অধিবাস সম্পন্ন করিলেন । সেই বৈকুণ্ঠ-লক্ষ্মী কনক-লতার অঙ্গযজ্ঞিতে অধিবাস-কালে এমন দিব্যশ্রী প্রকটিত হইয়া উঠিল যে, নরনারী মাত্রই তাঁহাকে দেখিয়া আর মানবী বালিকা বলিয়া মনে করিতে পারিলেন না ।

নিমাইসুন্দরের শুভ বিবাহে নদীয়া-নাগরীগণ জলশায়ী ব্যাপারের জন্ত যেরূপ ঘটা করিয়াছিলেন, শচীমাতার নিকটে যুখে যুখে রমণীবৃন্দ যেরূপ অপূর্ব শোভা ও সৌন্দর্য্যচ্ছটা বিকীর্ণ করিতে করিতে সমবেত হইয়াছিলেন, শ্রীগৌরপদ-তরঙ্গিণী গ্রন্থে নরহরি ঠাকুরের পদে তাহা অতি সুন্দররূপে বর্ণিত হইয়াছে । সেই আনন্দোৎসবের বিন্দুমাত্র যাহারা আশ্বাদন করিতে চাহেন, তাঁহারা এই গ্রন্থে এ সম্বন্ধে পদাবলী পাঠ করিবেন ।

শ্রীলোচনদাস ঠাকুর লিখিয়াছেন :—

হেন মতে দুইজন অধিবাস কৈল ।

বধুগণ রাত্রি শেষে জলকে সাহিল ॥

নানাবিধ বাস্ত্র বাজে জয় হ্লাহ্লা

রসতরে রমণী চলিল ঢুলাঢুলী ॥

এই মতে পানি সাহিল বধুগণ ।

প্রভাত সময়ে আইল শচীর ভুবন ॥

আনন্দমুখি শ্রীভগবানের শুভ বিবাহে পানি সাহি উৎসবে নদীয়া রমণীগণ যে আনন্দ-রসের আবাদ করিতে করিতে এই উৎসবময় ব্যাপার সম্পন্ন করিয়াছিলেন, তাঁহার দ্রুত ও অমুখ্যানে হৃদয়ে সেই রসময় ও আনন্দময়ের রসপ্রবাহ উখলিয়া হইয়া উঠে। রাত্রি প্রভাত হইল। নান্দীমুখ শ্রাদ্ধের যথাবিধি আয়োজন হইল, অতীব সন্মারোহে নিমাইসুন্দর দেবপূজা, পিতৃপূজা সমাধান করিলেন।

এদিকে বুদ্ধিমত্ত খাঁ প্রভৃতি অতি প্রত্যাশে আসিয়া সমস্ত কার্যের তত্ত্বাবধান করিতেছিলেন। অর্থ দিয়া, শরীর দিয়া অকাতরে বিবাহোৎসবের সর্বস্ব সৌন্দর্য্য-সাধন করিতে প্রবৃত্ত হইয়াছিলেন, বুদ্ধিমত্ত খাঁ একাই পাঁচশত। অর্থ-সম্পত্তিতে, মানে সন্তোষে, প্রভাব-প্রতিপত্তিতে নবদ্বীপে তাঁহার অসাধারণ প্রভাব। ইঁহার সহিত মুকুন্দ প্রভৃতি বহু বহু ভক্ত যোগদান করিয়াছেন, সুতরাং উত্তোগে আয়োজনে ও সুবন্দোবস্তে লোকজনের আদর-আপ্যায়নে কোনও অংশে ক্রটি হইল না।

রাত্রি প্রভাত হইবামাত্র গৌরসুন্দর গঙ্গাস্নান করিলেন। বাড়ীতে আসিয়া বিষ্ণুপূজা সমাধান অন্তে নান্দীমুখ কন্দাদি করিতে প্রবৃত্ত হইলেন। বিবাহ-বাস্তুর স্তম্ভল রোলে সমাগত নরনারী ও বালক বালিকাগণের কোলাহলে, মহিলাগণের উল্লু ধ্বনিতে শচীমার বাড়ীখানি মুখরিত হইয়া উঠিল। এদিকে শচীমার আদর আপ্যায়নে ও স্মিষ্ট মধুর ভাষায় রমণীগণ পরমানন্দ অমুভব করিতে লাগিলেন। তিনি তাঁহাদিগকে লইয়া গঙ্গাঘাটে গিয়া

গঙ্গার অর্চনা করিলেন, যষ্টিস্থানে যাইয়া যষ্টিপূজা করিলেন, সামাজিক লোকদের বাড়ীতে যাইয়া যথারীতি লোকাচার করিয়া ঘরে ফিরিলেন । তাহার পরে উপস্থিত স্ত্রীগণকে সেই সময়ের রীত্যনুসারে ধৈ কলা তৈল তাণ্ডুল সিন্দূর প্রদান করিতে লাগিলেন । প্রত্যেকেই প্রায় ৫।৭ বার উক্ত দ্রব্য উপহার স্বরূপ প্রাপ্ত হইলেন । সমাগত ব্রাহ্মণদিগকে ভোজ্য ও বস্ত্র প্রদান করা হইল । অপরাহ্ন বেলায় বিবাহ-স্নানের ব্যবস্থা হইল । এ সম্বন্ধে শ্রীপাদ বৃন্দাবনদাস ঠাকুর নিম্নলিখিত বিবরণ প্রকাশ করিয়াছেন :—

অপরাহ্ন বেলা আসি লাগিল চইতে ।

প্রভুর সভেই বেশ লাগিলা করিতে ॥

চন্দনে লেপিত করি সকল শ্রীঅঙ্গ ।

মধ্যে মধ্যে সর্বত্র দিলেন তথিগন্ধ ॥

অর্দ্ধ চন্দ্রাকৃতি করি ললাটে চন্দন ।

তথি মধ্যে গন্ধের তিলক সুশোভন ॥

অদ্ভুত মুকুট শোভে শ্রীশির-উপর ।

সুগন্ধি-মালায় পূর্ণ হৈল কলেবর ॥

দিব্য সূক্ষ্ম পীতবস্ত্র ত্রিকচ্ছ বিধানে ।

পরাইয়া কঙ্কল দিলেন শ্রীনয়নে ॥

ধাত্ত, দূর্লা, সূত্র, করে করিয়া বন্ধন ।

ধরিতে দিলেন রস্তামঞ্জরী দর্পণ ॥

সুবর্ণ কুণ্ডল দুই ক্রতি মূলে সাজে ।

নব-রত্ন-হার বাকিলেন বাহ মাঝে ॥

এই মত যে যে শোভা করে যে যে অঙ্গে ।

সকল ঘটনা সতে করিলেন রঙ্গে ॥

ঈশ্বরের মূর্তি দেখি যত নরনারী ।

মুগ্ধ হইলেন সতে আপনা পাসরি ॥

অনন্ত সৌন্দর্য্যের লীলা-নিকেতন, প্রেমমূর্তি গৌরসুন্দরের স্বাভাবিক রূপের পরিমাণ করিয়া উঠাই অসম্ভব, তাহাতে উপরে আবার বিবাহ সময়ের সাজসজ্জা !—ইহাতে যে সেই রূপের কিরূপ উৎকর্ষ সাধিত হইয়াছিল, তাহা যদি অসম্ভব করিতে পারেন, প্রেমময় পাঠক তাহা অসম্ভব করুন, আমরা সে সৌন্দর্য্যের বর্ণন করিতে অসমর্থ ।

অমর কবি শ্রীপাদ লোচনদাস ঠাকুর গৌরসুন্দরের বিবাহ-সাজ-সজ্জা ও তঁাহার রূপ-মাধুর্য্য সম্বন্ধে যাহা বলিয়াছেন তাহা একবার আশ্বাদ করুন । কুলবধূগণ আমলকী তৈল হরিদ্রা দ্বারা কি প্রকারে শ্রীশ্রীগৌরসুন্দরের অঙ্গ-উদ্বর্তন করিয়াছিলেন, শ্রীচৈতন্যমঙ্গলে সে বিবরণ প্রেমিক ভক্তগণের প্রাণের ভাষায় লিখিত হইয়াছে । সে রসপিপাসু ভক্তগণ ঐ গ্রন্থ-পাঠে সে রস আশ্বাদন করিতে পারেন ।

বিবাহ-বাসরে ভুবনমোহন অনন্তসুন্দরের রূপ-মাধুর্য্যের বর্ণনা সকলেরই একান্ত চিত্তাকর্ষি হইয়াছিল । সে বিবরণ এইরূপ :—

দিব রক্ত অলঙ্কার রক্ত প্রাস্তবাস । ...

মহ মহ করে গোরা-অঙ্গের বাতাস ॥

সহজে শ্রীঅঙ্গ গন্ধ আর দিব্যগন্ধ ।

চন্দন-চন্দ্রক ভালে শ্রীমুখচন্দ্র ॥

নখচক্র শোভা করে অঙ্গুলে অঙ্গুরী ।

ঝলমল অঙ্গ তেজ্জ'চাহিতে না পারি ॥

শাস্ত্র বলেন, শ্রীভগবান্ সচ্চিদানন্দবিগ্রহ; সে শ্রীমূর্তি হইতে সততই আনন্দ-জ্যোতিঃ ফুটিয়া উঠে । আনন্দতম্ শ্রীভগবানের এই রূপ-নাধুর্য্য ভক্তগণের উপাসনার বস্তু । এই রূপের আকর্ষণে সাধনা অতি সহজ হইয়া উঠে । তাই রূপমুগ্ধ প্রেমিক ভক্তগণ শ্রীভগবানের রূপের বর্ণনা পাঠে এত আনন্দ লাভ করেন ।

এদিকে রাজপণ্ডিত সনাতন-গৃহে শ্রীশ্রীবিষ্ণুপ্রিয়ার বিবাহ-সজ্জার নিমিত্ত মহিলাগণ নিযুক্ত হইয়াছিলেন । সে শোভা-বর্ণনে আগাদের শক্তি নাই ।

গৌর-লীলার নাধুর্য্যাস্বাদী প্রেমিক-কবি শ্রীলশ্রীলোচনদাস ঠাকুর মহোদয় প্রিয়াঙ্গীউর বিবাহ-বাসরের সাজ বর্ণনা করিয়া বলিতেছেন—

পণ্ডিত শ্রীসনাতন হোথা নিজ ঘরে ।

নিজ কণ্ঠা ভূষা কৈল নানা অলঙ্কারে ॥

গন্ধ চন্দন মাণ্ড্যে করাইল বেশ ।

বিনি বেশে অঙ্গছটায় আলো করে দেশ ॥

ধন্ত কবি লোচনদাস ! কবিবর, তুমি এক কথায় সৌন্দর্য্য-নাধুর্য্যের অনন্ত উৎস উৎসারিত করিয়াছ ।

“বিনি বেশে অঙ্গছটায় আলো করে দেশ ।”

পাঠক মহোদয়গণ আরও শুনুন—

বিশ্বপ্রিয়ার অঙ্গ জিনি লাখবাণ সোণা ।

ঝলমল করে যেন তড়িত প্রতিমা ॥

কণধর জিনি বেণী মুন-মন মোহে ।

কপালে সিন্দূর সে তুলনা দিব কাছে ॥

বর্তমান সময়ে সিন্দূর ব্যবহার উঠিয়া গিয়াছে । সধবার এই স্তম্ভল সিন্দূর-শোভা যে সভ্যতার প্রাবনে বিলুপ্ত হইতেছে, সে সভ্যতা অল্প ভাবে প্রশংসনীয় হইতে পারে, কিন্তু হিন্দু-মহিলাগণের সৌভাগ্য-শোভার অতি বিরুদ্ধ । সংসারের শোভা-স্বরূপ ললনাগুণের কপালে সিন্দূর-বিন্দু যে কিরূপ শোভাকর ও পবিত্র দ্রব্য, তাহা লিখিয়া প্রকাশ করিতে পারি না । সিন্দূর বিন্দুতে নানবীর মুখে দেবীর সৌন্দর্য্য ও পুণ্যপবিত্রতা প্রকাশ পায় । জগজ্জননী স্বয়ং লক্ষ্মীর সিন্দূর-শোভা সহস্র কবির লোচনদাস বাহা লিখিয়াছেন, তাহা অতি সত্য কথা । তারপরে আরও শুনুন :—

ভুরুভঙ্গ অনঙ্গ-সারঙ্গ মনোহর ।

শুক ওষ্ঠ জিনি নাশা পরন সুন্দর ॥

কুরুঙ্গ-নয়ন জিনি নয়ন-যুগল ।

গৃধিনী-কর্ণ জিনি কর্ণ মনোহর ॥

অধর বাজুলী যিনি অমুপম শোভা ।

দশন-মোতিম জিনি ঝলমল আভা ॥

শ্রীপাদ লোচনদাস এইরূপে প্রতি অঙ্গের অতি সুন্দর বর্ণনা করিয়াছেন । প্রেমিক পাঠক, মূল গ্রন্থে তাহা আশ্বাদ করুন,

আমরা আমাদের চির-প্রলোভনায় শিরোভূষণ শ্রীপাদপদ্মবৃগলের
কথাই বিশেষরূপে উদ্ধৃত করিতেছি।

ত্রৈলোক্য জিনিয়া পদ গড়িল বিধাতা ।

ভগ্নগ করে পদতল পন্ন্যারাতা ॥

নখচন্দ্র পাঁতি জিনি অকলঙ্ক চাঁদে ।

তাহার কিরণে আঁখি পাইল জন্ম-আঁধে ॥

কৃপাময় গ্রন্থকার অতি যথার্থ কথাই বলিয়াছেন—প্রিয়াজীর
পদনখচন্দ্রের কিরণে জন্ম-অন্ধও চক্ষু পায়, ইহাই আমাদের আশা
ভরসা। আমরা এক জন্মের জন্মান্ন নই, যুগ-যুগ সঞ্চিত মোহ-
বন-তিনিয় আমাদেরিগকে জন্মে জন্মেই জন্মান্নরূপে জগতে
আনিয়া হাজির করিতেছে। অন্ধের ত্রায় দিশেহারা হইয়া পথে
পথে ঘুরিতেছি, পদে পদেই পদস্থলিত হইতেছি, সুপথ ছাড়িয়া
বিপথে পদার্পণ করিতেছি, আর পদে পদেই কণ্টকপূর্ণ বিপদের
কুগর্ভে পড়িতেছি,—শ্রীগৌর-বিষ্ণুপ্রিয়ার শ্রীপাদপদ্ম সেবন ব্যতীত
সুপথ পাইবার উপায় নাই।

সিদ্ধ কবি লোচনদাস ঠাকুরের উক্তিই আমাদের বেদ-বাক্য।
এই বাক্যে শ্রদ্ধা করিয়া আমরা যদি শ্রীশ্রীপ্রিয়াজীর শ্রীচরণ-
বৃগলের নখচন্দ্রা ধ্যান করিতে পারি, তবে আশা আছে। আমরা
জন্মান্নেরা, দিব্য চক্ষু লাভ করিতে পাইব। তাহার নখচন্দ্রের
কিরণে জন্ম অন্ধ আঁখি পায়, ইহা অপেক্ষা ভরসার কথাও স্তরের
সংবাদ আর কি হইতে পারে ?

কনক প্রতিমা শ্রীবিষ্ণুপ্রিয়াকে এইরূপে স্তম্ভজিত করিয়া—

রমণীগণ শ্রুত-বিবাহের শ্রী-আচারের আয়োজন উদ্বোধন করিতে লাগিলেন। রাজপণ্ডিত সনাতনের বাড়ীখানি বিবাহ সাজে সুসজ্জিত হইল, এবং জন-কোলাহলে মুখরিত হইয়া উঠিল।

এদিকে বরপক্ষে বরযাত্রার বিপুল আয়োজনে সমগ্র নগর একে বারে মাতিয়া উঠিল। পূর্বেই বলা হইয়াছে যে বুদ্ধিমন্ত খাঁ রাজ-পুত্রের বিবাহের ঠাটে শ্রীগৌরান্দের বিবাহ অতি সমারোহে সম্পন্ন করিবেন বলিয়া মনন করিয়াছিলেন। বিবাহের দিন দ্বিপ্রহরের পূর্বে হইতেই বুদ্ধিমন্ত খাঁ বহু লোকজন লইয়া শচীর আলয়ে উপস্থিত হইলেন। বরযাত্রার বিপুল সার্জসজ্জা আরম্ভ হইল। বরের জন্ত এমন সুসজ্জিত দিব্য দোলা প্রস্তুত করা হইল, যে নবদ্বীপবাসীরা রাজপুত্রের বিবাহেও সেরূপ দোলা দেখেন নাই।

ব্রাহ্মণগণ বেদধ্বনি করিতে লাগিলেন। ৪ শত বৎসর পূর্বেও বঙ্গদেশে যে বেদমন্ত্র উচ্চারিত ও গীত হইত, এই ব্যাপারে তাহার প্রমাণ পাওয়া বাইতেছে। অতঃপরে দলে দলে নানাবিধ বাদ্যযন্ত্র লইয়া বাস্তবকরণ উপস্থিত হইল। সে বাস্তব তুমুল রবে সমস্ত নবদ্বীপ মুখরিত হইয়া উঠিল। বঙ্গদেশে ভাটের স্তুতিপাঠের কথা এখন আর শুনা যায় না, কিন্তু ৪ শত বৎসর পূর্বেও বিবাহাদি উৎসবে ভাটগণ রায়বার পাঠ করিতেন। শ্রীগৌরান্দ্রমন্দের বিবাহোৎসবে ভাটগণ যখন রায়বার পড়িতে-ছিলেন, তখন ভক্ত অভক্ত সকলের হৃদয়ে ভক্তির মনাকিনী খারা প্রবাহিত হইতেছিল।

এইরূপ বিপুল আনন্দোৎসবের মধ্যে শ্রীশ্রীগৌরান্দ্রমন্দের

বর-সাজে সজ্জিত হইয়া যে অচিস্ত্য রূপলাবণ্য প্রকটন করিয়া-
ছিলেন, তাহা প্রেমিক ভক্তগণেরই ধ্যানের বিষয় । সে আনন্দ-
মুহূর্ত্ত বর্ণনা করিবার উপযুক্ত ভাষা এ জগতে একেবারেই নাই ।

শ্রীগৌর ভগবান্ বরসাজে সজ্জিত হইয়া জননীকে প্রদক্ষিণ
করিয়া প্রণাম করিলেন । সমাগত ব্রাহ্মণদিগকে নমস্কার করিলেন ।
অতঃপরে দোদার আরুঢ় হইলেন । চারিদিকে জরধ্বনি উঠিল,
কলকণ্ঠ নারীগণ সুধামধুর হলুধ্বনিতে আনন্দ-প্রবাহ বিস্তার করিয়া
তুলিলেন । সর্বত্রই যেন এক আনন্দোজ্জ্বল মধুর-রস, ভরপুর উথলিয়া
উঠিল । অধন আমরা সে অসীম-সিদ্ধুর কণাবিন্দুও হৃদয়ে অমুভব
করিতে পারিতেছি না ।

প্রথমে জাহ্নবী দর্শকের জন্ত বরযাত্রা, গঙ্গাতটে উপস্থিত
হইলেন । সহস্র সহস্র দীপ উভয় পার্শ্বে বাহকগণের হস্তে
শোভিত হইতেছে । বুদ্ধিমন্ত গা মহাশয় প্রকৃতই রাজঠাটে
ব্রাহ্মণ-পুত্রের বিবাহোৎসবের আয়োজন করিয়াছিলেন । রাজ-
পথের উভয় পার্শ্বে ধীরসঞ্চারী সুদীর্ঘ আলোক-পংক্তি । পদাতিক
শ্রেণী,—ছুইদিকে ছুই সারি পাটোয়ার,—নানা বর্ণবিশিষ্ট পতাকা-
বাহক শ্রেণী—বাঁহকর শ্রেণী, বরযাত্রার শোভাসমৃদ্ধি এরূপ প্রবদ্ধিত
করিয়াছিল যে নবদ্বীপের অতি প্রাচীন অধিবাসীরাও কখনও
এরূপ সমারোহসমন্বিত বিবাহোৎসব দর্শন করেন নাই । এ সম্বন্ধে
পূজ্যপাদ শ্রীচৈতন্যভাগবতকার এইরূপ বর্ণন করিয়াছেন :—

সহস্র সহস্র দীপ লাগিল জ্বলিতে ।

নানাবিধ বাজী সব লাগিল করিতে ॥

আগে যত পদাতিক বুদ্ধিমন্ত খাঁর ।
 চলিলা হইয়া ছই সারি পাটোয়ার ॥
 নানা বর্ণে পতাকা চলিল তার পাছে ।
 বিদূষক সকল চলিলা নানা কাচে ॥
 নর্তক বা না জানি কতেক সম্প্রদায় ।
 পরন উল্লাসে দিব্য নৃত্য করি যায় ॥

ইহা দ্বারা জানা জাইতেছে, এখন যেমন বিবাহোৎসবে অগ্নি-
 ক্রীড়া (বাজী) হইয়া থাকে তখনও এই প্রথা প্রচলিত ছিল ।
 শ্রীগৌরান্দের বিবাহ যাত্রার বিদূষক সকল কিরূপ অঙ্গভঙ্গি করিয়া
 পথে পথে নাচিতে নাচিতে যাইতে ছিল, তাহাদের মুখভঙ্গি ও
 অঙ্গভঙ্গ দর্শনে দর্শকগণের হৃদয়ে কিরূপ আমোদ উল্লাস উপস্থিত
 হইয়াছিল, তাহা জানিতে বাস্তবিকই কোতূহলের উদ্দীপনা
 হয় । কিন্তু সেদিন ও সে ভাব এখন আর নাই । তখনকার নর্তক
 সম্প্রদায়ের নৃত্যই বা কিরূপ ছিল, তাহা বুঝিবার উপায় নাই,
 কিন্তু বর্তমান সময়ে এদেশে নৃত্য প্রথার যে যথেষ্ট অবনতি
 হইয়াছে তাহাতে আর সন্দেহ নাই । অতঃপরে বাস্তব 'কথা'
 শুনুন ;—

জয়ঢাক, বীরঢাক, মৃদঙ্গ কাহাল ।—
 পটহ, ডগর, শঙ্খ, বংশী করতাল ॥
 ভোরঙ্গ, সিঙ্গা, পঞ্চশঙ্কী বাস্ত বাজে যত ।
 কেঁ লিখিবে বাস্তভাণ্ড বাজি যায় কত ॥

লক্ষ লক্ষ শিশু বাস্তব ভাণ্ডের ভিতরে ।
 রঙ্গে নাচি যায় দেখি হাঁসেন ঈশ্বরে ॥
 সে মহা কোতুক দেখি শিশুর কি দায় ।
 জ্ঞানবান সতে লজ্জা ছাড়ি নাচি যায় ॥

বরবাত্তার বাস্তব এমন এক আনন্দ তরঙ্গ তুলিয়াছিল, যে শিশুদের*
 তো কথাই নাই, অতি বড় জ্ঞানবানেরা ভব্যতা ও লজ্জা ছাড়িয়া
 তালে তালে নাচিতে নাচিতে বরবাত্তার সঙ্গে সঙ্গে গমন করিতে
 ছিলেন । যিনি ইহারই পূর্ববর্তী লীলায় সঙ্কীর্ণনের উত্তালতরণ তরঙ্গ
 তুলিয়া মহৎ ক্ষুদ্র, ব্রাহ্মণ শূদ্র, এমন কি চণ্ডাল ও যবনদিগকেও
 একই আসরে সমভাবে নৃত্য করাইয়াছিলেন ;—খোলাবেচা
 শ্রীধরের ত্রায় দরিত্রতম দরিত্র এবং ভুবনবিজয়ী রাজাধিরাজ
 প্রতাপরুদ্র, অতি মুখ, —সমাজের অস্পৃশ্য স্থণিত চণ্ডাল এবং
 বিপ্রকুলাগ্রগণ্য অতি বড় দার্শনিক পণ্ডিত সার্ক্সভৌম ভট্টাচার্য্য,
 বাঁহার অঙ্গুলী উত্তোলনে স্বীয় পদবী তুলিয়া মান সম্বন্ধ তুলিয়া সম-
 ভাবে সকলের সঙ্গে প্রেমামন্দে সঙ্কীর্ণনে নৃত্য করিতেন এবং পথের
 ধূলি গড়াগড়ি দিতেন,—তঁাহারই বিবাহোৎসবে স্তম্ভঙ্গ বাস্তব-
 নিনাদে সভ্য-ভব্য সম্ভ্রান্ত ভদ্রলোকগণও যে নাচিতে নাচিতে বর-
 বাত্তার আনন্দবর্ধন করিবেন, ইহা বিশ্বয়ের বিষয় নহে । ঠাকুর
 শ্রীপাদ বৃন্দাবনদাস লিখিয়াছেন,—

তবে পুষ্প বৃষ্টি করি গঙ্গা নমস্করি ।
 ভ্রমেণ কোতুকে সর্ব নবদীপপুরী ॥*

দেখি অতি অমাল্লবী বিবাহ-সম্ভার ।

সৰ্ব লোকে চিন্তে 'মহা পায় চমৎকার ॥

“বড় বড় বিভা দেখিয়াছি” লোকে বলে ।

এমত সমৃদ্ধ নাহি দেখি কোন কালে ॥

ফলতঃ এনন ভরপূর আনন্দের বর্ণনা প্রকৃতই সুমধুর । শ্রীপাদ
বৃন্দাবন দাস যথার্থই লিখিয়াছেন ;—

নবদ্বীপবাসীর চরণে নমস্কার ।

এসব আনন্দ দেখিবারে শক্তি যার ॥

সংসারক্লিষ্ট জীব বিবিধ তাপে নিরন্তর পীড়িত । সংসার-সুখ-দুঃখ
বিমিশ্রিত । এখানকার আনন্দোৎসবও দুঃখের পূর্বরূপ মাত্র । এই
অবস্থায় নিত্যানন্দময় শ্রীভগবানের নরলীলার আনন্দোৎসব-বৃত্তান্ত
পাঠ করা এবং সেই সকল আনন্দলীলা হৃদয়ে ধারণ করা প্রকৃত
পক্ষেই অতি মঙ্গলকর ও প্রীতিকর ।

৩

আনন্দোৎসবময় বিবাহযাত্রা গোধূলি সময়ে কত্য়াপক্ষ পূজ্যপাদ
শ্রীমৎ সনাতন পণ্ডিতের ভবনে উপস্থিত হইলেন । দুই পক্ষের
বাদ্যভাণ্ডে সমগ্র পল্লী মুখরিত হইয়া উঠিল । সনাতন পণ্ডিত
সদস্বনে বরের দোবার নিকটে আসিয়া উপস্থিত হইলেন । সুসজ্জিত
বরের মুখপানে চাহিয়া তিনি বিহ্বল হইলেন । দেহের কনোকো-
জ্জল, কান্তি আকর্ষণ বিস্তৃত স্নিগ্ধ মধুর জ্যোতি, প্রদীপ্ত নয়নযুগল,
সুনীল নিবিড় স্ফটিক কুন্তল রাশি, অলকা-শোভিত কপালদেশ

চম্পক-কলিকা-কুলের ত্রায় স্তম্ভ হস্তে অঙ্গুলিগুলি স্পর্শোভিত এবং শ্রীঅঙ্গ হইতে এক দিব্য সৌরভে মধুকরগণ আকৃষ্ট—পণ্ডিত সনাতন সেই রূপ দেখিয়া বিস্মিত হইলেন । তিনি স্পষ্ট-রূপে বুঝিতে পারিলেন, ইনি মানুষ নহেন, স্বয়ং নারায়ণ । তাঁহার হৃদয়ের জামাতৃস্নেহ ভগবৎ-ভক্তিতে পরিণত হইল, তিনি-বিশ্বয়-বিহ্বলভাবে শ্রীগোরাঙ্গকে কোলে তুলিয়া লইলেন ।

সনাতন ভক্তিপূরিতচিত্তে পাশ্চ অর্ঘ্য এবং আচমনীয়, বস্ত্র-লঙ্কার প্রভৃতি দ্বারা যথাবিধি বরণ-ব্যবহার করিলেন । সনাতনের মস্তক স্বভাবতঃই আনত হইয়া পড়িতে লাগিল, তাঁহার ইচ্ছা যে ঐ শ্রীপদের রেণু ভক্তির সহিত তুলিয়া লইয়া মস্তকে ধারণ করেন । কিন্তু শ্রীভগবান তাঁহার হৃদয়ে লৌকিক ভাব জাগরিত করিয়া তুলিলেন ; তিনি আনন্দাশ্রুপাত করিয়া সরিয়া দাঁড়াইলেন । সনাতন-পত্নী অস্ত্রান্ত নারীগণসহ জামাতাকে বরণ করিবার জন্ত উপস্থিত হইলেন । বর দেখামাত্রই তিনি স্তম্ভিত হইলেন । মনে করিলেন তাঁহার স্বামী কোথা হইতে এই দ্বিভূজ কনক-নারায়ণ তুলিয়া আনিয়াছেন । শ্রীগোরাঙ্গের শ্রীমূর্তি প্রথম দর্শনে সনাতনগৃহিণী একবারেই চমকিত হইলেন । মানুষের এরূপ আকার ও এমন রূপ, তিনি আর কখনও দেখেন নাই । তাঁহার সঙ্গীয় নারীগণও চমকিয়া দাঁড়াইলেন । তাঁহাদের বোধ হইল যেন তাঁহারা দেবমন্দিরে ঠিক দেবতার সম্মুখে উপস্থিত হইয়াছেন । দেহ হইতে কনক-জ্যোতিঃ বিকীর্ণ হইতেছে ।

শ্রীগোরাঙ্গ বদনখানি অবনত করিয়া নিঃস্পন্দভাবে বসিয়া

রহিলেন । পাশ্বে থাকিয়া সনাতন বলিলেন, “ইনিই বর, আমি দোলা হইতে ইঁহাকে কোলে তুলিয়া আনিয়াছি, তোমরা বরণ কর ।”

সনাতন গৃহিণী ধাত্ত চুৰ্কা হাতে লইয়া শ্রীগৌরান্দের মস্তকে দিতে প্রবৃত্ত হইলেন, কিন্তু তাঁহার হাত কাঁপিতে লাগিল ; তখনও বিশ্বয়েব প্রবল ভাব দূরীভূত হয় নাই, ঘৃণের সপ্তপ্রদীপে আরতি করিলেন,—বোধ হইল যেন দেবগৃহে দেবতার আরতি হইতেছে । রমণীগণের চিন্তে এমন এক বিশ্বয়ের ভাব দেখা দিল, যে তাঁহারা একবারেই দেবভাবে বিভোর হইলেন, যেন কোন দেববিবাহের কার্য্যে তাঁহারা দেবলোক হইতে প্রেরিত হইয়াছেন । শ্রীগৌরান্দের অঙ্গজ্যোতিতে উপস্থিত নারীগণের অঙ্গ কনকপ্রভায় উদ্ভাসিত হইয়া উঠিয়াছিল । তাঁহাদের হৃদয়ে পুণ্য-পবিত্রতা ও প্রেমের সুধাধারা উথলিয়া উঠিয়াছিল ।

থৈ কড়ি নিক্ষেপ করিয়া মাঙ্গলিক লোকাচার কার্য্য সম্পন্ন করা হইল । এদিকে রমণীগণ শ্রীবিষ্ণুপ্রিয়া দেবীকে সজ্জিত করিতে গিয়া দেখেন, শ্রীগৌরান্দের কান্তি-বলকে বিষ্ণুপ্রিয়ার স্বাভাবিক স্ববর্ণবর্ণ যেন সহস্রগুণে উজ্জ্বল হইয়া উঠিয়াছে । যেন স্বয়ং বৈকুণ্ঠ-লক্ষ্মী, নারায়ণের সহিত পরিণয়োপলক্ষে মিলিত হইবার ‘জন্ত আনন্দমধুর সমুজ্জলভাবে অবস্থান করিতেছেন । আশ্বীষ্যগণ তাঁহার আসন ধরিয়া প্রভুর সম্মুখে তুলিয়া আনিলেন, সেই অবস্থায় তাঁহাকে সপ্তবার প্রদক্ষিণ করাইলেন ; শ্রীবিষ্ণুপ্রিয়া ঈষৎ নিম্নীলিতনয়নে কৃতাজলিপুটে অবস্থান করিতেছিলেন । বিবাহের স্ত্রী-আচার অনুসারে অতঃপরে উভয়ে উভয়ের প্রতি পুষ্প বর্ষণ করিতে

লাগিলেন, সে দৃষ্ট এমন মনোহর ও মধুর হইয়াছিল, যে দর্শক-
মাঝেই সহস্র জন্মেও তাহা ভুলিতে পারেন না । সুখস্বতির সেই
বিদ্যাংপ্রভা যুগযুগান্তেও দর্শকগণের চিত্তের সমক্ষে স্মরিত হয় ।

অতঃপর জগন্নাতা শ্রীশ্রীবিষ্ণুপ্রিয়া শ্রীগৌরান্ধচরণে স্নগন্ধি
সুকোমল কুসুমমালা অর্পণ করিয়া ঐ পাদপদ্মে আত্মসমর্পণ
করিলেন, মনে মনে বলিলেন,—“প্রভু, চিরদিনই আমি তোমার
চরণদাসী ।” শ্রীগৌরান্ধসুন্দরের নয়নে বিদ্যাভের স্থায় দীপ্য হাতির
রেখা স্মরিত হইল । তিনি অতি যত্নে মালাটা তুলিয়া লইয়া
হর্ষিতভাবে বিষ্ণুপ্রিয়ার গলদেশে পরাইয়া দিলেন এবং মনে মনে
বলিলেন—“প্রিয়তমে, তুমিই আমার চিরদিনের হৃদয়বল্লভা । এ
অবতারে তুমি প্রকৃতপক্ষেই আমার এক গৃঢ় মহাশক্তিস্বরূপা ।
মহাসংরোধ ও মহাসংঘম এবার এ লীলার প্রধানতম রহস্য । এ
ব্রতে স্থির থাকিতে হইবে ।”

অতঃপরে পুনশ্চ পুষ্প বর্ষণ হইতে লাগিল । এবার দেবগণের
বড় আনন্দ । তাঁহারা অলঙ্কিত ভাবে পুষ্প বর্ষণ করিতে লাগিলেন ।
বরপক্ষ এবং কল্পাপক্ষের আনন্দ-কোন্দল উপস্থিত হইল । তাহার
পরে সহস্র সহস্র সহস্র মহাতাপ দীপ প্রজ্জ্বলিত করা হইল ।
অতঃপর মুখচন্দ্রিকার মহাবাত্তের তুমুল কোলাহল উপস্থিত হইল,
সেই বাস্তবনি যেন ব্রহ্মাণ্ড-ভেদ করিয়া উঠিল । মুখচন্দ্রিকার
মধুর মিলন প্রেমিক ভক্তগণের চির-আশ্বাস । উহা ভাষায় বর্ণিত
হইতে পারে না, সে ভাবে যাহাদের হৃদয় পরিপূরিত, তাঁহারা সে
মিলন-আনন্দের ধ্যান করুন, এবং সে রস আনন্দন করুন ।

শ্রীমতী স্বভাবতঃই লজ্জাশীলা, তিনি মুখচন্দ্রিকার সময়ে প্রথমতঃ শ্রীগৌরানন্দের মুখপানে চাহিতে পারিলেন না, লজ্জায় তাঁহার চক্ষুর পাতা নিম্নলিখিত হইয়া পড়িল, কিন্তু মুখখানি আনন্দের মৃদুমধুর হাসিতে আরও উজ্জ্বল হইয়া উঠিল। বাঁহার দর্শনলালসায় গঙ্গা-তট তাঁহার নিকট নধুময় বলিয়া মনে হইত, আজ সেই ভুবনমোহন প্রাণনাথকে নিকটে পাইলেন, চিরদিনের জ্ঞাত তিনি তাঁহার প্রাণ-বল্লভ হইলেন, ইহাতে শ্রীবিষ্ণুপ্রিয়ার হৃদয়ে যে কত আনন্দ উৎখলিয়া উঠিয়াছিল, তাহার বর্ণনা প্রকৃতই অসম্ভব।

তাঁহার নয়ন-নিমীলন দেখিয়া কেহ কেহ বলিলেন, “নয়ন মেলিয়া চাও, মুখচন্দ্রিকার সময় চারি চক্ষুর মিলন করিতে হয়।” বিষ্ণুপ্রিয়া বিদ্যাতের জ্ঞান নয়ন মেলিয়া শ্রীগৌরানন্দের মুখপানে চাহিলেন, দেখিলেন,—বিধাতা ত্রৈলোক্যের সৌন্দর্য্য-মাধুর্য্য ঐ মুখ-খানিতে সঞ্চিত করিয়া রাখিয়াছেন, তাঁহার দেহ বিবশ হইয়া পড়িল। শ্রীগৌরানন্দসুন্দরও শ্রীমতীর মুখপানে চাহিয়া আনন্দে উৎফুল্ল হইলেন, তাঁহার শ্রীঅঙ্গ পুলকিত হইয়া উঠিল।

অতঃপরে রাজপণ্ডিত শ্রীপাদ সনাতন বিধিমনে বিষ্ণুপ্রাপ্তি-কামনায়,—বিনি কোটা কোটা বিষ্ণুর অবতারী,—সেই স্বয়ং ভগবান্ শ্রীগৌরানন্দসুন্দরের হস্তে স্বয়ং লক্ষ্মী শ্রীবিষ্ণুপ্রিয়াদেবীকে সমর্পণ করিলেন। সাময়িক রীতানুসারে দান ধ্যান হোমকর্ম্ম প্রভৃতি নির্বাহিত হইল। বেদাচার লোকাচারের বাবতীর ক্রিয়া সুসম্পন্ন হইল। শ্রীমতী শ্রীগৌরানন্দসুন্দরকে পাইয়া আশ্বহারা হইলেন, তাঁহার নয়নে প্রেমধারা,—দেহে পুলক,—সে পুলকের বিরাম নাই,

আনন্দাশ্রুতে নয়নযুগল সজল,—ভালরূপে শ্রীগোরাঙ্গের শ্রীমুখখানিও দেখিতে পাইতেছেন না। এই আনন্দবিবশ অবস্থায় পতিসহ দেবী বাসরঘরে বাইতেছেন, তিনি নিজবশে চলিতে পারিতেছেন না, অন্তর্যামী রসময় বর তাহা বুঝিয়া তাহাকে টানিয়া লইতেছেন। এই সময়ে ত্রীচরণের অলঙ্কার-শিঞ্জিনীধ্বনি সহসা যেন একবার তীব্রতর শুনা গেল। অর্থাৎ তাঁহার পায়ে উছট লাগিয়াছে। তিনি স্তম্ভিত হইয়া দাঁড়াইলেন। সহসা সেই আনন্দোজ্জল মুখে বিষাদের ভাব দেখা দিল। এই বিষাদ দৈহিক ক্লেশের জন্ত নয়,—তিনি পতিসহ সুখময় বাসরঘরে বাইতেছেন, তাহাতে এ কি বাধা, একি অমঙ্গল ? দূরদূর করিয়া হৃদয় কাঁপিয়া উঠিল। দেবী বিপদের আশঙ্কা করিলেন।

তাঁহার সর্বজ্ঞ বর ভিন্ন এই ঘটনা অত্ৰ কেহ জানিতে পারেন নাই। প্রেমময় শ্রীগোরামুন্দর শ্রীমতীর মনের ভাব বুঝিয়া আনন্দময় শ্রীকরে তাঁহার হাত চাপিয়া ধরিলেন, ইঙ্গিতে-সঙ্কেতে জানাইলেন—“ও কিছু নয়।” দেবীর সন্দেহ ও ভয় দূরে গেল, আবার তাঁহার মুখখানি সুপ্রসন্ন হইল। তিনি মনে মনে বলিলেন, “প্রাণ-বল্লভ, তুমিই এ দাসীর সর্বমঙ্গল-নিদান, বিপদে আপদে সুখে সম্পদে এখন তুমি বিনে আমার আর কে আছে।” বাসর গৃহে যে রসের উৎস উথলিয়া উঠিয়াছিল, প্রেমিক পাঠক পাঠিকাগণ তাহা অনুভব করুন। আমরা তাহার বর্ণনার অনধিকারী।

সহস্র সহস্র লোক নিমজ্জিত হইয়াছিলেন। বরকল্পা ও বিবাহ দেখিয়া সকলে বিস্মিত হইলেন। তাঁহারা যে এই মরধামে বিবাহ

কৌতুকে যোগ দিয়াছেন, এমন কথাই তাঁহাদের মনে হইল না ।
পূজ্যপাদ শ্রীচৈতন্যভাগবতাকার যথার্থই বলিয়াছেন :—

বৈকুণ্ঠ হইল রাজপণ্ডিত আবাসে ।
ভোজন করিতে যাই বসিলেন শেষে ॥
ভোজন করিয়া সুখ রাত্রি সুমঙ্গলে ।
লক্ষ্মীকৃষ্ণ একত্র রহিলা কুতূহলে ॥
নবজিত, জনক, ভীষ্মক, জাম্ববন্ত ।
পূর্বে তানা যে হেন হইলা ভাগ্যবন্ত ॥
সেই ভাগ্য এবে গোষ্ঠিসহ সনাতন ।
পাইলেন পূর্ব বিষ্ণু-সেবার কারণ ॥

রাত্রি প্রভাত হইল । লোকাচার ক্রিয়া সম্পন্ন হইল । অপ-
রাহ্নে আবার বিজয়-বাঞ্ছনির্ধোবে পক্ষী কোলাহলময় হইয়া উঠিল ।
মিশ্র মহাশয় বরকল্পা বিদায়কালে অধীর হইলেন, মিশ্রগৃহিণী ও
অক্সাচ্ছ মহিলাগণ নয়নজলে পরিসিক্তা হইলেন । শ্রীমতী পিতা-
মাতা ও শৈশব সহচরীদিগকে ছাড়িয়া পতিগৃহে যাইতেছেন,
তাঁহার চিন্তাও একান্ত অধীর হইয়া উঠিল, মণিমুক্তার মোহনমালার
জ্বায় নয়নাক্রান্তে শ্রীমুখখানি ভাসিয়া যাইতে লাগিল ।

সনাতন বলিলেন, “মা কাঁদিও না, সত্বরেই তোমাকে লইয়া
আসিব ।” শ্রীগৌরমুন্দরের মুখের দিকে চাহিয়া সনাতন কাতর
ভাবে বলিলেন,—“বাবা, তুমি জগৎপূজ্য, আমি তোমার আর কি
বলিব, নিজগুণে আমার কল্পা গ্রহণ করিয়া আমার কৃতার্থ করি-

রাহ, আমি ধন্ত হইলাম, তোমার আগমনে আমার গৃহ ধন্ত হইল, আমার কন্তা পরম ভাগ্যবতী যে তোমার পতিলাভ করিল।”

এই বলিয়া শ্রীমতীর হাত ধরিয়া তিনি শ্রীবিষ্ণুস্তরের হাতে সমর্পণ করিয়া আরও দুই একটা কথা বলিতে আরম্ভ করিলেন, কিন্তু বলিতে বলিতে আর বলিতে পারিলেন না, বাক্য-গদগদ হইয়া পড়িল, নয়নজলে তাঁহার মুখ ভিজিয়া গেল। শ্রীগৌর-সুন্দর স্নিত-গম্ভীরভাবে বলিলেন “আপনি পূজ্যপাদ, আপনি আলীকাদ করুন।” এই বলিয়া সনাতনের পদধূলি গ্রহণ করিলেন এবং অত্যাশ্চর্য নমস্ত ব্যক্তিবর্গকে নমস্কার করিয়া শ্রীশ্রীবিষ্ণুপ্রিয়াসহ দোলায় আরোহণ করিলেন।

পথে পথে নরনারীগণ বরকন্তা দর্শনের নিমিত্ত উদ্‌গীত হইয়া ছুটিলেন। সকলের হৃদয়েই দেবভাব উদ্দীপিত হইয়া উঠিল। কেহ বলিল, বরকন্তা যেন সাক্ষাৎ হরগৌরী; কেহ বলিল, সাক্ষাৎ লক্ষ্মীনারায়ণ। এইরূপে ষাঁহার যেরূপ ধারণা, সে সেইরূপ ভাষায় বিন্মিত ভাবে মনের ভাব প্রকাশ করিতে লাগিল। শুভকালে বরকন্তা স্বভবনে শুভাগমন করিলেন।

এদিকে বৃদ্ধা শচীমাতা পতিব্রত্যাগণ সঙ্গে লইয়া হর্ষপ্রকুল চিত্তে পুত্র ও পুত্রবধূ গৃহে আনিলেন। চারিদিকে জয়ধ্বনি-মঙ্গল-ধ্বনি হইতে লাগিল। শচীমাতার চিরসঞ্চিত সন্তাপ প্রশমিত হইল। তিনি আজ পুনরায় তাঁহার গৃহে কল্যাণ-করুণতা-স্বরূপিণী স্বয়ং লক্ষ্মী বিষ্ণুপ্রিয়াকে পাইয়া আবার যেন ঠিক সেই তিরোহিতা লক্ষ্মীদেবীকে পুনঃপ্রাপ্ত হইলেন। তাঁহার হৃদয়ে পুত্রবধূ বিরহ-

রূপ বে অনল জলিয়া উঠিয়াছিল, তাহা নির্দাপিত হইল এবং শ্রীশ্রীবিকুপ্রিয়াদেবীকে তিনি স্বয়ং লক্ষ্মী বলিয়াই কোলে তুলিয়া লইলেন । পূজ ও পূজবধু লইয়া শচীদেবী আনন্দে বিভোর হইলেন । শ্রীগৌরানন্দসুন্দর ও শ্রীশ্রীবিকুপ্রিয়ার এই মধুর মিলনকাহিনী এখনও ভক্তগণের প্রাণে শতমুখী জাহ্নবীর জ্যার আনন্দের স্রুধাধারা বর্ষণ করে ।

৪

চিরবাহিত প্রাণের দেবতা, চিরসুন্দর গৌরসুন্দরের সঙ্গলাভ করিয়া প্রিয়াজীৱ হৃদয় আনন্দে ভরিয়া গেল । তাঁহার নয়নে দিবানিশি গৌররূপের স্রুধাতরঙ্গ নাচিয়া বেড়াইত, শ্রীগৌরানন্দের নিগূঢ় শ্রীতির ভাব ক্রমেই প্রিয়াজীৱ স্পষ্টরূপে অহুভব করিতে লাগিলেন । শ্রীনিমাই পণ্ডিত দিবাভাগে অধ্যাপনে ব্যাপৃত থাকিতেন,—কেবল স্নানাহার সময়ে তাঁহাকে দেখা যাইত ।

এই সময়ে নবলক্ষ্মী নীরবে নীরবে তাঁহার সেবা করার অধিকার পাইতেন, তিনি তাঁহার পা ধোয়ার জল জল, খড়ম, গামছা, তৈল প্রভৃতি যোগাইয়া রাখিতেন, পূজা-গৃহে পূজার আয়োজন করিয়া রাখিতেন, ভোগমন্দিরে যাইয়া ভোগ রন্ধন করিতেন, শচীমাতা প্রথম প্রথম বোমাকে এ সকল বিষয় দেখাইয়া দিতেন, কিন্তু এশিকা অতি অল্পদিনই দিতে হইয়াছিল । বিকুপ্রিয়া অনন্তলক্ষ্মীগণের মহাবতারিকা । কোটি লক্ষ্মী বাঁহার পদ-নখ হইতে অবতীর্ণা, তাঁহার অভাব কি, অজানাই বা কি ? তথাপি লোকব্যবহারানুসারে শচীমাতার আদেশ উপদেশ প্রতীকার

তাঁহাকে সাংসারিক কার্যের জন্ত অপেক্ষা করিতে হইত। অবশেষে তিনি নিজেই সকল কার্যের ভার গ্রহণ করিয়াছিলেন।

শ্রীবিষ্ণুর ভোগ শেষ হইলে, অতি যত্নসহকারে কনক-প্রতিমা মহালক্ষ্মী শ্রীবিষ্ণুপ্রিয়া জগৎপতি শ্রীশ্রীবিষ্ণুস্তর দেবের সমক্ষে অন্নাদি রাখিয়া অদূরে আড়ালে দাঁড়াইয়া থাকিতেন, শচীমাতা পুত্রের সম্মুখে বসিতেন। এদৃশ্য দেখিয়া প্রিয়াজ্ঞীর কত আনন্দ হইত, তাহা লিখিয়া শেষ করা যায় না। তিনি আড়নয়নে ঘোমটার আড়ালে মুহুঃ মুহুর হাসিতেন, হৃদয়-সখার মুখের দিক তাকাইতেন, রসময় শ্রীগৌরানন্দসুন্দর সে হাসি লক্ষ্য করিয়া অক্ষুট সুমধুর হাসিতে প্রিয়াজ্ঞীকে বুঝাইতেন,—“তোমার ঐ হাসিটুকু, আর তোমার ঐ হাসিমাখা মুখখানি আমার সমস্ত জীবনের শোভাসম্পদ।” বউমা নিমাইর নিকটে নিকটে থাকেন আর তিনি প্রাণভরিয়া বিষ্ণুস্তর-বিষ্ণুপ্রিয়া মূর্তিযুগল সন্দর্শন করেন,—শচীমাতার অনুক্ষণ এই বাসনা। কিন্তু আহারের সময় ভিন্ন দিবাভাগে প্রায়শঃই তাঁহার এই বাসনা পূরণ হইত না। তাই তিনি নিমাইর নিকট উপবেশন করিয়া নিমাইর ভোজন দেখিতেন,—আর নিম্প্রয়োজনে এটুকু ওটুকুর জন্ত ঘন ঘন বউমাকে ডাকিতেন।

নিমাই তখনও চঞ্চল। আহার শেষ হইতে না হইতেই,—ভোজনের সকল দ্রব্য পরিবেশন হইতে না হইতেই—নিমাই পাত্রত্যাগ করিয়া উঠিতে উপক্রম করিতেন। “আঁরে বোস্ বোস্,—উঠিস নে উঠিস নে—ছই গ্রাসগ্রাসাদও বুখে দিস নাই, আমার মাথার দিব্যি উঠিস নে” শচীমা এই বলিয়া নিমাইকে

উঠিতে দিতেন না। নিমাই মায়ের অতি বাধ্য। নিমাই পেটে হাতবুলাইয়া দেখাইয়া বলিতেন, “দেখ মা কত খেয়েছি। আমার নিশ্চয় বোধ হইতেছে, তুমি রান্না দেখাইয়া দেও, নচেৎ আর কি কেউ এমন রান্না করিতে পারে ?

শচী। বাবা, বউমা আমার লক্ষ্মী। কিছুই দেখাইতে হয় না,—যেন কত কালের গিন্নী। এখন আর কোন কাজই আমায় দেখতে হয় না। আমি কেবল তোমার খাওয়াটি দেখি। সংসারের সব কাজই বোমা করেন। এছাড়া আমার সেবা তো আছেই। আমায় বাতাস করা—আমার পদসেবা করা,—ইহার নিত্য কৰ্ম। বউমা নিজহাতে আমার কত সেবা করেন—আমার অত ভাল লাগে না। ছেলেমানুষ,—কোথায় আমি উহার যত্ন করব। এক সন্ধা ছুই সন্ধ্যা না-হয়, আমিই রোঁধে দিলুম। তা বউমা আমার কোন যত্ন লইতে লজ্জা বোধ করে। আমি বা কোন কাজে হাত দি, এই ভয়ে রাত্রি ভোর না হইতেই উঠিয়া ঘর নিকানাদি সকল কার্য্য করে, বাড়ী ঘরের অবস্থা দেখেছ—যেন দেবালয়। সাজানো গোছানোতে বউমা অমন সিদ্ধ হস্ত—যেন স্বয়ং লক্ষ্মী। গঙ্গান্নান করিয়া বিষ্ণুমন্দিরে শঙ্খাদি আঁকে, পূজার বাসন মার্জনা করে, পূজার ও ভোগের সাজসজ্জা করে, নিজের বুদ্ধি মতে ভোগ রন্ধন করে, তোমার খাওয়া হইলে আমায় না খাওয়াইয়া কোন দিনও জলটুকু মুখে দেয় না।

নিমাই। সে আর একটা বেশী কথা কি ? ঐ বিষ্ণু খটায় যিনি আছেন, তিনি অচল দেবতা, আর তুমি মা এ ঘরের প্রত্যক্ষ

সচল দেবতা । তোমার সেবা না হইলে এজীবনই মিথ্যা । না, মা ছাড়া আর যে কোন দেবতা কোথায় আছেন, আমি তাহা ভালরূপ এখনও বুঝিতে পারি না । দেব-পূজা করিতে হয় বলিয়া করি, ভোগ দিতে হয় বলিয়া দি, কিন্তু তুমি আমার প্রত্যক্ষ দেবতা । যে তোমার পূজা করে, আমি তাকে প্রাণদিয়া ভাল বাসিতে পারি ।

নিমাই আড়নমনে প্রিয়াজীৱ দিকে চাহিয়া এই কথা বলিতে ছিলেন । একথায় প্রিয়াজী ঘোমটার আড়ালে একটুকু মুখ লুকাইয়া প্রফুল্ল পদ্মপলাশলোচনে ঐষদ্ মধুর হাস্তে যেন নিমাইর কথায় সান্ন দিলেন ;—যেন নয়ন-ভঙ্গিতে বলিলেন—“এই তো ঠিক কথা ।”

শচীমা । পূৰ্ব্বেজন্মের তপস্তায় গোবিন্দ আমার ঘরে এমন রত্ন দিয়াছেন । আমি এখন সারাদিনই তাঁহার নাম করায় সুবিধা পাইয়াছি । তোমার অতিথি সেবার জন্তও আর এখন আমার ভাবিতে হয় না । কুড়িজন, ত্রিশজন—যত মুষ্টিই অতিথি আসুন না কেন, দ্রব্যেরও অভাব নাই, তাঁহাদের সেবারও এখন ভাবনা নাই । ছেলেমানুষ বউমার পাছে বা কষ্ট হয়, এই জন্ত আমি নিজে কোন কাজ করিতে গেলে, বউমা আমার পায়ে ধরিয়া সেই কার্য্য হইতে আমায় বিরত করে । আমার মনে বড় কষ্ট হয় । কিন্তু কি করিব, উহার জন্ত কোন কাজে হাত দিতে পারি না । আরও দেখিতে পাই, যে কাজ করিতে আমার চুইদণ্ড লাগে, বউমা এক মুহূর্ত্তে সে কাজ সারিয়া ফেলে । রাজ-পণ্ডিতের মেয়ে,—বাপের বাড়ীতে বিশেষ কোন কাজ করিতে হয় নাই । কিন্তু এখানে এসেই যেন পাকাগিন্নী । ইহার উপরে এই

শ্রীমুখের দিনে আমার শস্যার পার্শ্বে ই বসিয়া আমার হাওয়া করে
কিসে আমার একটু আরাম হইবে, উহার সর্বদা সেই চেষ্টা ।

নিমাই । তা হইলেই হইল । আমি নিজ হাতে তোমার
কোনও সেবা করিতে পারি না । তুমি যেমন আমার খাওয়ার
সময় বসিয়া দেখ, আমার মনে হয়, আমিও তোমার খাওয়ার
সময় তোমার কাছে থাকি, কিন্তু নানা কাজে তাহা ঘটে না । মা
এ দেহ তোমা হইতেই পাইয়াছি, তোমার সেবা করাই এ দেহের
প্রধান কাজ । তাহা যে পারি না—ইহাই হৃৎখ ।

শচী । তোমার তা করতে হবে কেন, বাবা ! বউমার জন্ত
এখন আমার খাওয়া বাড়িয়া গিয়াছে । ঠিক মায়ের মতন আমার
যত্ন করে, আমার কত সেবা করে । প্রতিবেশিনী মেয়েদের কত
যত্ন আদর করে । এমন বিনয় নরম ভাব আর দেখি নাই ।”

নিমাই আহ্বার করিতে বসিলেই শচীমাতা কথার উপরে
উপরে কথা তুলিয়া কেবল বউমার প্রশংসাই করিতেন । নিমাই
বলিতেন “মা তোমার মুখে নিত্যই ঐ এক কথা । আমি তোমার
যে ধার ধারি, তার কি কিছুতে শোধ আছে ? যে তোমার সেবা
করিবে, সে আমার কিনিয়া লইবে । আমি তোমার কোন সেবা
করিতে পারি না, আর যে পারিব, সে ভরসাও নাই । যে
আমার এই বাসনা পূরণ করিবে, আমি তাহার কাছে চির জীবন
বিকাইয়া থাকিব, কখন তাহার ঋণ শোধিতে পারিব না ।

শ্রীগৌরানন্দরের এই কথায় যে কি এক নিদাক্ষণ ব্যাপারের
আভাস রহিল, পাঠকগণ তাহা বুঝিতেই পারিতেছেন ।

শচী । ছি বাছা অমন কথা কি বলতে আছে ! তোমরা বেঁচে থাক—তোমাদের দুইজনের মুখখানি দেখে যেন চক্ষু মুদিত পায় । আমার মনের সাধ, তোমাদের দুইজনকে কোলে লইয়া যেন আমার সারাদিন কাটিয়া যায় । লোকে লক্ষ্মী-নারায়ণের সেবা করে, কিন্তু আমি বিশ্বস্তর-বিষ্ণুপ্রিয়া দেখিয়া তাহা হইতে কোটিগুণে আনন্দ লাভ করি । তোমরাই আমার লক্ষ্মীনারায়ণ । আমার আবার সেবা কি ? কত হৃৎথের কথা আমার মনে জাগে । তোমাদের মুখের দিকে চাহিয়া সে সকল আগুনই জ্বল দিয়াছি ।

আহারের সময়ে একটুকু অবকাশ হইত । এই সময়ে মাতায় ও পুত্রে অনেক কথা হইত । প্রিয়াজী দ্বিভাগে প্রায়শই স্বামীর সহিত কথা বলিবার সুবিধা পাইতেন না । কিন্তু ঘটনাক্রমে যখনই চারিচন্দ্রর সন্মিলন হইত, তখনই লক্ষ কোটি সুমধুর প্রেম-আলাপের নীরব তরঙ্গ উদ্বেলিত হইয়া উঠিত । সে আলাপ ভাবায় ফুটিবার নয়, তাই ভাবায় ফুটিত না । মিতভাষিনী বিষ্ণুপ্রিয়া কখনও মুখের ভাবায় হৃদয়ের ভাব প্রকাশ করিয়া বলিতে পারেন নাই । তাঁহার হৃদয়ের ভাব হৃদয়ে চাপা থাকিত, শত সুধামধুর নয়নের চাহনিত্তে সেই গভীর প্রেমের ভাব,—সময়ে সময়ে প্রকাশ পাইত ।

শ্রীগৌরানন্দর প্রতিদানে তাঁহাকে অব্যক্ত ভাবে যে প্রেমের প্রতিদান প্রদান করিতেন, তাহাতে তাঁহার প্রেম তরল না হইয়া আরও গাঢ়তর এবং আরও গভীরতর হইয়া উঠিত । শ্রীরাধা-

প্রেম কেমন বস্তু, অতি উদার শ্রীগৌর ভগবান্ তাহা প্রকাশ করিয়াছেন, নিজে সে প্রেমের ভাব জগৎজীবকে দেখাইয়াছেন । কিন্তু শ্রীবিকৃপ্রিয়ার হৃদয়ে তিনি যে প্রেমমুখা সঞ্চিত করিয়া রাখিয়াছিলেন, তাহার প্রকাশ নাই,—তাহার তুলনা নাই । শ্রীগৌরানন্দের অতি মর্ম্মী উপাসক ভিন্ন সেই প্রেম ও সেই ভাব অন্তের দুর্লভ্য । অন্তে তাহা বুঝিতে পারিবে না ।

মহালক্ষ্মী পরমব্যোমাধিপতিকে যেক্রপ সেবা করেন, পুরাণে তাহার বিবরণ আছে । শ্রীবৃন্দাবনের নিকুঞ্জকাননে ব্রজবধু-শ্রেষ্ঠা শ্রীরাধা নিকুঞ্জবিহারীকে যে প্রেমে মুগ্ধ ও বশীভূত করেন, ভাগবতে, জয়দেবের গীতগোবিন্দে, চণ্ডীদাস ও বিষ্ণুপতি প্রভৃতির পদে,—আমরা সে প্রেমের ভাব, ভাবা ও স্বাক্ষরের লেশাভাসের প্রকাশ কিছু কিছু দেখিতে পাই, কিন্তু শ্রীনবদ্বীপে মহামহাশক্তি-স্বরূপিণী শ্রীশ্রীবিকৃপ্রিয়ার প্রেম কোনও ভাষাতেই প্রস্ফুট হয় না,—সে এক মহাসংখ্যমরূপ মহাগিরি-নিরুদ্ধ নিরাবিল অনন্ত মাধুর্য্যময় মহাপ্রেমের বিপুল উৎস । রজনীতে শ্রীশ্রীবিশ্ব-স্তর-বিকৃপ্রিয়ার মিলন হইত । খুব সম্ভব, তখনও ভাষায় সে প্রেমের তেমন আদান প্রদান হইত না । উভয় শ্রীমুখের ‘দুই একটি কথা—উভয় নয়নযুগলের বিজুলি-সঞ্চারের স্রাব হস্ত ময় চাহনি, ও শ্রীঅঙ্গ-স্পর্শ—এইরূপ ব্যাপারে যে মহাপ্রেমের আদান প্রদান হইত, কোটি কোটি ভাষার অনন্ত প্রবাহেও তাহা পরিস্ফুট হইবার নহে । শ্রীবিকৃপ্রিয়া-তত্ত্ব ক্রমশঃই অল্প অল্প করিয়া জগতে প্রকাশিত হইবে । শ্রীগৌরানন্দের দয়া ভিন্ন

সেই তত্ত্বলাভের অপর উপায় নাই। যে পরিমাণে নিষ্ঠাময়ী শ্রীগৌরসেবার অনুষ্ঠান হইবে, সেই পরিমাণে শ্রীবিষ্ণুপ্রিয়া-তত্ত্ব প্রকটিত হইয়া সাধকদের ও তৎসম্পর্কে জগতের অশেষ কল্যাণের সূত্র-পাত হইবে। সর্বপ্রথমে বঙ্গদেশকেই তজ্জন্ত প্রস্তুত হইবে। বঙ্গের গৃহলক্ষ্মীস্বরূপিণী নারীগণের দ্বারা সেই সাধনার-বিকাশ হইবে—অবশেষে সর্বত্রই সেই শক্তির মহাপ্রভাব সঞ্চারিত হইবে, পুণ্য পবিত্রতা, জীবে দয়া, জীবে প্রীতি ও ভগবৎ-প্রীতি প্রভৃতি অনন্ত নাধুর্য্যময় অনন্ত গান্ধীর্ধ্যময় এই সকল ভাব-বিকাশ,—সেই সাধনার লক্ষণরূপে ক্রমশঃ পরিলক্ষিত হইবে।

শ্রীবিষ্ণুপ্রিয়া পতি ভিন্ন অত্র দেবতা জানিতেন না, পতিভিন্ন অত্র দেবতার সেবাও করিতেন না, গৃহে নারায়ণ ছিলেন, তাঁহার সেবার নিমিত্ত তিনি সকল আয়োজন উজোগ করিতেন তাঁহার প্রতি ভক্তি-প্রদর্শনও করিতেন,—কিন্তু প্রকৃতপক্ষে শ্রীগৌরান্নই তাঁহার প্রাণের দেবতা ছিলেন, তাঁহার নয়ন শ্রীগৌরান্ন-দর্শনের জগুই সর্বদা ব্যাকুল থাকিত, তিনি নব নবভাবে শ্রীগৌরান্নরূপ সন্দর্শন করিতেন, তাঁহার কর্ণ শ্রীগৌরান্ন-কথা শুনিতেই প্রীতি লাভ করিত, শ্রীগৌরান্নের শ্রীঅঙ্গগন্ধে তাঁহার নাসিকা বিহ্বল হইত, শ্রীগৌরান্নের প্রসাদিত অন্নই তাঁহার রসনায় মধুর বলিয়া বোধ হইত, অত্রকোন আহার্য্যদ্রব্য এক-মুহূর্তের তরেও তাহার রুচি হইত না। শ্রীগৌরান্নের অঙ্গসম্পর্শে তিনি আনন্দহারা হইতেন। শ্রীগৌরান্নের সেবাই তাঁহার শ্রীকর-কমল যুগলের একমাত্র ব্রত ছিল, শ্রীগৌরান্নসুন্দরকে না দেখিলেই

তাঁহার হৃদয় ব্যাকুল হইত, তিনি তাহাকে স্বরণ করিতেন, তাঁহার মধুমাধা নামটী অতর্কিতভাবে নীরবে নীরবে তাঁহার রসনার জপের স্তায় উচ্চারিত হইত ।

এই অবস্থায় সর্বজ্ঞ শ্রীভগবান্ অধ্যাপনালয় হইতে সহসা গৃহে আসিয়া উপস্থিত হইতেন—আসিয়া বলিতেন,—“ওগো তোমার ঘন ঘন ডাকে আমি পাগলের স্তায় ছুটিয়া আসিয়াছি, তোমার মুখখানি সর্বদাই আমার হৃদয়ে জাগে, তোমায় সকল কথা প্রকাশ করিয়া বলিতে পারি না, পারিবও না । তোমার পক্ষেও দেখিতেছি সেই কথা । এই ত তোমার ডাকে ছুটিয়া আসিয়াছি, কিন্তু একটুকু শূদ্র-মধুর হাসি ছাড়া তোমার মুখে কোন কথা নাই, কি বলিবে বল ?

প্রিয়াজী শ্রীগৌরসুন্দরের শ্রীকরখানি স্বীয় শ্রীকরে গ্রহণ করিয়া তাঁহার মুখপানে সতৃষ্ণ ভাবে চাহিয়া রহিলেন,—নয়ন কোণে অশ্রুবিন্দু দেখা দিল—কাতরকণ্ঠে বলিলেন—“নাথ, আমি তোমায় না দেখিলে কণার্কিও থাকিতে পারি না,—দেখো যেন আমার ভুলোনা । প্রাণের দেবতা, তুমি আমার মনে রেখো” এই কথা বলিতে বলিতে তাঁহার বাক্য গদগদ হইয়া পড়িল, নয়নের জল কনক-গণ্ডে গড়াইয়া পড়িল । তাঁহার শ্রীঅঙ্গ বিবশ হইয়া গেল । শ্রীগৌরসুন্দর তাঁহাকে ধরিয়া তুলিয়া বলিলেন,—“তুমিই আমার দেহ, মন, প্রাণ ও আত্মা,—তোমার আবার মনে রাখিব কি ! শিষ্যদের অধ্যাপনা আমার এখন এক প্রধান কর্তব্য । শত শত ছাত্রকে পড়াইতে হয়, তবে এখন বাই ।”

শ্রীগোরাঙ্গসুন্দর গার্হস্থ্যজীবনে কর্তব্যকর্ম অবহেলা করেন নাই। শ্রীমতী বিষ্ণুপ্রিয়া স্বামিদর্শনজনিত স্বীয় সুখ উপভোগ অপেক্ষা স্বামীর কর্তব্যভার প্রতিই অধিক দৃষ্টি রাখিতেন। তাঁহার প্রাণাধিক প্রিয়তম কেবল তাঁহাকে লইয়াই দিনযামিনী অতিবাহিত করেন, ইহা তাঁহার প্রাণের আকাঙ্ক্ষা হইলেও স্বামীর কর্তব্যতাকেই তিনি অধিক গুরুতর বলিয়া মনে করিতেন। সেই কর্তব্যভার দিকে দৃষ্টি রাখার শক্তি ক্রমেই এত বিবর্তিত ও বিকশিত হইয়া উঠিয়াছিল যে জীবোদ্ধারের জন্ত শ্রীগোরাঙ্গ যখন সন্ন্যাস গ্রহণ করিলেন,—শ্রীবিষ্ণুপ্রিয়া তখন সর্বপ্রকার শোকে পাষণ চাপা দিয়া হৃঃসহ শ্রীগোরাঙ্গ-বিরহ সহ করিতে সক্ষম হইয়াছিলেন। মহিলা-হৃদয় চিরদিনই মহাশক্তির আশ্রয়। শ্রীবিষ্ণুপ্রিয়া এই মহাশক্তির পূর্ণতম আধার,—শ্রীবিষ্ণুপ্রিয়া মহিলাকুলের মহা আদর্শ ।*

* শ্রীগোরাঙ্গের লীলা-লেখকগণ চরিতাখ্যানের সকল দিকে দৃষ্টি রাখা প্রয়োজনীয় মনে করেন নাই। ভক্তিভাব পরিস্ফুট করিয়া তোলাই তাঁহাদের প্রকৃত উদ্দেশ্য, এইজন্য শ্রীগোরাঙ্গের গার্হস্থ্য চরিতের কথা ইহাদের গ্রন্থে সর্বিশেষ আলোচিত হয় নাই। শ্রীবিষ্ণুপ্রিয়ার চরিতেরও বিস্তৃত বর্ণনা দেখা যায় না। তথাপি দুই একটি বাক্যের তাৎপর্য্যেই সে সম্বন্ধে বহু কথার আভাস পাওয়া যায়। শ্রীমদ্বারি গুপ্ত তদীর শ্রীকৃষ্ণচৈতন্য চরিত গ্রন্থে লিখিয়াছেন :—

সৌন্দর্য্য-মাধুর্য্য-বিলাস-বিভ্রমৈঃ

রম্য রম্যবরহেমগৌরঃ

বিষ্ণুপ্রিয়া-লালিতপাদপঙ্কজো

রসেন পূর্ণো রসিকেন্দ্রমৌলিঃ ।

ভক্তি ও ভগবান্ ।

১

এইরূপে স্বয়ং ভগবান্ শ্রীগৌরসুন্দর আদর্শগৃহস্থতাব স্বীকার করিলেন। কিন্তু ইহজগতে তাঁহার অবতরণের প্রকৃত উদ্দেশ্য শ্রীরামাদির শ্রায় গার্হস্থ্য-ধর্ম্ম শিক্ষা দান নহে, তিনি রামলীলায় ও বাসুদেবলীলায় সে শিক্ষা যথেষ্টই বিস্তার করিয়াছেন। শ্রীবৃন্দাবনের শ্রামধমুন্যার শ্রামলতটে মধু-নিধু-নিকুঞ্জবনে তিনি প্রেম-লীলা প্রকটন করিয়াছেন, কিন্তু সে রসকেলি অতি গুপ্ত ও অপ্রকাশ্য,—সাধারণ মানুষের নয়নের অন্তরালে সেই লীলা প্রকটিত হয়, উহা অতি নিগূঢ়। অতি উদার গৌরলীলায় দয়াময় শ্রীভগবান্ পতিত পাবণ্ডের হৃদয়েও যেক্রপ প্রেম-ভক্তির সঞ্চার করিয়াছিলেন, তাহা নরনারীগণের পক্ষে মহাদান ও মহা-আশীর্বাদ।

এখন শ্রীগৌরসুন্দরের এই মহা-আশীর্বাদেব সুত্রপাত করার বাসনা হইল। শ্রীগৌরসুন্দরের সুধমর গৃহস্থলীলায় বৃদ্ধা শচী মাতার সকল দুঃখ দূর হইয়াছে। ভুবনমোহন পরম-প্রেমিক চিরসুন্দর পতি-দেবতার সহিত সহবাসে শ্রীবিষ্ণুপ্রিয়াও সুখের পাথারে দিনযামিনী অতিবাহিত করিতেছেন। শত শত ছাত্র দূর দেশান্তর হইতে আসিয়া শ্রীগৌরান্দের নিকট সর্ব বিষয়ে সুশিক্ষা লাভ করিতেছেন, শত শত ধনী শ্রীগৌরান্দের পাণ্ডিত্য

দেখিয়া) বসন ভূষণ ও অর্থাদি দ্বারা তাঁহার সেবায় প্রবৃত্ত হইতেছেন—চারিদিকে তাঁহার নাম যশ বিস্তারিত হইয়াছে সুখের সংসার কোনও অভাব নাই। ধনে মানে, বিদ্যায় বুদ্ধিতে ও যশোগৌরবে বিশ্বস্তর সর্বত্রই সম্মানিত, মাতৃস্নেহে ও পতিব্রতা স্বয়ং লক্ষ্মীর প্রণয়ময়ী সুখ-সেবায় শ্রীগৌরান্দের সংসার এখন পূর্ণ মধুময়।

এই মহাসুখের দিনে গৌরসুন্দর একদিন পরমারাধ্যা জননীর নিকটে গিয়া বলিলেন, “মা—এ সংসার অনিত্য, কখন কি ঘটে, কিছুই বলা যায় না।” স্নেহময় পিতৃদেব আমার কত ভাল বাসিতেন,—আমি তাঁহার কিছুই করিতে পারিলাম না—পাগলের ভ্রাম্য বাল্যে আমি কত কি করিতাম, তাঁহাকে কত কষ্ট দিঁয়াছি। সে সকল কথা মনে হইলে হৃদয় বিদীর্ণ হয়। আমি পাগলের মত কোথায় ছুটিয়া যাইতাম, আর দারুণ রোদ্রে তিনি আমার খুঁজিতে বাহির হইতেন, আমার চাঞ্চল্যে কতজন তাঁহাকে কত কথা বলিত,—এখন সেই সকল কথা মনে পড়িতেছে, আর মনে বড় কষ্ট হইতেছে। তাঁহার জীবদ্দশায় আমি তাঁহার কিছুই করিতে পারি নাই,—তিনি বাঁচিয়া থাকিলে আমি তাঁহার পদসেবা করিয়া প্রাণ জুড়াইতাম।”

এই কথা বলিতে বলিতে গৌরসুন্দরের নয়নধূগল অশ্রুজলে প্লাবিত হইল, তাঁহার কথা গদগদ হইয়া গেল। তিনি পরিধেয় কাপড়ের কাণি হাতে লইয়া চক্ষু মুছিতে লাগিলেন। শচী দেবী নিজের নয়নজল মুছিয়া নিমাইর হাত ধরিয়া

বলিলেন—“নিমাই, আমি শোকে হুঃখে পাগলিনী । ভোমার ও বউমার মুখ দেখিয়া সকল শোক ভুলিয়া আছি । ও কথা ভুলিয়া আমার আর আকুল করিও না । এক কথায় আমার কত কথা মনে পড়ে । বাবা আজ হঠাৎ একথা ভুলিলে কেন ?

নিমাই । মা, ব্ৰহ্মময় জনকের কিছুই করিতে পারিলাম না, তাই মনে করিয়াছি, ৬গয়াধামে যাইয়া শ্রীবিষ্ণুপাদপদ্মে তাঁহার পবিত্রনাম লইয়া যদি কিছু করিতে পারি ।

শচী । আরও কয়েকটাদিন যা'ক,—আমার দিনও তো ফুরাইয়া এসেছে । তোমাকে রাখিয়া যদি চক্ষু বুজিতে পারি, তবে একবারে গিয়াই উভয় কার্য্য করিও ।

নিমাই । ও কথা বলবেন না,—আমার আর কে আছে ? আপনি অহুমতি করুন, আমি পিতৃকার্য্য করিতে গয়া যাইব । আমি বংশের একমাত্র পুত্র । জীবন অনিত্য, কখন কি হয় বলা যায় না ।

শচীমাতা অগত্যা সন্মত হইলেন । শ্রীমতী বিষ্ণুপ্রিয়াদেবী আড়াল হইতে এই আলাপ শুনিয়া প্রথমতঃ বিষণ্ণ হইলেন । কিন্তু শ্রীগৌরাজের আগ্রহে এবং তাঁহার সান্বনায় তিনি কর্তব্যতা বুঝিয়া নীরব হইলেন ।

শ্রীগৌরমুন্দর পুরোহিতাদি আহ্বান করিয়া যথাশাস্ত্র কার্য্যাদি সমাপনান্তে গয়াধামে যাত্রা করিলেন । কতিপয় ছাত্র তাঁহার সঙ্গে চলিলেন । কোথাও পর্কত,—কোথাও প্রাস্তর, কোথাও বন-শোভা দেখিতে দেখিতে এবং শিষ্যদের সহিত নানা প্রকার কৌতুক-

জনক আলাপ করিতে করিতে শ্রীগৌরসুন্দর মন্দারপৰ্বত সমীপে উপস্থিত হইলেন, পরমানন্দে চৌরাক্ষরক নদে স্নান ও দেব-পিতৃ-তর্পণাদি করিয়া তীর্থ-পুরোহিতের সহ মন্দারপৰ্বতে আরোহণ করিয়া শ্রীশ্রীমধুসূদন দর্শন করিলেন। দর্শনান্তে পৰ্বতপ্রান্তে পুরোহিতের গৃহে পদার্পণ করিলেন।

তীর্থপুরোহিতদের ব্যবহারে শিষ্যগণের মধ্যে কাহারও কাহারও মনে তাঁহাদের প্রতি অশ্রদ্ধার কারণ হইয়াছিল। ধর্ম-বিশ্বাস-সংস্থাপক সর্ববিদ গোঁরহরি তাহা বুঝিতে পারিলেন, শিষ্যদের শিকার নিমিত্ত এই স্থলে তিনি এক অভূতপূর্ব লীলা প্রদর্শন করিলেন,—অর্থাৎ তাঁহার ভয়ানক জ্বর হইল। ইহাতে শিষ্যগণ বড় চিন্তিত হইয়া পড়িলেন। আর কখনও তাঁহার অসুখ হয় নাই। জ্বর অতি প্রবল, কিছুতেই জ্বর ছাড়ে না। শ্রীগৌরাজ বলিলেন, এই জ্বর পিতৃকর্মের বাধা দিবে,—ইহা ভাবনার বিষয় বটে,—একটুকু ভাবিয়া বলিলেন,—ইহাতে কোন চিন্তার কারণ নাই। এই যে তীর্থ-পুরোহিতগণ আছেন, ইহারা সকলেই এই মধুসূদনকে আশ্রয় করিয়াই জীবন যাপন করিতেছেন—একমাত্র মধুসূদনই ইহাদের আশ্রয়, জীবিকার জন্ত ইহারা কেবল মধুসূদনের পাদপদ্মই চিন্তা করেন, এই মধুসূদনভক্ত ব্রাহ্মণগণের পাদোদকই এই জ্বর-প্রশমনের একমাত্র উপায়। তোমরা এখনই আমাকে ইহাদের পাদোদক পান করাও, দেখিবে এখনই জ্বরের শাস্তি হইবে।

শিষ্যগণ দ্বিধা না করিয়া গুরুর আজ্ঞা পালন করিলেন, আর তখনই জ্বর ছাড়িয়া গেল। নিমাই তৎক্ষণাৎ সুস্থ হইয়া

বলিলেন—“দেখলে তো, বিপ্র-পাদোদকের মাহাত্ম্য কেমন ?
ব্রাহ্মণের অবজ্ঞা করতে নাই ।”

শিষ্যগণ বুঝিলেন, তাঁহাদের শ্রীগুরু সর্বজ্ঞ । তাঁহারা আরও
বুঝিলেন বিপ্রভক্তি শিক্ষাদেওয়াই এই লালার অভিপ্রায় । পরে
পুনঃপুনা তীর্থে স্নানাদি করিয়া শ্রীগোরাঙ্গ রাজগৃহে ব্রহ্মকুণ্ডে
পিতৃদেবতার পূজাদি করিলেন । *

গয়াধামে দর্শনমাত্রই শ্রীগোরাঙ্গ হাত জুড়িয়া শ্রীধামকে প্রণাম
করিলেন,—বিবিধ স্থানে যথাশাস্ত্র দেব পিতৃক্রিয়াদি সম্পন্ন
করিলেন এবং সহসা গম্ভীরভাব ধারণ করিলেন । মুখে সে
হাস্তকৌতুকের ভাব নাই, কথায় পাণ্ডিত্য নাই, গমনে চাঞ্চল্য
নাই,—হৃদয় ভক্তিতাবে পরিপূর্ণ, তাঁহার শ্রীকরকমল যুগল
অঞ্জলিবদ্ধ, তিনি যেখানে বাহা পূজ্য দেখিতেছেন, তাঁহারই উদ্দেশ্যে
প্রণাম করিতেছেন ।

এইরূপে বিখ্যস্তর গয়াধামের যাবতীয় তীর্থ-কার্য্য সম্পন্ন
করিলেন । কিন্তু চক্রবেড়ে গমন করিয়া যখন তিনি শ্রীবিষ্ণু-
পাদপদ্ম দর্শন করিতেছিলেন, তখন তাঁহার যে অভিনব ভাব
প্রকাশিত হইয়াছিল, তাহার বর্ণনা অসম্ভব । নিমাই চক্রবেড়
মধ্যে প্রবেশ করিয়া দেখিলেন বিষ্ণুপাদপদ্মকুণ্ডের চতুর্দিক ঘেড়িয়া
যাত্রীগণ দণ্ডায়মান । সেস্থানে দেউল পরিমাণে কুলের মালা

* শ্রীপাদমুরারি গুপ্ত কৃত শ্রীকৃষ্ণচৈতন্তচরিতামৃত গ্রন্থে এই বিষয় লিখিত
আছে ।

পড়িয়েছে, ধূপ দীপ বস্ত্র প্রভৃতি দ্বারা শত শত লোক সেই শ্রীচরণের অর্চনা করিতেছেন, পুরোহিতগণ উচ্চৈঃস্বরে শ্রীবিষ্ণু-পাদপদ্মের মহিমা কীর্ত্তন করিতেছেন ।

শ্রীচরণ-মাহাত্ম্য শুনিতে শুনিতে নিমাই অতি ধীরে ধীরে কুণ্ড সমীপে উপস্থিত হইলেন । শ্রীপাদপদ্ম দর্শনমাত্রই তাঁহার শ্রীঅঙ্গ কদম্বকুম্ভের ত্রায় কণ্টকিত হইয়া উঠিল, তিনি স্থির দৃষ্টিতে পাদপদ্ম দর্শন করিতে চেষ্টা করিলেন, কিন্তু পারিলেন না—তাঁহার পদ্মপলাশের ত্রায় নয়নধুগল অশ্রুজলে পূর্ণ হইল, তিনি চক্ষু মুছিলেন, কিন্তু তাহাতেও কিছু হইল না, আবার চক্ষু অশ্রুজলে পরিপূর্ণ হইল, ফোঁটায় ফোঁটায় গগু বাহিয়া নয়ন-জলধারা তাঁহার বক্ষ পরিসিক্ত করিল । এইরূপে নয়নজলের অবিরল ধারা মুক্তিকায় গড়াইয়া পড়িতে লাগিল, ওষ্ঠ যুগল কাঁপিতেছিল, তাহাতে নয়নের জল বর্ষার ধারার ত্রায় দূরে বিক্ষিপ্ত হইয়া চারিদিকে ছড়াইয়া পড়িতেছিল ।

নিমাই নিম্পন্দ, নিশ্চিন্ত ও নিনিমেঘলোচনে কেবল শ্রীচরণের দিকে দৃষ্টি নিক্ষেপ করিয়া সাস্থিক ভাবে অধীর ছিলেন । কিন্তু তাঁহার শ্রীমুখমণ্ডল হইতে এমন লাবণ্য এবং প্রেমের এমন স্নিগ্ধ-জ্যোতি বিকীর্ণ হইতেছিল, যে শত শত যাত্রী শ্রীবিষ্ণুপাদপদ্ম দর্শন লালসা ত্যাগ করিয়া মন্ত্রাকৃষ্টের ত্রায় এই সুদীর্ঘ-সমুদ্রত কনক-কান্তিযুক্ত অলৌকিকরূপলাবণ্যসম্পন্ন যুবকের শ্রীমুখচন্দ্রের লাবণ্য-সুধা-পানে বিভোর হইলেন । এই দৃশ্য দেখিয়া সকলেই বিমুগ্ধ ও স্তম্ভিত । নিমাইর শ্রীঅঙ্গ কাঁপিতেছে, তিনি যেন

আর দাঁড়াইয়া থাকিতে পারিতেছেন না । দর্শকমণ্ডলীর অনেকেরই ইচ্ছা,—নিমাইকে ধরিয়া দাঁড়ান, কিন্তু কাহারও সে সাহস হইল না ।

দৈবযোগে শ্রীপাদ ঈশ্বরপুরী এই সময়ে এইস্থানে উপস্থিত ছিলেন । তিনি শ্রীগৌরান্নকে চিনিতেন । ভিড়ের মধ্য দিয়া প্রবেশ করিয়া তিনি শ্রীগৌরান্নের নিকটে গিয়া ভাবাবিষ্ট গৌরান্নকে জড়াইয়া ধরিলেন । নিমাইর বাহুজ্ঞান হইল, চাহিয়া দেখিলেন—শ্রীপাদ-ঈশ্বরপুরী গোস্বামী তাঁহাকে ধরিয়া দণ্ডায়মান । তিনি তাঁহাকে প্রণাম করিতে উত্তত হইলেন । পুরী বাধা দিয়া পুনরায় আলিঙ্গন করিলেন । নিমাই বলিলেন, আজ আমার গয়া দর্শন সফল হইল । আমি আজ কৃষ্ণভক্তের দর্শন পাইলাম । শ্রীপাদ, আপনার চরণে আমার এই ভিক্ষা যে আমি সংসার-মাগরে মগ্ন,—আমার উদ্ধার করুন । আমি এই দেহ আপনার শ্রীপাদপদ্মে সমর্পণ করিলাম । আপনি আমার শ্রীকৃষ্ণ-পাদপদ্ম-সুধাপান করাইয়া কৃতার্থ করুন ।

পুরীগোস্বামী গভীর ভাবে বলিলেন “তোমার চরিত্রে এবং তোমার পাণ্ডিত্যে আমি বুঝিয়াছি, তুমি মাহুষ নও,—সাক্ষাৎ ঈশ্বর । আমি আর তোমার কি উদ্ধার করিব ? তুমিই জগতেরই কোটি কোটি মনুষ্যকে উদ্ধার করিবে ।”

শ্রীগৌরান্ন যথাবিহিত কৃত্যাদি করিয়া বাসার প্রত্যাগমন করিলেন, রত্নন শেষ করিলেন । এই সময়ে শ্রীপাদ ঈশ্বরপুরী কৃষ্ণ-নাম করিতে করিতে প্রেমাবেশে গৌরান্নের নিকট উপস্থিত

হইয়া বলিলেন “পণ্ডিত, বেশ সময়ে তোমার বাসায় এসেছি।”
নিমাই বলিলেন ইহা আমার পরম ভাগ্য ।”

এই বলিয়া তিনি অন্ন নামাইয়া একখানি পাত্রে সাজাইলেন এবং বসিবার আসন দিয়া বলিলেন “প্রভো এইবার অন্নগ্রহ করুন” । পুরী গোস্বামী বিস্মিত হইয়া বলিলেন “তরে তুমি কি খাইবে ? এই অন্ন দুইভাগ করা” নিমাই করবোড়ে বলিলেন—শ্রীপাদের পরিতৃপ্তি হইলেই আমার পরমানন্দ । আমি মুহূর্তের মধ্যে আবার রন্ধন করিয়া লইতেছি ।”

ঈশ্বর পুরী ভোজনে বসিলেন, মুহূর্তের মধ্যে নিমাইর রন্ধন শেষ হইল । নিমাই কোন বিষয়েই অদক্ষ নহেন । আলস্য কাহাকে বলে, নিমাই কখনও তাহা জানিতেন না । শ্রমে কখনও তাঁহার ক্লান্তি ছিল না । তাঁহার মত দৌড়িতে কেহ পারিত না, সমুদ্রগে তিনি সকলকে পরাজিত করিতেন, বাক্চাপল্যে সরস্বতীও তাঁহার নিকট পরাজয় স্বীকার করিতেন, পাণ্ডিত্যে ও প্রথর বুদ্ধি-প্রতিভায় তাঁহার অমাহুৰিক ক্ষমতার পরিচয় পাওয়া যাইত । গয়ায় সেই সকল ভাবের কোনও চিহ্ন নাই । এখানে তাঁহার বিপুল শক্তি ভক্তিভাব-প্রকটনে পরিণত হইয়াছে । এখানে তিনি দিন যামিনী ভক্তিভাবে বিভোর ।

গয়াধামে কয়েক দিবস শ্রীপাদ ঈশ্বর পুরীর সজ্জলাভ করিয়া গৌরহৃদয়ের তাঁহার নিকট দশাঙ্কর গোপালমন্ত্র গ্রহণ করিলেন । এই সময়ে শ্রীগৌর-ভগবানের যে প্রবলতম প্রেমাবেশ হইয়াছিল, তাহা বর্ণনাভীত । শ্রীমন্ত্র গ্রহণান্তে গুরুদেবকে প্রদক্ষিণ করিয়া

শ্রীগোরাঙ্গ প্রার্থনা করিলেন “প্রভো আমি এই দেহ তোমার
শ্রীচরণে সমর্পণ করিলাম, তুমি আমার প্রতি শুভদৃষ্টিপাত কর,
যেন আমি নিরবধি কৃষ্ণ প্রেমসাগরে ভাসিতে পারি”, তদ্ব্যথা,

তবে প্রভু প্রদক্ষিণ করিয়া পুরীয়ে ।

প্রভু বোলে “দেহ আমি দিলাম তোমারে ।

হেন শুভ দৃষ্টি তুমি করহ আমারে ।

যেন আমি ভাসি কৃষ্ণ প্রেমের সাগরে ॥

পুরীগোস্থামী শ্রীগোরাঙ্গকে বুকে লইয়া প্রেমে অধীর
হইলেন, নয়ন জলে উভয়ের অঙ্গ ভিজিয়া গেল, উভয়ে প্রেমাবেশে
কাঁপিতে লাগিলেন । কিছুক্ষণ পরে এই সাত্ত্বিকভাব কিয়ৎ
পরিমাণে শান্ত হইল ।

(২)

এই দিন হইতেই শ্রীগোরাঙ্গের প্রেমাবেশ ক্রমেই ঘনীভূত
হইতে লাগিল । তিনি সততই ইষ্টমন্ত্র জপ করিতেন । গয়াধামে
একদিন তিনি নিভূতে বসিয়া ইষ্টমন্ত্র জপ করিতে করিতে
ধ্যানানন্দে মগ্ন হইলেন, সহসা তাঁহার ভাবান্তর উপস্থিত হইল,—
তিনি “কৃষ্ণ কৃষ্ণ” বলিয়া তীব্র-মধুর-স্বরে রোদন করিতে লাগিলেন,
আর বিনাইয়া বিনাইয়া বলিতে লাগিলেন—“হরি, আমার
জীবনধন, এই না আমি তোমার দর্শন পাইয়াছিলাম, এই না
আমার দর্শন দিয়া তুমি আমার প্রেমানন্দে মগ্ন রাখিয়াছিলে ! হৃদয়-
বিহারী প্রাণের হরি, আমার মনচুরি করিয়া এখন কোথায় পালাইলে,

প্রাণনাথ একবার দেখা দাও ।” এই বলিয়া তিনি কাঁদিতে কাঁদিতে
বুলায় গড়াগড়ি দিতে লাগিলেন । ’ যথা শ্রীচৈতন্যভাগবতে :—

যে প্রভু আছিল অতি পরম গম্ভীর ।

সে প্রভু হইলা প্রেমে পরম অস্থির ॥

গড়াগড়ি করেন কান্দেন উচ্চৈঃস্বরে ।

ডুবিলেন নিজ ভক্তি-বিরহ-সাগরে ॥

শিষ্যগণ এই ভাবান্তর দেখিয়া স্তম্ভিত ও কিংকর্তব্যবিমূঢ়
হইলেন—প্রথমতঃ তাঁহারা কিছুই বুঝিতে পারিলেন না । অনেক
যত্নে শ্রীগৌরসুন্দর কিঞ্চিৎ শাস্ত হইলেন,—শাস্ত হইয়াই তিনি
মর্শ্বঘাতিকথা বলিতে লাগিলেন, “তোমরা বাড়ী চলিয়া যাও,
আমি আর বাড়ীতে যাইব না । আমি শ্রীকৃষ্ণদর্শন করিতে
মথুরায় যাইব, দেখি সেখানে তাঁহার দর্শন মিলে কি না ।”

শিষ্যগণ বুঝিলেন গৌরসুন্দর ভক্তিরসে মত্ত হইয়াছেন,
তাঁহাকে এখন সংসারে রাখা কঠিন । শিষ্যগণ অনেক প্রকার
প্রবোধ দিতে লাগিলেন, কিন্তু উহা কেবল কথার কথামাত্র । রাজি-
শেষে গৌরসুন্দর সজ্জাত্যাগ করিয়া প্রেমাবেশে মথুরার পথ ধরি-
লেন । শিষ্যেরা তখন নিদ্রায় বিভোর । কিছুদূরে যাইয়া তিনি সহসা
এক দৈববাণী শুনিলেন,—“থাম, গৃহে ফিরে যাও, যখন সমস্ত হইবে
তখন মথুরায় যাইবে, এখন নবদ্বীপে যাও ।” গৌরসুন্দর স্তম্ভিত
হইয়া দাঁড়াইলেন, আকাশপানে চাইলেন—নীলাকাশে তখনও ছুই
চারিটা তারা দেখা যাইতেছিল, মাথার উপরে অনন্ত নীলনভঃস্থল—
সম্মুখে পশ্চাতে দক্ষিণে ও বামে ধূ ধূ করিতেছে,—অনন্ত মাঠ । বিশাল

বিপুল প্রান্তরে দাঁড়াইয়া গৌরানন্দর স্তম্ভিতভাবে আকাশপানে তাকাইয়া রহিলেন । আর কোনও শব্দ শুনিতে পাইলেন না । ছই চারিবার সম্মুখে পশ্চাতে দক্ষিণে বামে দৃকপাত করিলেন— কিছুই দেখিতে পাইলেন না—উক দীর্ঘনিশ্বাস পড়িল—তাঁহার নয়নকোণে জলবিন্দু দেখা দিল, তিনি ধীরে ধীরে বলিলেন “কৃষ্ণ, তুমি জান, তবে কি এখন আমার আশা পূরিল না । শ্রামসুন্দর আবার কবে তোমার দর্শন পাব ।” এই বলিয়া তিনি স্তম্ভিতভাবে দাঁড়াইলেন, আবার আকাশবাণী হইল :—

এখনে মথুরা না যাইবা দ্বিজমণি ।
 যাইবার কাল আছে যাইবা তথনি ॥
 তুমি শ্রীবৈকুণ্ঠনাথ, লোক নিস্তারিতে ।
 অবতীর্ণ হইয়াছ শচীর গর্ভেতে ॥
 অনন্ত ব্রহ্মাণ্ডময় করিয়া কীর্তন ।
 জগতেরে বিলাইবা প্রেমভক্তি ধন ॥
 ব্রহ্মা শিব সনকাদি যে রসে বিহ্বল ।
 মহাপ্রভু অনন্ত গায়েন যে মঙ্গল ॥
 তাহা তুমি জগতেরে দিবার কারণে ।
 অবতীর্ণ হইয়াছ জানহে আপনে ॥
 সেবক আমরা প্রভু চাহি কহিবার ।
 অতএব কহিলাম চরণে তোমার ॥

শ্রীগৌরানন্দর যেন দীর্ঘশ্বস হইতে আগরিত হইলেন—বাসাঙ্ক

আসিলেন, শ্রীবিষ্ণুপাদপদ্ম ও গয়াতীর্থ প্রণাম করিয়া শিষ্যগণসহ নবদ্বীপে প্রত্যাবর্তন করিলেন ।

(৩)

শচীমাতা ও প্রিয়াজী গৌরান্ধদর্শনে নবজীবন লাভ করিলেন, শিষ্যগণ প্রফুল্ল হইলেন । শ্রীপাদ সনাতন মিশ্র ও অজ্ঞান সুহৃদগণ সকলেই তাঁহাকে দেখিবার জন্ত আগমন করিলেন । নবদ্বীপে নবদ্বীপচন্দ্রকে পাইয়া সকলেই পরমানন্দ লাভ করিলেন । নবদ্বীপবাসীরা একটা বিষয় সবিশেষ লক্ষ্য করিলেন, তাহা এই যে, শ্রীগৌরান্ধ এখন পরমবিনয়ী ও সর্বদা ভক্তিবিক্রম । শ্রীমান্ পণ্ডিত প্রভৃতি অন্তরঙ্গ ভক্তগণ শ্রীগৌরান্ধের ভাবান্তর স্পষ্টতঃ বুঝিতে পারিলেন । পাদোদক তীর্থের কথা বলিতে গেলেই শ্রীগৌরান্ধ অঝোরনয়নে রোদন করেন, যেন নয়নবুগল দিয়া গঙ্গাপ্রবাহ বহিতে থাকে । সময় নাই, অসময় নাই, নিভুতে বসিয়া কেবল “হা কৃষ্ণ, কোথা কৃষ্ণ” বলিয়া ব্রজবিরহিনীর স্থায় বিনাইয়া বিনাইয়া রোদন,—এই ভাব দেখিয়া সকলেই আশ্চর্য্যান্বিত হইতে লাগিলেন । শ্রীমান্ পণ্ডিত, সদাশিব, মুরারিপণ্ডিত, শ্রীবাস গুরুর ব্রহ্মচারী প্রভৃতি বৈষ্ণবগণ শ্রীগৌরান্ধের এই ভাব দেখিয়া আনন্দিত হইলেন, কিন্তু শচীমা ও শ্রীশ্রীপ্রিয়াজীর চিত্ত বিচলিত হইয়া উঠিল ।

এই সময়ে নিমাই গুরুর ব্রহ্মচারীর পবিত্র গৃহেই অধিক সময় যাপন করিতেন, ভক্তগণ এইখানে আসিয়া মিলিত হইতেন,

কৃষ্ণকথার সুধাতরঙ্গ উঠিতে না উঠিতেই নিমাই প্রেমাবেশে মুচ্ছিত হইয়া পড়িতেন, একবারে বাহুজ্ঞানহারী হইতেন। চেতনা পাওয়ামাত্র “কোথা কৃষ্ণ কোথা কৃষ্ণ” বলিয়া ধূলায় গড়াগড়ি দিতেন। অধ্যাপনা প্রায় বন্ধ হইয়া আসিল। পড়াইতে আরম্ভ করিলে নিমাই কৃষ্ণ ছাড়া আর কোনও কথাই বলিতেন না। শিষ্যগণের নিকট নিমাই একদিন কাতরভাবে বলিলেন, “ভাই সব, আমাদ্বারা আর কোন আশা নাই, যা হইবার হইয়াছে। কৃষ্ণভিন্ন আর আমি কোন পাঠই দেখিতে পাইতেছি না,—কৃষ্ণ ভিন্ন সকলই মিথ্যা,—একমাত্র কৃষ্ণই সকল পাঠের সারসংগত। যদি ইহাতে তোমাদের মন তুষ্ট না হয়, তবে অশ্রু গুরু শরণ লও।” শিষ্যগণ ভাবিয়া চিন্তিয়া নীরব হইলেন। এইদিন হইতেই নিমাই পণ্ডিতের টোলে দরজা পড়িল। ছাত্রগণও গুরুর সহিত কৃষ্ণনাম করিতে লাগিলেন, এবার প্রকৃতপক্ষে তাঁহারা নরজীবন লাভ করিলেন।

এদিকে শচীদেবী ব্যাকুল হইলেন। ভক্তগণের নিকট মনোহুঃখ বলিয়া লাভ নাই, তাঁহারা কৃষ্ণপ্রেমে পাগল, নিমাই এখন কৃষ্ণপ্রেমে উন্মত্ত, ভক্তগণের আনন্দের সীমা নাই। কিন্তু পুত্রবধূটা লইয়া কেবল একমাত্র তাঁহারই অনুপায়। নিমাইকে শচী যদি বলেন, “বাপ এমন হইল কেন”, নিমাই বিনয়নয় কাতরস্বরে বলেন, “ভাইতো মা, কেন যে এমন হইলাম বলিতে পারি না, কৃষ্ণছাড়া আমার আর কিছুই ভাল লাগে না, আর কিছুতেই আমার মন প্রবোধ মানে না; বল মা, এখন আমি কি করি?” বৃদ্ধা শচীমাতা বিপদে পড়িয়া ভগবানকে ডাকিয়া প্রার্থনা করিতে লাগিলেন—

স্বামী নিলা, কৃষ্ণ ! মোর নিলা পুত্রগণ ।

অবশিষ্ট সকলে আছয়ে একজন ॥

অনাথিনী মোরে, কৃষ্ণ ! এই দেহ বর ।

স্বস্থচিন্তে গৃহে মোর রহ বিশ্বস্তর ॥

শচীমাতা মনে করিতেন, ভুবনমোহিনী বধু বিষ্ণুপ্রিয়ায় মধুর দর্শনে যদি বিশ্বস্তরের মন স্থির হয়,—এইজন্ত বধুকে গোপনে ডাকিয়া তিনি বিশ্বস্তরের গৃহে পাঠাইতেন । শ্রীমতী বিষ্ণুপ্রিয়া অশ্রু-পূর্ণ নয়নে তাঁহার চরণসমক্ষে উপস্থিত হইতেন, কিন্তু ভাবে ভোরা বিশ্বস্তর ফিরিয়াও তাঁহার প্রতি দৃকপাত করিতেন না । তিনি সজলনেত্রে গৃহ হইতে বাহির হইয়া শাণ্ডীর কাছে আসিতেন । প্রিয়াজীর মুখনগল দেখিয়াই শচীমাতা বুকিতেন, তাঁহার বিরাগী পুত্রের চিন্তে জীর প্রতিও মনতা নাই । শচীমাতা কোন কথা বলিলে, গৌরসুন্দর তাঁহাকে সংসারের অনিত্যতা ও কৃষ্ণপ্রেমের সারসর্কস্বতা সম্বন্ধে সুদীর্ঘ উপদেশ দিতেন । শচীমা নীরবে নীরবে নিমাইর কথা শুণিতেন, কিন্তু তাহাতে নিমেষের তরেও তাঁহার মন বসিত না । কখন কখন তিনি বিকট গর্জন করিতেন তাহাতে শচীদেবী ও প্রিয়াজী ভয়ে ভীতা হইতেন । নিমাই সারা রাত্রি কেবল হা কৃষ্ণ হা কৃষ্ণ বলিয়া উঠ্বোন্ করিতেন, তাঁহার একপলও নিদ্রা হইত না ।

এই নিদারুণ ভাব দেখিয়া শ্রীমতী বিষ্ণুপ্রিয়া নীরবে নীরবে তাঁহার সেবা করিতে প্রয়াস পাইতেন, তাঁহার পদমূলে বসিয়া তাঁহার পদস্বাহন করিতেন, কখন বা ব্যজন লইয়া বাতাস দিতেন

কখন বা মৃদুমধুর ভাবে হুই একটি কথা বলিতে চেষ্টা পাইতেন । তাঁহার প্রাণবল্লভ শ্রীগৌরসুন্দর প্রত্যুত্তরে কেবল এইমannerে বলিতেন,—“আমার এখন আর কোন কথা বলিবার বা বুঝিবার ক্ষমতা নাই, কৃষ্ণনাম কর, কৃষ্ণনাম শুনাইয়া আমার শীতল কর” ।

প্রিয়াজী তাঁহার কথার উত্তরে মৃদু মধুরভাবে বলিতেন,—আমি কেবল তোমার নামই জানি, তোমাকেই চিনি, আর কিছু জানি না । তুমি শাস্ত হও, তুমি যে মাকে এত ভালবাস এত ভক্তি কর, মায়ের যে কত হুঃখ, হইয়াছে তাহা বুঝিতে পার কি ?” নিমাই প্রত্যুত্তরে কাতরকণ্ঠে বলিতেন, “মাকে কৃষ্ণ রক্ষা করিবেন, শাস্তি দিবেন, তুমি মায়ের সেবা করিও, মাকে দেখিও,—আমি এখন আমাতে নাই, আমার ক্ষমা কর ।” এই বলিয়া আপন মনে “হা কৃষ্ণ কোথা কৃষ্ণ” বলিতে বলিতে রাত্রি প্রভাত করিতেন ।

দিবাভাগে কত লোক আসিত, মহামহা পণ্ডিতগণ তাঁহাকে শাস্ত হওয়ার জন্ত উপদেশ দিতে আসিলে তাঁহাদিগকে তিনি এমন করিয়া কৃষ্ণকথা বুঝাইয়া দিতেন যে তাঁহারা তাঁহার ব্যাখ্যা শুনিয়া সন্তুষ্ট হইয়া পড়িতেন । শ্রীচৈতন্য ভাগবতে লিখিত আছে বিশ্বস্তর পরমব্রহ্ম ও শব্দ মূর্তিময়, তাঁহার বাক্যই বেদ ।

পরম ব্রহ্ম বিশ্বস্তর শব্দ-মূর্তি হয় ।

যে শব্দে যে বাখানেন তাই সত্য হয় ॥

শ্রীগৌরসুন্দর ভক্তভাবে বিভাবিত হইয়া নানা প্রকার কৃষ্ণ-ভক্তির উপদেশ দিতেন যথা:—

বোল কৃষ্ণ, ভজ কৃষ্ণ শুন কৃষ্ণনাম ।
 অহর্নিশ কৃষ্ণের চরণ কর ধ্যান ॥
 যাবত আছে প্রাণ দেহে আছে শক্তি ।
 তাবত কৃষ্ণের পাদপদ্মে কর ভক্তি ॥
 কৃষ্ণ মাতা, কৃষ্ণ পিতা, কৃষ্ণ প্রাণধন ।
 চরণ ধরিয়া বলি, কৃষ্ণ—দেহ মন ॥
 যত শুনি শ্রবণে—সকলি কৃষ্ণনাম ।
 সকল ভুবন দেখি গোবিন্দের ধাম ॥
 তোমরা সকলে লহ কৃষ্ণের শরণ ।
 কৃষ্ণ নামে পূর্ণ হউক সবার বদন ॥
 নিরবধি শ্রবণে শুনহ কৃষ্ণনাম ।
 কৃষ্ণ হউক তোমা সভাকার ধনপ্রাণ ॥

এইরূপে তিনি শিষ্য ও পণ্ডিতগণের মধ্যে কৃষ্ণভক্তি প্রচার করিতে আরম্ভ করিলেন । ভক্তগণের আনন্দের আর পার নাই, তাঁহারা দেখিতে পাইলেন—নদীয়ার কৃষ্ণনাম ও কৃষ্ণভক্তির বস্ত্র-তরঙ্গ আসিয়াছে, নদীয়ার সর্বপ্রধান মহাশক্তিশালী তরুণবৃক পণ্ডিতাগ্রগণ্য গৌরানন্দসুন্দর এখন সকল ছাড়িয়া কৃষ্ণনামে উন্মত্ত হইয়াছেন । তাঁহারা মনে করিলেন, এবার—

খণ্ডিল ভক্তের হৃৎ পাষাণীর নাশ ।
 মহাপ্রভু বিশ্বস্তর হইলা প্রকাশ ॥
 যে প্রভু আছিল ভোলা মহা বিস্তারসে ।
 এবে কৃষ্ণ বিনা আর কিছু নাহি বাসে ॥

মহাপ্রকাশ

(১)

শ্রীগৌরস্বন্দরের চরিতে তিনটি ভাব প্রধানতঃ দৃষ্ট হয়,—ভক্ত-
ভাব, গোপীভাব ও স্বয়ং ভগবদ্ভাব । গয়া হইতে আগমনের পরেই
প্রথমতঃ শ্রীগৌরাদেবের ভক্তভাব ও গোপীভাব ক্রমশঃ পরিস্ফুট
হইয়া উঠে । পূৰ্ব্ব পরিচ্ছেদে ভক্তভাব ও গোপীভাবের আভাস
দেওয়া হইয়াছে । অন্তরঙ্গ ভক্তগণ তাঁহার এই ভাব-সন্দর্শনে
আশাব্যস্ত ও আনন্দাব্যস্ত হইতে লাগিলেন । এই সময়ে প্রধান
প্রধান কৃষ্ণভক্তগণের মধ্যে শ্রীল অষ্টৈতাচার্য্য ও শ্রীবাস প্রভৃতির
নামই সবিশেষ উল্লেখযোগ্য ।

শ্রীপাদ অষ্টৈতের সভায় এই সংবাদ প্রচারিত হইল । শ্রীভগবান্
যে নবদ্বীপে অবতীর্ণ হইয়াছেন, অষ্টৈত তাহা পূৰ্ব্ব হইতেই জানি-
তেন । এই সংবাদ শুনিয়া তিনি বলিলেন—তবে বোধ হয় আমার
স্বপ্ন সফল হইবে । আমি একদিন গীতার কোন শ্লোকাংশের অর্থ
ভালরূপে বুঝিতে না পারিয়া মনোহুঃখে উপবাস করিয়া পড়িয়া
রহিলাম । এই অবস্থায় রাত্রি প্রায় দেড় প্রহর অতীত হইল ।
সহসা আমার গৃহে যেন একব্যক্তি প্রবেশ করিয়া বলিলেন,
“আচার্য্য, তুমি যে শ্লোকের অর্থ ভাবিতেছ, তাহার অর্থ এইরূপ ।
তুমি উঠ, উঠিয়া ভোজন কর । তুমি আমার পূজা করিও ।
যাঁহার জন্ত এত সঙ্কল্প ও এত আরাধনা করিয়াছ, সেই আমি

তোমার জন্ত অবতীর্ণ হইয়াছি। যে মূর্তি ব্রহ্মারও ছলন্য সেই মূর্তিতে আমি আসিয়াছি, তোমার অমুগ্রহে জগতের জীব আমার এই শ্রীমূর্তি দেখিয়া কৃতার্থ হইবে।

সর্বদেশে হইবেক কৃষ্ণর কীর্তন।

ঘরে ঘরে নগরে নগরে অনুকণ ॥

তুমি উঠিয়া আহ্বান কর, আবার আহ্বানের সময়ে আমার দেখা পাইবে।” মনে ভাবিলাম—এক স্বপ্ন—না জাগরণ। চাহিয়া দেখি—সম্মুখে শ্রীশচীনন্দন,—বিশ্বস্তর।

দেখিতে দেখিতেই—অমনি অদর্শন! স্তম্ভিত হইলাম। মনে ভাবিলাম কৃষ্ণের একি লীলা। তোমরা বলিতেছ বিশ্বস্তর এখন কৃষ্ণপ্রেমী বিহ্বল। তা হইতে পারে। বড় মাহুষের পুত্র,—নীলা-স্বরের দৌহিত্র,—নিজেও সর্বগুণে উত্তম। পণ্ডিত বিশ্বস্তরের কৃষ্ণভক্তি হওয়াই তো উচিত। তোমরা সকলে আশীর্বাদ কর।”

এদিকে নিমাইর আর সে ঔদ্ধত্য নাই, গর্ব নাই, পাণ্ডিত্য-ভিমান নাই। নিমাই এখন দীনাতিদীন,—ভক্ত দেখিলেই তাঁহার পারে পড়েন, ধূলায় গড়াগড়ি দেন, কৃষ্ণ বলিয়া রোদন করেন, কেহ গঙ্গা স্নানে গমন করিলে তাহার গামছা ও বস্ত্রাদি বঁহন করিয়া সঙ্গে সঙ্গে গমন করেন।

ভক্তগণ নিমাইর ভাবপরিবর্তন দেখিয়া চমৎকৃত হইলেন, প্রায় সকলের মনেই আশা হইল,—এবার পাবগুদলন হইবে। নিমাই সর্বতোভাবে ক্ষমতাশালী—যেমন রূপ, তেমনই প্রতিভা। নিমাইর জ্ঞান পণ্ডিত যদি কৃষ্ণভক্তি ব্যাখ্যা করেন, তবে সে ব্যাখ্যা খণ্ডনে

কাহারও ক্ষমতা থাকিবে না ;—ভক্তগণ এই আশার উৎকল হইয়া উঠিলেন।

কিন্তু নিমাইর ভক্তি-বিকার ক্রমেই ভীষণ আকার ধারণ করিল। তিনি কখন হাসেন, কখন কাঁদেন, কখন মুচ্ছিত হইয়া পড়েন, কখন নয়ন মুদ্রিয়া থাকেন, কাহারও সহিত কোনও কথা বলেন না, কখন ক্রুদ্ধ ক্রুদ্ধ বলিয়া ধূল্য গড়াগড়ি দেন, কখন বা এমন ভাবে দস্ত কড়মড়ি করিতে আরম্ভ করেন, যে তাহা দেখিয়া শচীমা ও প্রিয়াজী পর্য্যন্ত ভীত হইলেন।

শচীমা পুত্রের অবস্থা দেখিয়া আকুল হইয়া পড়িলেন, সোনার প্রতিমা বউমার মুখ খানি শুকাইয়া গেল, তাঁহার হাসিমাখা প্রদন্ন মুখমণ্ডলে বিবাদের, কালিমা দেখা দিল। শচীমা ও বউমা এদশা দেখিয়া একরূপ আহার নিদ্রা ত্যাগ করিলেন। একশ্রেণীর বুদ্ধিমান লোক পরামর্শ দিলেন, নিমাই বায়ুরোগগ্রস্ত—উন্নত। বাঁধিয়া না রাখিলে চিকিৎসাই চলিবে না, শিষ্যত্ব ও পাকতৈল ব্যবহার করিতে হইবে। যে যা বলে শচীমা তাই বিশ্বাস করেন আর কায়মনবাক্যে কেবল শ্রীগোবিন্দের নিকটে প্রার্থনা করেন—
“দীন দয়াময় আমার ছেলেটাকে ভাল কর ।”

শচী জানিতেন শ্রীবাস তাঁহাদের পরম হিতকারী, সুখী ও বুদ্ধিমান লোক। শ্রীবাসকে ডাকাইয়া তিনি পুত্রের অবস্থা জানাইলেন। শ্রীবাস আসিলেন, নিমাই তখন তুলসী প্রদক্ষিণ করিতে ছিলেন। ভক্ত দেখা মাত্রই ভক্তির সান্নিধ্য বিকার বাড়িল, নিমাই কাঁপিতে কাঁপিতে শ্রীবাসের পদমূলে পড়িয়া গেলেন। শ্রীবাস

নিমাইর প্রকৃত রোগ বুঝিয়া বলিলেন, “এ তো রোগ নয়—এ যে মহা ভক্তিরোগ।” নিমাই বলিলেন, আপনার এই কথায় আমি সন্তুষ্ট হইলাম।” শ্রীবাস শটীমাকে বলিলেন—“ঠাকুরানি, আপনার কিসের ভাবনা? এসকল ভাব বাহিরের লোকেরা বুঝিবেনা—ইহা কৃষ্ণভক্তির লক্ষণ। আপনি নিশ্চিন্ত থাকুন, ক্রমে ইহার পরিণাম দেখিতে পাইবেন।” ক্রমেই ভাবের বিকাশ হইতে লাগিল। গদাধর ও অদ্বৈতাচার্য্য একদিন একত্র নিমাইকে দেখিতে গেলেন। সে দিনকার ব্যগ্রভাব ও তৎপরে বিষম মূচ্ছা ও মুখ-মণ্ডলের ভাবভঙ্গি দেখিয়া অদ্বৈত স্পষ্টতঃই বুঝিতে পারিলেন, বাহ্যর জন্ত তাঁহার এত প্রার্থনা,—এই সেই তিনি।

অদ্বৈত তৎক্ষণাৎ পাশ্চ অর্ঘ আচমনীর গন্ধ পুষ্প ধূপ দীপ দ্বারা শ্রীগৌরান্ধরণ পূজা করিতে লাগিলেন। বৃদ্ধ প্রবীণ সুপণ্ডিত ও ভক্তরাজ কমলাক্ষ আজ নদীয়ার ব্রাহ্মণ যুবক বিশ্বম্ভরকে স্বয়ং ভগবান্ জানিয়া তাঁহার শ্রীচরণে গজাজল ও সচন্দন তুলসী দিয়া “আমারই প্রাণনাথ” বলিয়া পূজা করিলেন। পূজান্তে বৃদ্ধ অদ্বৈত নিমাইর শ্রীচরণমূলে পড়িয়া গড়াগড়ি দিতে লাগিলেন।

গদাধর দাঁতে জিভ কাটিয়া ক্ষয় হাসিয়া বলিলেন—“আচার্য্য দেব, আপনি আমাদের সকলের আরাধ্য। নিমাইপণ্ডিত বটেন,—এখন ভক্তও বটেন; কিন্তু এই বালককে স্বয়ং ভগবান্ বলিয়া পূজা করা কি আপনার পক্ষে শোভা পায়?”

আচার্য্য বলিলেন—বালক! বালকই বটে, আর কতদিন পরে—এই বালকটিকে চিনিতে পাইবে।

গদাধরের প্রবোধ হইল—বিশ্বস্তর স্বয়ং ভগবান্ । এই সময়ের মধ্যে বিশ্বস্তরের মূৰ্চ্ছা ভাঙ্গিল । তিনি করবোড়ে আচার্য্যকে প্রণাম করিয়া বলিলেন, “দয়ানর আমার কৃপা করিয়া আশীর্বাদ করুন, যেন আমার মুখে কৃষ্ণনাম প্রসূত হয় ।”

আচার্য্য একটুকু হাসিয়া মনে মনে বলিলেন, “আমার কাছেও তোমার চতুরতা ? আমি কি আর তোমায় চিনিতে পারি নাই ? প্রকাশে বলিলেন—বিশ্বস্তর সকল লোক অপেক্ষা তুমি আমার আপনায় । তোমায় যেন সৰ্ব্বদা দেখিতে পাই । তোমার সহিত কৃষ্ণকীর্তন বৈষ্ণব মাত্রেয়ই মনের দাঁধ ।

নিমাইর সাধ্বিক বিকার উত্তরোত্তর বাড়িতে লাগিল, শ্রীকীর্তনের তরঙ্গরোল ক্রমেই সমগ্র নবদ্বীপ ব্যাপিয়া পড়িল, কিজ্ঞানিকি আকর্ষণে নদীয়ার সত্য ভব্য লোকেরাও ক্রমে ক্রমে সঙ্কীর্ণনে যোগ দিলেন । অপর দিকে পাষণ্ডীবা ইহাতে উত্তেজিত হইয়া নানা কথা বলিতে লাগিল, নানা প্রকার রাজতর দেখাইতে লাগিল । তখন মুসলমান রাজা । ভক্তগণের মধ্যেও কেহ কেহ ভয় পাইলেন ।

(২)

ভক্তগণের এই ভয়ের দিনে মির্ভাক গৌরহৃন্দর ক্রমশঃই স্বীয় প্রভাব প্রকাশ করিতে লাগিলেন । একদিন ঘরের দ্বার বন্ধ করিয়া শ্রীবাস নৃসিংহ পূজা করিতেছিলেন, গৌরহৃন্দর পদাঘাতে দ্বার ভাঙ্গিয়া গৃহে প্রবেশ করিয়া বীরাসনে উপবেশন করিয়া সিংহ-রবে গর্জন করিতে করিতে বলিলেন, “আরে ব্রাহ্মণ, তুই চক্ষু মুদ্রিয়া

কার পূজা করিস ! এই ঙ্খাখনা আমি স্বয়ং এসেছি । শ্রীবাসের ধ্যান ভঙ্গ হইল, তিনি চাহিয়া দেখেন বিশ্বস্তর চতুর্ভুজ ধারণ করিয়া বীরাসনে উপবিষ্ট,—তাঁহার হস্তে শঙ্খ চক্র গদা পদ্ম । শ্রীবাস স্তম্ভিত হইলেন, । গৌরসুন্দর বলিলেন, “শ্রীবাস তোর উচ্চ কীৰ্ত্তনে, আর নাড়ার হুঙ্কারে আমি স্বধামে থাকিতে না পারিয়া এখানে অবতীর্ণ হইয়াছি । আমার পূজা কর—আমার স্তব কর ।” শ্রীবাস কর জুড়িয়া বিশ্বস্তরের স্তব করিতে লাগিলেন । শ্রীগৌর সুন্দর যে মহা মহাবতারা শ্রীবাস এই ভাব ব্যক্ত করিয়া তাঁহার স্তব করিলেন ।

শ্রীগৌরাজ বলিলেন, “শ্রীবাস তুমি সঙ্গীক ও সৰ্বপরিবারসহ আমার পূজা কর ।” তাঁহার আদেশ সেই মুহূর্ত্তেই প্রতিপালিত হইল । বিষ্ণু পূজার সচন্দন ফুল তুলসী শ্রীগৌর-চরণে অর্পিত হইল । পরিবারসহ শ্রীবাস শ্রীগৌরাজ-চরণে আত্ম সমর্পণ করিলেন । শ্রীগৌরাজ সকলের মস্তকে স্বীয় রাতুল চরণ অর্পণ করিয়া সকলকে শুভাশীর্ষাদ করিলেন,—বলিলেন—“তোমরা নাম সঙ্কীৰ্ত্তনে ভয় করিও না । রাজা ইহাতে বাধা দিবে না । আমি সকলের অন্তর্যামী । আমি তাহার ভিতর দিয়া যে বাণ্য বলিব, রাজা সেই কথা বলিবে । তোমরা এ কথা না বুঝিয়া ভয় কর কেন ? রাজাকে কীৰ্ত্তনে হাসাইব, নাচাইব, কান্দাইব, নয়নজলে ভাসাইব । এমন কি সেই কীৰ্ত্তনানন্দে রাজার হাতী ঘোড়া পশু পাখী লোক জন সকলেই কৃষ্ণ কৃষ্ণ বলিবে, এবং সঙ্কীৰ্ত্তনে নাচিবে । এ সকল তোমরা দেখিতে পাইবে । আমার কথা সত্য কি মিথ্যা তাহা

কি এখনই বুঝিতে চাও ? আচ্ছা তাহা হইলে তোমার ভ্রাতৃপুত্রী নারায়ণীকে ডাক, এই চারি বৎসরের শিশুতে কৃষ্ণপ্রেমের খেলা দেখ । নিমাই নারায়ণীকে ডাকিয়া বলিলেন, “নারায়ণী একবার কৃষ্ণ কৃষ্ণ বল ।” নারায়ণী কৃষ্ণ বলিয়া কান্দিতে কান্দিতে কান্দিতে অধীর হইয়া পড়িলেন, তাঁহার নয়নজলে ভূমি সিক্ত হইল, নারায়ণীর দেহে ও কথায় কৃষ্ণপ্রেমের বহুল সাত্ত্বিক লক্ষণ প্রকাশিত হইল । ভক্তগণ চমৎকৃত হইলেন ।

নিমাই বলিলেন—এখন বুঝিতে পারিলে তো ? তবে আর ভয় কি ? দিবানিশি কৃষ্ণকীর্তন কর ।”

শ্রীবাসের বাড়ীর এই ঘটনা অচিরে সর্বত্র প্রচারিত হইল । ভক্তমাত্রেই তখন বুঝিতে পাইলেন,—আর ভয় নাই—এবার স্বয়ং ভগবান্ আসিয়াছেন ।”

মুরারিগুপ্তকে এইরূপে একদিন নিমাই যজ্ঞবরাহরূপ দেখাইয়া ভীত, বিস্মিত ও বিহ্বল করিয়া তুলিয়াছিলেন । অজ্ঞাত ভক্তগৃহেও গৌরসুন্দর ভক্তগণের ভাবানুযায় মুক্তি দেখাইয়া ছিলেন ।

[৩]

এই সকল ঘটনার কিছু পূর্বে ভক্তশ্রেষ্ঠ ব্রহ্ম হরিদাসও নদীয়ার বৈষ্ণব সমাজে যোগদান করিয়াছিলেন । অজ্ঞাত বহুভক্ত বহুদেশ হইতে অতর্কিত ভাবে নদীয়ার আসিয়াছিলেন । এতদিন পরে সাক্ষাৎ সচ্চিদানন্দ বিগ্রহ শ্রীপাদ নিত্যানন্দের শুভাগমন হইল । এমনা জাহ্নবী সরস্বতীর ত্রিধারা সম্মিলিত হইলেন—নবদ্বীপে

শ্রীগোরাঙ্গ নিত্যানন্দ ও অদ্বৈত প্রেম-ভক্তির ত্রিধারারূপে প্রকাশিত
হইলেন। গদাধর শ্রীনিবাস হরিদাসাদি ভক্তবৃন্দ ইহাদের সঙ্গে
যোগ দিয়া শ্রীনাম-কীর্তনের তরঙ্গ তুলিলেন। এই সময়ে
শ্রীগোরাঙ্গসুন্দর শ্রীমন্নিত্যানন্দ প্রভুর নিকট ষড়্ভুজরূপ প্রকট
করিয়া ছিলেন। শ্রীমন্নিত্যানন্দ সেরূপ দেখিয়া মুচ্ছিত হইয়া-
ছিলেন। শ্রীমন্নিত্যানন্দ শ্রীগোরাঙ্গসুন্দরকেই একমাত্র সেবা বলিয়া
প্রচার করিতে লাগিলেন।

নিত্যানন্দ স্বরূপের এই বাক্য মন।

চৈতন্ত ঈশ্বর, মণ্ডিত তার একজন ॥

তিনি পথে ঘাটে ও পোড়ার দ্বারে উপদেশ করিতেন :—

ভজ গোরাঙ্গ ব গোরাঙ্গ লহ গোরাঙ্গ নাম ।

যে ভজে গোরাঙ্গ চন্দ্রে সেই মোর প্রাণ ॥

শ্রীমন্নিত্যানন্দ প্রভূতি শ্রীগোরাঙ্গের প্রিয়ভক্তগণ এই সময়ে
শ্রীবাস ভবনে সমবেত হইয়া সন্তোষানন্দ করিতেন।

অদ্বৈতের নবদ্বীপে ও এ বাড়ী ছিল, তিনি কখনও নবদ্বীপে
কখনও শান্তিপুরে থাকিতেন। শ্রীগোরাঙ্গসুন্দর যখন প্রকাশ
ভাবে আপন ভগবদ্বা জনসমাজে প্রকটন করিতেছিলেন, এবং
এইরূপে যখন প্রায় প্রতিদিন নবদ্বীপে শ্রীগোরাঙ্গ লীলার এক
একটি অতি অদ্ভুত ব্যাপার ঘটিতছিল, অদ্বৈত প্রভু নিজেও তাহার
কিছু কিছু দেখিয়া গিয়াছিলেন। সংপ্রতি তিনি শান্তিপুরে অবস্থান
করিয়া নিভৃত ভাবে এই সমস্ত বিষয়ের চিন্তা করিতেছিলেন।

শ্রীগোরাঙ্গসুন্দর এই সময়ে একদিন শ্রীবাসের অমুজ রাশাই

পণ্ডিতকে ডাকিয়া বলিলেন, “রামাই, তুমি শাস্তিপুরে গিয়া আচার্য্যকে বল যে তুমি যাহার জন্ত এত আরাধন করেছ, যাহার জন্ত এত রোদন করেছ, যাহার জন্ত কত উপবাস করেছ, তিনি এসেছেন। তুমি বলিও,—তিনি আমায় বলিয়া দিয়াছেন, যে পূজার সাজসজ্জ লইয়া ঠাকুরাণীসহ নবদ্বীপে যাইয়া তোমার নিজের আনীত ঠাকুরটীর পূজা কর।”

সংবাদ পাইয়া আচার্য্য প্রভু সঙ্গীক সন্ধিগমনে নবদ্বীপে উপস্থিত হইলেন। অষ্টমতের এ সন্দেশ কেবল ভঙ্গিক্রমে অপরের সন্দেশ নিরসনের জন্ত। অষ্টমত গৃহিণী শ্রীমতী সীতাঠাকুরাণী আচার্য্য পুত্র অচ্যুতানন্দ প্রেমে অধীর হইয়া অশ্রুপাত করিতে লাগিলেন। দাসদাসী পর্য্যন্ত এই প্রেম-পাথারে নিমজ্জিত হইল। কিন্তু অষ্টমতাচার্য্য পরম পণ্ডিত। যাহাকে তিনি পূজা করিতে যাইতে-ছেন, তিনি সর্ব্বজ্ঞ ঈশ্বর কিনা, তিনি যে নবদ্বীপে আসিয়াছেন, ইহা তিনি আপন মনে জানিতে পাইয়াছেন, আচার্য্য গোপনে গোপনে প্রথমতঃ তাহার পরীক্ষা করিতে লাগিলেন। যখন পরীক্ষায় তাঁহার নিশ্চিত প্রতীতি হইল যে শ্রীশচীনন্দন সর্ব্বজ্ঞ, তখন তিনি পূজার যাবতীয় সাজসজ্জ লইয়া সহধর্ম্মিণী সহ পরমানন্দে শ্রীগোরাঙ্গচরণ অর্চনা করিতে গমন করিলেন। শ্রীবাস-অঙ্গনে উপস্থিত হইয়া আচার্য্য দেখিতে পাইলেন, শ্রীশচীনন্দন বিমুখটায় উপবিষ্ট; ভক্তগণ কৃতাজলি হইয়া চারিদিকে দণ্ডায়মান। সঙ্গীক আচার্য্য দূর হইতেই দণ্ডবৎ প্রণাম করিতে করিতে উপনীত হইয়া দেখিলেন :—

জিনিঞা কন্দৰ্প-কোটি-লাবণ্য-সুন্দর ।

জ্যোতিৰ্ময় কনক-সুন্দর কলেবর ॥

প্রসন্ন বদন কোটি চন্দ্রের ঠাকুর ।

অদ্বৈতের প্রতি যেন করুণা প্রচুর ॥

কোটি মহাসুখা জিনি তেজে নাহি অন্ত ।

পাদপদ্মে রমা ; ছত্র ধরেন অনন্ত ।

ইহা ছাড়া তিনি আরও দেখিতে পাইলেন,—স্বর্গীয় দেবগণ সমবেত হইয়া এখানে উপস্থিত । ব্রহ্ম মহেশ প্রভৃতি দেবতাগণ কৃতাজলি হইয়া শ্রীশ্রীবিষ্ণুভরের স্তব করিতেছেন । জ্যোতিৰ্ময় আকার ভিন্ন তিনি এখানে পার্থিব কিছুই দেখিতে পাইলেন না । দক্ষিণে, বামে, উর্দ্ধে ও নীচ ভাগে যতদূর অদ্বৈতের দৃষ্টি চলিল, তিনি জ্যোতিৰ্ময় দেবগণের সমাগম ভিন্ন আর কিছুই দেখিতে পাইলেন না—দেখিলেন, এই সকল দেবগণ করজোড়ে শ্রীশ্রীবিষ্ণুভরের স্তুতি করিতেছেন । অদ্বৈত এই অশ্রুতপূর্ব, অচিন্ত্য, অলৌকিক ব্যাপার দেখিয়া বিস্মিত ও স্তম্ভিত হইলেন । তাঁহার মুখে কোনও বাক্য সঞ্চিত না, তিনি নির্বাক ও বিহ্বল হইয়া শ্রীগৌরচরণ দর্শন করিতে লাগিলেন ।

পরম করুণাময় শ্রীগৌরসুন্দর বলিলেন—“আচার্য্য তোমার আরাধনার আমি অবতীর্ণ হইয়াছি, আর আমাকে ভুলিয়া তুমি ঘরে রহিয়াছ ? এখন সজীব আমার পূজা কর ।”

আচার্য্য প্রেমভরে কাঁদিতে লাগিলেন, শ্রীসীতাঠাকুরাণীর আনন্দে পরিপ্লুত হইয়া গলায় বসন লইয়া প্রণত হইলেন । আচার্য্য

কিঞ্চিৎ স্নান হইয়া ত্রীগৌরহৃদয়ের ত্রীচরণ পূজা করিতে প্রবৃত্ত হইলেন । তিনি প্রথমতঃ গঙ্গাজলে ত্রীচরণ ধোত করিয়া উহাতে সচন্দন তুলসী পত্র অর্পণ করিতে লাগিলেন । গন্ধ পুষ্প ধূপ-দীপ প্রভৃতি দ্বারা যথাবিধি পূজা করিয়া আরত্ৰিক করিলেন, চারিদিক মঙ্গল বাত্মনিদানে মুখরিত হইল । জয়জয়ধ্বনির তুমুল রবে ভক্ত-গণের হৃদয় মাতিয়া উঠিল । অদ্বৈত প্রভু ষোড়শ উপচারে শাস্ত্রদৃষ্টে পটল বিধানে বিশ্বস্তর দেবের ত্রীচরণ পূজা করিলেন ।

ত্রীগৌর-পূজাকাণ্ডগণ্য অদ্বৈত প্রভু পূজা শেষ করিয়া “নমো ব্রহ্মণা” দেবায় এই প্রসিদ্ধ প্রণতি-শ্লোক প্রণাম করিলেন ।

ত্রীচৈতন্ত্য ভাগবতে লিখিত আছে “শেষে স্তুতি করে নানা শাস্ত্র অনুসারি ।” শ্রীল অদ্বৈতকৃত স্তবের আরম্ভ এইরূপ :—

জয় জয় সর্ব-প্রাণনাথ বিশ্বস্তর । *

জয় জয় গৌরচন্দ্র কঙ্কণ সাগর ॥

জয় জয় ভকত বচন সত্যকারী ।

জয় জয় মহাপ্রভু মহা-অবতারী ।

* সর্ববেদজ্ঞ ত্রীপাদ অদ্বৈতাচার্য্য সর্বপ্রথমে ত্রীগৌরজ হৃদয়ের বিশ্বস্তর নাম উল্লেখ করিয়া স্তব করেন । শ্রীমদ্ বৃন্দাবনদাস ঠাকুর লিখিয়াছেন, জাহার এই স্তব শাস্ত্রসম্মত । প্রকৃত পক্ষে এই বিশ্বস্তর নামটী শ্রীভগবানের বৈদিক নাম । অধর্ববেদ সংহিতায় বিশ্বস্তর নামীয় মন্ত্র স্পষ্টতঃই দৃষ্ট হয় তদবধা :—

“বিশ্বস্তর বিশ্বেন মা ভরসা পাহি বাহা ।”

(দ্বিতীয় কাণ্ড ৩ অঃ ১৭ হ ৫ মন্ত্র)

জয় জয় হরে কৃষ্ণ মস্তকের প্রকাশ ।

জয় জয় নিজ ভক্তি গ্রহণ বিলাস ॥

* * * *

তুমি বিষ্ণু তুমি কৃষ্ণ তুমি নারায়ণ ।

তুমি মৎস তুমি কুর্ম তুমি সনাতন ॥

* * * *

হে বিবর্ত্তর, (বিষ্ণু সর্বঃ প্রাপিজাতঃ বিভক্তিঃ অমুপ্রবিষ্ট ভক্তিরসেন পোষয়-
তীতি বিবর্ত্তরঃ ।) সংজ্ঞারাঃ ভূত্ব বৃজি ইত্যাদিরা ৭৫ । “অরুদ্বিবদন্তস্ত মুহ”
ইতি মুহ । তাদৃশতঃ বিধেন কৃৎস্নেন ভয়সা পোষণশক্ত্যা, ভূত্বং ধারণ-পোষণয়ো
ইক্সন্নাৎ “সর্বধাতুভোগহন” (১৪, ১৮) ইতি অহন । না মাং পাহি রক্ষ
ইত্যর্থঃ ।

মস্তকের যে বাখ্যা করা হইল, উহা আমাদের কল্পিত নহে । ঐচৈতন্ত্যচরিতা-
ম্বতের সিদ্ধ গ্রন্থকার-মহোদয় শ্রীশ্রীমদনগোপালদেবের কৃপা-প্রসাদে বেদের সার-
মণ্ডই তদীয় গ্রন্থে প্রকাশ করিয়াছেন । শ্রীশ্রীবিবর্ত্তর নামের নিকৃতি-প্রকটন-
প্রয়াসে তিনি লিখিয়াছেন :—

প্রথম লীলার তার বিবর্ত্তর নাম ।

ভক্তিরসে ভরিল ধরিল ভূতগ্রাম ॥

ভূত্বং ধাতুর অর্থ ধারণ পোষণ ।

ধরিল পোষিল প্রেম দিয়া ত্রিভুবন ॥ -

বাহারী শ্রীশ্রীমদন বিবর্ত্তর নামটির শব্দ অর্থাৎ দেখিতে পাম না, ইহাতে
তাহার উৎকৃত হইবেন । সমুচ্ছল প্রেমামলসরসর কনককান্টি শ্রীশ্রীবিবর্ত্তর
দেবের এই উপাসনা-মন্ত্র অতি স্পষ্টতঃই ক্রটিতে নিহিত রহিয়াছে । দয়াময়
শ্রীশ্রীগৌরমন্ডল এই গৌরমূর্তিতে তাহার ভক্তগণকে আরও কৃতার্থ করিয়াছিলেন ।

এই তোর দুই খানি চরণ কোমল ।

ইহারি সে রসে গোরী শর বিহ্বল ॥ *

এইরূপ শ্রব করিতে করিতে নয়নরলে বক্ষ ভাসাইয়া অধৈত প্রভু শ্রীগোরাঙ্গের পদতলে সাষ্টাঙ্গে প্রণত হইলেন । পরম কল্পা-
ময় শ্রীগোর ভগবান্ কৃপা করিয়া অধৈত প্রভুর মস্তকে শ্রীচরণ
তুলিয়া দিয়া তাহাকে কৃতার্থ করিলেন ।

সর্বভূত অন্তর্যামী শ্রীগোরাঙ্গ রার ।

চরণ তুলিয়া দিলা অধৈত মাথায় ॥

এইরূপে শ্রীশ্রীগোরসুন্দর তদীয় পারমৈশ্বর্য প্রকটন করিয়া ভক্ত-
বর্গকে কৃতার্থ করিতে লাগিলেন ।

এই সময়ে পুণ্ডরীক বিদ্যানিধি, ভক্তশ্রেষ্ঠ হরিদাস ও* প্রেমমূর্তি
আনন্দকন্দ স্বয়ং শ্রীমদ্রিত্যানন্দ নবদ্বীপের কেন্দ্রে কেন্দ্রে শ্রীকৃষ্ণ
নামের বিজয়পতাকা উড্ডীন করিতে ছিলেন । কীর্তনানন্দের
তুমুলরবে সমগ্র নদীয়া মুখরিত হইয়া উঠিতে ছিল । শ্রীপাদ নিত্য-
নন্দ শ্রীবাসের ভবনে অবস্থান করিয়া শ্রীগোরাঙ্গের অভিপ্রেত
কীর্তনানন্দের প্রচারের প্রধানতম সহায় হইলেন । তাঁহার

* এতদ্বারা স্পষ্টতঃই বুঝা যাইতেছে যে শ্রীপাদ অধৈত উর্দ্ধমায় সাহিত্য,
দ্রশ্য সাহিত্য প্রভৃতি শ্রীগোর-উপাসনার তত্ত্বনিচর পাঠ করিয়াই শ্রীগোরাঙ্গের
স্বীয় মন্ত্রদ্ব্যানাদি দ্বারা তাঁহার পূজা করিয়াছিলেন ।

অগিচ ভাহাতে কখনও শ্রীমদ্রিত্যানন্দ মূর্তি, কখনও শ্রীমায়মূর্তি কখনও বা যুগ-
পং বড়ভূমমূর্তি প্রভৃতি দেখিয়াই শ্রীগোরসুন্দরকেই শ্রীপাদ অধৈত মহাবতাবী
যলিয়া বুদ্ধিতে পারিয়াছিলেন ।

প্রেমোচ্ছ্বাস ও প্রেমশক্তি মহাবক্তার মহামহা নাস্তিক পামণ্ডী গণ্ড-
শৈলকেও ব্রজরসে নিমজ্জিত করিয়াছিল । শ্রীমন্নিত্যানন্দ দ্বারাই
মহাপ্রভু মহাদাস্য জগাই মাধাইর উদ্ধার করেন ।

শ্রীবাস-অঙ্গনে সর্বদা কীর্তন হইত, আবার কোন কোন দিন
চন্দ্রশেখরের ভবনও কীর্তন-নাদে মুখরিত হইয়া উঠিত । নিত্যানন্দ,
অষ্টৈত, গদাধর, শ্রীবাস, পুণ্ডরীক, বিজ্ঞানিধি, মুরারিগুপ্ত, হিরণ্য-
গর্ভ, হরিদাস, গঙ্গাদাস, বনমালী, বিজয়, নন্দনাচার্য্য, জগদানন্দ,
বুদ্ধিমন্ত খাঁ, নারায়ণ, কালীশ্বর, বাসুদেব, রাম, গুরুডুধবজ, গোবিন্দ,
গোবিন্দানন্দ, গোপীনাথ, জগদীশ, শ্রীমান্ পণ্ডিত, শ্রীধর, সদাশিব,
বক্রেশ্বর, শ্রীগর্ভ, গুরুদ্বার ব্রহ্মচারী, ব্রহ্মানন্দ, পুরুষোত্তম, সঙ্গর
প্রভৃতি শত শত ভক্ত অহর্নিশ নামকীর্তনে নবদীপে হরিনামের
তরঙ্গ প্রবাহ তুলিয়া জনসাধারণকে নবজীবন প্রদান করিতে
ছিলেন । শ্রীগৌরানন্দ্রন্দর তাঁহার স্বীয় ফ্লাদিনী-শক্তিস্বরূপ মহা-
প্রেম শক্তিশালী ভক্তগণের সহিত যে কীর্তনানন্দের সৃষ্টি করিয়া-
ছিলেন, তাহার প্রভাব বর্ণনা করা অসম্ভব । শ্রীমদ্ভাবন দাস
ঠাকুর এই নৃত্য কীর্তনের প্রভাব বর্ণনা করিয়া লিখিয়াছেন :—

চতুর্দিকে শ্রীহরিরঙ্গল সঙ্গীর্জন ।

মাঝে নাচে জগন্নাথ মিশ্রের নন্দন ॥

যার নামানন্দে শিব বসন না জানে ।

যার রসে নাচে শিব, সে নাচে আপনে ॥

যার নামে বাল্মীকি হইল তপোধন

যার নামে অজামিল পাইল মোচন।

যার নাম শ্রবণে সংসার বন্ধ ঘুচে ।
 হেন ঐতু অবতার কলিযুগে নাচে ॥
 যার নাম লইয়া শুক নারদ বেড়ায় ।
 সহস্র বদন ঐতু যার নাম গায় ॥
 সৰ্ব্ব মহাপ্রায়শ্চিত্ত যে ঐতুর নাম ।
 সে ঐতু নয়নে দেখে কত ভাগ্যবান ॥

শ্রীগৌরাজের নৃত্য সম্বন্ধে বাঙ্গালা ভাষায় শত শত পদাবলী আছে। শ্রীগৌরাজের নৃত্যে গোলক মাধুরী প্রকাশিত হইত, ভক্তগণ তাহা নেত্র ভরিয়া পান করিয়া কৃতার্থ হইতেন। সে মাধুরী ভাষায় কোটে না, উপদেশে তাহা অভিব্যক্ত হয় না। দয়াময় নিজে নৃত্য করিয়া সে মাধুরী দেখাইতেন, সে নৃত্যমাধুরী-দন্দর্শনে নাস্তিক পাষাণীর হৃদয়েও গোলক-বন্দাধনের প্রেমরস সঞ্চারিত হইত। সে নৃত্য—সচ্চিদানন্দ শ্রীভগবানের আনন্দেরই অভিব্যক্তি। সচ্চিদানন্দের আনন্দ-শক্তির প্রবাহ ভক্ত-হৃদয়ে সঞ্চারিত হইলে ভক্তদেহ স্বভাবতঃই অধীর হয়—নৃত্য সেই আনন্দশক্তি-প্রবাহেরই কার্য্য মাত্র। দয়াময় নিজে নৃত্য করিয়া ভক্তগণকে এই ভাব শিক্ষা দিয়াছিলেন।

*ভক্তগণ শ্রীগৌরাজের ভক্তভাব অপেক্ষা ভগবদ্ভাব-দর্শনেই অধিকতর সুখী হইতেন। ভক্তবাহ্নীকল্পতরু শ্রীভগবান্ ভক্তগণের অভিলাষ পূরণের জন্ত একদিবস পারমৈশ্বর্য্যময়ী এক মহালীলা প্রকটন করিয়াছিলেন। এই লীলা (মহাপ্রকাশ) বা (সাতপ্রহরীয়া) ভাব নামে খ্যাত। ইহার বিদ্যুত বিবরণ শ্রীচৈতন্যভাগবতে বর্ণিত হইয়াছে। সংক্ষিপ্ত মর্ম্ম এই যে—শ্রীবাস পণ্ডিতের বাঙীতে

শ্রীগৌরাজ ভক্তগণ সহ রীতানুসারে নৃত্য কীর্তন করিতেছিলেন, কীর্তন করিতে করিতে তিনি সহসা বিষ্ণুখটায় আরোহণ করিয়া উপবেশন করিলেন । অত্যান্য দিন কখন কখন আবিষ্টভাবে এই-রূপ ঘটনা ঘটিত । এদিন আবেশের কোনও লক্ষণ দৃষ্ট হইল না । ভক্তগণ দেখিলেন সহস্র সূর্য্যাকিরণের স্তায় গৃহখানি সহসা উজ্জ্বল হইয়া উঠিল । উহার চাহিয়া দেখেন—শ্রীশচীনন্দন বিষ্ণুখটায় উপবিষ্ট এবং তাঁহার শ্রীঅঙ্গকান্তি হইতেই এই অপূর্বজ্যোতি বিকীর্ণ হইতেছে । বিষ্ণুখটায় উপবেশন করিয়াই ভক্তগণের প্রতি তিনি আদেশ করিলেন—“তোমরা অভিষেক-কীর্তন কর ।”

অমনি অভিষেক-কীর্তন ও অভিষেক-কার্য আরম্ভ হইল । শ্রীল অদ্বৈত মহামন্ত্রবিদ । তিনি মন্ত্রের ব্যবস্থা করিলেন । ভক্তগণ বেদের পুরুষ স্তোত্রের মন্ত্র পাঠ করিয়া কলসে কলসে গজাজলে শ্রীগৌরাজ-দেহ অভিষিক্ত করিতে লাগিলেন । মুকুন্দ প্রভৃতি গায়কগণ অভিষেক-মঙ্গল কীর্তন আরম্ভ করিলেন । নারীগণ উলুধ্বনি করিতে লাগিলেন । মহা স্নানান্তে নববস্ত্র পরিধান করাইয়া তাঁহার শ্রীঅঙ্গে চন্দন লেপন করা হইল । তাঁহার সমুজ্জ্বল কনককান্তি-কিরণে শ্রীবাস-মন্দির কনকিত হইয়া উঠিল, এমন জ্যোতি ও এত ভেজ পূর্বে কখনও কেচ সন্দর্শন করেন নাই । কিন্তু ইহাতে কেহই বিস্মিত হইলেন না । তাঁহার ইতঃপূর্বে জানিতে পাইয়াছেন যে শ্রীশচীনন্দন—স্বয়ং ভগবান্ ।

শ্রীগৌরহৃদয় ভক্তগণের প্রতি কৃপা করার জন্য বিষ্ণুখটায় উপবেশন করিলেন । তেমন মহাজ্যোতির্ময় শ্রীমূর্তির কথা তাঁহার

আর কখনও কোন শাস্ত্রে দেখেন নাই। শ্রীমন্নিত্যানন্দ তাঁহার মন্তকের উপরে ছত্র ধরিলেন। • ভক্তগণ **মহা-অবতারী** শ্রীগৌরদেহে আপন আপন ইষ্টমূর্তি দেখিয়া সেই সেই রূপের ধ্যানমত্রে পূজা করিতে লাগিলেন, কেহবা তাঁহার দশাক্ষর গোপালমত্রে, কেহবা রামমত্রে কেহবা নৃসিংহমত্রে যোড়শ উপচারে পূজা করিতে প্রবৃত্ত হইলেন। অষ্টৈতাদি প্রধান প্রধান পার্বদগণ শ্রীচরণতলে দণ্ডবৎ প্রণত হইলেন। এমন কি স্বয়ং শচীদেবীও এই সময়ে শ্রীশ্রীবিষ্ণুভরদেবের পূজা করিয়াছিলেন।

সকলের নয়নেই প্রেমধারা। সকলেই মনের সাথে প্রভুর হাতে নানাবিধ ভক্ষ দ্রব্য প্রদান করিতে লাগিলেন, কল্পণাময় প্রভু মহাযোগেশ্বরভাবে সহস্র সহস্র ভাণ্ড দধিহৃত্য ক্ষীর, সহস্র সহস্র কদলী, রাশিকৃত মুদগ, পুঞ্জীকৃত নারিকেল, রাশি রাশি সন্দেশ, ও ফলমূল ভক্ষণ করিলেন। ভক্তগণ চমৎকৃতভাবে প্রভুর সেই মহাপ্রকাশ লীলা সন্দর্শন করিলেন। ইহার পরে তিনি ভক্তগণকে ডাকিয়া ডাকিয়া প্রতিজনের জীবনের এক একটি শুভতম ঘটনা প্রকাশ করিয়া বলিতে লাগিলেন। একজনকে বলিলেন, “ওরে, তোমার মনে আছে কি, একদিন তোমার ভয়ানক জ্বর হইয়াছিল, আমি নিশীথে বিপ্ররূপে তোমার কাছে বলিয়া সে রোগের শাস্তি করিয়া দিয়াছিলাম।” শুনিয়া সে তরুটী অমনি মন্তক অবনত করিয়া প্রভুর চরণতলে প্রণত হইলেন।

গঙ্গাদাসকে বলিলেন, “গঙ্গাদাস একদিন রাজভরে নিশাকালে তুই সৰ্পগ্নিকরসহ পালাইতে চেষ্টা করিয়াছিলি, কিন্তু গঙ্গাঘাটে

আসিয়া খেয়ানোক। না পাইয়া, মহাসঙ্কটে পড়িয়া আমার স্বরণ গ্রহণ করিয়াছিলি ; তোর তখন এমনও মনে হইয়াছিল, যে যবনের ভয়ে গঙ্গার কাঁপ দিয়া প্রাণত্যাগ করিবি । তখন সেই রাত্রিশেষে খেয়ানোক। লইয়া তোকে পার করিয়া দিয়াছিলাম, মনে আছে কি ?”

গঙ্গাদাস বলিলেন—“ঠিক কথা । সে কি তুমি ?” এই বলিয়া “তুমি” “তুমি” বলিতে বলিতে গঙ্গাদাস মূর্ছিত হইয়া ভূমিতে পড়িলেন । সারাদিন এইরূপ বিবিধ অর্চনার ও অদ্ভুত অদ্ভুত ঘটনার অতিবাহিত হইল । সন্ধ্যা দেখা দিল । আরত্ৰিক আরম্ভ হইল । শঙ্খ, ঘণ্টা, কাঁকর, করতাল, মন্দিরা, মৃদঙ্গের রাগ ও জয় জয় নিনাদে শচীনন্দনের আরত্ৰিক-সমারোহে শত শত ভক্ত মাতিয়া উঠিলেন । শ্রীবাসের অঙ্গনে বৈকুণ্ঠ-ঐশ্বর্য ও বৈকুণ্ঠ-বৈভব প্রকাশ পাইল ।

আরত্ৰিক অন্তে শ্রীভগবান্ ভক্তগণকে বর প্রদান করিবেন বলিয়া ঘোষণা করিলেন । ভক্তগণের মধ্যে কেহ কেহ শ্রীবৃন্দাবন-মাধুর্য্য, কেহ সাক্ষাৎ বৈকুণ্ঠবৈভব প্রভৃতি স্বপ্নভাবামুখ্যায়ী রূপ-লীলাধামাদি দর্শন করিতে লাগিলেন । ভক্তগণের মধ্যে ভগবদ্ভক্তি-ভিন্ন অপর কোন বর কেহই গ্রহণ করিলেন না ।

শ্রীকৃষ্ণ যখন অর্জুনকে বিশ্বরূপ দেখাইয়া বিস্মিত করিতেছিলেন, তখন সেই রূপ দেখিতে দেখিতে অর্জুন অত্যন্ত বিম্বল হইয়া পড়িলেন । তিনি বলিলেন, “সখে, আমি তোমার এই রূপ দেখিয়া কিছুতেই শাস্তিলাভ করিতে পারিতেছি না, অস্থির হইতেছি । তুমি এই রূপের উপসংহার কর । মহাপ্রকাশ দর্শনে গৌরভক্তগণের মধ্যেও সেই ভাবের সঞ্চার হইল । রাত্রিশেষে

আচার্য্য প্রভু বলিলেন, “ঠাকুর বধেই হইয়াছে, আর তোমার এই পারমৈশ্বর্য্য আমরা সহিতে পারি না, আমরা ক্ষুদ্র মানব,—ভজন-সাধনবিহীন—তোমার এ অলসপ্রভাবে আমরা অধীর ও অস্থির হইয়া পড়িতেছি। প্রভো, শীঘ্র এ রূপ পরিহার কর।”

শ্রীগৌরসুন্দর বলিলেন “তথাস্তু”।—এই কথা বলিতে না। বলিতেই তিনি মুচ্ছিত হইয়া পড়িলেন। সকলেই তাঁহাকে ধেরিয়া বলিলেন—দেখিলেন চेतনার লেশ নাই। ইহারা তখন এক নূতন বিপদে পড়িলেন। দণ্ডের পর দণ্ড বাইতে লাগিল, নিমাইর শ্বাস আর বহিল না, দেহ নিস্পন্দ, জীবনের চিহ্নমাত্র নাই। রাত্রি প্রভাত হইল, নিমাইর নাড়ী-স্পন্দন পর্য্যন্ত পাওয়া গেল না। ক্রমে বেলা হইল, ভক্তগণ নানাপ্রকার ব্যস্ত করিলেন, কিন্তু নিমাইর চেতনা কিরিয়া আনিতে পারিলেন না। ভক্তগণ বিষম ও শোকাকুল হইয়া রোদন করিতে লাগিলেন। তাঁহার হস্তপদ অসার অবশর হ্রাস পড়িয়া রহিল। ভক্তগণ যেখানে যে অবস্থার হস্তপদ রাখিলেন, সেইখানে তেমনি পড়িয়া রহিল—সর্ব্বদা একেবারে অসার। ভক্তগণের তখন আর বিন্দুমাত্রও আশা রহিল না, সকলেই স্থির করিলেন,—নিমাই তাহাদিগকে চিরদিনের তরে ছাড়িয়া গেলেন,—চারিদিকে শোকের হাহাকার উঠিল। অনেকেই ‘হা নিমাই, হা বিশ্বস্তর’ বলিয়া বক্ষে করাঘাত করিয়া উচ্চৈঃস্বরে কাদিতে লাগিলেন।

শ্রীঅম্বৈত প্রভু বলিলেন,—“আমি কিন্তু এখনও নিরাশ হই নাই, এই যে আড়াই প্রহরকাল ইনি মৃতবৎ পড়িয়া রহিয়াছেন,

কিন্তু ইহার মুখমণ্ডলের লাবণ্য যেমন ছিল তেমনই আছে ।
কৃষ্ণনাম-কীর্তনে ইহার মূৰ্ছাভঙ্গ হয়, ইহা দেখিয়াছি । একবার
কৃষ্ণকীর্তন-করিয়াই দেখা যাউক ।” তখন শ্রীমদ্বিত্যানন্দ ও
শ্রীবাসাদি ভক্তগণ সমবেত হইয়া কৃষ্ণকীর্তন করিতে লাগিলেন ।
‘নাম’ শুনিয়া শ্রীঅঙ্গে পুলক দেখা দিল, ভক্তগণ তাহা লক্ষ্য
করিয়া পুলকিত হইলেন । ক্রমে ক্রমে ধীরে ধীরে জীবনের
চিহ্ন দেখা দিল, ধীরে ধীরে নিমাই উঠিয়া বসিলেন—বসিয়া
জিজ্ঞাসা করিলেন, “আমাকে লইয়া তোমরা এত ব্যস্ত কেন ?
আবার কি আমার মূৰ্ছা হইয়াছিল ?” তোমাদিগকে না জানি
কত কষ্টই দিয়াছি । তোমরা আমার কমা কর ।”

অদ্বৈত বলিলেন “তোমার রক্ত তুমিই জান । তুমি এই ভক্ত,—
আবার এই ভগবান্ । তোমার পক্ষে কিছুই অসম্ভব নয়, এখন
গৃহে চল ।” এই বলিয়া ভক্তগণ তাঁহাকে স্বগৃহে লইয়া গেলেন ।

এই মহাপ্রকাশে ভক্তমাত্রকেই প্রভু আপন আপন ইষ্টমুক্তি
দেখাইয়া পরিতুষ্ট করিলেন । যথা শ্রীচৈতন্যভাগবতে :—

বার বেন মত ইষ্ট প্রভু আপনার ।

সেই বিশ্বস্তুর দেখে সেই অবতার ॥

মহামহা পরকাশ ইহারে সে বলি ।

এমত কররে গৌরচন্দ্র কৃতহণী ॥

সাত প্রহর ব্যাপিয়া মহামহা প্রকাশে ভক্তগণ ও জন সাধারণ
বিস্মিত, স্তম্ভিত, চমৎকৃত ও মুগ্ধিত হইয়াছিলেন ।

পতিত-উদ্ধার ।

জীবের প্রতি করুণা-প্রকাশই,—দয়াময় শ্রীভগবানের অব-
তারের এক প্রধান কারণ । শ্রীগোরাঙ্গমুন্ডের মহাপ্রকাশের পর
ইহাতে জীবের প্রতি অধিকতর দয়ালু হইলেন । তারকব্রহ্ম হরিনামে
পতিত পাবতীদিগকে উদ্ধার করার জন্য তিনি মহাশক্তিশালী
শ্রীমরিত্যানন্দ ও শ্রীমদ্ ব্রহ্মহরিদাসের প্রতি ভার অর্পণ করিলেন,
যথা শ্রীচৈতন্যভাগবতে :—

শুন শুন নিত্যানন্দ শুন হরিদাস ।

সর্বত্র আমার আজ্ঞা করহ প্রকাশ ॥

প্রতি ঘরে ঘরে গিয়া কর এই ভিক্ষা ।

“কৃষ্ণভজ, কৃষ্ণবোল, কর কৃষ্ণশিক্ষা ॥”

বিশ্বস্তর বলিয়া দিলেন, “ইহা ব্যতীত আর কিছু বলিবে না,
কোথায় কি ভাবে তোমাদের কার্য্য হইল, দিবা অবসানে আসিয়া
আমাকে সে সংবাদ প্রদান করিও ।”

‘ আদেশ পাইয়া নিত্যানন্দ হরিদাস রাজপথে বাহির হইলেন,
মুখে,—কেবল ঐ এক বোল :—

কৃষ্ণপ্রাণ, কৃষ্ণধন কৃষ্ণ সে জীবন ।

হেন কৃষ্ণ বল ভাই হঞা এক মন ॥

ঘারে ঘারে দাঁড়াইয়া নিতাই ও হরিদাস এই মহামন্ত্র প্রচার
আরম্ভ করিলেন । ইহাদের রূপে, ভাবে, সরল ও মূল্যহীন নাথ-

উচ্চারণে নবদ্বীপের আবালবৃদ্ধ নরনারী সকলেই যুদ্ধ ও আকৃষ্ট হইলেন। ঘরে ঘরে কৃষ্ণকথার স্তূত্রপাত হইল—হরিনামের বীজ পবিত্রধামে অঙ্কুরিত হইল। প্রভু নিতাই ও ঠাকুর হরিন্দাস এইরূপে প্রতিদিন নাম প্রচার করিতেন এবং দিবা অবশানে শ্রীগৌরানন্দের নিকটে আসিয়া দিনমানের কার্য্যবিবরণ বলিতেন।

কিন্তু একদিন বড় বিপত্তি ঘটিল। নিতাই ও হরিন্দাস যদিও অনেকদিন ধরিয়া নবদ্বীপে রহিয়াছেন কিন্তু স্থানায় অবস্থা ইহাদের বড় ভাল জানা ছিল না। জানিবার কারণও ছিল না। প্রেমিক ভক্তের সহিত বহির্জগতের সম্বন্ধ-চিরদিনই অল্প। এইদিন যখন ইহারা হরিনাম করিতে করিতে অগ্রসর হইতেছিলেন, সহসা দেখিতে পাইলেন—সম্মুখে দুইটা মহাদস্যু ; অবস্থা দেখিয়াই বুঝিলেন ;—দস্যু দুইটা মস্তপানে উন্নতপ্রায়, হেলিয়া টলিয়া চলিতেছে, বিকট শব্দ করিতেছে, চক্ষু দুইটা আরক্ত, ঠোঁঠের প্রান্ত বহিয়া ফেন পড়িতেছে, চকার বকার শব্দে শিষ্ট লোকদের ত্রাস জন্মাইতেছে, সম্মুখে বাহাকে দেখিতে পাইতেছে, তাহার দিকেই ধাইয়া আসিতেছে।

নিত্যানন্দ ও হরিন্দাস জানিতে পাইলেন,—ইহারা দুইটা সহোদর ভাই, নাম জগাই মাধাই ; ভালনাম—জগন্নাথ ও মাধব। ভাল ব্রাহ্মণকুলে ইহাদের জন্ম। কিন্তু মত্তমাংস এমন কি গোমাংস পর্য্যন্ত ইহাদের উদরে ঢুকিয়া ইহাদিগের সর্ব্বধর্ম্ম বিনষ্ট করিয়াছে। চুরি ডাকাতি, গৃহদাহ, পরের জাতিনাশই ইহাদের জীবনের কার্য্য। ইহাদের ভয়ে নদীয়ার নরনারী সর্ব্বদাই বিকম্পিত। রাজ সরকারের লোকেরা ইহাদের বাধ্য। নিত্যানন্দ

এই বিবরণ শুনিয়া আনন্দিত হইয়া বলিলেন “ঠিক হয়েছে পাণীদের উদ্ধারের জন্তই আমার প্রভু অবতীর্ণ হইয়াছেন, আজ ঠিক উপযুক্ত পাত্রই পাওয়া গিয়াছে :—

পাণী উদ্ধারিত প্রভু কৈল অবতার ।

এমত পাতকী কোথা পাইবেন আর ॥

প্রভু যদি এই ছই জনকে উদ্ধার করিতে পারেন, তবে সকলেই তাঁহার প্রভাব বুঝিতে পারিবে ।” নিতাই মনে মনে বলিতে লাগিলেন, প্রভো যদি তুমি এই ছই উন্নত আত্মাহারা মন্তপকে কৃষ্ণ নামে উন্নত ও আত্মাহারা করিয়া তুলিতে পার, তবে বুঝিব তুমি প্রকৃতই আমার প্রভু । এই নদীরার পথে পথে জৈষ্ঠ্যের নিদারুণ রোদ্রে ঘুরিয়া বেড়াইতেছি, যদি এই ছই দম্ভ্য উদ্ধারলাভ করে, তবে সকল শ্রমই সফল হইবে ।” যথা শ্রীচৈতন্ত ভাগবত—

তবে হও নিত্যানন্দ চৈতন্তের দাস ।

এই ছইরে কবে! যদি চৈতন্ত প্রকাশ ॥

এখন যে মদে মত্ত আপনা না জানে ।

এই মত হয় যদি শ্রীকৃষ্ণের নামে ॥

“মোর প্রভু” বলি যদি কান্দে ছই জন ।

তবে সে সার্বক মোর যত পর্য্যটন ॥

শ্রীমন্নিত্যানন্দপ্রভু বস্তুটিকে, পাঠক ইহাতেই তাহা বুঝিতে পারিতেছেন । শ্রীমন্নিত্যানন্দ ননের কথা হরিদাসকে বলিলেন । উভয়ে স্থির করিলেন—এই ছই জনকে হরিনাম দিতে হইবে । এই বলিয়া উহাদের নিকট অগ্রদর হইতে লাগিলেন ।

সত্যভদ্রা লোকেরা বাধা দিয়া বলিতে লাগিলেন—“বিদেশী
সন্ন্যাসী ঠাকুর, ওদিকে কোথা যাচ্ছ—ওখানে আর কেহ নয়,—
জগাই মাধাই ! উহারাই নবদ্বীপের রাজা, উহাদের হাতে পড়িলে
এমন কেহ নাই যে রক্ষা করে।” নিতাই বলিলেন—“রক্ষাকর্ত্তা
এক মাত্র মধুসূদন । কৃষ্ণই সকলের রক্ষক, আমরা উহাদিগকে হরি
শ্যাম শুনাইব।” ছষ্টলোকেরা মনে মনে হাসিয়া ভাবিতে লাগিল
“এবার বেশ রঙ্গ দেখা যাবে।”

নিতাই ও হরিদাস দুই দস্যুর নিকটে উপস্থিত হইয়া বলিতে
লাগিলেন :—

বল কৃষ্ণ, ভজ কৃষ্ণ, লহ কৃষ্ণ নাম ।

কৃষ্ণ মাতা কৃষ্ণ পিতা কৃষ্ণ ধনপ্রাণ ॥

তোমা সভা লাগিয়া কৃষ্ণের অবতার ।

হেন কৃষ্ণভজ সব ছাড় অনাচার ॥

মদের নেশায় জগাই মাধাইর একটুকু বুঝ ধরিয়াছিল,—নাম
শুনিয়া বুঝ ভাবিয়া গেল,—আরক্তলোচনে মাথা তুলিয়া চাহিয়া
মাধাই গজিয়া উঠিল—“কে-রে ব্যাটা—কেষ্ট কেষ্ট,—এখনি তোদের
কেষ্ট দেখাচ্ছি,—এই ঙ্গাখ” এই বলিয়া দুই ভাই দুই ভীষণ লগুড়
লইয়া দাঁড়াইল এবং “ধর ধর” বলিয়া পশ্চাৎ ছুটিল । নিত্যানন্দ
স্বভাবতঃই চঞ্চল ও বলবান্, হরিদাস ধীর, বয়োবৃদ্ধ ও দৌড়িতে
অসমর্থ । নিতাই হরিদাসের হাত ধরিয়া উহাকে টানিয়া লইয়া
অনেকদূরে আসিলেন । জগাই মাধাই স্থলকার, দৌড়িতে অসমর্থ,
তাহাতে মস্তপানে বিভোর, উহারা অনেকদূরে পড়িয়া রহিল বটে

কিন্তু পাছ ছাড়িল না। পথের লোক ভয়ে পথ ছাড়িয়া চলিয়া গেল। দুর্জনেরা রক্ত দেখিতে লাগিল। হরিদাস ক্লান্ত হইয়া বলিলেন, —“ঠাকুর একটুকু দাঁড়াও, আমার ছই দিকেই প্রাণান্ত। না দৌড়িলেও দস্যুর লগুড়ে প্রাণ যাইবে, আর দৌড়াইতে গিয়াও হার ধরিতেছে। দস্যুরা দূরে আছে, একটুকু দাঁড়াও।”

নিতাই। বিষম ব্যাপার। ভাল বৈষম্য করিতে আসিয়া-ছিলাম। এখন প্রাণ রক্ষা হইলে হয়!

হরিদাস। তোমার যেমন বুদ্ধি, আজ অপমৃত্যুতেই প্রাণ যাবে। মাতালকে কৃষ্ণউপদেশ দিতে গিয়াছিলে, তেমনি তাহার উচিত শাস্তি। এখন প্রাণমাত্র অবশেষ।

নিতাই। যদি মাতালকে কৃষ্ণনামে উদ্বৃত্ত না করিতে পারি, তবে প্রাণে প্রয়োজনই বা কি? ঠাকুরের আদেশেরই বা অর্থ কি, চল যাই ঠাকুরকে বলিগে।

হরিদাস। সে তো তোমারই কৃপা। তুমি যখন কোমল বাধিয়াছ তখন উহারা নিশ্চয়ই উদ্ধার পাইবে, তাহাতে আর সন্দেহ কি? কিন্তু ঐ দেখ উহারা আমাদের প্রায় নিকটে আসিয়াছে।

দস্যুদ্বয়। যাবে কোথা বাবা,—আজ আর এড়াইবার পথ নাই, জাননা বুঝি—এই জগামাধাই নদীয়ার রাজা।

নিতাই। ঐ এলো ঐ এলো, এস আবার দৌড়াই।

এই বলিয়া হরিদাসের হাত ধরিয়া চকল নিতাই “মধুসূদন রক্ষা কর, গোবিন্দ রক্ষাকর” বলিয়া হাসিতে হাসিতে আবার দৌড়িতে লাগিলেন।

হরিদাস । থাম থাম, আর পারি না । আমি বৃদ্ধ,—তোমার সহিত কি আমি দৌড়িতে পারি ? তুমি চিরচঞ্চল,—তোমার বুদ্ধিতেই তো আজ এই বিপত্তি ।

নিতাই । তুমি ত আচ্ছা বুড় ! বল দেখি, আমার কি অপরাধ ? তোমার ঠাকুরের কথা মনে ভাবনা । তিনি যেন একটি মহারাজ, তাঁহার আদেশ শুনেছ তো—“হরিনাম প্রচার করিতেই হইবে । কেহ যেন বঞ্চিত না হয় ।”

হরিদাস । সে তোমারই কাজ । বাঘের হাতে পড়িতেও ভয় নাই, কুমীরের মুখেও ভয় নাই, ভাল লোককেও মাতাল করিতে মজবুত, আর মাতাল কেপাইতেও মজবুত, আবার দৌড়িয়া পালাইতেও তেমনি পটু । তোমার কাজ তুমিই করিবে ।

নিতাই । তোমাকে ছাড়া কিছুই হইবে না । ভয় করিলে চলিবে কেন ? ভয় কর তো সে কথা প্রভুর নিকট বলিও । ঠাকুর নিকট যত সাধুত্ব, যেন নিরীহ ভাল মানুষটী ।

হরিদাস । (ফিরিয়া চাহিয়া) বাঁচা গেল । ঐ দেখ মদমন্ত দম্ভা দুইটা পথের ধূলায় পড়িয়া নিজেরাই হুড়হুড়ি করিতেছে । এখন ধীরে ধীরে চল ।

নিতাই । হৃদিশা দেখেছ, এদের উদ্ধার না হইলে আমি আর কখনও হরিনাম মুখে আনিব না । ঠাকুরকে আজ স্পষ্টই বলিব ।

এই বলিয়া দুইজন আনন্দ-কোন্দল করিতে করিতে শ্রীগৌরানন্দের নিকট উপস্থিত হইয়া যথায়থ ঘটনা বলিলেন । শ্রীগৌরানন্দ

দস্যুদ্বয়ের বিশেষ বিবরণ জানিতে উৎসুক হইলেন। গঙ্গাদাস ও শ্রীনিবাস উহাদের সকল পরিচয় বলিলেন।

শ্রীগোরাঙ্গ। বুঝিলাম, সেই দুইটা দস্যুর নাম জগাই মাধাই। এখানে আসিয়া হরিনামে বাধা জন্মাইলে তৎক্ষণাৎ থণ্ড থণ্ড করিয়া ফেলিব।

নিতাই। তা তুমি করিও, কিন্তু এই দুই দস্যুর উদ্ধার না হইলে আমি কখনও কৃষ্ণনাম মুখে আনিব না। আর তোমার কথাও শুনিব না। বল,—নিশ্চয় করিয়া বল—ইহাদিগকে উদ্ধার করিবে কি না? সাধুরা স্বভাবতই কৃষ্ণনাম করে, কিন্তু ইহাদিগকে যদি উদ্ধার করিতে পার তবে জানিব, তুমি যথার্থই—পতিতপাবন।

আমারে তরিয়া যত তোমার মহিমা।

ততোধিক এহুহার উদ্ধারের সীমা ॥

শ্রীগোরাঙ্গ। শ্রীপাদ, ইহারা যখন তোমাদের দর্শন লাভ করিয়াছে, ইহাদের উদ্ধারের আর বাকী কি?

বিশেষ চিন্তহ তুমি এতেক মঙ্গল।

অচিরাতে কৃষ্ণ তার করিবে কুশল ॥

অবৈতাদি ভক্তগণ এই কথায় আনন্দে হরিধ্বনি করিলেন। সকলেই মনে করিলেন, এবার জগাই মাধাইর উদ্ধার হইল।

শ্রীগোরাঙ্গসুন্দর ভক্তগণকে সন্বোধন করিয়া বলিলেন, “এই কলিয়ুগে হরিনাম-সঙ্কীৰ্ত্তনই পাতকি-পরিভ্রাণের মহামন্ত্র। তোমরা একত্র মিলিত হইয়া সৰ্ব্বত্র হরিনাম প্রচার কর, নগরে নগরে

উচ্চ সঙ্কীৰ্ত্তন করিতে হইবে। শ্রুদজাদি-বাদক ও গায়ক যে যে
 খানে আছে সকলকে সম্মিলিত কর, যথা শ্রীটৈত্তমঙ্গলে :—

হরিনাম সংকীৰ্ত্তন কলিযুগধর্ম ।

নাম গুণ-সঙ্কীৰ্ত্তনে সাধি সব কর্ম ॥

আনহে যেখানে যেবা আছে ভক্তগণ ।

মিলিয়া সকল লোক কর সঙ্কীৰ্ত্তন ॥

পরদিন যথাসময়ে দলে দলে ভক্তগণ সঙ্কীৰ্ত্তনানন্দে যোগদান
 করার জন্ত সমাগত হইলেন। নিত্যানন্দ, অদ্বৈত, হরিন্দাস
 ত্রিনিবাস, মুরারিগুপ্ত, মুকুন্দদত্ত, চন্দ্রশেখর, গুরাধর প্রভৃতি
 শ্রীগোরাক্তভক্তগণ সম্মিলিত হইলেন। কীৰ্ত্তন আরম্ভ হইল।
 কীৰ্ত্তন-সম্প্রদায় কীৰ্ত্তন করিতে করিতে অগ্রসর হইলেন।

সুধামধুর কীৰ্ত্তনরোলে নগরবাসী আনন্দে মাতিয়া উঠিলেন,
 কিন্তু জগাই মাধাইর ইহাতে বড় ক্রোধ হইল। উহারা সারানিশি
 মদমত্তাবস্থায় নানাপ্রকার হুঙ্কার করিয়া দিবাভাগে ঘুমাইয়া
 পড়িয়াছিল। উহারা কীৰ্ত্তনরোলে জাগিয়া উঠিল। মদঘূর্ণিতলোচনে
 গর্জন করিতে করিতে ভৃত্যদিগকে হুকুম দিল “দাখ্ত রাজপথে
 কে হুলা করিতেছে, আমাদের বাড়ীর নিকটে নামীকীৰ্ত্তনের হুলা—
 বেটাদের সাহস জ্ঞাখ। এখনই বৈরাগী বেটাদের মুণ্ডপাত করিয়া
 ছাড়িয়া দিব। উহাদিগকে বলিয়া এস,—ফের গোলযোগ করিলে
 উহাদের প্রাণপর্ষান্ত এখানে রাখিয়া যাইতে হইবে।”

সংবাদবাহক সংবাদ দিল,—“ঠাকুর তোমরা অপর পথে যাইয়া
 কীৰ্ত্তন কর, এই পথে ঐ জগাই মাধাইর বাড়ী, ইহারা কুক

বিষ্ণু ধানে না, নাধু সন্ন্যাসী ব্রাহ্মণপণ্ডিত মানে না। ইহাদের অত্যন্ত প্রতাপ। তোমাদের গান শুনিয়া ছুই ভাইর ঘুম ভাঙ্গিয়াছে ইহারা অত্যন্ত ক্রুদ্ধ হইয়াছে, শেষে জাতি প্রাণ নিয়া টানাটানি হইবে। তোমরা অপর পথে গিয়া কীর্তন কর।”

শ্রীগোরাঙ্গ তাহাতে কর্ণপাত করিলেন না। দ্বিগুণবেগে কীর্তন আরম্ভ হইল, হরি হরি ধ্বনিতে সকল দিক মুখরিত হইল। ইহাতে জগাই মাধাইর ক্রোধ আরও বাড়িয়া উঠিল। ইহার উপরে প্রহরী যখন ফিরিয়া গিয়া সংবাদ দিল যে, ঠাকুরেরা তাহার কথায় কর্ণপাত করেন নাই তখন মাধাই ক্রোধে উন্মত্ত হইয়া ঘরের বাহির হইল, জগাইও তাহার পশ্চাৎ ছুটিল। ছুই ভাই চণ্ডমুর্ত্তিতে রাজপথের পার্শ্বে দণ্ডায়মান হইল। তখনও কীর্তন সম্প্রদায় দূরে রহিয়াছেন।—কিন্তু শ্রীপাদ নিত্যানন্দের আগ্রহ সর্বাপেক্ষা বেশী— কেন না জগাই মাধাইর উদ্ধার করিতেই হইবে। তাই তিনি সম্প্রদায় ছাড়িয়া মোড় ঘুরিয়া অনেকদূর চলিয়া আদিয়াছেন, তাহার শ্রীমুখে—অবিরাম স্নমধুর হরিনাম। নিতাই দূর হইতে দেখিলেন বিকটমুর্ত্তি মহাদাস্য জগাই মাধাই উগ্র মুর্ত্তিতে রাজপথে দণ্ডায়মান। আজ নিতাইর মনে ত্রাস নাই,—আজ মায়ের কোমল করুণা হৃদয়ে লইয়া নিতাইচাঁদ জগাই মাধাইর উদ্ধারার্থ উপস্থিত। সে তর্জ্জনগর্জ্জন শুনিয়া,—সেই ভীম ভৈরব উগ্রচণ্ডমুর্ত্তি দেখিয়া— নিতাইর হৃদয় হৃৎখে বিগলিত হইতে লাগিল। কোমল হৃদয়ের করুণার বাধ ভাঙ্গিয়া গেল,—নয়ন ফুটিয়া অশ্রুবিন্দু নয়ন কোণে দেখা দিল, সিদ্ধ কবি ঠাকুর বৃন্দাবন দাস লিখিয়াছেন :—

দীন দয়ার্দ্ৰচিত্ত নিত্যানন্দ রায় ।

অশ্রুপূর্ণ লোচনেতে ছুঁ পানে চায় ॥

নিতাই প্রকৃতপক্ষেই জীবের চুঃখে কান্দিয়া ফেলিলেন, মনে মনে ভাবিতে লাগিলেন,—“হায়রে যে জীবের হৃদয় কৃষ্ণ-প্রেমের অধিষ্ঠানক্ষেত্র,—সেই হৃদয়ের এই দুর্দশা ! দয়াল নিতাই জগাই মাধাইর মুখের দিক চাহিয়া,—“হরি হরি—“জয় জয় গৌর হরি” বলিয়া কান্দিতে লাগিলেন ।

কিন্তু করুণার এই সাক্ষাৎ শ্রীমুক্তি দেখিয়াও ছুই দস্যুর প্রাণ গলিল না । মাধাই হরিনাম শুনিয়া আরও উত্তোজিত হইল, যদিও তাহার হাতে দণ্ড ছিল, কিন্তু নিকটবর্তী না হইলে ত দণ্ড দিয়া আঘাত করা যায় না । মাধাইর সে বিলম্বটুকুও সহিল না । হায়, বলিতে হৃদয় বিদীর্ণ হয়—সে পথ হইতে একটা কলসীর কানা তুলিয়া লইয়া করুণা-কোমল নিত্যানন্দের কপালে সজোড়ে নিক্ষেপ করিল । আর অমনি কানার আঘাতে নিতাইর কপাল দিয়া তীরের মত রক্ত ছুটিয়া পলকে তাঁহার শ্রীঅঙ্গ রক্তাক্ত করিয়া ফেলিল । নিত্যানন্দ অচল ও অটলভাবে “গৌর গৌর” বলিতে বলিতে—নাচিতে নাচিতে ছুই বাহ প্রসারণ করিয়া মাধাইর দিকে অগ্রসর হইতে লাগিলেন । যথা শ্রীচৈতন্য-মঙ্গলে :—

কুটিল মুটকী শিরে রক্ত পড়ে ধারে ।

গৌর বলি নিত্যানন্দ আনন্দে নৃত্য করে ॥

কেবল নৃত্য মিন্ন পরম দয়াল নিতাইর কথা শুনুন :—

মারিলি কলসীয় কাণা সহিবারে পারি ।
তোদের দুর্গতি আমি সহিবারে নারি ॥
মেরেছিস মেরেছিস মোর তাহে ক্ষতি নাই ।
সুমন্থর হরিনাম মুখে বল ভাই ॥

যিনি জীবের চির সুহৃৎ ও করুণাময়, সেই করুণার দেবতা ভিন্ন, একথা আর কে বলিতে পারে ? নিতাই এই যে কথাটি বলিলেন ইহা সরলতা-মাথা ও প্রেমমাথা । জগাই, মাধাইর এই কুকাণ্ড দেখিয়া পূর্বেই দুঃখিত হইয়াছিল । মানুষ যতই পাষাণ হউক তাহার হৃদয়ের কোমলবৃত্তি ও আয়তন একবারে উন্মূলিত হয় না । জগাই এই ব্যাপার দেখিয়া স্তম্ভিত হইয়া দাঁড়াইয়াছিল । নিতাই যেই বাহুপ্রসারণ করিয়া বলিতে লাগিলেন “ভাই মাধাই, তুমি আমার মেরেছ তা বেশ করেছ, আরো আরো, কিন্তু ভাই একবার চাঁদবদনে হরিবল” ।

মাধাই হরিনাম শুনিয়া এবং এই ভাব দেখিয়া আরও ক্রোধ হইল, আবার হাতে আর একটা কাণা তুলিয়া লইয়া নিতাইর দিকে লক্ষ্য করিতেই জগাই উহার হাত ধরিয়া ফেলিল । জগাইর হৃদয়ে তখন অত্যন্ত ক্রোধ হইয়াছে, জগাই রুষ্টভাবে বলিল, “আরে মাধা তুই কচ্ছিস কি ? তোর হৃদয় এতই নিষ্ঠুর ! এ বিদেশী সন্ন্যাসী ঠাকুর তোর কি করছে, এ অবধূতকে মারিয়া তোর কি বাহাত্তরী হইল—বল দেখি ।”

মাধাই ক্রোধে কাঁপিতে লাগিল । নিতাইর মস্তক হইতে রক্ত পড়িয়া মুখখানি ভাসিয়া যাইতেছিল, কিন্তু মুখখানি তখনও

করুণানিধি । সে নয়নে তখদণ্ড তেমনি প্রেমময় মধুর ভাব । জগাই বলিল, “সন্ন্যাসী ঠাকুর তোমার বড় ক্লেশ হইয়াছে, কিছু মনে করিও না ।”

নিতাই বলিলেন, “ইহাতে আমার কোনও কষ্ট হয় নাই, মাধাই আমাকে শতবার মুটকৌ ছুড়িয়া মারুক, তাতে আমার কোন কষ্ট নাই কিন্তু মাধাই হরিনাম করুক, জীবের হুর্গতি আমি সহিতে পারি না ।”

যখন এইরূপ কথোপকথন হইতেছে তখন এই সংবাদ শুনিয়া সহসা শ্রীগৌরানন্দ নক্ষত্রবেগে ঘটনাস্থলে আসিয়া উপস্থিত হইলেন । অন্তান্ত সকলেই সঙ্কীর্ণনে প্রমত্ত ছিলেন, শ্রীগৌরানন্দ আদেশ করিয়া আসিলেন, “সকলে এখানে থাকিয়াই কীর্তন কর, আমি আসিতেছি ।” এই বলিয়া তিনি একক কীর্তন ছাড়িয়া চলিয়া আসিয়া দেখিলেন, করুণাময় নিতাইর কপাল হইতে রক্ত প্রবাহিত হইয়া তাঁহার শ্রীঅঙ্গ শোণিত-সিক্ত হইয়া পড়িয়াছে । আর নিতাই দুই বাহু তুলিয়া আনন্দে প্রেমভরে হরিনাম করিতেছেন ।

তিনি ব্যতিব্যস্ত হইয়া নিতাইকে ধরিয়া নিজের বস্ত্রে তাঁহার রক্ত মুছাইয়া দিতে লাগিলেন । এ দৃশ্য দেখিয়া তাঁহার প্রাণ বিদীর্ণ হইতে লাগিল । তখন সেই কনককাস্তি জ্যোতির্ময় শ্রীগৌর-ভগবানের নয়ন হইতে যেন অগ্নিকুলিঙ্গ নির্গত হইতে লাগিল । তাঁহার মুখের দিকে চাহিতে চাহিতে মাধাই আর চাহিতে পারিল না । সে সহসা মস্তক অবনত করিল ; মস্তক অবনত করা মাধাইর সমগ্র জীবনের মধ্যে এই প্রথম ঘটনা । সে কখনও

কাহারও নিকট মস্তক অবনত করে নাই। সমুত্তেজিত ফণাধর সর্প সর্পবৈষ্ণবের হস্তস্থিত দ্রাবাবিশেষ দেখিলে যেমন সহসা মস্তক অবনত করে, শ্রীগৌরান্দের মুখের পানে চাহিয়াই মাধাইর আজ তেমনি দশা উপস্থিত হইল। সে আরও কতবার শ্রীগৌরান্দ-দর্শন করিয়াছে, কিন্তু এবার সে দেখিতে পাইল,—যেন তাঁহার সম্মুখে—সাক্ষাৎ সূর্য-গংহারী মহাস্তক মহাকাল।

শ্রীগৌরান্দ ঈষৎ ক্রোধ-কম্পিতস্বরে বলিলেন—“তোরা পাপিষ্ঠ, আমি তা শুনিয়াছি, তোদের ত্রায় ছরাচার এ নদীয়ায় নাই, তাহাও আমার জানা আছে। তোরা না করিয়াছিস এমন ভূঙ্খণ নাই, কিন্তু বিদেশী নিরপরাধ হরিনামপরায়ণ মহাপ্রেমিক সাধুসন্ন্যাসীর পবিত্র দেহে ও যে তোরা আঘাত করিতে পারিস, ইহা আমি জানিতাম না, আজ তাহা প্রত্যক্ষ দেখিলাম। আজ এ পাপের প্রায়শ্চিত্ত গ্রহণ করিতে হইবে।” মাধাই ভূঞ্জে লজ্জায় ও ভরে মাথা আরও নামাইল।

এই বলিতে বলিতে শ্রীগৌরান্দসুন্দর “সুদর্শন সুদর্শন” বলিয়া আহ্বান করিতে লাগিলেন। মুরারিগুপ্ত,—রামদাস। তাঁহার দেহে কখন কখন বীরবর শ্রীহনুমানের আবেশ হইত। তখন আসিয়া মুরারি গর্জিয়া বলিলেন, “প্রভো, সুদর্শন কেন, আমার আস্থা করুন আমিই ইহাদিগকে এক্ষণেই বনালয়ে পাঠাইতেছি।”

জগাই মাধাই মুরারিগুপ্তের হুকুরে ভীত হইল না, সুদর্শনের আহ্বানেও ভীত হইল না, কিন্তু শ্রীগৌরান্দের নয়নকোণ হইতে কি-জানি-কেমন এক অগ্নিবৃষ্টি হইতেছিল, তাহাতেই উহারা বিস্মিত

স্তম্ভিত ও সন্ত্রস্ত হইয়া পড়িল। "উহাদের দেহ-বল ও লোক-বল
সংগেই ছিল। কিন্তু শ্রীগৌরান্দের সমক্ষে উহারা একেবারেই বিবশ
হইয়া পড়িল।

শ্রীগৌরান্দের উগ্রভাব দেখিয়া নিতাই ব্যাকুল হইয়া বলিলেন
“আল একি ভাব ! এ আত্মা বিস্মরণ কেন ? তোমার চরণরেণু-
স্পর্শেই কোটি কোটি পাপগুণী ত্রাণ পাইবে। এ অস্ত্রের যুগ নয়,
সংহারের যুগ নয়। এবার চরণধূলি দিয়া পাপীর হৃদয়-শোধন
করিবে, হরিনাম দিয়া পরিজ্ঞান করিবে। প্রভো এই দুইটি প্রাণ
আমায় তিক্ষা দাও। আমি ইহাদিগকে লইয়া দ্বারে দ্বারে
বেড়াইব, আর ইহাদিগকে দেখাইয়া সকলকে বলিব যে এই
দুইজন তোমার পতিতপাবন নামের সাক্ষী। ইহাদিগকে সশরীরে
নিস্তার কর।” যথা শ্রীচৈতন্যমঙ্গলে :—

দণ্ডবৎ হঞা গড়ে প্রভুর চরণে ।

এই দুই পতিত প্রভু দেহ মোরে দানে ॥

আর যুগে দৈত্য মারি করিলে উদ্ধার ।

সশরীরে এই দুইয়ের করহ নিস্তার ॥

করজোড়ে প্রভুরে বোলয়ে নিত্যানন্দ ।

না হলো নিস্তার কলি পাষণ্ড হরন্ত ॥

নিতাই যখন নিজের বাথা ভুলিয়া গিয়া জগাই মাধাইর উদ্ধা-
রের অন্তর্যুক্তকরে আর্ন্তস্বরে শ্রীগৌরান্দের নিকটে এইরূপ পরিহার
প্রার্থনা করিতেছিলেন, তখন রাজপথে বিশাল জনতা ;—সকলেই
স্তম্ভিত ও বিস্মিত,—জগাই মাধাই দুই ভাইয়ের অবস্থা দেখিয়া

সকলেই আশ্চর্য্যান্বিত, তাহাদের ঐনন জ্ঞান বিষয় মুখচ্ছবি নদীয়ায় আর কখনও কেহ দেখে নাই,—যেন মহানহা অপরাধী আজ বিচরকের সম্মুখে বিচারার্থ আনীত হইয়াছে ।

জগাইর নয়নে জল দেখা দিয়াছে, দেখিতে দেখিতে একবিন্দু জল গড়াইয়া পড়িল । তাহার অবস্থা দেখিয়া নিতাইর হৃদয় বিদীর্ণ হইল । নিতাই শ্রীগোরাঙ্গের মুখের দিকে চাহিয়া বলিলেন—ইহাদের কাহারও কোন দোষ নাই, আমার আঘাত অতি সামান্য, আমার কোন ক্রেশবোধ হইতেছে না, কিরূপে হঠাৎ আঘাত লাগিয়াছে, ‘হয়ত আমাকে ভয়দেখানই মাধাইর উদ্দেশ্য ছিল ; জগাইর কিন্তু কোনও দোষ নাই, জগাই তখনই মাধাইর হাত ধরিয়া বাধা দিয়াছিল ; দৈবে রক্তপাত হইয়াছে, আমি ব্যথা পাই নাই । এই দুইটী জীবকে আমার ভিক্ষা দাও, তুমি স্থির হও ।”

শ্রীগোরাঙ্গ যখন শুনিলেন, জগাই মাধাইকে বাধা দিয়াছিল তিনি আনন্দে উৎফুল্ল হইয়া বলিলেন, “জগাই, কৃষ্ণ তোমায় কৃপা করুন । তুমি নিত্যানন্দকে রক্ষা করিয়া আমায় ক্রয় করিয়া লইলে, তোমার কৃষ্ণভক্তি হউক, তুমি বরপ্রার্থনা কর ।” যথা শ্রীচৈতন্যভাগবতে :—

মাধাই মারিতে প্রভু রাখিল জগাই ।

দৈবে সে পড়িল রক্ত হুঃখ নাহি পাই ॥

মোরে ভিক্ষা দেহ প্রভু এ হই শরীর ।

কিছু হুঃখ নাহি মোর তুমি হও স্থির ॥

“জগাই রাখিল”—হেন বচন শুনিয়া ।

জগাইরে আলিঙ্গন করিলা সুখী হৈয়া ॥

জগাইরে বোলে “কৃষ্ণ কৃপা কর তোরে ॥

নিত্যানন্দ রাখিয়া কিনিলি তুই মোরে ।”

যে অভীষ্ট চিন্তে দেখ তাহা তুমি মাগো ।

আজি হৈতে হউক তোর প্রেম-ভক্তি লাভ ॥

এই কথা শুনামাত্রই জগাই কাঁপিতে কাঁপিতে মুচ্ছিত হইয়া পড়িল । মাধাই মন্তক অবনত করিয়া দাঁড়াইয়া রহিল, আর ঘন ঘন শ্বাস পড়িতে লাগিল । মাধাইর দেহ স্থির ও নিষ্পন্দ, নয়নে নিমেষ নাই । তাহা দেখিয়া নিত্যানন্দ আরও ব্যাকুল হইয়া বলিলেন :—

সকীর্জন আরম্ভে তোমার অবতার ।

কৃপায় সকল জীবের করিবে উদ্ধার ॥

যে মারিবে তারে যদি করিবে সংহার ।

কেমনে করিবে কলিজীবের উদ্ধার ॥

এই কথা বলিতে বলিতে নিতাই শ্রীগৌরানন্দের হাত ধরিয়া বলিলেন “করুণাময়, জগাইকে রক্ষা কর, জগাই অচেতনভাবে ধূলার লুপ্তিত । উহার বক্ষে একবার ঐ ভুবনপাবন শ্রীচরণখানি অর্পণ কর, তোমার চরণধূলির পরশে উহার ভক্তিলভি হউক ।

নিতাইর অনুরোধে শ্রীগৌরানন্দ্রের জগাইর বক্ষে শ্রীচরণ তুলিয়া দিয়া বলিলেন,—“শ্রীপাদ, তুমিই প্রকৃত পতিতপাবন, তোমার ভজিয়া জীব প্রেমধন লাভ করিবে, তুমিই কলিজীবের

উদ্ধারকর্তা। আমি কি তোমাদের কথা উপেক্ষা করিতে পারি।”
শ্রীগোরাঙ্গের শীতল চরণ বক্ষে পাইয়া জগাইর হৃদয়ে সহসা যে
আনন্দ সঞ্চার হইল, ব্রহ্মানন্দও তাহার তুলনায় অতি তুচ্ছ। তাহার
মুখমণ্ডলে এক অপূৰ্ণজ্যোতি ফুটিয়া উঠিল, দেহ রোমাঞ্চিত হইল,
নয়ন হইতে আনন্দাশ্রু বরিতে লাগিল।

মাধাই শ্রীগোরাঙ্গের প্রশান্ত-করণ প্রেমপূর্ণ মুখখানির দিকে
একবার ভাল করিয়া চাহিল—আবার জগাইর অবস্থা দেখিল—
মাধাইর তখন মোহ অন্ধকার দূরে গিয়াছে, সে বুঝিল শ্রীগোরাঙ্গের
চরণধূলায় তাহার দাদা জগাই যে আনন্দলাভ করিয়াছে, তাহা
ব্রহ্মারও হ্রস্বভ, সে আরও দেখিল ঠাকুরের শ্রীমুৰ্ত্তিতে এখন আর
সে উগ্রতা নাই, মাধাই “হা গোরাঙ্গ পতিতপাবন, তুমি আমার রক্ষা
কর, আমার স্নায় পতিতের ত্রাণ করিতে আর কে আছে” বলিয়া
তাঁহার চরণতলে গড়াইয়া পড়িল। যথা শ্রীচৈতন্যভাগবতে :—

হুই জনে এক ঠাকুর কৈলে প্রভু পাপ।

অমুগ্রহ কেনে প্রভু হয় হুই ভাগ ॥

নোরে অমুগ্রহ কর লও তোর নাম।

আনারে উদ্ধার করিবারে নারে আন ॥

ইতঃপূর্বেই ভক্তগণ এই সংবাদ পাইয়া ঘটনাস্থলে উপস্থিত
হইয়া স্তম্ভিতভাবে এই সকল ব্যাপার দেখিতেছিলেন। যখন
মাধাই ছিন্নমূল ক্রমের স্নায় শ্রীগোরাঙ্গচরণে নিপতিত হইলেন,
তখন ভক্তগণ “জয় গোরাঙ্গের জয়” বলিয়া দশদিক মুখরিত

করিয়া তুলিলেন—পলকের মধ্যে যেন নদীয়ার রাজপথে গোলক-
মাধুর্য্য ফুটিয়া উঠিল ।

শ্রীগৌরানন্দ বলিলেন—“মাধাই, তুমি শ্রীপাদ নিত্যানন্দের নিকট
অপরাধী, আমি তোমার উদ্ধার করিতে পারি না । যথা—

প্রভু বোলে তোর ত্রাণ নাহি দেখি মুঞি ।

নিত্যানন্দের অঙ্গে রক্ত পাড়িলি সে তুঞি ॥

মাধাই, তুমি শ্রীপাদ নিত্যানন্দের নিকট অপরাধী, তিনি যদি
তোমায় ক্ষমা করেন, তবেই তোমার পরিত্রাণ, তুমি তাহার
পায়ে পড় ।”

মাধাই তৎক্ষণাৎ নিতাই চরণতলে পড়িয়া কঁাদিতে কঁাদিতে
বলিতে লাগিলেন, “দয়াময়, করুণাময়, এ মৃত মহাপাপী, মহা
অজ্ঞান, কোটিজন্মে নরকে বাস করিয়াও এ পাতকীর নিষ্কৃতি নাই,
তোমার ঐ পতিতপাবন **শ্রীচরণই**—আমার ভরসা ।”

মাধাইর আঁতি দেখিয়া নিতাই মাধাইকে বক্ষে তুলিয়া লইয়া
কঁাদিতে লাগিলেন । শ্রীগৌরানন্দ্রনন্দ নিতাইর মুখের দিকে চাহিয়া
বলিলেন, “তুমি উদ্ধার না করিলে মাধাইর উদ্ধার নাই । এখন
তোমার যা অভিধ্বনি ।” নিতাই বলিলেন—এই তো বটে,—তবে
আমার প্রাণের কথা শুন :—

কোন জন্মে থাকে যদি আমার স্মৃতি ।

সব দিন মাধাইয়ের শুনহ নিশ্চিত ॥

মোর যত অপরাধ কিছু দায় নাই ।

মায়া ছাড়, কৃপা কর তোমার মাধাই ॥

নিতাইর এই কথায় উপস্থিত শত শত ব্যক্তিমাঝেরই হৃদয়ে মহা বিদ্যুৎবেগে কি জানি-কেমন-এক ভাবের প্রবল সঞ্চারণ হইল, অনেকের নয়ন হইতে দরবিগলিত অশ্রুধারা পতিত হইতে লাগিল, অনেকেই মাধাইর হ্রায় নিতাইর চরণ লক্ষ্য করিয়া ভক্তিতরে অবনত হইয়া পড়িল। মাধাই ইহা শুনিবামাত্রই নিতাইর শ্রীপাদপদ্ম বক্ষে লইয়া মুচ্ছিত হইয়া পড়িল। ভক্তগণ ও জনসাধারণ দেখিতে পাইলেন—গোলক আর কোথায় অনন্তকোটি **শ্রীরূদ্দাবন-মাধুর্য্য**—ঐ শ্রীগৌরনিত্যানন্দের পদমূল হইতে ফুটিয়া উঠিতেছে। সাক্ষীভূতসম্প্রদায় মুদঙ্গ করতাল লইয়া এতক্ষণ স্তম্ভিতভাবে এই সকল ব্যাপার দেখিতেছিলেন। প্রভু নিত্যানন্দ যখন জগাই মাধাইকে তুলিয়া কোল দিলেন, তখন ভক্তগণ “**জয় গৌর নিত্যানন্দ**” নামের ধ্বনিতে চারিদিক মুখরিত করিয়া কীৰ্ত্তন ধরিলেন—

পতিতপাবন নামের সাক্ষী তোরা দুইটি ভাই

জগাই—বলরে “গৌরনিতাই”

মাধাই—বলরে “গৌরনিতাই”

“নিতাই মা’র খেয়ে দয়া করেন এমন দয়াল দেখি নাই।

শ্রীগৌরানন্দনর নিজে তখন পদ ধরিলেন :—

হরিবোল, হরিবোল, হরিবোল, জগাই মাধাই।

কলির জীব উদ্ধারিতে এসেছে দয়াল নিতাই।

শ্রীনিত্যানন্দপ্রভু এতক্ষণ মাধাইকে কোল দিয়া ধরিয়া রাখিয়া ছিলেন, তখনও তাঁহার মাথা হইতে দুই এক বিন্দু রক্ত গড়াইয়া

গড়াইয়া মাধাইর মাথায় পড়িতেছিল । তিনি মাধাইকে ছাড়িয়া দিয়া তান ধরিলেন :—

গৌরবিনা কলিকালে জীবের অশ্রু গতি নাই ।

ভক্তদনে নেচে নেচে বল “গৌর” জগাই মাধাই ॥

জগাই, মাধাই গ্রহাবিষ্টের আশ্রয় উদ্ভূত হইলেন । জগাই শ্রীগৌরানন্দ-সুন্দরকে এবং মাধাই শ্রীনিতাইচাঁদকে কান্ধে তুলিয়া লইয়া গাইতে লাগিলেন—“এই আমাদের গৌর নিতাই”—“এই আমাদের গৌর নিতাই” । মৃদঙ্গ করতালের তুমুলরবে,—ভক্তগণের মুখে উচ্চারিত গৌর নিত্যানন্দ নামের হৃদয়কারে,—এবং জগাই মাধাইর ভাবোচ্ছ্বাসময় নৃত্যে,—নদীয়ার রাজপথে বৈকুণ্ঠপ্রভাব প্রকটিত হইল । সমগ্র নদীয়ায় তারের সংবাদের আশ্রয় এই সংবাদ প্রকাশ পাইল, যে যেখানে এই সংবাদ শুনিল, সে সেখান হইতেই রাজপথে আসিয়া উপস্থিত হইল । প্রসরতর রাজপথ বিশাল জনতায় পরিপূর্ণ হইয়া উঠিল । বহুদূর হইতেও দর্শকগণ জগাই ও মাধাইর স্বক্কে দুইটা কনকবিগ্রহ দেখিয়া স্তম্ভিত হইতে লাগিল । তাঁহারা আরও বহুবার শ্রীগৌরানন্দের দর্শন পাইয়াছেন, মধ্যে মধ্যে নিত্যানন্দেরও দর্শন পাইয়াছেন,—কিন্তু এমন জ্যোতি ও ঐশ্বর্য প্রভাব আর কখনও দেখেন নাই । আবালবৃদ্ধ নরনারী করজোড়ে প্রশংসা করিতে লাগিলেন । শ্রীগৌরনিত্যানন্দ বহু আশ্রাসে দুই ভাইর স্বক্কে হইতে অবতরণ করিয়া দুই জনকে কোল দিলেন । উহারা সমগ্র ভক্তমণ্ডলীর চরণধূলি মাথায় লইলেন । শ্রীগৌরানন্দ জগাই মাধাইর মাথায় হস্ত দিয়া বলিলেন,—“হির হও, ঘরে যাও হরিনাম

কলিও ।^{১০} শ্রীগৌরনিতাই এই বলিয়া ভবনাভিমুখে গমন করিলেন ও ভক্তগণ তাঁহাদের সঙ্গে সঙ্গে চলিলেন, পথের ভিন্ন ভাঙ্গিতে লাগিল, অনেক লোক শ্রীশ্রীগৌরনিত্যানন্দের পশ্চাৎ পশ্চাৎ চলিল । অনেকেই জগাই মাধাইকে দেখিবার জন্ত পথে দাড়াইল । জগাই মাধাই যতক্ষণ শ্রীগৌরনিত্যানন্দকে দেখিতে পাইলেন, ততক্ষণ তাঁহাদের দিকে একদৃষ্টিতে চাহিয়া রহিলেন । তাঁহারা আড়াল হইলে, ছুই ভ্রাতা বিবশ হইয়া রাজপথে বসিয়া পড়িলেন ।

তাঁহাদিগকে গৃহে লইবার জন্ত লোকজন আসিল, কিন্তু উহারা আর তাঁহাদের কথায় কর্ণপাত করিলেন না । মাধাই “হায় কি করিলাম, হায় আমার গতি কি হইবে” কেবল এই বলিয়া কাঁদিয়া কাঁদিয়া মুচ্ছিত হইতে লাগিলেন, জগাইও পূৰ্ব্বকৃত পাপ স্মরণ করিয়া কাঁদিতে লাগিলেন, আর সময়ে সময়ে মাধাইকে প্রবোধ দিয়া বলিতে লাগিলেন—“জাখ্ মাধা, ছুই ঠাকুর বড় দয়াল । আর আমাদের ভাবনা কি ? সকল ছেড়ে চল চাই, সেই শ্রীচরণের আশ্রয় লইগে । যথা পদে—

চলরে চলরে মাধা চলরে স্বরায় ।

লুটাইয়া পড়ি গিয়া ছুই ভাইয়ের পার ॥

মাইর খেয়ে দয়া করে ওই দয়াল নিতাই ।

এমন দয়ালদাতা আরতো কোথা দেখি নাই ॥

কি করিবে ধনে জনে বিয়য় বৈহবে ।

মোদের পাপের ভাগী কেহত না হবে ॥

গোরাক্ষ নিভাই ভজি পূর্ণ হবে কাম ।

কাজালের ঠাকুর দোহে কহে নন্দরাম ॥

এই পরামর্শ করিয়া হুই ভাই আর গৃহপানে ফিরলেন না, দীনান্তি-
দীনবেশে নিমাই পণ্ডিতের বাড়ীর দিকে ছুটিলেন ।

বাড়ীর দ্বারে উপস্থিত হইয়া জগাই আর্জস্বরে—“পাতিতপাবন
দয়াময়, পতিতপাবন দয়াময়” বলিয়া কাঁদিতে কাঁদিতে ডাকিতে
ডাকিতে মুচ্ছিত হইয়া পড়িলেন । মাধাই পূর্বেই দরজার সম্মুখে
বিবশ হইয়া পড়িয়াছিলেন ।

শ্রীগোরাক্ষস্বন্দর মুরারিগুপ্তকে পাঠাইলেন, মুরারির অসাধারণ
বল । তিনি হুই ভাইকে তুলিয়া আনিলেন । উহারা অচেতন ভাবে
দণ্ডবৎহইল আসিয়া পড়িয়া রহিলেন । শ্রীগোরাক্ষস্বন্দর নিত্য-
নন্দপ্রভুকে বলিলেন,—“শ্রীপাদ, ইহাদিগকে গঙ্গাতটে লইয়া গিয়া
কর্ণে শ্রীনামমন্ত্র প্রদান করুন ।” জগাই মাধাই তখন মুচ্ছিতপ্রায় ।

এই অবস্থায় ভক্তগণ উহাদিগকে ধরাধরি করিয়া গঙ্গাতটে লইয়া
চলিলেন, কীর্তন সম্প্রদায়সহ দয়াময় শ্রীগোর নিত্যানন্দ উহাদের
সঙ্গে সঙ্গে চলিলেন । আবার রাক্ষপথে লোকের বিপুল জনতা হইল ।
ব্যস্তের স্রাব হৃদ্যন্ত দম্ব্য জগাই মাধাই শচীনন্দনের কাঁদে ধরা
পড়িয়াছে, ধরাপড়িয়া মেঘশাবক অপেক্ষাও নিরীহ হইয়াছে—এ দৃশ্য
দেখিবার জন্য সহরের আবালবৃদ্ধবনিতা গঙ্গাথাটে উপনীত হইল ।
জগাই মাধাই তখনও অচেতন । গঙ্গার শীতল বালুকার ভক্তগণ
জগাই মাধাইকে শোরাইয়া হরিনাম করিতে লাগিলেন,—দর্শকদের
मध्ये সুরসিক লোকেরা বলিল, জগাই মাধাইর প্রাণ থাকিতেই

অন্তোষ্টিক্রিয়া হইতেছে ; ভক্ত ও বুদ্ধিমানেরা বলিলেন—ঠিক কথা উহাদের পাপজীবনের এই চূড়ান্ত অবগান হইল ।

এদিকে ভক্তগণ অচেতন জগাই মাধাইকে অন্তর্জালি করার জ্ঞান গঙ্গাগর্ভে লইয়া গেলেন । জগাই মাধাই গঙ্গাতীরে বাস করিয়াও গঙ্গার স্নান করেন নাই, আজ গঙ্গার পবিত্র শীতল সলিলপরশে জগাই মাধাইর পাপদগ্ধহৃদয় প্রকৃতপক্ষেই প্রক্লু হইয়া উঠিল । উহাদিগকে তাঁরে আনা হইল । আবার সঙ্কীৰ্ত্তনের মৃদঙ্গ করতালের তুমুলরবে ও হরিসঙ্কীৰ্ত্তনের সুধানধুর ধ্বনির মধ্যে গৌর নিত্যানন্দ জগাই মাধাইকে লইয়া উপস্থিত হইলেন । শ্রীগৌরান্দের ইঙ্গিতে কীৰ্ত্তন স্থগিত হইল । সহস্র সহস্র লোক দাঁড়াইয়া শ্রীগৌরনিত্যানন্দের নুধপানে তাকাইয়া রহিলেন । জ্যোৎস্নাময়ী রজনীতে জাহ্নবী-সৈকতে বৈকুণ্ঠবৈভবের উদয় হইল । সমুদ্রত কলেবর কনককান্তি শ্রীগৌরসুন্দর সুদীর্ঘ শ্রীকর প্রসারণ করিয়া বলিলেন, “ওহে জগাই, ওহে মাধাই—তোমাদের জন্মজন্মান্বিত পাপকালিমার দারুণ ভার লইবার জন্ত আমি হাত বাড়াইলান,—আমাকে পাপ দিয়া তোমরা নিষ্পাপ হও, নিবিব্রে হরিনাম গ্রহণ কর ।”

শ্রীগৌরান্দের কথায় মাধাই কাঁদিয়া বলিলেন,—দয়াময় পাপ করিয়াছি,—মহাপাপ করিয়াছি, কোটি কোটি জন্ম ভরিয়া তাহার জন্ত যাতনা সহিব, কিন্তু তোমার শ্রীকরে ঐ পাপ দিতে পারিব না । শত কোটি ব্রহ্মা ধাংগার শ্রীকরে দেবহুর্জিত সুধানধুর দ্রব্য তুলিয়া দিতে কত তপস্থা করেন, সেহাতে পাপ তুলিয়া দিব—তাহা কখনই পারিব না ।”

নিতাই বলিলেন—মাধাই, তুমি বুঝিতে পারিতেছ না, শ্রীভগবন্ ভিন্ন পাপীর ভার আর কে লইতে পারে? প্রাণ ভরিয়া বল—

“জয় পতিত উদ্ধারণ গৌরহরি” জগাই তুমিও বল—

“জয় পতিত উদ্ধারণ গৌরহরি” এই বলিয়া প্রভুর আজ্ঞানুসারে হস্ত প্রসারণ কর ।

তখন জগাই মাধাই অশ্রুপূর্ণনয়নে কাঁপিতে কাঁপিতে বলিলেন, “জয় পতিত উদ্ধারণ গৌরহরি”—নিতাই তাহাদের সঙ্গে সঙ্গে উচ্চৈশ্বরে স্তমধুরকণ্ঠে জয়ধ্বনি করিয়া বলিলেন—“জয় পতিত উদ্ধারণ গৌরহরি” । পতিতপাবনী জাহ্নবীর কূলে কূলে প্রতিধ্বনি হইল,—

“জয় পতিত-উদ্ধারণ গৌরহরি”

জগাই মাধাই তখন শ্রীনিত্যানন্দের শিক্ষায় শ্রীগৌরাজের করকমলে তুলসীপত্র অর্পণ করিলেন । করুণাবিগ্রহ শ্রীগৌরানন্দনর বলিলেন, “ওরে জগাই মাধাই এই আমি তোদের জন্ম-জন্ম-সঞ্চিত পাপের কালিমা গ্রহণ করিলাম, তোরা আজ হইতে নিৰ্ম্মল হইলি, প্রেমময়ের প্রেমলাভের অধিকারী হইলি । দয়াময় নিতাইর শ্রীচরণে আশ্রয়সমর্পণ কর । তিনিই তোদের ভবপারের কাণ্ডারী ।”

এই সময়ে শ্রীগৌর-দেহ পলকের তরে কৃষ্ণবর্ণ দেখা গেল ।
যথা শ্রীচৈতন্যভাগবতে—

‘তুই জনের শরীরে পাতক নাহি আর ।

‘ইহা বুঝাইতে হলো কালির আকার ॥

শ্রীগোরাঙ্গের করুণায় জগাই মাধাই অধীর হইয়া কাঁদিতে লাগিলেন । তাঁহাদের রোদনে পাষণ্ড দ্রবীভূত হইল; দর্শকগণের আর কথা কি ? ঠাকুর নরহরি স্বচক্ষে এই ঘটনা দেখিয়া একটি পদ লিখিয়া গিয়াছেন উহা এই :—

আজি কি আনন্দ নদীয়া নগরে জগাই মাধাই দোহে দেখিবারে
ধায় চারিদিকে কি নারী পুরুষ পরস্পর কহে কত না কথা ।
কেহ কহে অতি বিরলেতে রৈয়া ঐ দেখ দেখ ছুঁহপানে চাঞা
স্বরঞ্জের সম তেজ এবে ভেল সে পাপ শরীর গেল বা কোথা ॥
কেহ কহে আহা মরি মরি ভাবে গরগর বৈসে বেরি বেরি
কাঁদে, উঠে, ছুটে, আখি বারিধারা নিবারিতে নারে, না ধরে ধ্বতি ।
কেহ কহে হেন দেখি নিরুপম পুলকিত তনু কাঁপে ঘন ঘন
ধূলায় ধূসর ধরণীতে পড়ি গড়িবার কিছু নাহিক স্থতি ॥
কেহ কহে কিবা গোরা মুখশশী, পানে চাহে জানি কত সুখে ভাসি
হাসি সুধাপানে উনমত হৈঞা লোটাইয়া পড়ে চরণতলে ।
কেহ কহে দেখ নিতাই চাদরে চাহি হিয়া মাঝে কত খেদ করে
দুখানি চরণ পরশিয়া করে, করে অভিষেক আঁধির জলে ।
কেহ কহে দেখ অদ্বৈত তাপসী গদাধর শ্রীবাসাদি পাশে বসি
অতুল উলসে কুলি কুলি করে লইয়া সবার চরণধূলি ।
কেহ কহে ছুঁহ কাতর অন্তরে এক ভিতে রহি দস্তে তৃণ ধরে
নরহরি পহ পরিকরসহ “কর কৃপা” কহে ছ বাহ ভুলি ॥

করুণাময় শ্রীনিত্যানন্দ জগাই মাধাইর কর্ণে পশ্চিপাবন ও মহা প্রেমদ গৌরমন্ত্র প্রদান করিলেন । মন্ত্র-প্রদান করামাত্রই জগাই

মাধাই নবজীবন প্রাপ্ত হইলেন, তাঁহাদের হৃদয়ে গোলকনাথুর্য্য ফুটিয়া উঠিল। স্বেদপুলক, অশ্রু-কম্প প্রভৃতি সাত্বিক ভাবাবেশে দুই ভাই বিহ্বল হইয়া পড়িলেন। আজ পতিতপাবনা জাহ্নবী-তটে শ্রীগৌরনিত্যানন্দের পতিতপাবন নামের বিজয় নিশান উজ্জীন হইল।

কার সাধ্য বুঝিতে চৈতন্ত অভিমত ।

দুই দম্ভা করে—দুই মহাভাগবত ॥

পক্ষাতট হইতে জগাইমাধাইসহ শ্রীগৌর নিত্যানন্দ ও ভক্তগণ শ্রীগৌরান্ধবনে প্রত্যাগমন করিলেন, প্রভুর বাড়ীর অভ্যন্তরে শ্রীঅষ্টৈতাদিসহ প্রভু আবার কার্ত্তন আরম্ভ করিলেন। নদীয়ার যে দম্ভারাজের ভয়ে শচীমাও সময়ে সময়ে গঙ্গাবাটে গাইতে ভয় পাইতেন, সেই দম্ভারাজ আজ দীনহীন কাঙ্গালের বেশে নরনজলে দেহ ভিজাইয়া কীর্ত্তনে গড়াগড়ি দিতেছেন, শচীমা ও প্রিয়াজী এই দৃশ্য দেখিয়া বিস্মিত হইলেন।

জগাই মাধাইর নিকটে যে হরিনাম বিষয় বোধ হইত, এখন সেই হরিনাম-কীর্ত্তন তাঁহাদের নিকট অমৃতের স্থায় মধুর হইল। উহার কীর্ত্তনানন্দে বিভোর হইলেন।

কিয়ৎক্ষণ পরে কীর্ত্তন ভঙ্গ হইল। তখন আবার উহাদের প্রাণে অহুতাপে জাগিরা উঠিল। উহার হাহাকার করিয়া কাদিতে লাগিলেন। দয়ালু নিতাই কত প্রবেশ দিলেন, কিন্তু উহাদের মন প্রবেশ মানিল না। মাধাই নিতাইর পায়ে পড়িয়া কাদিয়া কাদিয়া বলিতে লাগিলেন—ঠাকুর কোটি জন্মেও আমার

এ পাপের উদ্ধার নাই, আমি অজ্ঞানাবস্থায় আপনার প্রতি যে অত্যাচার করিয়াছি, আপনি পরমপিতা, আপনার হৃদয়ে শত কোটি পিতার স্নেহ বিদ্যমান। আপনি তাহা ক্ষমা করিবেন, ইহা আমি বুঝিয়াছি। কিন্তু সহস্র সহস্র নরনারীর নিকট আমরা জ্ঞাতভাবে ও অজ্ঞাতভাবে অপরাধী। সে পাপ হইতে পরিত্রাণের উপায় কি? আমার মনে হয়, আমরা লক্ষ লক্ষ লোকের নিকট অপরাধী। সেই সকল লোকের চরণ ধরিয়া কাঁদিয়া কাঁদিয়া নয়নজলে তাঁহাদের চরণ ধোয়াইয়া ক্ষমা চাহিতে পারিলে হয়ত মনে কিছু শান্তি হইতে পারে।

নিতাই বলিলেন, “মাধাই, দয়াময় তোমাদের পাপের ভার লইয়া স্পষ্টতঃই তো বলিয়াছেন :—

কোট কোটি জন্মে যত আছে পাপ তোর।

আর যদি না করিস সব দায় মোর ॥

ইহার পরে আর কথা কি? ইহাতেও যদি তোমাদের মনে শান্তি না হইয়া থাকে, তবে গঙ্গাতটে বসিয়া হরিনাম করিবে, আর বাহাকে দেখিতে পাইবে, তাহারই চরণ ধরিয়া ক্ষমা চাহিবে।”

• নিতাইর উপদেশে জগাই মাধাই চিরদিনের তরে সম্পদ বৈভব ত্যাগ করিয়া কোপীন পড়িয়া গঙ্গাতটে আশ্রয় ক্রীলেন। পরিধানে ছিল বহির্বাস,—প্রায়শঃই উপবাস,—বর্ষার জলধরার ভ্রায় অবিরাম নয়নধারা,—মুখে অবিরাম হরিনাম এই ভাবে রাজঘাটের এক কোণে বসিয়া দুই ভাই হরিনাম জপে মগ্ন। আচণ্ডাল ব্রাহ্মণ যখন যে কেহ ঘাটে আসিত, জগাই মাধাই তাহাদের চরণে পড়িয়া

অশ্রুজলে তাহাদের চরণ ধোয়াইয়া কান্দিয়া কান্দিয়া বলিতেন, “আমরা জানিয়া কি না জানিয়া আপনার চরণে কত অপরাধ করিয়াছি,—আপনাকে কত দুঃখ দিয়াছি, দয়া করিয়া অপরাধীকে ক্ষমা করুন, আপনি আনাদিগকে ক্ষমা করিলে শ্রীভগবান্ আমাদিগকে ক্ষমা করিবেন ।”

চণ্ডাদ জ্ঞান বালক বৃদ্ধ নরনারী সকলের চরণে পড়িয়া উহারা এইরূপ ক্ষমাপ্রার্থনা করিতেন, আর কান্দিয়া কান্দিয়া তাহাদের চরণ ভিজাইতেন । জগাই মাধাইর এই দৈন্ত ও আতি দেখিয়া তাঁহাদের সঙ্গে সঙ্গে সকলেই কান্দিয়া আকুল হইতেন এবং হরিনামের পবিত্র উচ্ছ্বাসে আপন আপন হৃদয় নির্মল ও ভক্তিরসে পূর্ণ করিতেন ।

এইরূপে নদীয়ায় “নাধাইর বাট” মহাতীর্থ বলিয়া চিরপ্রসিদ্ধ হইল এবং শ্রীগোরনিত্যানন্দের “পতিতপাবন” নামের বিজয় পতাকা উড্ডীন হইল ।

(২)

এইরূপে পাতকি-নিস্তারের মহামন্ত্র—শ্রীকীর্তন সৰ্ব্বত্রই ছাইয়া পড়িল । কেবল অল্পসংখ্যক বিদেবী ভিন্ন ইহাতে সকলেরই আনন্দ । এই সংসারের কার্যে বিদেবীরও প্রয়োজন আছে । বিরুদ্ধ শক্তির সংঘর্ষ ভিন্ন তদ্বিপরীত শক্তির বিকাশ ও প্রভাব পরিলক্ষিত হয় না । পাপ না থাকিলে পুণ্যের বল বুঝা যাইত না, অত্যাচার না থাকিলে ক্ষমার ভাব অশুট থাকিত, অভক্ত বিদেবী-

দের বিদেহ ও অনিষ্টসাধন ইচ্ছাতেই ক্রতুহৃদয়ের মহিমা কুটিয়া : উঠে । শ্রীকীর্ত্তন সম্বন্ধেও সেইরূপ ঘটিল ।

এই সময়ে সমগ্র নদীয়ায় সঙ্কীৰ্ত্তনের মহাতরঙ্গ উঠিয়াছিল । এমন বাড়ী খুব অল্প ছিল, যেখানে অন্ততঃ পাঁচ সাতজন একত্র হইয়া মৃদঙ্গ মন্দিরা প্রভৃতি দ্বারা কীর্ত্তন না করিত । এই ব্যাপারে দুই শ্রেণীর বিদেবীর সৃষ্টি হইল । একশ্রেণীর বিদেবী—পাষণ্ডী হিন্দু, অপর শ্রেণীর বিদেবী—মুসলমান, কাজী ও তাঁহার অনুচর-বর্গ । তথাপি লক্ষ লক্ষ পতিত পাষণ্ডী শ্রীগৌরাক্ষের কৃপায় হরিনামে পরিভ্রাণ পাইয়াছিল ।

হরিনামকীর্ত্তন,—পাষণ্ডী হিন্দু, ও বিদ্যম্মী অথচ ধর্মজ্ঞানহীন মুসলমানদের অসহ হইত । ইহারা কাজীর নিকট প্রায়শঃই নালিশ করিত । একদিন কাজী অগত্যা দলবল সহ অনুসন্ধানে বাহির হইয়া দেখিলেন—সর্বত্রই সঙ্কীৰ্ত্তন—সে কীর্ত্তনে সকলেই উন্মত্ত । তখনকার মুসলমানেরা হিন্দুধর্ম প্রচার ভালবাসিত না, কাজীর মনেও সে সংস্কার ছিল । কাজী পথের ধারে দুই চারি বাড়ীতে প্রবেশ করিয়া উহাদের মৃদঙ্গাদি ভাঙ্গিয়া দিয়া উৎপীড়ন করিতে লাগিলেন, উৎপীড়িত লোকেরা ঘর ছাড়িয়া পলাইল । অত্যাচারও কম নহে, কাজীর লোকেরা মৃদঙ্গ ভাঙ্গিল, সখুখে বাহাকে পাইল, তাহাকেই প্রহার করিল, এমন কি উহাদের ঘরে জ্বায়েও অনাচার করিতে লাগিল । অতঃপরে কাজী ফিরিয়া যাইবার সময়ে চোটরা দিয়া বলিয়া গেলেন, “পুনর্ব্বার যদি কেহ কীর্ত্তন করে, তবে তাহার জাতি মারা হইবে এবং বাড়ীঘর ভাঙ্গিয়া তাড়াইয়া দেওয়া হইবে ।

তখন মুসলমানের রাজা,—তাহাদেরই একাধিপত্য । বিচার ছিল না বলিলেই হয় । এখনও লোকে কথায় বলে—“কাজীর বিচার” বিশেষতঃ কাজীর বহু সৈন্যবল । সুতরাং নগরবাসীরা ইহাতে অত্যন্ত ভয় পাইল । ভক্তগণের হৃৎকের সীমা রহিল না । নিরীহ ভক্তগণ, উপায় না দেখিয়া শ্রীগৌরসুন্দরের চরণে হৃৎকের কথা জ্ঞানাইলেন । তিনি ভরসা দিয়া বলিলেন—“কাজী কি করিতে পারে ? তোমাদের ভয় কি ? তোমরা স্বচ্ছন্দে কীর্তন করিবে ।”

কিন্তু কাজীর লোকদের অত্যাচার কমিল না । বিশ্বস্তর পুনর্বার কাজীর অত্যাচারের কথা শুনিয়া উগ্রমূর্তি ধারণ করিয়া বলিলেন—“এবার কাজীকে শিক্ষা দিব—তাহার প্রভুত্বের বল চূর্ণ করিব—হরিনামের বস্ত্রায় নবদ্বীপ ভাসাইব—কাজীর বাড়ীতে কাজীর সমক্ষে কীর্তন করিব, কাজীকেও কীর্তনে নাচাইব । ভক্তগণ অশ্রু সন্ধ্যায় সকলে মহাসঙ্কীর্ণনের জন্ত প্রস্তুত হও । শ্রীপাদ নিত্যানন্দ, আপনি নগরে নগরে ঘোষণা করুন, যে সন্ধ্যায় সময়ে মৃদঙ্গাদিসহ সকলেই কীর্তনের জন্ত যেন প্রস্তুত থাকে, প্রত্যেকের হাতে একটী একটী মশাল থাকা চাই । আমাদের কীর্তনের মৃদঙ্গরব শুনিলে, রাজপথে ভক্তগণের হরিন্বনি শুনিলে পুরুষমাত্রেই যেন ঘরে না থাকে, সকলেই যেন কীর্তনে যোগ দেয় ।” সর্বত্রই এই আদেশ প্রচারিত হইল ।

এই সময়ে যদিও কাজী সৈন্যবলসহ নদীরার অধিপতি ছিলেন—কিন্তু জনসাধারণের প্রকৃত অধিপতি ছিলেন—শ্রীগৌরসুন্দর । তাহার আদেশে লক্ষ লক্ষ লোক গৃহস্থ ত্যাগ করিয়া বিপদের

সম্মুখে অগ্রসর হইতে কিছুমাত্র দ্বিধা বোধ করিত না, যত্নের উত্তম বজ্রকেও ভয় করিত না ।

শ্রীগৌরাস্করের আদেশ মুহূর্ত্তমধ্যেই নগরে নগরে প্রচারিত হইল । রমণীগণ মঙ্গলোৎসবের জন্ত প্রস্তুত হইলেন, অম্রপল্লব সজ্জিত মঙ্গলঘট দ্বারে দ্বারে সন্নিবিষ্ট হইল, দ্বারে দ্বারে কদলীবৃক্ষ রোপণ করা হইল, স্ত্রীলোকেরা কীৰ্ত্তনে ছড়াইয়া দিবার জন্ত থৈ কড়ি বাতাসা সংগ্রহ করিলেন । সমগ্র সহর মঙ্গলচিহ্নে ও আনন্দ উৎসবে মাতিয়া উঠিল ।

কাজী-বুদ্ধের অভিধান দেখুন । এ বুদ্ধে রক্তপাতের আয়োজন নাই, অনঙ্গলের আশঙ্কা নাই—অস্ত্র কেবল হরিনাম,—আর চারি দিকেই কেবল আনন্দময় হরিনামের মহারোল । ভুবনমোহন শ্রীগৌরাস্কর মদনমোহনরূপে সজ্জিত হইলেন—সুপ্রসন্ন স্বর্ণোজ্জ্বল কপালে তিলক, তন্মধ্যে ফাগুবিন্দু, নয়নে কজ্জল, মাথায় চূড়া, চূড়া বেড়িয়া মালতী মালা, পরিধান পট্টবসন, গলদেশে আপাদ-বিলম্বি মালা, ও সুশ্ল উত্তরীয় বস্ত্র, পায়ে নূপুর, হস্তে বলয়াদি । শ্রীকৃষ্ণপ্রিয়া আড়ালে থাকিয়া এ বেশ দেখিয়া মুচকী মুচকী হাসিতেছিলেন, তাঁহার মনে হইতেছিল,—“নাসিকায় একটি গজমতি নোলক পড়াইয়া দিলে মুখখানিতে ভাল মানায় ।” গদাধরের হৃদয়ে এই বাসনা প্রতিধ্বনিত হইল, তিনি নাসিকায় নোলক পড়াইয়া দিলেন । ভক্তগণও সাজসজ্জা করিলেন ।

সন্ধ্যা হইতে না হইতেই শ্রীগৌরাস্কর নিত্যানন্দাদি সহস্র সহস্র ভক্ত লইয়া রাজপথে বাহির হইলেন । সহস্র সহস্র মৃদঙ্গ কর-

তালের তুমুলরবে ও গগনভেদী সহস্র কর্ণে উচ্চ হরিনামের মেঘ-
গন্তীর ধ্বনিতে সঙ্কীৰ্ত্তন মহাসমুদ্রের আকার ধারণ করিল—সেই
রূপ তরঙ্গ, আর সেইরূপ গর্জ্জন । নদীয়ার রাজপথ বৃগপৎ সহস্র
সহস্র মশালের আলোকে এমন উজ্জ্বল ও উষ্ণ হইয়া উঠিল যে
শত রবির কিরণও যেন উহার নিকট তুচ্ছ বলিয়া বোধ হইল ।

এই যে মহাকীর্তন সম্প্রদায় আজ সমবেত হইলেন, ইহাদের
উদ্দেশ্য—কাজী-দমন । কাজী-বুদ্ধের যুদ্ধার্থী ভক্তগণ ফুলের মালা
গলায় দিয়া যুদ্ধার্থে বাহির হইলেন, তাঁহাদের অস্ত্র,—কেবল হরি-
নাম । কাজীর অস্ত্র—ভীষণ শেল । ফুলের মালার শক্তি বেলী,—কি
শেলের শক্তি বেলী,—রসরাজ শ্রীগৌরসুন্দর এই যুদ্ধে তাহার
মীমাংসা করিবেন । প্রেমময়ের এই প্রেমলীলার সকলই অদ্ভুত ।

যুদ্ধার্থী ভক্তগণের হৃদয় প্রেমানন্দে পূর্ণ । তাঁহারা যেন আনন্দ-
মদিরায় উন্মত্ত । নটবর নিমাইর রূপ দেখিয়া নরনারীমাতেই
বিমুগ্ধ । পথের দুই ধারে ও ছাদে ছাদে নারীগণ দাড়াইয়া উলু-
ধ্বনি ও শব্দধ্বনি করিতে লাগিলে এবং থৈ বাতাসা কড়ি ছড়াইতে
লাগিলেন । কেহ হাতজুড়িয়া কেহবা সাষ্টাঙ্গে প্রণত হইলেন ।
সমুদ্রতরঙ্গের স্থায় হরিনামকীর্তন রাজপথ দিয়া অগ্রসর হইতে
লাগিল । ভক্তগণ প্রেমানন্দে বিহ্বল । তাঁহারা কোথায় যাইতেছেন,
কি উদ্দেশ্যে যাইতেছেন, সে স্মৃতি তাঁহাদের নাই ।

কিন্তু প্রভু নিমাই যখন কাজীপাড়ার অভিমুখে পদার্পণ
করিলেন, তখন একটা সাড়া পড়িল—আজ অনর্থ ঘটিবে ।
ভক্তগণের মধ্যেও ইহার প্রতিধ্বনি প্রবেশ করিল । সকলেই

যেন আনন্দ ভুলিয়া কাজীর কথা মনে করিয়া ক্রোধান্বিত হইলেন। “মার কাজীকে, মার কাজীকে” বলিয়া লক্ষ লক্ষ কণ্ঠে ভীষণ চীৎকার হইতে লাগিল। ভক্তগণের দেহে তখন অসীম বলের সঞ্চার হইয়াছে। কিন্তু নিমাই ও তাঁহার পার্শ্বদগণ নামানন্দে বিভোর।

এদিকে কাজী সন্ন্যাস সহরে অসম্ভা আলোক দেখিয়া এবং হরিনামের কল্লোলধ্বনি শুনিয়া বিস্মিত হইলেন। নীলাশ্বর চক্র-বস্ত্রী দোহিত্র নিমাই পণ্ডিতের এতদূর সাহস যে হরিনাম সম্প্রদায় নাজাইয়া তাঁহার প্রাণাদেব অভিনুখে আসিবেন,—এ ধারণা কখনও তাঁহার মনে উদিত হয় নাই। নীলাশ্বর তাঁহার পরিচিত,—উভয়ে বথেষ্ট আলাপ আছে। এ অবস্থায় নিমাইর শাসন করণও তাঁহার ইচ্ছা নয়। কিন্তু নিমাইর আশ্রয় দেখিয়া কাজীও অসহ্য হইল।

কাজী সৈন্ত পাঠাইয়া বলিয়া দিলেন, “নিমাইকে বলিও কীৰ্ত্তন বন্ধ করা হউক, নচেৎ অকল্যাণ হইবে।”

সৈন্তগণ অগ্রসর হইয়া বাহা দেখিল, তাহাতে তাহারা আশ্চর্য হইল, তাহারা যে কাজীর প্রেরিত, এ কথাই তাহাদের মনে রহিল না। পতঙ্গ যেন অগ্নি দেখিলে তাহাতে গিয়া আত্মসমর্পণ করে, কাজীর সৈন্তগণও সেইরূপ সঙ্কীৰ্ত্তনে যোগ দিয়া নৃত্য করিতে লাগিল।

এদিকে কীৰ্ত্তনসম্প্রদায় কাজীর বাড়ীতে আসিয়া প্রবিষ্ট হইলেন, কাজীর সৈন্তগণের মধ্যে কেহ বা ভয়ে বিহ্বল হইয়াছিল, কেহ বা আশ্চর্য হইয়া কীৰ্ত্তনে যোগ দিয়াছিল, স্তম্ভরাং

নির্কিস্ত্রে ও অব্যাহতাবে কীর্তন-দল কাজীর বাড়ী অধিকার করিয়া সর্বত্রই মহাতাণ্ডবে নৃত্য করিতে লাগিল। যাহাদিগের বাহুজ্ঞান ছিল, তাহারা কাজীর জ্ঞানচার ও সঙ্কীৰ্তনের ব্যাপার কথা শ্রবণ করিয়া কাজীর গৃহাদি ভগ্ন করিতে লাগিল। কাজীর সাধের ফুলের বাগান মুহূর্তমধ্যে বিনষ্ট হইয়া গেল। বাগানের গাঁছ ভাঙ্গিয়া বাগানগুলিকে বিধ্বস্ত করা হইল। অত্যন্ত বিপদ,— এমন কি আসন্ন মৃত্যুর আশঙ্কা করিয়া কাজীসাহেব ভয়ে অন্দের মহলে লুকাইলেন।

শ্রীগৌরানন্দের আদেশে কীর্তন থামিল, ভক্তগণ স্থির হইলেন। শ্রীগৌরানন্দ্রাজ্যের কাজীর নিকট লোক পাঠাইয়া তাঁহাকে সাহস দিয়া বাহিরে আনিলেন। কাজীসাহেব মহাপরাধীর ছায়া অবনত মস্তকে করযোড়ে শ্রীগৌরানন্দ সনীপে উপনীত হইলেন এবং শ্রীগৌরানন্দের পদমূলে অপরাধীর ছায়া পতিত হইয়া বলিলেন, “দয়াময়, আমি বুঝিয়াছি তুমি স্বয়ং ভগবান্। সঙ্কীৰ্তনে বাধা দিয়া আমি মহাপাপ করিয়াছি। ইহার উপরে তোমার ভক্তগণের প্রতি অত্যাচার করিয়াছি। এ পাপের প্রায়শ্চিত্ত নাই। কেবল এই ভরসা যে তুমি পতিতপাবন। জগাই মাধাইকে তুমি যে করুণায় উদ্ধার করিয়াছ, সেই করুণায় আমাকেও উদ্ধার কর। তোমার দাদানহাশয় নীলাশ্বর চক্রবর্তীকে আমি কাকা বলিয়া ভক্তি করি, সেই সম্পর্কে আমি তোমার মামা। বাবা, এ পতিত পায়ণ্ডী মামুকে উদ্ধার কর। কীর্তনে বাধা দেওয়া অবধি মধ্যে মধ্যে ভক্তের মুক্তি দেখিয়া আমি শঙ্কিত হইয়া থাকি। আজও তুমি

যখন কীৰ্ত্তন লইয়া আসিতে ছিলে, কখন ভয়ানক কতক গুলি অমাহুষী মূৰ্ত্তি দেখিয়া আমি ভয়ে বিহ্বল হইয়া গিয়াছিলাম। আমি বুঝিয়াছি, তুমি স্বয়ং ভগবান ও পতিতপাবন। আমার উদ্ধার করাই তোমার এখানে পদার্পণ করার উদ্দেশ্য। দয়াময় লোকে যাহাকে হরি কৃষ্ণ নারায়ণ বলে,—তাই তুমি। হে নারায়ণ হে কৃষ্ণ, তুমি আমায় ত্রাণ কর।” এই বলিয়া কাজী কাঁপিতে কাঁপিতে শ্রীগোরাঙ্গের চরণ তলে লুটাইয়া পড়িলেন।

দয়াময় শ্রীগোরাঙ্গ কাজীকে ধরিয়া তুলিয়া বলিলেন, “কাজী আমি তোমার রক্ষা করিলাম—এখন একবার কীৰ্ত্তনে নৃত্য কর, আর কখনও কীৰ্ত্তনে বাধা দিও না।”

কাজী করযোড় করিয়া “বলিলেন, আমিতো কখনও বাধা দিব না, আগার উত্তরাধিকারীরাও হরিনাম কীৰ্ত্তনে বাধা দিতে পারিবে না অপর পক্ষে আমার বংশীয়গণ কীৰ্ত্তন সম্প্রদায় দেখিলেই প্রণত হইবে।” কাজীবংশে এ নিয়ম পরবর্ত্তীকালে পরিলক্ষিত হইয়াছে।

এইরূপে সহস্র সহস্র পাবণীকে দয়াময় শ্রীগোরাঙ্গ উদ্ধার করিয়াছিলেন। মহাপাতকী কুষ্ঠরোগাক্রান্ত লোকেরা শ্রীগোরাঙ্গের শরণ গ্রহণ করিয়া দিবা কলেবর লাভ করিয়াছে। কত অন্ধ চক্ষু পাইয়াছে, কত পঙ্গু গমনশক্তি লাভ করিয়া শ্রীগোর-কীৰ্ত্তন রসে প্রমত্ত হইয়া নৃত্য করিয়াছে। এই অবতারে হিন্দু মুসলমান কেহই বঞ্চিত হয় নাই, তাই শ্রীগোরাঙ্গস্বন্দর মহাপতিতপাবন বলিয়া জীবমাত্রেরই পরম উপাশ্রয়।

নিমাই সন্ন্যাস

শ্রীগৌরসুন্দর, মহাপ্রকাশ-লীলায় ভক্তগণের নিকট আত্ম-প্রকাশ করিলেন, তিনি যে মহামহাঐশ্বর্যময় স্বয়ং ভগবান্, ভক্তগণ ও জীবগণ তাহা বুঝিলেন। তিনি স্বীয় কৃপায় মহাপাপীদের উদ্ধার করিলেন। এই সকল লীলার পরে কিয়দিন তিনি একবারে নীরব হইলেন,—প্রায়শই নিঃস্রব্ধ গৃহে দ্বাররুদ্ধ করিয়া থাকিতেন, অন্তরঙ্গ ভিন্ন বহিরঙ্গ লোকগণের সহিত ঔঁহার দেখা হইত না। এই সময়ে তিনি শ্রীবৃন্দাবনের ভাবরস আন্বাদন করিতেন। গোপীভারে ঔঁহার চিত্ত পরিপূরিত থাকিত, ভক্তগণের সঙ্গেও তিনি গোপীভাবে বিহ্বল হইয়া আলাপ করিতেন। ভক্তগণ তখন বুঝিতে পারিতেন—যে তিনি একবারেই রাধাভাব বিভাবিত। রাধিকার ছায় কৃষ্ণ-বিরহ-ব্যাকুলতা, রাধিকার ছায় প্রলাপ সর্বদাই ঔঁহাতে পরিলক্ষিত হইত। অর্দ্ধবাহ দশায় তিনি “গোপী গোপী” বলিয়া জপ করিতেন। বহিরঙ্গগণ ইহার অর্থ বুঝিত না। ঔঁহারা বলিত—সকলেই কৃষ্ণ কৃষ্ণ বলিয়া জপ করে, কেহ বা রাধাকৃষ্ণ নামও উচ্চারণ করে, কিন্তু “গোপী গোপী” জপের আবার কোন্ শাস্ত্র আছে ?

এক দিন কোন পড়ুয়া এইরূপ বিতণ্ডা করিতে উদ্বৃত্ত হইল। নিমাই তখন ভাবে বিহ্বল। এই অবস্থায় তিনি এক খানি যষ্টী লইয়া পড়ুয়াকে প্রহার করিতে উদ্বৃত্ত হইলেন। অবোধ পাঠার্থী

ভবাবিষ্ট ভগবানের ভাব বুঝিল না । মহাপ্রকাশের সময়ে তাঁহার যে ভগবন্তা-দর্শনে সকলেই স্তম্ভিত হইয়াছিলেন, অজ্ঞ পাঠার্থী তাহা জানিয়াও শ্রীগৌর যে কি বস্তু তাহা বুঝিতে পারিল না । সে তাহার সমবুদ্ধির ও সমশ্রেণীর লোকের নিকটে যাইয়া শ্রীগৌরাদেবের তাড়নার কথা বলিল । তাহারা বলিল “আমরা ব্রাহ্মণ উনিও ব্রাহ্মণ, উনি প্রহার করিবার কে ? উনি যদি প্রহার করিতে পারেন আমরা তাহা সহিব কেন ?”

একদিন এই কথা নিমাইর কর্ণগোচর হইল । তিনি সেদিন আর কাহাকে কিছু বলিলেন না । কিন্তু এই দিন হইতে তাঁহার গুরুতর ভাবান্তর দেখা দিল । নিকটবর্তী ভক্তগণও অনেক সময় গম্ভীর গৌরাক্ষ-চরিত্রের ভাব-রহস্য বুঝিয়া ঠিক করিতে পারিতেন না । ইহার পরে এক দিন শ্রীগৌরাক্ষ ভক্তগণের সহিত আলাপ করিতে করিতে অপ্রাসঙ্গিক ও উদাসীন ভাবে বলিলেন :—

করিলুঁ পিপ্ললিখণ্ড কক নিবারিতে ।

উলটিয়া আরো কক বাড়িল দেহেতে ॥

এই বলিয়া অটু অটু হাসিতে সহসা সেই স্থল মুখরিত করিয়া তুলিলেন । অতি অস্তুরঙ্গ প্রভু নিত্যানন্দ বাতীত এই বাক্যের অর্থ কেহই বুঝিতে পারিলেন না । সকলেই ভীত হইলেন । নিতাই বুঝিলেন এইবার নিমাইর সংসার-লীলা ফুরাইল, নিমাইর এই চাঁচর চুল অন্তর্ধান হইবে, নিমাই গৃহ ত্যাগ করিয়া সন্ন্যাসী হইবেন । নিতাইর হৃদয় বিষাদে দমিয়া গেল, তাঁহার মুখমণ্ডলে বিষাদের কালিমা ফুটিয়া উঠিল ।

কিছুকাল পরে নিমাই নিতাইকে সঙ্গে করিয়া এক নিভৃত স্থানে লইয়া গিয়া বলিলেন,—শ্রীপাদ, আমার প্রাণের কথা তোমার নিকট বলি :—

ভালসে আইলু মুঞি জগৎ তারিতে ।

তরণ নহিল আইলাম সংহারিতে ॥

আমারে দেখিরা কোথা পাইবে বন্ধ-নাশ ।

একগুণ বন্ধ আরো হৈল কোটি পাশ ॥

আমার এই মহাকাৰুণ্যপূর্ণ অবতারেও যখন লোকের দ্বেষ হয়, আমার প্রভাব-প্রভুত্বও যখন লোকবিশেষের অসহনীয়,—তখন এতাব রাখার আর প্রয়োজন নাই । আমি শিখা স্তব্ধ ত্যাগ করিয়া সন্ন্যাসী হইব, লোকের ঘরে ঘরে দীনাতিদীনবেশে ভিক্ষা করিয়া বেড়াইব । সন্ন্যাসীকে সকলেই সম্মান করে । এইরূপে লোকে আমার সম্মান করিয়া উদ্ধার পাইবে ।”

শ্রীপাদ, ইহাতে তুমি মনে দুঃখ করিও না । তুমি দয়া করিয়া আমায় সন্ন্যাসের অনুমতি দাও । আমি তোমার আজ্ঞাধীন । যদি জগৎ উদ্ধার করিতে চাও, তবে ইহাতে বাধা দিও না ।

জগত উদ্ধার যদি চাহ করিবারে ।

ইহাতে নিষেধ নাহি করিবা আনারে ॥

অবতারের কারণ তো তোমার অজ্ঞাত নহে, ইহাতে দুঃখ করিও না । এই অবতারে পতিত পাষাণীর উদ্ধার করিতে হইবে ।”

নিমাইর কথা শুনিয়া নিতাইর হৃদয় বিদীর্ণ হইল, তাঁহার নয়ন হইতে সমুজ্জল মুক্তার ন্যায় কয়েক বিন্দু অশ্রু গড়াইয়া

পড়িল। নিতাই গদগদ কর্তে বলিলেন—স্বৰ্গগৌর, তুমি সংসার ছাড়িবে, আর তাহার জন্ত আমার নিকট অনুমতি চাহিতেছ। শচী মায়ের অঙ্কলের ধন, শ্রীবিষ্ণুপ্রিয়ার প্রাণবল্লভ, তুমি সন্ন্যাস লইয়া নদীয়া শূন্য করিবে, শচীমার স্নেহের হৃদয় চুরমার করিয়া ভাঙ্গিয়া দিবে, বিষ্ণুপ্রিয়ার হৃদয়ে শোকের অনল জালিয়া দিয়া তাঁহাকে চিরহুঁখিনী করিবে, ভক্তগণকে অনাথ করিবে—আর আমি তাহাতে অনুমতি দিব,—এও কি সম্ভব? ভক্তগণের যে কিছু আনন্দ কেবল তোমাকে লইয়া। তুমি চলিয়া গেলে নবদ্বীপ আঁধার হইবে, আমার নিজের কথা ধরি না, আমি অবধূত, যেখানে তুমি সেই খানেই আমি। বৃদ্ধা মায়ের কি হইবে, বধূমাতা প্রিয়াজীৱ দশা কি হইবে,—ইহাই আমার নিদারুণ ভাবনা।

নিমাই। সে উপায় অবশ্যই হইবে। জীবের জন্যই আমি সন্ন্যাসী হইব। আমি সন্ন্যাসী না হইলে জীবের হৃদয় কোমল হইবে না। শ্রীপাদ, তুমি এ বিষয়ে বাধা দিও না।

নিতাই। তুমি ঔষ্ম-তত্ত্ব, তোমার ইচ্ছায় কে বাধা দিতে পারে? আর তুমি যাহা ভাল বলিয়া বোঝ, তাহাই ভাল। কিন্তু তোমাকে সন্ন্যাসী বেশে দেখিলে আমাদের হৃদয় বিদীর্ণ হইবে। অষ্টভুত, গদাধর, শ্রীবাস, মুরারি, মুকুল প্রভৃতি তোমার প্রিয়জনগণের নিকট বলিয়া দেখ, কেহই তোমাকে সন্ন্যাসের অনুমতি দিবে না। ধন্ত তোমার সাহস, যে এই কথা বলিতে সাহসী হইয়াছ।

শ্রীগৌরসুন্দর প্রতিজ্ঞনের নিকট দীর্ঘ দীর্ঘ পাকেপ্রকারে সন্ন্যাস-গ্রহণের কথা বলিতে লাগিলেন, কিন্তু তাঁহার এই প্রস্তাব

শুনিয়া ভক্তগণের মাথায় ঘেন বজ্রপাত হইল, তাঁহাদের মুখে বিবাদ কালিমা দেখা দিল,—অনেকেই কাঁদিয়া কাঁদিয়া বলিতে লাগিলেন, “তুমি যে এত নিষ্ঠুর, তাহা স্বপ্নেও মনে করি নাই। আমাদের কি অপরাধ, যে তুমি আনাদিগকে ছাড়িয়া যাইবে। যদি তুমি সন্ন্যাস লও, আমরাও তোমার সঙ্গে সঙ্গেই সন্ন্যাস লইয়া তোমার পাছে পাছে চলিয়া যাইব। তোমাকে ছাড়া হইয়া শূন্য নদীয়ায় ক্ষণার্দ্ধও আমরা তিষ্ঠিতে পারিব না! আমাদের বাহা হউক, কিন্তু বৃদ্ধা শচীমা ও বধুমাতা প্রিয়াজী এক মুহূর্ত্তও তোমা ছাড়া প্রাণ ধারণ করিতে পারিবেন না, আমরা কি করিয়া সেই দশা চক্ষে দেখিব?”

এই বলিয়া ভক্তগণ কাঁদিতে লাগিলেন। কিন্তু দৃঢ়সঙ্কল্প নিমাই ইহাতে কিছুমাত্র বিচলিত হইলেন না। তাঁহার হৃদয় কুসুম হইতেও কোমল, আবার বজ্রঅপেক্ষাও কঠিন। ভক্তগণ সর্বপ্রথমে তাঁহার এইরূপ কঠিনতার পরিচয় পাইলেন। তাঁহারা কত কথা বলিয়া নিমাইর মত পরিবর্তন করিতে প্রয়াস পাইলেন, কিন্তু সর্বপ্রকারেই বিফল হইয়া অনেকে এমন বিষণ্ণ হইলেন, যে অন্নজল পর্য্যন্ত ত্যাগ করিলেন।

নিমাই বলিলেন “তোমরা অনর্থক প্রাকৃত লোকের ন্যায় শোক কর কেন? তোমরা যেখানে, আমিও সেইখানে। তোমাদের সহিত আমার চির-সম্বন্ধ। তোমরা জন্মে জন্মে এইরূপ সম্বন্ধস্বত্রে আমার সহিত আবদ্ধ। তোমাদিগকে আমি কখনও ছাড়িব না। আমি সন্ন্যাস লইব, তাহাতে তোমাদের সহিত সম্বন্ধ ঘুচিবে কেন?

সর্বকাল তোমরা সকলে মৌর সঙ্গ ।
 এই জন্ম হেন না জানিবা—জন্ম জন্ম ॥
 এই জন্মে যেন তুমি সব আশাসঙ্গে ।
 নিরবধি আছ সঙ্কীৰ্ত্তন সুখ রঙ্গে ॥
 এই মত আছ আরো দুই অবতার ।
 কীৰ্ত্তন আনন্দরূপ হইবে আমার ॥
 তাহাতেও তুমি সব এই মত রঙ্গে ।
 কীৰ্ত্তন করিবা মহাসুখে আনা সঙ্গে ॥

আমি যে এই সন্ন্যাস লইতেছি, ইহা কেবল লোক রক্ষার জন্য । তোমাদের চিন্তা কি ? এই বলিয়া নিমাই সকলের সঙ্গে প্রেমালিঙ্গন করিয়া, মৰ্ম্মকথা জানাইলেন, ভক্তগণের মনে যদিও প্রবোধ মানিল না তথাপি তাঁহারা বিষয়মনে নীরব হইলেন ।

(২)

দেবী বিষ্ণুপ্রিয়া পতির ভাবগতি দেখিয়া একেবারেই মরনে মরিয়া থাকিতেন । নিমাই বিরস বিষয়ভাবে বলিতেন,—আমি এক একবার মনে করি, দুইদণ্ড তোমার কাছে থাকিয়া তোমায় দেখি, কিন্তু কি করিব, আমার মন আমার স্ববশে নাই, কি করিব, কি হইবে,—কিছুই বুঝিতে পারিতেছি না ।”

পতির এই ভাব দেখিয়া কুন্ডলকোমলা প্রিয়াজী পূৰ্ণ হইতেই আহারনিদ্রা ত্যাগ করিয়াছিলেন । শচীনাতার হৃদয় দিবানিশিই নিমাইর জন্ত ব্যাকুল হইত । তিনি নিমাইকে সম্মুখে পাইলেই বলিতেন—বাবা, তুমিই আমার একমাত্র অঙ্কের নয়ন, তোমার

একরূপ দেখিয়া আমার হৃদয় কাটিয়া যাইতেছে । বাবা, তুমি এমন উদাসীন মত হইলে আমরা কাঁহার মুখের দিকে চাহিয়া জীবন ধারণ করিব ? তুমি সে দিন এক সন্ন্যাসী ঠাকুরের সহিত গোপনে গোপনে কি আলাপ করিতেছিলে ? বাবা সন্ন্যাসী দেখিলে আমার বড় ভয় হয় । সন্ন্যাসী আমার সর্বনাশ করিয়াছে । সন্ন্যাসীরা সর্বদাই তোমার দাদা বিশ্বরূপের কাছে আসিত, অবশেষে একদিন আমার সোণার চাঁদ বিশ্বরূপকে উহার হরিয়া লইল, আমার অঞ্চলের ধন, অঙ্কের নংনকে আর দেখিতে পাইলাম না । আবার সেইরূপ সন্ন্যাসীর আনাগোনা দেখিয়া আমার প্রাণ উড়িয়া গিয়াছে, তোমার মুখখানিতেও আর সে ভাব দেখিতে পাই না । বাবা, আমার মাথার দ্বিবি, তুমি কি ভাবিতেছ বল, তুমি বল যে আমরাগিকে ছাড়িয়া যাইবে না ।

নিমাই ।—মা, এ দেহ তোমার, আমি তোমার আজ্ঞাধীন । কিন্তু আমার মন আমার স্ববশে নাই, আমার কিছুই ভালবোধ হইতেছে না । আমি এখন আহার-বিহার ও লৌকিক আলাপ-ব্যবহারের বাহির হইয়াছি । আর যে আমি সংসারে মন বাঁধিতে পারিব, তাহার সম্ভাবনা নাই । কিন্তু যখন বাহা করি, তোমাঃনা বলিয়া কিছু করিব না । তোমার অনুমতি ছাড়া কিছুই করিব না ।”

শচী জানিতেন তাঁহার পুত্র কখনও মিথ্যাকথা বলেন না । তিনি কিঞ্চিৎ শাস্ত হইলেন, তাঁহার মনে হইল,—আমার অনুমতি ছাড়া নিমাই যখন কিছু করিবে না, তখন একরূপ নিশ্চিন্ত হওয়া গেল । কেননা আমি তো সন্ন্যাসের অনুমতি দিব না ।”

এদিকে নিমাইর গোপীভাব ক্রমেই অধিকতর ঘনীভূত হইতে লাগিল । কৃষ্ণ-বিরহে গোপীদের হৃদয়ে যেমন অসহ্য ব্যাকুলতার উদয় হইত, নিমাইর ঠিক সেই ভাব দেখা দিল । তিনি হা কৃষ্ণ বলিয়া অচেতন হইতে লাগিলেন, ঘরে থাকা তাঁহার পক্ষে ক্রমেই অসম্ভব হইয়া উঠিল । একদিন রাত্রিতে তিনি স্বপ্নে দেখিলেন কে.যেন তাঁহাকে “তত্ত্বমসি” এই সন্ন্যাস মন্ত্র প্রদান করিলেন । তিনি স্বপ্ন দেখিয়া বিহ্বল হইলেন, মুরারিকে বলিলেন—এ মন্ত্র আমি কি করিয়া লইব ? ইহাতে প্রাণনাথের সহিত আমার সম্বন্ধ উঠিয়া যায় । তাঁহাকে ত্যাগ করিয়া এই মন্ত্রে কেবল আত্মতত্ত্ব প্রতিষ্ঠা হয় । আমি প্রাণনাথকে ত্যাগ করিতে পারিব না । যথা শ্রীচৈতন্যমঙ্গলে

“কেমনে ছাড়িব আমি প্রিয় প্রাণনাথ ।

তাহারে ছাড়িয়া বা সাধিব কোন কাজ ॥”

মুরারিগুপ্ত বলিলেন—এ মন্ত্রে আর দোষ কি ? “তত্ত্বমসি” বাক্যের অর্থ “তুমি তাঁহার” এইরূপ করিলেই তো গোল চুকিয়া যায়, ইহার জন্ত আর হুঃখ কি ?

• “নিমাই কিছু স্থির হইলেন । কিন্তু সন্ন্যাস গ্রহণ সম্বন্ধে আর কোনও সন্দেহ রহিল না । নিমাইর প্রাণ কৃষ্ণবিরহে যেন ক্রমেই অধিকতর ব্যাকুল হইয়া উঠিল । তিনি নিরুজ্জনে থাকিয়া দিবানিশি কৃষ্ণচিন্তা করিয়া ফাঁপর হইয়া কাঁদিতেন, কাহারও সহিত বেশী কথা বলিতেন না, মধ্যে মধ্যে প্রিয়পার্বদ-গণের গলা জড়াইয়া ধরিয়া গদগদকণ্ঠে বলিতেন—কৃষ্ণবিরহে

আমার প্রাণ যায়—এখন উপায় কি বল, আমি আর ঘরে থাকিতে পারিব না ।”

একদিন শ্রীবাসের বাড়ীতে নিমাই স্পষ্টতঃই পার্শ্বদগণকে বলিলেন—তোমারা আমার প্রাণের বান্ধব, আমি তোমাদিগকে মরমের কথা খুলিয়া বলি, আর আমি ঘরে থাকিতে পারিব না, আমাকে ঘরে রাখিয়াও তোমাদের কোন সুখ হইবে না, আমাকে লইয়া তোমাদের আরও যাতনা বাড়িবে । তোমরা আমার বিদায় দাও ।

নারিব নারিব হেথা রহিবারে আমি ।

দেখিবারে যাব যথা বৃন্দাবন ভূমি ॥

এইরূপ ব্যাকুল হইয়া নিমাই “হা কৃষ্ণ প্রাণনাথ” বলিয়া উচ্চৈঃস্বরে বালকের ছায় রোদন করিতে লাগিলেন, অবশেষে ধূল্য গড়াগড়ি দিয়া কাদিতে আরম্ভ করিলেন । মর্শ্মী ভক্তগণ তাঁহার অসহ বিরহ-যাতনা বুঝিতে পারিয়া মর্শ্মাহত হইলেন ।

গদাধর তাঁহাকে ধরিয়া তুলিয়া পাছের দিকে বসিলেন, দেখি-
গেন কাদিতে কাদিতে তাঁহার চক্ষু ফুলিয়াছে, নয়ন লোহিতবর্ণ দেখাইতেছে, কথা বলিতে গেলেই বাক্য স্তম্ভিত হইতেছে, যুগ্ম শ্রীচৈতন্যমঙ্গলে—

কহিতে আরম্ভ মাত্র গদগদ স্বর ।

অরুণ কমল আঁখি করে ছল ছল ॥

সকরুণ কণ্ঠ আধ আধ বাণী কহে ।

সম্মুখিতে নরে ক্ষণে নিঃশব্দে রহে ॥

নিমাই একটু ধৈর্য্য ধরিয়া বলিলেন—অমি সন্ন্যাস লইয়া শ্রীমুন্দা-
বনে যাইব, সেখানে গিয়া বমুনাপুলিনে, এবং বনে বনে আমার
প্রাণনাথকে খুঁজিব। তাঁহাকে ছাড়া দশদিক শূন্য শূন্য বোধ
হইতেছে ।

প্রেমিক পাঠক, আপনার অবশ্যই জানা আছে, শ্রীরাধার
ভাবছাতি দইয়া শ্রীভগবান্ অবতীর্ণ হইয়াছেন। শ্রীরাধার
প্রেমাস্বাদ এই লীলার অন্তরঙ্গ উদ্দেশ্য। অমরকবি জ্ঞানদাস
শ্রীগোরাঙ্গলীলা দেখিয়াই রাধাভাবের পদাবলা লিখিতে সমর্থ হইয়া-
ছিলেন। এ স্থানে জ্ঞানদাসের একটি পদ শুনুন :—

গেক্সা বসন অঙ্গেতে পরিব

শঙ্খের কুণ্ডল পরি ।

যোগিনীর বেশে যাব সেই দেশে

যেখানে নিষ্ঠুর হরি ॥

নথুরা নগরে প্রতি ঘরে ঘরে

খুঁজিব যোগিনী হয়ে ।

যদি কারু ঘরে মিলে গুণনিধি

বান্ধিব আঁচল দিয়া ॥

নিমাই এই ভাবে বিভাবিত হইয়া গৃহত্যাগের সঙ্কল্প করিলেন।
পার্ষদগণের নিকট বিদায় লইবার জন্ত অল্পনয় বিনয় করিতে লাগি-
লেন। ভক্তগণ নীরবে কাঁদিতে লাগিলেন।

নিমাই কাতর কণ্ঠে বলিলেন, তোমরা বাধা দিও না। যদি
আমার প্রতি স্নেহ থাকে, তবে আমায় বিদায় দাও, আমার প্রাণ

আমার দেহে নাই। উঁহা শ্রীকৃষ্ণ-পাদপদ্মে চলিয়া গিয়াছে, শূন্য দেহ লইয়া তোমরা কি করিবে ?”

গদাধর অনেকক্ষণ নীরব ছিলেন, কিন্তু আর নীরব থাকিতে, পারিলেন না। তিনি বলিলেন, “তোমার সকল কথাই বুঝিলাম। তুমি-কি মনে কর যে গৃহে বসিয়া কৃষ্ণভজন হয় না ? তুমি সন্ন্যাসী হইতে চাও, যাও সন্ন্যাস গ্রহণ কর গিয়ে। তাহাতে কে তোমার বাধা দিবে ? কিন্তু নিশ্চয় জানিও,—তুমি গৃহত্যাগ করিলে পরক্ষণেই তোমার বৃদ্ধা জননী ও প্রিয়াজ্ঞী তোমার শোকে প্রাণে মরিবেন। মাতৃবধ করিয়া যে ধর্ম হয়, তুমি কি জগতে এই ধর্মের আদর্শ স্থাপন করিতে আসিয়াছ ?

নিমাই বলিলেন, “যদি তোমাদের মত বান্ধব আমার না থাকিত, তবে আমি এ সাহস করিতাম না। আমি জানি আমি আকুল হইয়া চলিয়া গেলেও তোমরা আমার বৃদ্ধা জননীর শোক-দন্ধ হৃদয়ে সান্ত্বনা দিতে পারিবে, আমার হইয়া তোমরাই আমার মাকে রক্ষা করিতে পারিবে। ভাই গদাধর, আমার মা যখন নিমাই নিমাই বলিয়া ব্যাকুল হইবেন তখন তুমি আমার মায়ের কাছে বসিয়া তাঁহাকে মা বলিয়া ডাকিও, তাঁহার নয়নফল মুছাইও, তাঁহাকে সান্ত্বনা দিও,—বলিও—নিমাই চিরদিনই তোমার। নিমাই আবার আসিবে। এইরূপে আমার মাকে রক্ষা করিও। যদি গৃহে থাকা আমার পক্ষে সম্ভবপর হইত, তবে কিছুতেই আমি তোমাদিগকে ছাড়িয়া যাইতাম না। আমার মাকে রক্ষা করিও—তোমাদের নিকট এ দীনের এই শেষ ভিক্ষা।

অদ্বৈত ও শ্রীবাসাদি ভক্তগণ বুঝিতে পারিলেন,—সত্যসঙ্কল্প
বিশ্বস্তরকে আর রাখা যাইবে না । ভক্তগণ একবারে বিবাদ-
সাগরে মগ্ন হইলেন—আর উহার কুল দেখিতে পাইলেন না ।

ইতোমধ্যে একদিন কাটোয়ার কেশবভারতী নবদ্বীপে
আসিলেন । নিমাই তাঁহার সহিত গোপনে গোপনে দীর্ঘকাল আলাপ
করিলেন, অবশেষে মনের কথা খুলিয়া বলিলেন :—

কতদিনে কৃষ্ণ মুঞি দেখিবারে পাব ।

তোমার মত বেশ আমি কবে সে ধরিব ॥

কৃষ্ণের উদ্দেশ্যে মুঞি দেশে দেশে যাব ।

কোথা গেলে কৃষ্ণ প্রাণনাথ মুঞি পাব ॥

ভক্তগণ বুঝিলেন নিমাই গৃহ ত্যাগ করিবার জন্ত একবারেই দৃঢ়-
সঙ্কল্প হইয়াছেন । নিমাইর কৃষ্ণবিরহে অবস্থা ক্রমেই গাঢ়তর
হইয়া উঠিল । লোকে প্রবোধ দিলেও তাহাতে তিনি কাণ দিতেন
না । তিনি বলিতেন,—(যথা চৈতন্যমঙ্গলে)

কৃষ্ণের বিরহে মোর ধক্ ধক্ প্রাণ ।

আর যত বোল কিছু না সম্ভায়ে কাণ ॥

ধরিয়া যোগীর বেশ যাব দেশে দেশে ।

যথা লাগি পাও প্রাণনাথের উদ্দেশ্যে ॥

নিমাইর এই ভাব দেখিয়াই মুরারিগুপ্ত শ্রীরাধার আক্ষেপানুরাগের
একটা পদে লিখিয়াছেন, যথা :—

সখি হে ফিরিয়া আপন ঘরে যাও ।

জীয়ন্তে মরিয়া যে আপন খাইয়াছে
 তারে তুমি কি আর বুঝাও ॥
 খাইতে শুইতে চিতে আন নাহি হেরি পথে
 বঁধু বিনে আন নাহি ভায় ।

পদকর্তা শ্রীরাধামোহন দাস লিখিয়াছেন—

আজু হাম নবদ্বীপ-দ্বিজরাজ পেঁথলুঁ নব নব ভাবে বিভোর ।
 দিনরজনী কিয়ে, কছু নাহি জানত, নয়নে হি অবিরত লোর ॥
 এই অবস্থায় নিমাইর গৃহত্যাগ যে অতি নিশ্চয়, ভক্তগণ তাহা
 স্পষ্টতঃই বুঝিতে পাইলেন ।

(৩)

নিমাই যে গৃহত্যাগের জন্ত প্রস্তুত হইতেছেন, ভক্তগণের
 নিকট বিদায় লইতেছেন, শচীমা বা প্রিয়াজী এ সম্বন্ধে কোনও
 কথা এ পর্য্যন্ত জানিতে পারেন নাই । কিন্তু নিমাইর ভাবগতিতে
 অতকিত ভাবে উভয়েরই মন যেন অন্ধকার হইয়া আসিতেছে ।
 শচীর শ্রোণ নিরন্তর ধক্ ধক্ করিতেছে, মুহূর্তের জন্তও তাঁহার
 সোয়াস্তি নাই । সততই চিন্তে আশঙ্কা হইতেছে : নিমাই
 তাঁহার হৃদয় আঁধার করিয়া চলিয়া যাইবে, রাত্রিতে তাঁহার
 চক্ষে নিদ্রা নাই, কেবল নিমাইর চিন্তা । যদি বা কোন সময়ে
 একটু ঘুমের মত বোধহয় অমনি “হা নিমাই হা নিমাই” বলিয়া
 কাঁদিয়া কাঁদিয়া উঠেন, তিনি স্বপ্নে দেখেন, নিমাই তাঁহার গৃহশূন্য
 করিয়া চলিয়া গিয়াছে । জাগিয়া বলেন—গোবিন্দ দয়াময়, আমার

সব লইয়াছ, এতগুলি সন্তান লইয়াছ, সোণারচাঁদ বিখরুপকে হরিয়া লইয়াছ, পতিকে লইয়াছ—এখন আমার নিমাইকে ঘরে রাখ। নিমাই গেলে আমার উপায় কি ?”

শচীর বয়স তখন প্রায় ৬৮ বৎসর। শোকে ছুঁথে ভাবনায় চিন্তায় অস্থির। কেবল নিমাই ও প্রিয়াজীকে দেখিয়াই কোন নতে তিনি জীবন ধারণ করিতেছিলেন। তাঁহার উপরে নিমাইর এই অবস্থা। অল্প রমণী হইলে এতদিন তাঁহাকে উন্মাদিনী হইতে হইত। কিন্তু স্বয়ং ভগবান্ যাঁহার উদরে জন্মগ্রহণ করিয়াছেন, তিনি তো আর যে-সে রমণী নহেন। তাঁহার সহিষ্ণুতা বাস্তবিকই অলৌকিক।

যদিও সাক্ষাৎ সম্বন্ধে শচীদেবী নিমাইর এই নিদারুণ সঙ্কল্পের কথা জানিতে পারিলেন না, কিন্তু এ কথা আর অধিক দিন চাপা রহিল না। পার্শ্বদগণ ও ভক্তগণ এই নিদারুণ ঘটনার আশঙ্কায় একরূপ আহার নিদ্রা ত্যাগ করিয়াছিলেন। তাঁহাদের পত্নীগণ তাঁহাদের মুখে এই সংবাদ পাইয়া মর্ম্মযাতনায় এই কথা লইয়া কাণাকাণা করিতেছিলেন। শচীনাতা ও প্রিয়াজী এ কথা শুনিতে না পান, এজন্য সকলেই সতর্ক হইয়াছিলেন। কিন্তু জন্মবিদারক সংবাদ চাপা দিতে গিয়াও তাঁহারা চাপা দিতে পারিলেন না। এক মুখ হইতে অল্প মুখে কেবল নিমাইর গৃহত্যাগের কথাই দিনরাত চলিতে লাগিল। নারীগণের কাণাকাণিতে শচীদেবী বুঝিতে পারিলেন, নিমাই বুঝি আর গৃহে থাকিবে না এবং এই কথা তিনি ভিন্ন আর সকলেই স্পষ্ট জানি-

রাছে। ধৈর্যের একটা পীমা আছে। এবার প্রকৃতপক্ষেই শচীদেবীর ধৈর্যের বাঁধ ভাঙ্গিয়া গেল। তিনি একবারে অধীর হইয়া পড়িলেন। এ কথা কাহাকে জিজ্ঞাসা করিতেও তাঁহার মনে আশঙ্কা হইল। প্রথমতঃ গদাধরকে ডাকিয়া সশঙ্কচিত্তে জিজ্ঞাসা করিলেন “গদাই, শুনলাম নিমাই নাকি কি করিবে?” এই বলিয়া তিনি কাঁদিতে লাগিলেন। শচীদেবী সন্ন্যাসের কথা মুখে আনিতে পারিলেন না।

গদাধর কিছুকাল নীরব থাকিয়া বিবল গম্ভীরভাবে বলিলেন,— তিনি আপনার একান্ত অমুগত,—বিশেষতঃ সত্যবাদী। আপনার নিকট তিনি কোনও কথা গোপন করিবেন না, আর আপনার অমুগতি না পাইলেও কিছু করিবেন না। আপনি সময় বুঝিয়া তাঁহাকে জিজ্ঞাসা করিবেন, তাহা হইলেই সকল কথা শুনিতে পাইবেন। তাঁহার ভাবগতি দেখিয়া কাহারও ভালবোধ হইতেছে না।” এই বলিয়া গদাধর নীরব হইলেন। শচী বুঝিলেন— তাঁহার কপাল ভাঙ্গিয়াছে। তবে কথা এই যে নিমাই বাতাই করুক তাহার অমুগতি ছাড়া কিছু করিবে না। এই ভাবিয়া একটুকু আশ্বস্ত হইলেন।

কিয়ৎক্ষণ পরে নিমাই গৃহে ফিরিলেন, মুখখানিতে কেমন এক ভাব,—যেন এইমাত্র কাঁদিয়া কাঁদিয়া চক্ষু ফুলাইয়াছেন, গণ্ডে তখনও নয়নজল ভাল করিয়া শুথায় নাই। নিমাই গৃহে আসিয়াই দণ্ডবৎ হইয়া মায়ের চরণে প্রণাম করিলেন। নিমাইর চিরদিনই এইরূপ প্রণামের অভ্যাস ছিল। তিনি গৃহ হইতে একদণ্ডের তরে কোথাও

যাইতে হইলে নাকে প্রণাম করিয়া যাঁতেন, আবার তখনই ফিরিয়া আসিলে এইরূপ প্রণাম করিতেন। শচীমা নিমাইকে ধরিয়া তুলিয়া কোলের কাছে টানিয়া আনিলেন—আনিয়া বলিলেন—“বাপু” তুমি আমার অন্ধের নয়ন, আমার সব গিয়াছে, কেবল তোমাকে লইয়া ঘরে আছি, তুমি যদি সন্মুখদা এরূপ কর, তবে আমার উপায় কি ?

নিমাই । কি করিব মা, আমি স্ববশে নাই, আমার এখন দিবানিশি কান্না পায়, তাই নিরুজ্জনে বসিয়া কাঁদি। কোথায় গেলে শান্তি পাব, আমার মনে কেবল এই ভাবনা। এ ছাড়া আর কিছুই ভাবিতে পারি না। আমি জানি তুমি স্নেহময়ী জননী—আমার প্রত্যক্ষ দেবতা। তোমার চরণ সেবাই আমার একমাত্র ধর্ম। কিন্তু কি করিব না, মন মানাইবার ক্ষমতা আমার নাই।”

শচী । তা তুমি ঘরে থাকিয়া কৃষ্ণভজন কর, কৃষ্ণকথা বল, আনাদিগকে কৃষ্ণকথা শুনাও, মনের বেগ সামলাইতে না পার, না হয় কৃষ্ণ বলিয়া কাঁদ। তাতে আমি বাধা দিব না। কিন্তু বাছা কি শুনছি যে ? আমি তোমার মা, আমার ঠিক করিয়া বল।”

বলিতে বলিতে শচীদেবী আর কিছু বলিতে পারিলেন না, তাঁহার নয়ন অশ্রুজলে ভাসিয়া গেল, ঠোঁট দুইখানি কাঁপিতে লাগিল। নিমাইকে বুকে ধরিয়া শচীদেবী কাঁদিতে লাগিলেন।

মায়ের নয়ন জল দেখিয়া নিমাইর নয়নযুগলে অশ্রু দেখা দিল, মুক্তামালার ভ্রায় অশ্রুবিন্দু নিমাইর গণ্ড বহিয়া চলিল। তিনি মায়ের চক্ষের জল মুছাইয়া বলিলেন,—“না কাঁদিও না। সকলি

কৃষ্ণের ইচ্ছা। এই বলিয়া নিমাই নাটির দিকে মুখ করিয়া নীরব রহিলেন। নিমাই পূর্বে মনে করিয়াছিলেন, তিনি অন্যায়সে মায়ের নিকট হইতে বিদায় লইয়া সন্ন্যাস করিবেন। কিন্তু চির জুথিনী মায়ের জীর্ণ শীর্ণ দেহ ও শোকাকুল মুখে নয়ন জল দেখিয়া নিমাইর হৃদয় বিদীর্ণ হইতে লাগিল। জননীর কথায় কোন উত্তর দিতে তাহার এক বারেই সাহস হইল না। নিমাই মায়ের মুখের দিকে চাহিয়া কাঁদিতে লাগিলেন।

শচী। বাছা, আমি তোমার চোখের জল দেখিতে পারি না। আমি আর কাঁদিব না, তুমি কাঁদিও না। তুমি কি মনে করিয়াছ, আমার বল। আমি তোমার না। আমাকে মনের কথা বলিবে না, তবে আর কাহাকে বলিবে?

নিমাই। মা বলিয়াছি তে, আমি আমার স্বপ্নে নাই। আমার মনে যাহা হইতেছে, তা তোমায় বলিতে আমার সাহস নাই। কোন মুখে তোমার কাছে সে কথা তুলিব, এই ভাবিয়া কিছুই বলিতে পারি নাই। তুমি আমার স্নেহময়ী জননী, এজগতে সাধারণতঃ মা দশমাস সন্তানকে গর্ভে ধারণ করে, কিন্তু আমি বৎসরাধিক কাল তোমার গর্ভে থাকিয়া তোমায় কত কষ্ট দিয়াছি, তুমি রোগে শোকে ও বার্কক্যজীর্ণদেহে কত ক্লেশে আমার লালন পালন করিয়াছ। আবদার করিয়া অস্ত্রাঘ আচরণ করিয়া তোমায় কত যাতনা দিয়াছি। শিশুকালে দাদা ও বাবা আমাদিগকে ছাড়িয়া গেলেন, তুমি কত যত্নে আমার রক্ষা করিয়াছ, লেখাপড়া শিখাইয়াছ, আমাকে গৃহে রাখিয়া গার্হস্থ্য স্নত্খ দিবার

জ্ঞানই বা কত যত্ন করিয়াছ । আর এখন আমার এই দশা দেখিয়া তুমি কত যাতনা পাইতেছ, তোমার নিজের দেহের ভাবনা নাই কেবল আমাকে লইয়াই তুমি অস্থির । এখন তুমি বুঝা, তাহাতে শোকে শোকে জীয়েস্তে নরা । এখন আমার প্রধান ধর্ম প্রাণ দিয়া তোমার সেবা করা । এইত পুত্রের কাজ,—কি বল য়া ?

নিমাইর কথা শুনিয়া আবার শচীদেবীর নয়নকোণে অশ্রুবিন্দু দেখা দিল, কিন্তু পাছে বা তাহা দেখিয়া নিমাইর মনে যাতনা হয়, এই ভাবিয়া তিনি অতি কষ্টে নয়নজল সংবরণ করিয়া বলিলেন—বাবা আমি সেবা চাই না, কেবল তোমার ঐ মুখ খানি দেখিতে পাইলে আমি আর কিছুই চাই না ।

নিমাই । তোমার স্নেহের প্রতিদান নাই, তোমার স্তম্ভহৃদেই এই দেহ । উহার এক বিন্দুর জ্ঞানও আমি সারাজীবন তোর নিকট স্বামী, সে স্বামী শোধ করা যায় না । কিন্তু না আমি তোমার এমন কুসন্তান যে আমি তোমার কোনও সেবা করিতে পারিলাম না ।

এই কথা বলিতেই নিমাইর বাক্য গদগদ হইয়া পড়িল । নিমাই বলিতে বলিতে আর বলিতে পারিলেন না, তাঁহার চল চল নয়ন আবার সজল হইয়া উঠিল, পাছে বা জননী তাহার নয়ন জল দেখিয়া ক্লেশ পান, এই আশঙ্কায় অতি কষ্টে নয়ন জল সংবরণ করিলেন ।

আজ এই নিদারুণ কথার দিনে স্নেহময়ী জননী নিজের হৃদয়ে পাষাণ চাপাইয়া দিয়া পুত্রের কথা শুনিতেছেন, তাঁহার মুখখানি শুষ্ক, নয়নে একবিন্দু জল নাই, যেন নিদারুণ অন্তর্দাহে তাঁহার

গোটা হৃদয়কে পুড়িয়া খাঁক করিয়া ফেলিয়াছে। নিমাই মুখে যদিও একথা বলেন নাই, যে তিনি তাঁহাকে ছাড়িয়া যাইবেন। এ জগতে ভাষায় আর কয়টা কথা প্রকাশ পায়? শচীদেবীর নিজের মনই তাঁহাকে স্পষ্ট জানান দিয়াছে, যে নিমাই তাঁহাকে ছাড়িয়া যাইবেন, তাই তিনি জন্মের মত তাঁহার হৃদয়ের ধনকে প্রাণ-ভরিয়া দেখিয়া লইতেছেন।

নিমাই শচীদেবীর মুখের দিকে চাহিয়া বুঝিলেন যে মা এখন শোকে শোকে শোকবেগের অনেক দূরে আসিয়া পড়িয়াছেন। নিমাই ধীরে ধীরে বলিতেছেন, স্নেহমগ্নী জননী, আমি কোটিজন্মেও যদি তোমার চরণতলে বসিয়া তোমার সেবা করি, কিছুতেই তোমার ঋণ শোধ দিতে পারিব না। তুমি আমায় নিজ সদাশয় গুণে ঋণ মুক্ত কর, এ প্রার্থনাও আমার নাই। কে কবে স্নেহের ঋণ হইতে মুক্তি লইতে চায়? আমি চিরদিন তোমার নিকটে এই ঋণে ঋণী রহিব, এবং চিরদিনই তোমার ঋণের কণা মনে রাখিব। কখনও তোমায় ভুলিব না। কিন্তু মা, যাহা মনে করিয়াছি, তাহা এখন আর তোমার না বলিয়া থাকিতে পারিতেছি না। কি জানি কেমন মনের টানে আমি কৃষ্ণের জন্ত পাগলের ছায়া হইয়াছি, আমি সোয়ান্তি পাইতেছি না। কীর্তন এত ভাল বাসিতাম, এখন সেই কীর্তনও ভাল লাগিতেছে না, লোকসঙ্গ বিষবৎ বোধ হইতেছে। মনে করিতেছি গৃহত্যাগ করিয়া সন্ন্যাসী হইব, সন্ন্যাসী হইয়া কৃষ্ণ অন্বেষণে বাহির হইব—মা আর আমি ঘরে থাকিতে পারি না। আমার প্রাণ বাহির হইয়া গিয়াছে, কেবল দেহ নাত্র এখানে রহি-

রাছে । আমার যাহাতে হিত হয় ইহাই তোমার ভাবনা, আমি সন্ন্যাসী হইলেই আমার ভাল হইবে, ইহাই বুঝিয়া না তোমার এই অধম সন্তানকে বিদায় দাও ।”

পূর্বে বলিয়াছি কি-জানি-কোন্ শক্তির প্রভাবে শচীদেবীর শোকদগ্ধ হৃদয়ে সহসা পাষণ চাপা পড়িয়াছিল, তাঁহার শোকবেগ চরমসীমায় উঠিয়া একবারে স্থগিত ও নিশ্চল হইয়াছিল । তাঁহার মনের অবস্থা আমরা ভাষায় বুঝাইতে পারিব না । ফলকথা এই নিদারুণ সংবাদ শুনিয়াও তাঁহার মুখের মুখুর্চা হইল না, মুখেও কোন বিষাদ-ভাবের চিহ্ন দেখা গেল না । শচীমাতা উদাসিনীর ছায় এই বজ্রতুল্য নিদারুণ সংবাদ শুনিলেন, কোনও উত্তর না দিয়া শূন্য দৃষ্টে নিমাইর মুখের দিকে চাহিয়া রহিলেন ।

নিমাই কাতর কণ্ঠে আবার বলিলেন—“মা দয়াময়ী, সদয় হইয়া আজ্ঞা দাও, আমি সন্ন্যাসী হইয়া কৃষ্ণভজন করিব ।”

শচীর স্থির নয়নে পলক পড়িল, তাঁহার বিগত মুখখানি হইতে অশ্রুটভাবে সহসা একটা কথা শুনিলেন—“বুঝিলাম,—কিন্তু বিষ্ণুপ্রিয়া ?

নিমাইর হৃদয়ে আবার একটি তরঙ্গ উথলিয়া উঠিল । তিনি অচিরে সে বেগ সম্বরণ করিয়া ধীরে ধীরে বলিতে লাগিলেন—“মা, সে জন্ত ভাবিও না । যাহারা আমাকে ভালবাসে, তাহারা আমার ভালতেই ভাল মনে করিবে । আমি ঘরে থাকিয়া শাস্তি পাইব না, কাহাকেও সুখ শাস্তি দিতে পারিব না । অপর পক্ষে সকলের যাতনার কারণ হইব । আমি সন্ন্যাস লইয়া কৃষ্ণভজন

করিব,—কুব্ধই সকলের মনে শান্তি দিবেন । সে আমার হইয়া তোমার চরণ সেবা করিবে, তোমার পুত্রবধূ যে তোমার সেবা করিবে, ইহাই আমার মনের সাধনা । যখন তোমার সেবার কথা আমার মনে হইবে, তখন তোমার পুত্রবধূর কথা মনে করিয়া শান্তি পাইব । সে আমি অপেক্ষা অধিকতর যত্নে তোমার সেবা করিবে,—এই সাধনায় আমার অনেক দুঃখ দূর হইবে ।

শচী এতক্ষণ নিমাইর মুখের দিকেই চাহিয়া ছিলেন । নিমাই কি বলিতেছেন সে বিষয় আধ-আধ ভাবে তিনি গুনিতেছিলেন । ফলতঃ শচীদেবীকে দৃশ্যতঃ স্তম্ভিতা বলিয়া বোধ হইলেও তাঁহার চিন্তা বজ্রাহতের ত্রায় একরূপ সংজ্ঞাহীন হইয়াছিল, ক্ষণিকের তরে আবার যেন তাঁহার স্বাভাবিক চেতনা ফিরিয়া আসিল ।

শচীদেবী চমকিয়া বলিলেন—কি বলিলি নিমাই, তুই সন্ন্যাসী হইবি ? আমি মরণের পথে দাঁড়াইয়াছি, তুই আমায় ছেড়ে যাবি ? নিমাই, বল্‌দেখি আমার আর কে আছে ? তুই যে আমার অন্ধের নয়ন, তোরে না দেখিলে আমার পলকে প্রলয় হয়, আমি কি তোরে ছেড়ে থাকতে পারি ? ক্রমে ক্রমে সাতটী মেয়ে ম'রে গেল ; তার পরে তোকে কোলে পাইলাম । বিশ্বরূপকে ও তোরে লইয়া এতদুঃখেও কত আশা মনে হইত । কিন্তু আমার কপাল দোষে সোণারচাঁদ বিশ্বরূপ যখন আমায় ছেড়ে চলে গেল, তখন আমার কোলে আসিয়া আমার চাপুড় জল মুছাইয়া তুইনা বলিয়াছিলি—না আমি তো আছি, তোমার ভাবনা কি, আমি তোমার কাছে থাকিব, তোমায় না বলিয়া ডাকিব ।” এখন তোর মুখের দিকে

চাহিয়া সকল শোকের আশ্বিন চাপা দিলাম । কর্তা তোরে আমার কোলে দিয়া বিদায় হইলেন ।”

সংসারে একাকিনী,—তোরে বুকে লইয়া সকল পাসরিলাম । বিধাতা বহুদিন দুঃখ দিয়া পরে আমায় সুখ দিলেন । চারিদিকে তোব নাম হইল । আমি নিমাই পণ্ডিতের না, লোকে আমাকে ভাগ্যবতী বলিয়া কত মন্তব্য করে । বিবাহ হইল, বউ না ঘরে আসিল, আমার কৰ্ম্ম দোষ সে আমায় ফেলিয়া চলিয়া গেল । আবার বিধাতা ঠিক তেমনটাই দিলেন—রূপে গুণে, লজ্জায় শীলতায়, স্বভাব চরিত্রে বউনা আমার স্বরংলঙ্গী । মনে করিলাম এবার পুত্র ও পুত্রবধু লইয়া কয়েকদিন সংসার করিব, আরও মনে করিলাম আমার বউমার কোলে একটি সোণারটান হইবে, আমি চক্ষু থাকিতে একবার পৌত্রের মুখ দেখিয়া তোলাদিগকে সংসারে রাখিয়া হরিচরণ চিন্তা করিতে করিতে এই জীবন শেষ করিব । নিমাই, তুইকি আমার সকল আশায় ছাই দিয়া সন্ন্যাসী হইবি ? ধন্য তোর সাহস, যে আমার কাছে সন্ন্যাসের কথা তুলিয়াছিস । তুই ছেড়ে গেলে কি আমি প্রাণ রাখিব ?

দুঃখ দিয়া অভাগীরে ছেড়ে যাবা তুমি ।
গঙ্গায় প্রবেশ করি নরি বাব আমি ॥
ছথিনীর পুত মোর সোণার নিমাই ।
আনারে ছাড়িয়ে তুনি বাবে কোন ঠাই ॥
বিষ খেয়ে নরিব রে তোর বিদ্যমানে ।
তোমার সন্ন্যাস কথা না শুনিব কাণে ॥

আগেতে মরিব আমি পাছে বিকৃপ্রিয়া ।

মরিবে ভকত সব বুক বিদরিয়া ॥

নিমাই, তুমি সুপণ্ডিত, তোমার আর কি বলিব ? মাতৃবধ, স্ত্রীবধ ও বন্ধুবধ করিয়া যদি ধর্ম হয় তবে তুমি সন্ন্যাস কর। গৃহস্থের কি আর কৃষ্ণ-ভজন হয় ন ? বাছা ও কথা আর মুখে এনো না। ওকথা শুনিলে আমি জ্ঞানহারা হই, কি বলিতে কি বলি,—বুঝিতে পারি না।

নিমাই প্রথমতঃ মনে করিয়াছিলেন, তিনি সহজেই মায়ের নিকট অনুমতি লইতে পারিবেন। কিন্তু মায়ের কথা শুনিয়া নিমাই একেবারে হতবুদ্ধি হইলেন। অথচ তাঁহার মনের যে অবস্থা ইহাতে সংসার-কারা-গৃহে থাকা তাঁহার পক্ষে অসম্ভব।

নিমাই মায়ের চরণে আবার দণ্ডবৎ হইয়া পড়িয়া বলিলেন,—
“মা তোমার প্রত্যেক কথা আমার কাছে বেদবাক্য। তোমার একটি কথারও উত্তর দিতে পারি, এমন শক্তি আমার নাই। এখন আমার এমন অবস্থা যে ধর্ম্মাধর্ম্ম কন্মাকন্ম জ্ঞান একবারে লোপ পাইয়াছে। আমি সকলই বুঝিতে পারি, আবার কিছুই বুঝিতে পারিতেছি না। আমার মনে হইতেছে আমি সন্ন্যাসী হইরা দেশে দেশে ঘারে ঘারে ভ্রমিব, কৃষ্ণ কৃষ্ণ বলিয়া কাঁদিব, তবে যদি কৃষ্ণের রূপা হয় ; আর কৃষ্ণের রূপা না হইলে,—এজীবন-ধারণেই বা কল কি ?

শচী । বাছা ওকথা আর তুলিস না, মায়ের প্রাণ কি এত সহিতে পারে ? বাবা, তোর ঐ কোমল পাছখানি হইতে হাটিতেই

যেন রক্ত পড়ে। তুই কি করিয়া পথে চলিবি, রোদে বৃষ্টিতে কোথায় দাঁড়াইবি। তুই এই চাঁচর চুল মুড়াইয়া সন্ন্যাসী হইবি, এই পটুবাস ত্যাগ করিয়া কোপীন পড়িবি। আর সোণার অঙ্গে ভিকার ঝুলি লইয়া ঘারে ঘারে ভিক্ষা করিবি। ক্ষুধার সময়ে কে তোরে এক মুষ্টি অন্ন দিবে? তৃষ্ণা পাইলে কে তোরে এক টুকু জল দিবে? যদিই বা কেহ এ ছুধিনীর দুঃখে ব্যথিত হইয়া একমুষ্টি অন্ন দেয়, কিন্তু সে কি তোর সম্মুখে বসিয়া “বাবা আর এক গ্রাস মুখে দে,—এখনও তোর ক্ষুধা যায় নাই, আমার মাথার দিব্যি আর এক গ্রাস মুখে দে”—ইহা বলিয়া তোকে খাওয়াইবে? তুই ক্ষুধায় তৃষ্ণায় গাছের তলে ঘুমাইয়া পড়িলে কে তোর ঘুম ভাঙাইয়া তোর খাওয়ার উদ্যোগ করিবে? বাপ্ নিমাই, ওকথা আর মুখে এনো না, আমার হৃদয় ধসিয়া পড়িতেছে, আর পারি না।”

বলিতে বলিতে শচীমাতা আবার গভীর শোক বেগে বিহ্বল হইয়া পড়িলেন। সতৃষ্ণ কাতর নয়নে নিমাইর মুখপানে চাহিয়া রহিলেন। মায়ের অবস্থা দেখিয়া নিমাইর নয়ন ছল ছল হইয়া উঠিল, তিনি ছুই হাতে মায়ের চরণ ধরিয়া বলিলেন—“মা তোমায় আমি কত যতনা দিলাম—পুত্র মায়ের সেবা করে, মাকে সুখ দেয়, কিন্তু আমি এমনই দুর্ভাগ্য যে কেবল তোমার দুঃখের কারণ হইলাম। আমি অপরাধী, আমার ক্ষমা কর। তুমি অনুমতি না দিলে—স্বচ্ছন্দে অনুমতি না দিলে,—কৃষ্ণ আমায় রূপা করিবেন না। সে সন্ন্যাসেও আমার মঙ্গল নাই। তুমি

অমুমতি না দিলে আমি কখনও সম্মাস করিব না। মা তুমি শান্ত হও ।

এবার শচীমাতার নূতন শব্দট উপস্থিত হইল । তিনি স্পষ্টতঃই বুঝিতে পারিতেছেন,—গৃহস্থে পুত্রের শাস্তি নাই, বিষ্ণুপ্রিয়ায় অমন প্রণয়ে ও অমন সেবার যাহার মন ঘরে বাঁধা রহিল না, তাহাকে ঘরে রাখা অসম্ভব । তিনি আরও বুঝিলেন গৃহ এখন নিমাইর পক্ষে কারাগৃহস্বরূপ । কেবল তাঁহার দিকে চাহিয়াই নিমাই এই কারাক্লেশ ভোগ করিতে স্বীকার করিতেছে । শচী ভাবিলেন,—আমি এ কি করিতেছি, আমার আত্মতৃপ্তির জন্ত আমি আমার প্রাণের প্রাণকে কারা-শৃঙ্খলে বদ্ধ রাখিব কেন ? তবে এক বিষম ভাবনা,—অভাগিনী বিষ্ণুপ্রিয়া ! কিন্তু কি করিব, হরি জ্ঞানেন কি হইবে ।” এই ভাবিয়া শচীদেবী অধোবদন নিমাই চাঁদের চিবুকে হাত দিয়া বলিলেন, “বাবা অমন কথা বলিও না, আমার কাছে অপরাধের কথা বলিও না । তোমার যাতে সুখ হয়, তাই আমার সুখ । কিন্তু আমার সোণার প্রতিমা বউমাকে তুমি অনাথ করিয়া যাইবে, এ দুঃখ আমি কিছুতেই সহিতে পারি না । এ আগুন বুকে লইয়া আমি কি করিয়া কাল কাটাইব ? শচীমা এই বলিয়া আঁধার কাঁদিতে লাগিলেন । তিনি চক্ষের জল ফেলিবেন না বলিয়া মনে করিয়াছিলেন কিন্তু বিষ্ণুপ্রিয়ার কথা মনে করিয়া আর কিছুতেই স্থির থাকিতে পারিলেন না ।

নিমাই অধোবদনে কাতরকণ্ঠে বলিলেন—মা আপনার কৃপা হইলে সে প্রবোধের ভার আমার উপরে দিন । আপনি

মনে মনে সকল কথা বিচার করিয়া স্বচ্ছন্দচিত্তে আমার অহুমতি প্রদান করুন ।

শচী । আমি তোমার সন্ন্যাসের অহুমতি দিব—এও কি সম্ভব ? তবে তোমার যাহাতে হিত হয়, যাহাতে তুমি সোয়াস্তি পাও, আমার শত কালসাপের দংশনজ্বালা সহ্য করিতে হইলেও তাহা আমাকে স্বীকার করিতে হইবে । আমি কি স্বচ্ছন্দচিত্তে অহুমতি দিব যে, আমাদিগকে ঘরে রাখিয়া তুমি সন্ন্যাসী হও । আমি অভাগিনী তাই এত সহিলাম । এ আশুনে পাষণ্ড বিদীর্ণ হয় ।

নিমাই । তুমিই যথার্থ স্নেহময়ী । পুত্রের ভালবাসা কেমন, তাহা কেবল তুমিই জান । কিন্তু মা বুঝিয়া দেখ—আমি স্ববশে থাকিলে কি এমন সুখের সংসার—তোমার মত স্নেহময়ী ব্রজা জননী,—আর এমন প্রিয়তম পার্শ্বদগণের সঙ্গ ত্যাগ করিয়া আমি কি সন্ন্যাস গ্রহণ করিতে উদ্বৃত্ত হইতে পারিতাম । সংযোগ বিয়োগ কৃষ্ণের ইচ্ছা । জীবের কর্তব্য কৃষ্ণভজন । ঘরে থাকিয়াও কৃষ্ণভজন হইতে পারে । কিন্তু মা, বিধাতার ইচ্ছা নয়—আমি ঘরে থাকিয়া কৃষ্ণ ভজি । তিনি আমাকে জোড়ে টানিতেছেন, তোমরা ইচ্ছা করিলেও রাখিতে পারিবে না । এ অবস্থায় স্নেহময়ী জননি,—তোমার কর্তব্য স্বচ্ছন্দচিত্তে আমাকে শ্রীকৃষ্ণের পাদপদ্মে অর্পণ করা । মা তুমি কৃষ্ণপদে আমাকে সঁপিয়া দেও,—দিয়া বল হে দীনবন্ধো, অনাথশরণ এই দুখিনীর অকলের ধনকে,—এই দুখিনীর একমাত্র প্রাণকে তোমার চরণে সঁপিয়া দিলাম, এ ভগতে আমার আর কিছুই রহিল না, আমি শূন্যহাতে করজোড়ে মিনতি করিয়া বলি-

তেছি হে দীনবন্ধো অনাথশয়্য তুমি এ কাঙ্গালিনীর অঞ্চলের ধনকে রক্ষা করিও ।” বলিতে বলিতে নিমাই বিহ্বল হইয়া বলিলেন,—মা শ্রীকৃষ্ণবিরহে আমি আর আমাতে নাই, কৃষ্ণভিন্ন এ জালা নিবারণের আর অস্ত্র উপায় নাই । তোমাদের স্নেহবন্ধন ছিঁড়িয়া ফেলা আমার পক্ষে অসম্ভব, তাহা আমি বুঝিতে পারি কিন্তু কোথা হইতে কি এক তরঙ্গের পর তরঙ্গ আসিয়া আমাকে বৃন্দাবনের দিকে ভাসাইয়া”—এই বলিতে বলিতে নিমাই সহসা অচেতন হইয়া পড়িলেন । শচী দেখিলেন নিমাইর নয়নের তারা স্থির হইয়া গিয়াছে, মুখের বর্ণ সাদা, দেহে স্পন্দন নাই, নশ্বনে পলক নাই, সমস্ত দেহ একবার হিমের মত হইয়াছে ।

শচী নিমাই নিমাই বলিয়া চীৎকার করিয়া কাঁদিয়া উঠিলেন । তাহার আর্দ্রনাদে অপরাপর লোক দৌড়িয়া আসিলেন, সকলে নিমাইর কাণের কাছে হরিনাম করিতে লাগিলেন । কিয়ৎক্ষণ পরে নিমাইর চেতনা হইল । নিমাই কৃষ্ণকথা কহিতে কহিতে অচেতন হয়েন ইহা সকলেরই জানা ছিল । নিমাইর চেতনা দেখিয়া অত্যন্ত লোকেরা শচীমাকে ভরসা দিয়া চলিয়া গেলেন ।

শচীমাতা এবার স্পষ্টতঃই বুঝিলেন,—নিমাইকে আর ঘরে রাখা যাইবে না । নিমাই একটুকু স্থস্থ হইয়া বলিলেন “স্নেহময়ী জননী এ অভাগার জন্ত আপনাকে কত ক্লেশই সহিতে- হইল ।” এই বলিয়া দয়াময় মাতৃহৃৎ লাঘব করার জন্ত তাঁহাকে জ্ঞানযোগ দান করিলেন । সহসা শচীর মন পরিবর্তিত হইল ।

শচী । নিমাই, আমার সোপার চাঁদ, অমন কথা কি বলিতে

আছে । তোমার যাতে ভাল হয় তাই কর, তুমি বাঁচিয়া থাক
যেখানে যখন থাকিবে আমি স্তনিত পাইলেই আমি সুখী হইব ।
জগতের লোকেরা বলে তুমি স্বয়ং ভগবান্ । তুমি জীব নিস্তারের
জন্ত সন্ন্যাসী হইয়া দেশবিদেশে হরিনাম প্রচার করিবে, পতিত
পাষণ্ডী উদ্ধার পাইবে । তুমি স্বয়ং ভগবান্, আমার গর্ভে জন্ম
লইয়াছ ইহা আমার পরম ভাগ্য । তুমি পূর্ণব্রহ্ম তোমার চরণ
ধূলায় আমাদের ঘরবাড়ী পবিত্র হইয়াছে । তুমি আপন ইচ্ছায়
কৃপা করিয়া এখানে আসিয়াছ, আবার আপন ইচ্ছাতেই সন্ন্যাসী
লাজিতেছ । তুমি ভগবান্ হইয়াও আমার অহুমতি চাহিতেছ, এ
সকলি তোমার লীলা । তুমি স্বতন্ত্র তুমি আরার কাহার অহুমতি
লইবে ? তবে যে অহুমতি চাহিতেছ—ইহা কেবল তোমার মধুর
ভাব । আমি তোমাকে চিনিয়াছি । আমি স্বচ্ছন্দচিত্তে তোমায়
অহুমতি দিলাম, যথা শ্রীচৈতন্যমঙ্গলে :—

সেইখানে বিশ্বস্তরে কৃষ্ণ বুদ্ধি হৈল ।

আপন তনয় বলি মায়া দূরে গেল ॥

এত অহুমানি শচী কহিল বচন ।

স্বতন্ত্র ঈশ্বর তুমি পুরুষ বচন ॥

মোর ভাগ্যে এতদিন ছিল মোর বশ ।

এখন আপন স্তখে করগা সন্ন্যাস ॥

এই বলিয়া শচী যেন আনন্দে মূচ্ছিত হইয়া পড়িলেন । প্রেম-
ময় ভগবান্ তাঁহার আপন জনকে অধিকক্ষণ, ঐশ্বর্য্য জানে
আবৃত রাখেন না । ঐশ্বর্য্যে লীলার চরিতার্থতা পাই, মাধুর্য্যেই

লীলার প্রকৃত আশ্বাদন । হুই শ্রীভগবান্ মাতার আনন্দ মুচ্ছা দূর করিলেন, উহার সঙ্গে সঙ্গে শচীদেবীর ঐশ্বর্যজ্ঞানও দূরে গেল । তিনি তখন কাঁদিয়া বলিতে লাগিলেন,—হায় হায় আমি কি পাবাণী, নিজমুখে প্রাণের ধনকে আমি সন্ন্যাসী হইতে অহুমতি দিলাম—আমি কি বলিতে কি বলিলাম, মা হয়ে বাছাকে বিদায় দিলাম ।” এই বলিয়া শচীমাতা আবার শোকাচ্ছন্ন হইয়া ভূমিতে গড়াগড়ি দিতে লাগিলেন ।

নিমাই তাঁহাকে ধরিয়া তুলিয়া বলিলেন, “মা অধীর হইও না, কৃষ্ণের ইচ্ছায় আমার ভালই হইবে । ইহাও তোমারও মঙ্গল হইবে ।

শচী । বাবা, তোমার আর দোষ কি ? তুমিত আমার কথার উপরই নির্ভর করিয়াছিলে । তুমি চিরদিনই মা বই জান না । কিন্তু আমি অভাগিনী তোমায় পথের ভিখারী করিলাম—আমার মত পাবাণী জগতে আর কে আছে ? কোন মা প্রাণ থাকিতে সন্তানকে সন্ন্যাসের অহুমতি দেয় ? জগতে আমার এ কলঙ্ক চিরদিনই থাকিবে যে আমি পুত্রকে অহুমতি দিয়া ঘরের বাহির করিয়াছি । ধিক্ আমাকে, আমি মা নই,—রাক্ষসী ।” এই বলিয়া শচীমাতা আবার ব্যাকুল ভাবে ধূল্য পড়িয়া কাঁদিতে লাগিলেন । সে রোদন দেখিয়া নিমাইর হৃদয় বিদীর্ণ হইতে লাগিল ।

নিমাই বলিলেন,—“মা যদি তোমার অহুমতি না হয়, আমি সকল ছুঃখ লইয়া ঘরে থাকিব, সন্ন্যাস করিব না ।

শচী । নিমাই, আমি কি নিজের স্নাত্তের জন্ত তোমায় কারা-

গারে রাখিব ? আমি সকলই বুঝিতে পারি। আমার যা হইবার হইবে, কেবল বিষ্ণুপ্রিয়া কথার মনে তুলিয়া আমি মরমে মরিতেছি। নিমাই, তুমি এমন মাতার গর্ভে জন্মগ্রহণ করিয়াছিলে যে আমি মা হয়ে তোমার স্বচ্ছন্দ চিন্তে সন্ন্যাসী হইতে অনুমতি দিলাম ! দেখ নিমাই, বিষ্ণুপ্রিয়া কাণাঘৃস্ম গুনিয়া মনে করিতেছেন যে সন্ন্যাস কিছুতেই ঘটিবে না। মায়ের আদেশ ছাড়া মাতৃভক্ত পুত্র কিছুই করিবেন না, স্নেহময়ী মাতা কখনই পুত্রকে সন্ন্যাসের অনুমতি দিবেন না। আজ বিষ্ণুপ্রিয়া দেখুক, আমি নিমাইর কেমন মা। কেমন নিমাই ? আমি আজ স্বচ্ছন্দচিন্তে অনুমতি দিয়া তোমার ঘরের বাহির করিলাম, কোপীন পড়াইয়া সন্ন্যাসী সাজাইলাম।”

এইরূপ বলিতে বলিতে শচীদেবী বক্ষে করাঘাত করিয়া কাঁদিতে লাগিলেন।

মাতৃভক্ত নিমাই ভক্তি ভাবে মায়ের চরণ ধরিয়া বলিলেন, “মা, তুমি কি নিজে আমার অনুমতি দিয়াছ ? কৃষ্ণ কৃপাময়। তিনি আমাদের ও অপরাপর সকল জীবের মঙ্গলের জন্ত তোমার জিহ্বায় রহিয়া এই অনুমতি দিয়াছেন। কৃষ্ণ বাহা করেন, তাহা মঙ্গলের জন্ত। এজন্ত তুমি অনুতাপ করিও না। শান্ত হও। আসল কথা শুন। আমি তোমারই পুত্র—চিরদিন তোমার পুত্রই থাকিব। তুমি চিরদিনই আমার মা। সন্ন্যাসে এসম্বন্ধ বাড়িবে বই কমিবে না। আমি যখন বেথানে থাকি তোমাকে ভাবিব। তুমি যখন আমাকে দেখিতে চাহিবে, তখনই আমার দেখা পাইবে। মা

প্রত্যক্ষই তো দেখিতেছে, এ জগতে কয়টি লোক চিরদিন পুত্রকে আপনার চক্ষে চক্ষে রাখিতে পারি। বিদ্যালিক্ষার্থ শিশু পুত্র জননীর কোল ছাড়িয়া বিদেশে যায়, অর্থোপার্জনের জন্য লোক দেশ হইতে দেশান্তরে চলিয়া যায় আবার বিদ্যা ও ধন লইয়া পুত্র মায়ের কাছে ফিরিয়া আইসে। আমার সম্মাসও সেইরূপ। বিশেষ এই যে, সাধারণ লোকে যে ধন ও বিদ্যা লইয়া ফিরিয়া আইসে তাহা অতি অনিত্য ও তুচ্ছ। কিন্তু মা আমি যে ধনের জন্য যাইতেছি, তাহা নিত্য ও অক্ষয়, আনন্দ। মা তুমি আলীকাদ কর, যেন তোমার চরণধূলার রূপায় আমি কৃষ্ণধন লাভ করিতে পারি।

এই বলিয়া মায়ের চরণধূলা মাথায় লইয়া নিমাই তাঁহার রূপা অমুমতির নিমিত্ত সজল নয়নে মায়ের মুখের দিকে তাকাইয়া রহিলেন।

শচী দেখিলেন, নিমাইর চল চল নয়ন-অশ্রুজলে পূর্ণ হইয়াছে। শচী আঁচল দিয়া নিমাইর নয়ন মুছিয়া বলিলেন, “বদি সম্মাস লইয়া কৃষ্ণ ভজন করিলে তোমার হিত হয়, তাহাতেই আমার সুখ। আমি তাহাতে অমুমতি দিলাম। কিন্তু বাপ্ নিমাই, আমাদিগকে মনে রাখিও। তোমার দাদার মত-নিদয় হইও না। যখন যেখানে থাক সংবাদ দিও, তুমি ভাল আছ, এই সংবাদ পাইলেই আমি তোমার আশায় আশায় কোনরূপে এ হৃৎকের জীবন রাখিতে পারিব।

নিমাই হাসিয়া বলিলেন,—সে কি মা। আমি তোমাকে

ভুলিব কেন ? আমি কি ভুলিতে পারি ? বলিয়াছিত তোমার একবিন্দু স্তনদুগ্ধের ঋণ অনন্তকোটি জন্মেও শোধিতে পারিব না । মা তোমাকে আর একটি কথা বলিতেছি—যখন তুমি আমার জন্ত আকুল হইবে, তখনই আমার দেখা পাইবে । --
তুমি নিজ হাতে রাখিয়া আমাকে খাওয়াইতে বড় ভালবাস, আমিও তোমার হাতের রঁধা খাইয়া বড় তৃপ্তি পাই । আমি সন্ন্যাসী হইব, দূরে যাইব, কিন্তু দেখিতে পাইবে আমি তোমার ঘর ছাড়িব না । যে দিন তোমার প্রাণ আমার জন্ত বড় ব্যাকুল হইবে, আমার খাওয়াইতে সাধ হইবে, তুমি রন্ধন করিয়া অন্নাদি পরিবেশন করিয়া আমাকে ভাবিও,—তুমি দেখিতে পাইবে আমি তোমার রঁধা অন্নব্যঞ্জন তোমার কাছে বসিয়া খাইতেছি । ইহাতে তোমার যে সুখ হইবে, সে সুখ বর্তমান সুখ হইতে অনন্ত কোটি গুণে অধিক । মা, আমি চিরদিনই তোমার । তোমার সুখের নিমিত্ত আমি আরও কিয়দ্দিন নবদ্বীপে থাকিব ।

নিমাইর প্রীতিমাধা কথার শচী অনন্তদুঃখের মধ্যেও একটুকু শান্তি পাইলেন ।

৩

শচীদেবী পুত্রকে সন্ন্যাসের অমুমতি দিয়া একবারেই ননের শান্তি হারাইলেন । উঠিতে বসিতে চলিতে কিরিতে কেবল ঐ এক চিন্তা । এদিকে প্রিয়াঙ্গীর নিকট শচীদেবী, স্পষ্টতঃ এ নিদারুণ কথা না বলিলেও তিনি লোকের কাণা ঘুসার এবং স্বামীর

ভাবগতি দেখিয়া সকল কথাই বুঝিতে পারিয়াছিলেন । কিন্তু মুখ ফুটিয়া কোন কথা বলিতে সাহস করেন নাই, তাঁহার মনে ভয় হইত যে তাঁহার প্রাণবল্লভ সত্যসঙ্কল্প ও সত্যবাদী, তাঁহাকে ভিক্ষাসা করিলে তিনি যদি বলিয়া ফেলেন যে “আমি সন্ন্যাস লইয়া তোমাদিগকে ছাড়িয়া যাইব” তবে এ ভীষণ সংবাদ তাঁহার নিকট বজ্রপাত অপেক্ষাও ভয়ানক হইবে । এই ভাবিয়া মনের ভাব মনে চাপা দিয়া তিনি সাক্ষাৎ সম্বন্ধে এ বিষয়ে কোনও কথা তুলিতে সাহস পাইতেন না ।

একদিবস রজনীতে নিমাই আহারান্তে শয়ন গৃহে শয়ন করিলেন, গৃহকাজ সমাপন করিয়া বিষ্ণুপ্রিয়া ঘরে গিয়া দেখিলেন, তাঁহার প্রাণবল্লভ ঘুমাইতেছেন, আর মুখখানি চাঁদের মত শোভা পাইতেছে । বিষ্ণুপ্রিয়া স্তম্ভিত হইয়া দাঁড়াইয়া শ্রীমুখের শোভা দেখিয়া বিহ্বল হইলেন । তাঁহার হাতে পানের রেকাব । নিমাইর প্রায়শঃই ঘুম হইত না, প্রিয়াজী পতিকে ঘুমাইতে দেখিয়া নীরবে দাঁড়াইয়া রহিলেন, পাছে বা তাঁহার ঘুম ভাঙ্গে । কিয়ৎক্ষণ পরে তিনি ধীরে ধীরে চরণতলে বসিয়া নিমাইর শ্রীমুখখানি দর্শন করিতে লাগিলেন এবং ভাবিতে লাগিলেন, আমি কত ভাগ্যবতী—এমন ভুবনমোহন সুামী পাইয়াছি । এমন রূপ কি মানুষের হয় ? কোনও রমণী কি কখনও এমন পতি লাভ করিয়াছে ?” আবার তখনই তাহার মনে বিবাদের ভাব প্রকাশ পাইল । তিনি মনে মনে ভাবিতে লাগিলেন, এই স্মৃতি—এই ভাগ্য আমার আর কয়দিন থাকিবে ? পতির যে মনের ভাব, তাহাতে তিনি কি

আর গৃহে থাকিবেন ?—পতি যদি আমাকে ছাড়িয়া যান, তবে জগতে আমার মত দুর্ভাগা রমণীই বা আর কে ?” এইরূপে হর্ষ বিবাদ হৃদয় লইয়া বিষ্ণুপ্রিয়া কখনও পতির মুখচন্দ্র কখনও বা শ্রীচরণ দর্শন করিতে লাগিলেন ।

তাঁহার ইচ্ছা চরণ সন্ধান করেন, কিন্তু তাঁহার শীতল হৃস্তের স্পর্শে যদি নিমাইর নিদ্রাভঙ্গ হয়, এই ভয়ে নিজের বস্ত্রে হাতখানি গরম করিয়া লইলেন এবং অতি ধীরে ধীরে শ্রীপাদপদ্ম স্পর্শ করিয়াই আনন্দে বিহ্বল হইলেন । পরে ধীরে ধীরে ও ভয়ে ভয়ে পা-দুখানি উঠাইতে লাগিলেন—ভয় পাছে বা পতির নিদ্রাভঙ্গ হয় । পতির মুখের দিকে মুহূহাস্তে অথচ ঈষৎ ভয়ে ভয়ে চাহিয়া দেখিলেন নিদ্রাভঙ্গের সম্ভাবনা নাই । তখন ধীরে ধীরে প্রাণ-বল্লভের শ্রীচরণ বক্ষে ধারণ করিলেন । বিষ্ণুপ্রিয়ার নিজের সম্ভোগেচ্ছা বিন্দুমাত্রও ছিল না । তাঁহার পতির স্নেহেই তাঁহার স্নেহ । শ্রীপাদপদ্ম হৃদয়ে ধারণ করিয়া তিনি পতির শ্রীমুখখানি দেখিয়া ভাবিতে লাগিলেন, ত্রিভুবনে এমন সুন্দর এমন মধুর জিনিস বুঝি আর নাই । তাঁহার দেহ আনন্দে পুলকিত হইল, শ্রীঅঙ্গখানি আনন্দবেগে কাঁপিলে লাগিল, আর মনে হইল, “হায় এ ভাগ্য আমার আর কতদিন থাকিবে” এই স্নেহের মধ্যেও দুঃখের ভাবনা আসিয়া প্রিয়াজীবী হৃদয় উদ্বেলিত করিয়া তুলিল । তাঁহার নয়নযুগল জলপূর্ণ হইল । দুই ফোটা উষ্ণ জল নীরবে গণ্ড বহিয়া নিমাইর শ্রীচরণে পতিত হইল । নিমাই নয়ন মেলিয়া দেখিলেন পদপ্রান্তে শ্রীমতী বিষ্ণুপ্রিয়া । তিনি তাঁহার চরণযুগল বুকে লইয়া

অঝোরনয়নে নীরবে রোদন করিতেছেন । নিমাই ব্যস্ত হইয়া তাড়াতাড়ি উঠিয়া বসিলেন, প্রিয়াজীকে হাত ধরিয়া উকুর উপরে বসাইয়া বলিলেন,—তুমি কখন এসেছ, আমাকে ডাক নাই কেন ? ও কি ? তোমার চক্ষে জল কেন ? হয়েছে কি ? তোমাকে আমি প্রাণের অপেক্ষা ভালবাসি, তোমার নয়ন-জল দেখিয়া আমার হৃদয় বিদীর্ণ হইতেছে ।”

পতির এই সোহাগে ও সোহাগমাখা মধুর বাক্যে প্রিয়াজীর ধৈর্যের বাধ ভাঙ্গিয়া গেল । তাঁহার নয়নধারা শতমুখী জাহ্নবী ধারার স্রাব বহিতে লাগিল । *

হু নয়নে ঝরে নীর ভিজিল হিয়ার চির

চরণ বহিয়া পড়ে ধারা ।

চেতন পাইয়া চিত্তে উঠে প্রভু আচম্বিতে

বিকুশ্রিয়া পুছে পতি পায়া ।

মোর প্রাণশ্রিয়া তুমি কান্দ কি কারণে জানি

কহ কহ ইহার উত্তর ।

ধুইয়া উকুর পরে চিবুক দক্ষিণ করে

পুছে বাণী মধুর অক্ষর ।

কালে দেহী বিকুশ্রিয়া দেখিতে বিদরে হিয়া

কহিলে না কহে কিছু বাণী ।

অস্তরে গুপ্তে প্রাণ দেহে নাহি লিখিধান

নয়নে পলয়ে মাজ পানি ।

পুনঃপুনঃ পুছে পঁহ উত্তর না দেয় তত্

কান্দে মাজ চরণ ধরিয়া ।

নিমাইসুন্দর আরও ব্যস্ত হইয়া নিজের বস্ত্রাঞ্চল দ্বারা প্রিয়াজীর নয়নজল মুছাইয়া দিতে লাগিলেন আর পুনঃপুনঃ নানাভাবে সাহসনা দিয়া রোদনের কারণ জিজ্ঞাসা করিলেন । কিয়ৎক্ষণ পরে প্রিয়াজীর চিত্তের আবেগ একটুকু প্রশমিত হইল ।

বিষ্ণুপ্রিয়া তাঁহার প্রাণবল্লভের আকুলতা দেখিয়া কথাবলিতে চেষ্টা করিলেন কিন্তু তাঁহার মুখে কথা ফুটিল না । মুখের কথা বলিতে গিয়া হৃদয় দমিয়া গেল । তিনি আকুলনয়নে নিমাইর মুখপানে চাহিয়া রহিলেন ।

নিমাই বলিলেন—প্রাণাধিকে, তুমি জান না, আমি তোমায় কত ভালবাসি । তোমার এই স্নানমুখ দেখিয়া আমার হৃদয় বিদীর্ণ হইতেছে । প্রিয়ে, তুমি এমন হইলে কেন ? মনের কথা খুলিয়া বল ।”

প্রিয়াজী তখন হৃদয়ের আবেগে চাপা দিয়া হুঃখে ও অভিমানে বলিলেন—আপনি চিরসুন্দর, ভুবনমোহন, আর আমি অতিকুরুপা,—আপনি আমার ভালবাসেন ? আপনি মহাপণ্ডিত, পরম বশস্বী,—আর আমি জ্ঞানহীনা অবলা ও অধমা । আপনি আমার

প্রভু সর্ব কলা জানে পুছে নানা বিধান

অঙ্গবাসে নয়ন পুছাঞা ॥

নানারঙ্গ পরস্তাব

করিয়া বাড়ায় ভার

সে কথার পাৰ্শ্ব মন্তরে ॥

ঐচৈতন্যমঙ্গল

ভালবাসেন—ইহা কি করিয়া বিশ্বাস করিব ? যদি ভালই বাসিবেন, তবে অকুলপাথারে ভাসাইয়া বাইবেন কেন ? আমি এতই কি অপরাধিনী ?”

বলিতে বলিতে প্রিয়াজীর নয়নকোণে অশ্রুবিन्दু দেখা দিল, একটার পর একটি অশ্রুবিन्दু আসিয়া তাঁহার আরক্তিম গণ্ড প্রাবিত করিয়া ফেলিল ।

নিমাইসুন্দরের হৃদয় স্বভাবতঃ কোমল ও প্রীতিমাখা । প্রিয়াজীর কোমলকরুণ মুখমণ্ডলে দুঃখের নয়নজল দেখিয়া তাঁহার হৃদয় বিচলিত হইল, তিনি মনের ভাব গোপন করিয়া বলিলেন—
“প্রাণাধিকে, আমি তোমার কথার প্রকৃত অর্থ বুঝিতে পারিলাম না । আমি তোমার প্রেমে চিরবাঁধা, তোমাকে ছাড়িয়া কোথা যাইব । তুমি আমায় সেরূপ খল কপট বা স্বার্থপর মনে করিও না ।

প্রিয়াজী । ছি, অমন কথা কি বলতে আছে ? আপনি দেব-দেব, লোকে আপনাকে স্বয়ং ভগবান্ জানিয়া পূজা করে । আপনাকে আমি খল কপট মনে করিব ? আমি নিজে দুর্ভাগা, আমার নিজের অদৃষ্ট স্বরণ করিয়াই কাঁদিতেছি । আমি যাহা শুনিতেছি, তাহা যদি সত্য হয় তবে বুঝিব—মাতৃবধ ও জ্যৈষ্ঠবধ করাই নদীয়ার পণ্ডিতের মহাধর্ম্ম ।

নিমাই । সে কি প্রিয়ে, তোমার এ কথার অর্থ কি ?

বিষ্ণুপ্রিয়া । প্রাণেশ্বর, আমিই না হয়, আপনার নিকট মহাপাপিনী, কিন্তু হুজ্জা মাতাঠাকুরাণীর কি অপরাধ ? তাঁহার উপায় কি হইবে ?

নিমাইর নয়নে জলবিন্দু দেখা° দিল । তিনি দেখিলেন, প্রিয়াজী অতি হুঃখে ও অভিমানে মনের বেগে চাপা দিয়া এক একটি হুঃখের কথা বলিতেছেন । তিনি প্রিয়াজীর চিবুকে হাত দিয়া বলিলেন, প্রাণেশ্বর, স্পষ্ট করিয়া বল লোকের মুখে কি শুনিয়াছ ?

বিষ্ণুপ্রিয়া । হৃদয়েশ্বর, যখন আপনি আমার মুখ হইতে দারুণ কথা বাহির করিতে জেদ করিতেছেন, বাহা শুনিয়াছি তাহা, বলিতেই হইবে । আমি আপনার চরণদাসী, আপনার কথায় সকলি করিতে পারি কিন্তু ঐ কথা মুখে আনিতে পারিতেছি না, কিন্তু আপনার আদেশ, কাজেই স্পষ্ট করিয়া বলিতেছি,—শুনিয়াছি, আপনি নাকি আমাদিগকে ছাড়িয়া সন্ন্যাস করিবেন ? হৃদয়বল্লভ, আমার মাথায় হাত দিয়া বলুন—সত্যসত্যই কি আপনি আমাদিগকে ছাড়িয়া যাইবেন ? এ কথা শুনিবার আগে আমার মাথায় আকাশের বজ্র ভাঙিয়া পড়িল না কেন ? এ কথা সত্য হইলে আমি আশুনে প্রবেশ করিব, বিব খাইয়া প্রাণত্যাগ করিব । আমার এই বেশবিত্তাস জীবন যৌবন সকলই আপনার চরণসেবার জীত ।

আপনি সন্ন্যাসী হইবেন, সন্ন্যাসী হইয়া অনাহারে অনিদ্রায় বৃক্ষতলে পড়িয়া থাকিবেন, শীতবর্ষা ও রৌদ্র আপনার ঐ সুকোমল শ্রীঅঙ্গের উপর দিয়া চলিয়া যাইবে, আর আমি অভাগিনী ঘরে বসিয়া থাকিব, এ কথা মনে করিলেও হৃদয় বিদীর্ণ হয় । আপনার ঐ চরণযুগল শিরীবহুলের স্নায় কোমল,

আপনি যখন আঙ্গিনায় বিচরণ করেন, তখন আমার মনে হয় যেন চরণ হইতে রক্ত ফুটিয়া বাহির হইবে, আর আপনি সেই চরণে অরণ্যের পথে বিচরণ করিবেন, ইহা মনে করিলেও প্রাণ কাঁটিয়া যায় । অল্প একটুকু আয়াস হইলেই আপনার শ্রীমুখ-নগ্নে ঘর্ম্মবিন্দু দেখা দেয়, আপনি কি করিয়া সন্ন্যাসের ক্রেশ সঙ্কর করিবেন—আর আমিই বা কি করিয়া ঘরে থাকিব ? এ অধীনা আপনারই চরণদাসী, আপনার চরণ বিনা আর কিছুই জানি না, এ দাসীকেই বা কাহার কাছে ফেলিয়া যাইবেন ? আমার কথা না ভাবিতেও পারেন কিন্তু বৃদ্ধা আধমরা মাকে কি করিয়া ছাড়িয়া যাইবেন ? মুরারি মুকুন্দ দত্ত প্রভৃতি ভক্তগণকেই বা কি করিয়া ছাড়িয়া যাইবেন, তাঁহাদের প্রতি যে স্নেহমমতা ছিল, তাহাও কি পরিত্যাগ করিবেন ? আপনি নদীয়া শূন্য করিয়া সন্ন্যাসী হইবেন ইহা কে সঙ্করিতে পারে ? *

শুন শুন প্রাণনাথ, মোর শিরে দেহ হাত

সন্ন্যাস করিবে নাকি তুমি ।

লোকমুখে শুনি ইহা বিদারিতে চাহে হিয়া

আগুনতে প্রবেশিব আমি ॥

তো লাগি জীবনধন রূপ নবযৌবন

বেশ-বিশ্বাস ভাব-কলা ।

তুমি যবে ছাড়ি যাবে কি কাজ এ ছার জীবে

হিয়া পোড়ে যেন বিব জালা ॥

এই বলিয়া প্রিয়াজী অবোরনয়নে কঁাদিতে লাগিলেন । নিমাই
সুন্দর মনের ভাব গোপন করিয়া হাসিয়া বলিলেন—প্রাণাধিকে,
আজ এই সুখসম্মিলনের দিনে তোমার একি অনর্থক শোক ? কে
তোমায় বলিল, আমি তোমায় ছাড়িয়া যাইব, অনর্থক কঁাদিতেছ
কেন, যদি কখনও কোথাও যাই, তোমায় না বলিয়া যাইব না,
নিশ্চিত থাক ।”

এই বলিয়া করুণহৃদয় শ্রীগৌরান্ধ প্রিয়াজীর নয়নযুগল নিজ
বস্ত্রাঞ্চলে মুছাইয়া দিয়া নানাপ্রকার কৌতুকজনক কথায় ও ভাবে
তাঁহাকে সন্তুষ্ট করিতে সাগিলেন, যথা শ্রীচৈতন্যমঙ্গলে—

শুনি বিষ্ণুপ্রিয়া বাণী প্রভু গৌর শুণমণি
হাসিয়া তুলিয়া লইল কোলে ।
বসনে মুছায় মুখ করে নানা কৌতুক
“মিছা শোক না করিহ” বোলে ॥

আমা হেন ভাগ্যবতী নাহি কোন যুবতী
তুমি মোর প্রিয় প্রাণনাথ ।
বড় ক্রীতি আশা ছিল, দেহ প্রাণ সমর্পিল,
এ নব যৌবনে দিল হাথ ।
ধিক্ রহ মোর দেহে এক নিবেদন তোহে
কেমনে হাটিয়া যাবে পথে ।
শিরীষ কুসুম যেন স্বকোমল চরণ
পরশিতে ডর লাগে বাতে ॥

আমি তোরে ছাড়িঞা সন্ন্যাস করিব গিয়া

এ কথা বা কে কহিল তোকে ।

যে করি সে করি যবে তোমাকে কহিব তবে

এখন না মর মিছে শোকে ॥

রসময় শ্রীগৌরসুন্দর এই বলিয়া প্রিয়াজীকে কোলে তুলিয়া লই-
লেন, আদরে চুষন করিলেন, নানাপ্রকার রসকোতুকে তাঁহাকে
অনন্ত আনন্দরসাস্বাদ প্রদান করিয়া বিহ্বল করিয়া তুলিলেন ।
অমরকবি শ্রীল লোচনদাস লিখিয়াছেন :—

ইহা বলি গৌরহরি আগ্রহে চুষন করি

নানারসে কোতুক বিহারে ।

অনন্ত বিনোদ ক্রীড়া লীলা লাভণ্যের সীমা

বিষ্ণুপ্রিয়া তুলিল প্রকারে ॥

শ্রীভগবানের ভাব অনন্ত এবং উহা চিন্তার অতীত । তিনি এই যে
কঠোর সন্ন্যাস গ্রহণ করিতে প্রস্তুত হইয়াছেন, তিনি এই যে

ভূষেতে ঈড়াহ ববে ডরে গ্রাণ হানে তবে

সিদ্ধিয়া পড়য়ে সর্ব গাথ ।

অর্য্য কটক বনে কোথা যাবে কেন হানে

কেমনে হাতিবে রাজ্য পায় ।

সুধাময় সুখ ইন্দু তাহে বর্ষ কিছু কিছু

অলপে আশ্রাসে মাজ দেখি ।

বরিশা বায়ল বেলা চলি বা ক্রিয় যরা

সন্ন্যাস করয়ে মহা দুখী ।

গোপীভাবে বিভোর—এই ভাবের মধ্যেও তিনি রসরাজবেশে শ্রীবিষ্ণুপ্রিয়ার সহিত বিনোদ-বিলাস-রসে মজ্জিত হইয়া তাঁহাকে যে প্রেমানন্দ প্রদান করিয়াছিলেন, তাহা শ্রীবৃন্দাবনের রসকেলী-কলাপরায়ণাদেরও অজ্ঞাত ।

এই রস-কেলি-বিলাসে রজনী প্রায় অবসান হইল । প্রিয়াজীৱ মুখের নিশিরও অবসান হইল । তিনি নিশি শেষে নিমাইমুন্দরের মুখের দিকে চাহিয়া দেখিলেন, যদিও বাহিরে শ্রীমুখমণ্ডলে রসের ভাব প্রকাশ পাইতেছে, কিন্তু তাঁহার নয়নমুগলের মধ্য হইতে যেন রোদনের ভাব কুটিয়া বাহির হইতেছে — কি যেন এক বিষাদের বিষম ভাব এই আমোদ ও আনন্দের মধ্য হইতে গোপনে গোপনে বাহির হইতেছে । এই নির্দারুণ ভাব দেখিয়া প্রিয়াজী আবার আকুল হইয়া পড়িলেন । তিনি তাঁহার প্রাণবল্লভের হাতখানি কোমল করে তুলিয়া বুকে ধরিয়া বলিলেন—“আমার হৃদয়ের অধীশ্বর, প্রাণবল্লভ, আপনার মনের কথা আমায় সত্য করিয়া

তোমার চরণ বিনি আর। কিছু নাহি জানি

আমারে কেলাহ কার ঠাঞি ।

ধর্ম ভয় নাহি তোমা পটী বৃদ্ধ আধ মরা

কেমনে ছাড়িবে হেন মার ।

মুরারি মুকুন্দ দত্ত, তোমার ভক্ত সব,

ঐনিবাস আর হরিদাস ।

অদৈত আচার্য্য আদি, ছাড়িরা কি কার্য্য সাধি,

কেনে তুমি করিবে সন্ন্যাস । ঐচৈতন্য মহল

বলুন, আপনার মুখখানি দেখিয়া আমার প্রাণ শুখাইয়া গেল, নিশ্চয় করিয়া বলুন আপনি কাদিতেছেন কেন ? আপনার ভাবগতি দেখিয়া মনে হইতেছে, আপনি আমাদের সঙ্গে ছাড়িয়া চলিয়া যাইবেন । আমি বালিকা, বুদ্ধিহীনা কিন্তু আপনার ঐ নয়নযুগল দেখিয়া বোধ হইতেছে নিশ্চয়ই আমাদের কপাল ভাঙ্গিয়াছে, আমার মনের দিকে চাহিয়া আপনি কেবল মিছে সাশ্বনা দিতেছেন ।

নিমাই চমকিয়া বলিলেন,—সে কি, তুমি কি করিয়া বুঝিলে যে আমি তোমায় ছাড়িয়া যাইব ?

বিষ্ণুপ্রিয়া । কি করিয়া বুঝিলাম, 'তাহা বলিতে পারি না, কিন্তু আপনার ভাবগতিতে বোধ হইতেছে আপনি অগোচরে আমাদের সঙ্গে ছাড়িয়া যাইবেন । কেবল আমাদের যাতনার ভয়ে আপনি মনের কথা গোপন করিতেছেন । আপনি স্বাধীন, পরবশ নহেন, আপনার কার্য্যে কে বাধা দিবে ? গোপনে প্রয়োজন কি ? মনের ভাব খুলিয়া বলুন, কপাল ভাঙ্গিয়াছে বুঝিয়াছি । আপনি বুকে বজ্র মারিয়া চলিয়া যাইবেন, তাহাতে যদি দোষ না হয় তবে সে কথা বলিতেই কি দোষ ? মনের ভাব নিশ্চয় করিয়া বলুন, বুকের উপরে বজ্র ঝুলাইয়া রাখায় যত আশঙ্কা ও যাতনা, সম্ভাব্য বজ্রের আঘাত সে যাতনা অপেক্ষা অনেক ভাল ।*

* প্রভু কর বুকে দিগা

গুছে দেবী বিষ্ণুপ্রিয়া

মিছা না বলিহ মোর গুণে ।

হেন অসুমান করি

যত কহ সে চাতুরী

গলাইবে মোর অগোচরে ॥

নিমাই দেখিলেন, আর গোপন করা চলিবে না। সহসা তাঁহার মুখে ভাবান্তর দেখা দিল। তিনি স্থিরধীরভাবে বলিতে লাগিলেন—দেবি, যদি আমার মনের প্রকৃত কথা জানিতে চাও তবে শোন। যাহাতে তোমার হিত হয়, তাহাই আমার ইচ্ছা। আবার আমার যাহাতে হিত হয় তোমারও দিনযামিনী সেই কামনা, কি বল প্রিয়তমে !

বিষ্ণুপ্রিয়া। ঠিক কথা। ইহাতে আর সন্দেহ কি ?

নিমাই। প্রিয়ে একটা কথা বলি শুন, খাটি জ্ঞান না হইলে দুঃখ দূর হয় না, এই জগতে যাহা দেখিতেছ, ইহার কিছুই নিত্য নয়, আমার পিতা ছিলেন, তিনি এখন কোথায়, ভ্রাতা ছিলেন, তিনিই বা কোথায় ? তোমার পিতারও পিতা ছিলেন, তিনিই বা কোথায় ? এ জগতে কিছুই থাকিবার নয়, রাজার রাজ্যও থাকে না, কান্দালের কুটারও থাকে না—দেখিতে দেখিতে সকলই চলিয়া যায়। তবে এই সকল অনিত্য পদার্থে প্রীতি করিয়া কাহারও কি হিত হইতে পারে ? জগতে শ্রীভগবান্‌ই সত্য নিত্য ও জীবের পরম সুহৃদ। তাহা ভিন্ন আর সকলই মিথ্যা,—এ সকল তাঁহারই মারী। মাতা, পিতা, ভ্রাতা, পতি ও পত্নী প্রভৃতি সঙ্কট ও মায়াবরই

তুমি নিজ বশ প্রভু

পরবশ নহ কভু

যে করিবে আপনার সুখে।

সন্ন্যাস করিবে তুমি

কি বলিতে পারি আমি

নিশ্চয় করিয়া কহ মোকে ।

খেলা । শ্রীভগবানের চরণ সেবা ভিন্ন জীবের অন্তর্গতি নাই ।
এক বিষ্ণু এই জগৎ ব্যাপিয়া আছেন, তাঁহাকে ভজনা করিলেই
জীবের হিতসাধন হয় । ইহাতে তোমার হিত হইবে, আমার হিত
হইবে, মাতারও হিত হইবে । সুতরাং মায়িক বিষয় ত্যাগ করিয়া
তাঁহার ভজন কর এবং তোমার নিজ নামের সার্থকতা কর ।*

এই বলিয়া নিমাই নীরব হইলেন । বিষ্ণুপ্রিয়া বজ্রাহতার স্তায়
নিষ্পন্দভাবে চিরদ্বিধা প্রিয়তম পতির বাক্য একটা একটা করিয়া

* এ বোল শুনিয়া পছ মুচকি হাসিয়া সহ
কচে শুন মোর প্রাণপ্রিয়া ।

কিছু না করিহ চিতে যে কহিয়ে তোর হিতে
সাধন শুন মন দিয়া ॥

জগতে বসন্ত দেখ মিছা করি সব লেখ
মিছা করি করহ গেরান ।

মিছা পতি হুত নারী পিতা মাতা যত বলি
পরিণামে কে হয় কাহার ॥

শ্রীকৃষ্ণ চরণ বহি আর ত কুটুম্ব নাহি
বহ দেখ সব সারা তার ॥

* * * *
তোর নাম বিষ্ণুপ্রিয়া সার্থক করহ ইহা
মিছা পোক না করিহ চিতে ।

এ তোরে কহিলু কথা দূর কর আন চিন্তা
মন দেহ কৃষ্ণের চরিতে ॥

শুনিলেন, শুনিয়া তিনি স্থির দৃষ্টিতে মাটির দিকে চাহিয়া রহিলেন, নয়নকোণে জলবিন্দু দেখা দিয়াছিল, দেখিতে দেখিতে উহা শুধাইয়া গেল । মুখখানি প্রথমতঃ আরক্তিম দেখাইতেছিল, পরে সহসা পাণ্ডুর বর্ণ ধারণ করিল, পকবিষ সদৃশ গুণ্ডবৃগল মলিন হইয়া গেল । কিম্বৎকণের জন্ত তিনি কোন কথাই বলিতে পারিলেন না ।

শ্রীগৌরমুন্দের দেখিলেন, হয়ত বিষ্ণুপ্রিয়া মুচ্ছিত হইয়া পড়িবেন, এই মনে করিয়া তাঁহার মুখের নীচ দিয়া নিজের দক্ষিণ হস্ত প্রসারণ করিয়া হাতের তালু দ্বারা প্রিয়াজীর কপাল ধারণ করিলেন । প্রিয়াজী বলিলেন—প্রাণেশ্বর, সে ভয় নাই, আমি মুচ্ছিত হইব না । আশীর্বাদ করুন, আপনার শ্রীচরণ চিন্তা করিয়া যেন আমি সকল বজ্রই সহিতে পারি ;—সহ্য করাই নারীর ধর্ম্ম । এ ধর্ম্ম হইতে যেন আমার পতন না হয় । এই সংবাদ শুনামাত্রই যখন আমার মরণ হইল না, তখন আর মুচ্ছা হইবে না । বুঝিলাম শত কোটি বজ্রাঘাত সহিবার জন্তই বিধাতা আমার সৃষ্টি করিয়াছেন । সকলি সহিব, কিন্তু প্রাণেশ্বর একটা কথা বলি, বিবাহের রাজিতে আমার পারে যখন উছট লাগে তখন আমি কত অমঙ্গল গণিয়াছিলাম, তখন আপনি আমার বলিয়াছিলেন, “অমঙ্গলের আশঙ্কা নাই, এই যে আমি আছি ।” আমি সে সাক্ষনার ভুলি নাই । মধ্যে মধ্যে সে আশঙ্কা আমার মনে আসিত । এখন সে সাক্ষনার বুদ্ধি এই ফল ?

নিমাই । প্রিয়ে তোমার কোনও অমঙ্গল হইবে না, আমার মঙ্গলেই তোমার মঙ্গল হইবে । আমার সন্ন্যাসের ফল অমৃতমাধা । ইহাতে বিষ উঠিবে কেন ?

বিষ্ণুপ্রিয়া । আমি বিষ বুঝি না, অমৃতও বুঝি না । আমি বুঝি সন্ন্যাসে প্রয়োজন কি ? সন্ন্যাস তো আমার জন্ত ! আমি আপনার নিকটে থাকিলে আপনার কৃষ্ণ-প্রেম হইবে না, কৃষ্ণ-ভজন হইবে না । কৃষ্ণভজন জন্ত ও কৃষ্ণপ্রেম লাভ করার জন্ত আমাকে ত্যাগ করিতে হইবে—ইহাইতো সন্ন্যাসের উদ্দেশ্য । তবে তার জন্ত আর গোলযোগ কেন ? আপনার আদেশ পাইলে আমি অনলে পুড়িয়া মরিতে পারি, গঙ্গায় ডুবিতে পারি, বিষ খাইয়া প্রাণত্যাগ করিতে পারি । নারীবধ করাই যদি সন্ন্যাসধর্ম হয়, তবে অতি সহজেই তাহা হইতে পারে । তার জন্ত বৃদ্ধা মাতাকে ত্যাগ করা ও প্রিয়তম ভক্তজনের হৃদয় আঁধার করিয়া চলিয়া যাওয়া কেমন ? আর যদি প্রত্যক্ষভাবে নারীবধ করা ভাল মনে না করেন. আমি আপনার নিকট হইতে দূর হইলেই তো সকল গোল চুকিয়া যায় । আমাকেই নির্কাসিতা করুন না কেন ? শুনিয়াছি প্রজাদের মনোরঞ্জনের জন্ত রঘুপতি সীতাদেবীকে নির্কাসন দিয়াছিলেন, আপনি কৃষ্ণভজনের জন্ত স্বচ্ছন্দে আমাকে যথেষ্ট রাখিতে পারেন । ধর্মই জীবনের সার । আমি আপনার বিবাহিতা পত্নী, সহধর্মিনী, আমিই যদি আপনার ধর্মের কণ্টক হইলাম, আমাকে দূর করিয়া দিয়াও তো—*

* কি কহিব মুঞি ছার

আমি তোমার সংসার

সন্ন্যাস করিব মোর ভরে ।

তোমার নিছনি লঞ্চে

মরিয়া বিধ খেরে

হখে নিবেশহ তুমি যরে ।

এই কথা বলিতে না বলিতেই নিমাই নিজ করকমলে প্রিয়াজীর মুখে চাপা দিয়া অশ্রুপূর্ণ নয়নে গদগদ স্বরে বলিতে লাগিলেন—প্রাণাধিকে অমন কথা মুখে আনিতে নাই। উহা শুনিলে আমার প্রাণ ফাটিয়া যায়। তুমি বুঝিতে পার না কৃষ্ণভজনে আবার সন্ন্যাসের কি প্রয়োজন? কৃষ্ণ-ভজনের উদ্দেশ্য—কৃষ্ণ-প্রেম-লাভ। প্রেমের মূল উৎস—হৃদয়টাকে ছিঁড়িয়া ফেলিয়া দিয়া কেহ কি কখন প্রেমলাভ করিতে পারে? প্রেমময়ি, তুমি আমার প্রেমের মহাশক্তি,—তোমাকে ছাড়িলে আমার প্রেম কোথায়? আমি কি তোমায় ছাড়িতে পারি? না, তোমাকে ছাড়া সম্ভবপর!

মায়িক জগতের এই এক বিড়ম্বনা যে এখানে আসিলে, সকলকেই কিয়ৎ পরিমাণে মুগ্ধ হইতে হয়। তুমি কে তাহা কি ভুলিয়া গেলে, আর আমিহঁবা কে, কেনই বা এখানে আসিলাম, তাও কি তোমার অবিদিত? আমি জীবের দুঃখে ব্যাকুল হইয়া এবার অবতীর্ণ হইয়াছি। আমি কাঁদিয়া কাঁদিয়া জীবের হৃদয় শ্রীভগবানের জন্ত দ্রব ও ব্যাকুল করিয়া তুলিব। ইহাতে না ও তুমি আমার সহায় হইবে।* মায়ের ও তোমার রোদনে কাননের পশুপাখীরা পর্যাস্ত বুরিয়া বুরিয়া

* আপন ঈশ্বর হঞা

দূর করে নিজ দায়।

বিকুশিয়া-পরসর চিত ।

দূরে গেল দুঃখ শোক

আনন্দে ভরিল বুক

চতুর্ভুজ দেখি আচম্বিত ।

আকুল হইবে। তখন আমার প্রতি জীবের দৃষ্টি পড়িবে, তখন তাহারা হরিনাম লইবে। ইহাই আমার সন্ন্যাসের উদ্দেশ্য ।

এ অতি গুরুত্বপূর্ণ কথা, ইহা আর কাহাকেও বলিও না। কিন্তু একথা সর্বদা তোমার মনেও থাকিবে না, বহুবার ভুল হইবে, আবার বহুবার মনে হইবে। কিন্তু তোমার এই ভুলই জীবের পক্ষে মঙ্গলজনক হইবে,—তোমার একটি দীর্ঘনিঃশ্বাসে জগতের বিষ-বায়ু পরিবর্তিত হইবে, জীবহৃদয়ে বৃন্দাবনের বাতাস বহিবে, তোমার একবিন্দু নয়নজলে জীব-হৃদয়ে ভক্তি-বসুনা উছলিয়া প্রবাহিত হইবে। জীবের জগৎ এই নবভাব প্রকাশ করিতে হইবে। আমার স্নেহময়ী জননী ও তুমি ইহাতে কি সহায় হইবে না? আমি মায়ের অমুমতি লইয়াছি, এখন তোমার অমুমতি চাই। আমার স্বচ্ছন্দে অমুমতি দাও, কি বল, বিষ্ণুপ্রিয়া!

বিষ্ণুপ্রিয়া অবাক হইয়া বিস্মিতভাবে নিমাইর কথা শুনিলেন, যেন একটি কথাও বুঝিতে পারিলেন না। এই কথাগুলির কোনও উত্তর না দিয়া নিমাইর আপাদমস্তক নিরীক্ষণ করিতে লাগিলেন, দেখিলেন তিনি যাহার কোলে উপবিষ্ট, সে কনক-বিগ্রহ পৃথিবীর মানুষ নহেন, স্বয়ং ভগবান্। তিনিও প্রাকৃত মানবী নহেন, সেই শ্রীভগবানের মহাশক্তি।*

* তবে দেবী বিষ্ণুপ্রিয়া

চতুর্ভুজ দেখিয়া

পাতবুদ্ধি নাহি ছাড়ে ভুল।

পড়িয়া চরণ ভলে

কাকুতি মিনতি করে

এক নিমেষে গুন প্রভু। (শ্রীচৈতন্যমঙ্গল)

কণেকের মধ্যে দেবীর এই ভাব তিরোহিত হইল । ঐশ্বর্য-জ্ঞান দূরীভূত হইল, মাধুর্য্যভাব আসিয়া তাঁহার কোমল চিত্তকে আবার আবৃত করিয়া ফেলিল । তিনি বিলাপ করিয়া বলিতে লাগিলেন—প্রাণেশ্বর আমার মনে হইত,—জগতে আমার মত ভাগ্যবতী বুঝি আর কেহই নাই, আমার সম্বয়সী মেয়েরা বলিত, বিষ্ণুপ্রিয়া বরের সৌন্দর্য্যে স্বয়ং মদনও মোহিত হয়, তাঁহার গুণ জগতে অতুল্য, পূর্ব্বজন্মের কত তপস্কার ফলে বিষ্ণুপ্রিয়া এমন স্বামী পাইয়াছে । আমি ঘরে ও ঘাটে পথে সকল স্থানেই আপনার গুণগৌরবের কথা শুনিতে পাইতাম, আর মনে করিতাম আমার মত ভাগ্যবতী রমণী জগতে বুঝি আর কেহ নাই । আমি যদিও আপনার সঙ্গ সতত লাভ করিতে পারি নাই, তথাপি মনে করিতাম, যেন আপনি আমায় ছাড়া নন, যখন সুবিধা হইবে, তখনই আপনার সঙ্গ পাইব । কিন্তু আপনার কথায় আমার সে সাধের স্বপন ভাঙ্গিয়া গেল । তা যাক । আমার যা হইবার তাই হউক । কিন্তু আপনি ঘর ছাড়িবেন কেন, মন্তক মুড়াইয়া সন্ন্যাসী হইবেন কেন, •গাছতলায় পড়িয়া থাকিবেন কেন, আপনার সোণার অঙ্গে কি ভিক্ষার ঝুলি শোভা পায়, না এই দেহে কোপীন সাজে ? একথা মনে করিতেও প্রাণ ফাটিয়া যায়, আমি আপনাকে সন্ন্যাসের অনুমতি দিয়া ঘরের বাহির হইতে দিব না ।

নিমাই । প্রিয়ে, আমি জানি, তোমার আপনার সুখ-ইচ্ছা নাই, কেবল আমার সুখের জন্তই আমাকে ঘরে রাখিতে তোমার

ইচ্ছা, কিন্তু আমি তোমায় সত্যসত্যই বলিতেছি, ঘরে থাকিলে আমার দুঃখ বই সুখ নাই; আমি কারাক্লেশে গৃহে থাকিব, সংসারে পাগলের স্থায় বিচরণ করিব, জীবদশাতেও মৃতের স্থায় পড়িয়া থাকিব,—ইহা দেখিয়া তুমি কি সুখী হইতে পারিবে? তাই বলি আমি স্বচ্ছন্দচিত্তে বিদায় দাও, ইহাতে আমার সুখ হইবে, আমার সুখেই তোমারও সুখ হইবে ।

কিন্তু মনে করিওনা যে আমি তোমাকে ছাড়িয়া যাইতেছি, তুমি চিরদিনই আমার, আমিও চিরদিনই তোমার । আমি জীবের দুঃখে কাতর হইয়া সন্ন্যাস লইয়া জীবদিগকে কাঁদাইব,—কাঁদাইয়া তাহাদের চিত্তদ্রব করিব, সেই দ্রবচিত্ত হরিনামগ্রহণের উপযুক্ত হইবে, তবে তাহারা প্রেমভক্তি পাইবে ।

প্রকৃত কথা বলিতে গেলে এ কাজ তোমার । তুমি সাক্ষাৎ ম্লেহরূপিণী,—করুণার মহাশক্তি । তোমার জীবগণের উদ্ধার-সাধন করাই এই সন্ন্যাসের উদ্দেশ্য,—প্রাণেশ্বরী তুমি ইহাতে আমার সহায় হও । আমি তোমারই প্রীতি ও করুণা লইয়া জীব উদ্ধার করিব । তুমি আমার দিকে চাহিয়া এবং জগতের জীবের দিকে চাহিয়া স্বচ্ছন্দচিত্তে সন্ন্যাসের অনুমতি দাও ।

এই বলিয়া নিমাই প্রিয়াজীর হাতে ধরিয়া বলিলেন,—“কি বল প্রাণেশ্বরী, তুমি কৃপা করিয়া অনুমতি দাও, দিয়া আমার মুক্ত কর ।”

প্রিয়াজী সজল নয়নে মুখ তুলিলেন,—প্রাণবল্লভের মুখের দিকে চাহিয়া মাথা নাড়িয়া সম্মতি দিতে গিয়াই চলিয়া পড়িলেন ।

পদকর্তা লিখিয়াছেন—

প্রিয়া-কর করে ধরি অমুমতি মাগিতে

মুরছি পড়ল তছু ঠাঞি ।

নিমাই বাস্তব হইয়া প্রিয়াজীকে ধরিয়া তুলিলেন, বক্ষে লইলেন ।
নিমাইর অঙ্গ-স্পর্শে প্রিয়াজী চেতনা পাইয়া বলিলেন “হা প্রাণ-
বল্লভ, তুমি কোথায় ?”

নিমাই তাঁহার চিবুকে হাত দিয়া বলিলেন, প্রিয়ে এই যে তুমি
আমারই কোলে । চিরদিনই এইরূপে আমি তোমায় আপন
কোলে স্থান দিয়া ‘আনন্দলাভ করি । এ সুখ আমি কখনও
ছাড়িতে পাড়িব না । তোমাতে আমাতে কখনও বিরহ নাই,—
এই যে সন্ন্যাস লইতেছি ইহা বিরহ নহে—বিরহের* আভাস—
এই বিরহ কেবল লোক দেখান মাত্র, কিন্তু তথাপি ইহাতে তোমার
বিরহ প্রতীতি হইবে,—তাহা না হইলে জীবের হিত হইবে না ।
দেবি, আমি নিশ্চয় বলিতেছি, আমি যখন যেখানে যাই না কেন,
আমি চিরদিন তোমার নিকটেই থাকিব, তুমি আমার কথা মনে
করিলেই আমাকে দেখিতে পাইবে ।*

প্রিয়াজী গদগদকণ্ঠে প্রশ্ননয়নে বলিলেন,—নাথ, আপনার

* শুন দেবী বিষ্ণুপ্রিয়া

তোমায়ে কহিল ইহা

যখন যে তুমি মনে কর ।

আমি বধা তথা বাই

থাকিব তোমার ঠাঞি

এই সত্য কহিলাম দৃঢ় ।

ঐচৈতন্যমঙ্গল

উদ্দেশ্য আপনিই জানেন । আপনি স্বেচ্ছাময় ও দয়াময় । দয়া করিয়া আপনি আমার দাসীপদের অধিকার দিয়াছিলেন, যেন চিরদিন আমার এই চরণ সেবায় অধিকার থাকে, তাহাতে যেন বঞ্চিত না হই । আপনি জীবের মঙ্গলের জন্ত সন্ন্যাস লইবেন, আমি যদি ইহাতে সহায় হইবার অধিকার পাই, তাহা আমার পরম ভাগ্য । যদি এ দাসীর বিরহ-হৃৎখে আপনার উদ্দেশ্য সফল হয়, আমি স্বচ্ছন্দে সে হৃৎখ গ্রহণ করিব । আপনি জীবের মঙ্গলসাধন করুন, কিন্তু এ দাসীর প্রতি দয়া করিয়া এই করিবেন, যেন মুহূর্তের তরেও আমার চিত্ত আপনার চরণ ছাড়া না হয় ।”

নিমাই বলিলেন, প্রিয়ে তোমার এই অল্পমতি তোমার উপ-যুক্তই হইল । তোমার জীব তোমার করুণাতেই পরিত্রাণ লাভ করিবে । আমি স্নেহময়ী জননীর ও তোমার কারুণ্য লইয়াই জীব নিস্তার করিতে সন্ন্যাস লইতেছি । আজ জীবের ভাগ্য প্রসন্ন হইল ।” নিমাই একে একে এইরূপে সকলের নিকট বিদায় লইলেন । বিদায় ও সাঙ্ঘন্যার কার্য সমাপ্ত করিয়া তিনি উদাসভাব একবারে পরিত্যাগ করিলেন । তাঁহার মুখে সর্বদাই হাসি, নয়নকোণে অমুরাগ, বাক্য সরস ও আনন্ডপূর্ণ হইয়া উঠিল । তিনি যে উদাসী হইয়া সন্ন্যাস গ্রহণ করিবেন, এ ভাবই তাঁহার আকার প্রকারে কথাবার্তার আর প্রকাশ পাইল না ।

ভক্তগণ নিমাইর মনের ভাব জানিয়া শুনিয়াও তাঁহার এই মায়ার বিহ্বল হইলেন । পুত্রের ব্যবহার দেখিয়া শরীর মনে হইতে লাগিল যে তাঁহার পুত্র যে সন্ন্যাসের অল্পমতি লইয়াছেন,

এবং তিনি যে তাঁহাকে সন্ন্যাসের অহুমতি দিয়াছেন, তাহা বুঝি একটা কুস্বপ্ন মাত্র । নিমাই মায়ের নিকট বসিয়া কত গল্প করেন, মায়ের রন্ধনের কত প্রশংসা করেন, গার্হস্থ্যের কত কথা বলেন, ইহাতে শচীদেবীর আর আনন্দের সীমা নাই, নিমাইর সন্ন্যাসের কথা তিনি যেন অন্নদিনের মধ্যেই একরূপ ভুলিয়া গেলেন ।
 ত্রীপাদ লোচনদাসের ত্রীচৈতন্যমঙ্গল গ্রন্থে লিখিত আছে—

মায়ের সন্তোষ করে হৃদয় জানিয়া ।
 যে কথায় থাকয়ে অন্তর সুস্থ হৈঞা ॥
 বৈরাগ্য আবেশ প্রভু পরিত্যাগ করি ।
 ঘরে ঘরে নিজ প্রেম পরকাশ করি ॥
 নানা আভরণ পরে ত্রীঅঙ্গে চন্দন ।
 হাস বিলাস রসময় অহুক্ষণ ॥

ইহাতে সকলেই বিপরীত বুঝিল—বুঝিল নিমাইর সন্ন্যাস-গ্রহণ-প্রবৃত্তি দূর হইয়াছে, ইহাতে ভক্তগণ বড় আনন্দিত হইলেন ।

সবলোক জানিলেক নহিব সন্ন্যাস ।
 আনন্দ হইল সৰ্ব লোক নিজদাস ॥

নিমাইর আত্মীয়-স্বজন ও ভক্তগণের হৃদয়ে আবার শান্তি কিরিয়া আসিল, তাঁহারা বুঝিলেন, নিমাই বুঝি সন্ন্যাসের কথা ভুলিয়া গিয়াছেন, হয়ত সন্ন্যাসগ্রহণ না করাই যুক্তিবুদ্ধ,—তিনি এইরূপ অভিপ্রায়ই ব্যক্ত করিয়াছেন । এইরূপ বুঝিয়া সকলেই একরূপ নিশ্চিন্ত হইলেন ।

প্রিয়াজীরও হৃদয়ে শান্তি আসিল । নিমাই তাঁহার সহিত ক্রমেই অধিকতর মেশামেশি করিতে লাগিলেন, অনেক সময় তিনি প্রিয়াজীর নিকটে থাকিতেন, কত স্নমধুর সন্তাষণে তাঁহার হৃদয়ে নব নব রসের সঞ্চার করিতেন, আর প্রিয়াজী সেই রস-সাগরে নিমগ্ন থাকিয়া আপনাকে জগতের সৰ্ব্বাপেক্ষা অধিক সোভাগ্য-শালিনী বলিয়া মনে করিতেন । অল্পদিনের মধ্যে প্রিয়াজীরও মনে ধারণা হইল যে দয়াময় বুদ্ধি তাঁহার প্রতি নিদয় হইবেন না, সন্ন্যাসের কথাটা 'তাঁহার নিকটেও স্বপ্নের ন্যায় প্রতিভাত হইতে লাগিল । ফলতঃ নিমাই সন্ন্যাসের পূর্বে কতিপয় দিবস প্রিয়াজীর প্রতি এমন সোহাগ দেখাইতে লাগিলেন যে সে সোহাগ-ভরে প্রিয়াজী একবারে বিহ্বল হইয়া পড়িলেন । কিন্তু অচিরেই তাঁহার স্নপের স্বপন ভাঙ্গিয়া গেল । এস্থলে এই হৃদয়-বিদারক ঘটনা শ্রীপাদ লোচনদাসের গ্রন্থ হইতে বিবৃত করা যাইতেছে ।

এক দিবস রজনীতে নিমাই শয়নমন্দিরে প্রফুল্ল ও সরসচিত্তে শয়ন করিলেন । প্রিয়াজী তাব্বুলের স্তবক হাতে লইয়া পূর্ণিমার চাঁদের ন্যায় শয়নমন্দিরে বাইতে না বাইতেই নিমাই উঠিয়া বসিয়া স্নমধুর হাসিয়া বলিলেন—হৃদয় সখি, এসেছ, এস এস, আমি এত-ক্ষণ তোমাকেই ভাবিতেছিলাম ।

প্রিয়াজী । সে আমার পরমভাগ্য ।

এই বলিয়া নিমাইর বদনকমলে প্রিয়াজী একটি তাব্বুল তুলিয়া দিলেন ।

নিমাই প্রিয়াজীর হাত ধরিয়া তাহাকে আপন কোলে টানিয়া

লইলেন এবং মনের সাথে আনন্দলীলার সময় নিমাইসুন্দর প্রিয়া-
জীকে সাজাইতে লাগিলেন যথা ত্রীচৈতন্তমঙ্গলে—

তবে মহাপ্রভু সে রসিক শিরোমণি ।
বিষ্ণুপ্রিয়া অঙ্গবেশ করেন আপনি ॥
দীর্ঘকেশ—কামের চামর যিনি আভা ।
কবরী বাক্সিয়া দিল মালতীর আভা ॥
সুন্দর ললাটে দিল সিন্দূরের বিন্দু ।
দিবাকর কোলে যেন রহিয়াছে ইন্দু ॥
সিন্দূরের চৌদিকে চন্দন-বিন্দু আর ।
শশিকোলে সূর্য্য যেন ধায় দেখিবার ॥
খঞ্জন নয়নে দিল অঞ্জনের রেখা ;
ভুঙ্গ কাম কামানের গুণ করিলেক ॥
নানা অলঙ্কারে অঙ্গ ভূষণ তাঁহার ।
তাম্বুল হাসির সঙ্গে বিহরে অপার ॥

নিমাই প্রিয়াজীকে নিজহাতে এইরূপ সজ্জিত করিয়া অনিমিক্
দৃষ্টিতে তাঁহার ত্রৈলোক্যমোহন মুখখানির দিকে সতৃষ্ণ ভাবে
দৃষ্টিপাত করিতে লাগিলেন । প্রিয়াজী হাসিয়া বলিলেন,—এ কি,
এ দাসীর প্রতি এত কৃপা ? আপনার ভুবনমোহন ত্রীচরণের
নিকটস্থ হইতেই আমি লজ্জা বোধ করি । গুণে বা রূপে আমি
কিছুতেই আপনার যোগ্য নহি ।

নিমাই মুহূ হাসিয়া বলিলেন, “যোগ্য কি অযোগ্য এই দেখ,”
এই বলিয়া প্রিয়াজীর ত্রীমুখকমলে সোহাগভরে নিমাইসুন্দর চুষন

করিয়া তাঁহাকে বক্ষে তুলিয়া লইয়া নিম্পন্দ নেত্রে তাঁহার দিকে চাহিয়া রহিলেন, প্রিয়াজী আনন্দে বিবশা হইয়া বলিলেন,—নাথ, আমি কোথায় আছি ? এ কি সুখ না দুঃখ, এ কি বিষ না অমৃত, আমি চেতন কি অচেতন, কিছুই বুঝিতে পারিতেছি না । আমার দৃঢ় করিয়া ধরুন ।” নিমাই আনন্দবিবশা প্রিয়াজীকে শয্যায় শোয়াইয়া তাঁহাকে দৃঢ় আলিঙ্গন করিয়া কত রস-কেলি-বিনোদে তাঁহার প্রতি সোহাগ ও আদর দেখাইতে লাগিলেন । এইরূপ আনন্দ-বিবশভাবে রজনী-শেষে প্রিয়াজীর প্রগাঢ় নিদ্রা হইল ।

নিমাইসুন্দর প্রিয়াজীর সেই ঘুমন্ত মুখখানি একবার ভাল করিয়া দেখিয়া লইতে চেষ্টা করিলেন, কিন্তু ভাল করিয়া দেখিতে পারিলেন না, তাঁহার পদপলাশবৎ ঢল ঢল নয়ন অশ্রুজলে পূর্ণ হইল । দুই বিন্দু প্রতপ্ত অশ্রু নিমাইর গণ্ড বহিয়া প্রিয়াজীর আনন্দ-মাথা গণ্ডস্থলে গড়াইয়া পড়িল । নিমাই চাহিয়া দেখিলেন কপালে চন্দনবিন্দুমণ্ডলির মধ্যস্থিত সিন্দূর বিন্দু তেমনি রহিয়াছে, সরল সুন্দর মুখখানি হইতে যেন অনন্তমাধুর্য্য ফুটিয়া বাহির হইতেছে ।

নিমাইর হৃদয় স্তম্ভিত হইল ;—তাঁহার বহুদিনের দৃঢ়প্রতিজ্ঞ হৃদয় কণেকের তরে শিথিল হইয়া পড়িল । তিনি অতি সন্তুর্পণে নিজের নয়নজল সম্বরণ করিলেন, জীবের অনন্ত দুঃখের কথা তাঁহার মনে উদ্ভিত হইয়া আবার তাঁহার চিত্তকে সবল করিয়া তুলিল । তিনি মনে মনে বলিতে লাগিলেন—দেবী এখন প্রগাঢ় নিদ্রায় নিমজ্জিতা । এই উপযুক্ত সময় । ধীরে ধীরে প্রিয়াজীর গলদেশের নিম্ন হইতে

আপন হাত টানিয়া লইলেন । প্রিয়াজীর পা খানি নিজের অঙ্গ হইতে নামাইয়া পাশবালিশের উপরে প্রিয়াজীর বামহাত ও বাম পা খানি আশ্বে আশ্বে রাখিলেন । ধীরে ধীরে নিদ্রিতা প্রিয়াজীর গণ্ডে শেষ চুষন দিয়া আবার সতৃষ্ণনেত্রে তাঁহার মুখপানে তাকাইলেন, নিমাইর নয়নকোণে অশ্রুবিন্দু দেখা দিল, তিনি নিজহাতে, তাহা মুছিয়া লইলেন, ধীরে ধীরে পর্য্যঙ্ক হইতে নামিলেন, ধীরে ধীরে দ্বার উদঘাটন করিলেন, জননীর শয়ন গৃহের সম্মুখে যাইয়া জননীকে স্মরণ করিয়া প্রণাম করিলেন, ঠাকুর মন্দিরে প্রণাম করিয়া নিমাই ঘরের বাহির হইলেন । নিমাই দ্রুতবেগে গঙ্গাতীরে উপনীত হইলেন, দুই কর জুড়িয়া জাহ্নবী ও নবদ্বীপকে প্রণাম করিলেন । মাঘের দারুণ শীত, তাহাতে শেষ রাত্রি । দেহের প্রতি কোন লক্ষ্য না রাখিয়া তিনি গঙ্গায় ঝাঁপ দিলেন । নিমাই শৈশব হইতে সন্তরণপটু ছিলেন । অল্পক্ষণ পরেই গঙ্গার পরপারে উত্তীর্ণ হইয়া সেই ভীষণ শীতে আদ্রবস্ত্রে কাটোয়া অভিমুখে ধাবিত হইলেন ।*

-
- * শয়ন মন্দিরে গৌরানন্দ্রের উষ্ণ রক্তনী পেষে ।
মনে দৃঢ় আশ, করিব সন্ন্যাস, ঘূচাব এ সব বেশে ॥
ঐছন ভাবিয়া, মন্দির ত্যজিয়া, আইল সুরধনীতীরে ।
দুই কর জুড়ি, নমস্কার করি, পরশ করিল নীরে ॥
গঙ্গা-পরিহরি নবদ্বীপ ছাড়ি, কাকন নগর পথে ।
করিলা গমন শুনি সবজন, বজ্র পড়িল মাথে ॥
পাবাণ সমান হৃদয় কঠিন সেহ শুনি গলি যায় ।
পশুপাখী কুরে গলরে পাথরে এ দাস লোচন যায় ॥ •

কিয়ৎক্ষণপরে প্রিয়াজীৱ স্মৃতিদ্রো ভাঙ্গিল, তিনি চমকিয়া জাগিয়া উঠিলেন। তিনি তাঁহার প্রাণবল্লভের ভূজপাশে আবদ্ধ হইয়া স্মৃতি নিদ্রিত ছিলেন, জাগিয়া দেখিলেন সে ভূজ-বন্ধন নাই। গৃহের, প্রদীপটি জ্বলিতে জ্বলিতে নিভিয়া গিয়াছে, অথবা নিমাই নিজেই ঘরের প্রদীপ নিভাইয়া নিজেই ঘর অন্ধকার করিয়া চলিয়া গিয়াছেন, অথবা নদীয়ার চাঁদ যখন নদীয়া আঁধার করিয়া চলিয়া গেলেন, তখন আর বিষ্ণুপ্রিয়ার শ্রীমন্দির প্রদীপ জ্বলেকেন,—ভাবিয়া স্বয়ং বিধাতাই বুঝি প্রদীপটি নির্বাণ করিয়া দিয়াছিলেন।

প্রিয়াজী পালকে হাত বুলাইয়া দেখিতে লাগিলেন, কিন্তু শ্রীগোরচন্দ্রের শ্রীঅঙ্গ স্পর্শ পাইলেন না, অবশেষে “প্রাণেশ্বর, আপনি কোথায়, আমি একাকিনী ভয় পাইতেছি, সহরে শয্যায় আসুন।” এই বলিয়া মৃদুস্বরে তাঁহাকে ডাকিতে লাগিলেন, কোথাও প্রত্যুত্তর পাইলেন না। পালক হইতে নামিয়া দরজার নিকট চাহিয়া দেখিলেন, কপাট খোলা, অথচ দরজাটা টানিয়া দেওয়া হইয়াছে। অবশেষে ঘর হইতে বাহির হইলেন, আঙ্গিনার আসিয়া ইতি উতি অনুসন্ধান করিতে লাগিলেন কোথাও সাড়া পাইলেন না।

তখনও রাত্রি প্রভাত হয় নাই, মাঘের প্রভাতী শীতের হিমনি পড়িতেছে, প্রিয়াজীৱ হৃদয় ছুঁ ছুঁ করিয়া কাঁপিতে লাগিল, তাঁহার শ্রীঅঙ্গলতিকা ভীষণ আশঙ্কায় কম্পমান হইল। সহসা তিনি কিছুই স্থির করিতে পারিলেন না। একবার মনে করিলেন, তিনি

কি কোন কার্যে কোথাও গিয়াছেন ? আবার মনে করিলেন, তাঁহার এমন কি কার্য আছে, যে এত প্রত্যুষে কোথাও যাইবেন ? তিনি আমার না বলিয়া এত প্রত্যুষে কোথাও যাইবেন, এমন তো মনে হয় না । তবে কি সত্য সত্যই আমার কপাল ভাঙিল ? তিনি কি আমাকে ছাড়িয়া চলিয়া গেলেন ? কিন্তু তাই বা কি করিয়া বলি । তিনি কতিপয় দিবস আমার প্রতি যেরূপ ব্যবহার করিয়াছেন, যেরূপ প্রীতিরস দেখাইয়াছেন, এমন কি গতরাত্রিতে যেরূপ রসকেলিতে আমার মুগ্ধ করিয়াছেন তিনি কি আমার ছাড়িয়া সন্ন্যাস করিবেন ? ইহাওকি সম্ভব ?”

এইরূপ ভাবনা চিন্তা করিতে করিতে তাঁহার মনে আশঙ্কাই প্রবল হইয়া উঠিল । তিনি মনে করিলেন সত্য সত্যই* তাঁহার প্রাণবল্লভ তাঁহাকে ছাড়িয়া গিয়াছেন, তখন কপালে করাঘাত করিয়া কঁাদিতে কঁাদিতে শচীদেবীর শয়ন গৃহের দ্বারে উপস্থিত হইলেন* দরজায় আঘাত করিয়া ডাকিলেন মা, মা শীঘ্র উঠুন” ।

হেথা বিকুপ্রিয়া,

চমকি উঠিয়া,

পালকে বুলার হাত

প্রভু না দেখিয়া,

উঠিল কান্দিয়া,

শিরে মারে ঘাত ॥

মুঞি অভাগিনী,

সকল রজনী,

জাগিল প্রভুরে নিয়া ।

প্রেমেতে বাঁধিয়া

নিজাম্বোরে দিয়া

প্রভু খেল পলাইয়া ॥

•

শচী । কে ও বউ মা, কেন মা, কি হয়েছে ! নিমাই
ভাল আছে তো ?

এই বলিয়া শচী প্রদীপ জালিয়া তাড়াতাড়ি বাহিরে আসিলেন,
আসিয়া দেখেন,—বউমা শিরে করাঘাত করিতেছেন আর কাঁদিয়া
বসিতেছেন “হায় হায় আমার একি হইল, আমার কেলিয়া কোথায়
গেল ।”

প্রিয়াজীর বিলাপ শুনামাত্রই বৃদ্ধাশচীদেবী বুঝিতে পারিলেন
নিমাই ঘরের বাহির হইয়াছেন । তিনি কাতরকণ্ঠে কাঁদিতে কাঁদিতে
ডাকিতে লাগিলেন “নিমাই—নিমাই,—ও নিমাই,” প্রতি ডাকেই
যেন প্রতিধ্বনি হইল—নাই,—নাই,—নাই । শচীদেবী তখন
চলিয়া পড়িলেন, মুচ্ছিত হইলেন, আবার চেতনা পাইয়া রাজপথে
বাহির হইয়া “নিমাই নিমাই” রবে চারিদিক আকুল করিয়া
তুলিলেন । বাসু ঘোষ প্রত্যক্ষ এই দশা জানিয়া নিম্নলিখিত পদাবলী
রচনা করিয়াছেন—

শচীর মন্দিরে আসি ছয়ারের পাশে বসি

ধীরে ধীরে কহে বিষ্ণুপ্রিয়া ।

শয়ন মন্দিরে ছিল নিশা অন্তে কোথা গেল

মোর মুণ্ডে বজর পড়িয়া ॥

গৌরাজ্ঞ জাগরে মনে প্রাণ কান্দে রাত্রিদিনে

শুনিয়া উঠিল শচীমাতা ।

আলু থালু কেশে ধায় বসন না রয় গায়,

শুনিয়া বধুর মুখের কথা ॥

তুরিতে জালিয়া বাতি, দেখিলেন ইতি উতি,
কোন ঠাক্রি উদ্দেশ না পাইয়া ।

বিষ্ণুপ্রিয়া বধুসাথে, কান্দিতে কান্দিতে পথে,
ডাকে শচী নিমাই বলিয়া ।

শুনিয়া নদিয়ার লোকে, কান্দে উঠেঃস্বরে শোকে
যারে তারে পুছেন বারতা ।

একজন পথে ধায়, দশজন পুছে তার,
গৌরাজ দেখেছ যেতে কোথা ?

সে বলে দেখেছি'যেতে, আর কেহ নাহিসাথে,
কাঞ্চননগর পথে ধায় ।

বাসু কহে আহা মরি, আমার গৌরাজ-হরি,
পাছে জানি মন্তক মুড়ায় ।

বৃদ্ধা শচীদেবীর বিলাপ শুনিয়া প্রতিবাসীরা জাগিয়া উঠিলেন ।
কেহ গঙ্গাতীরে, কেহ রাজপথে, কেহ বা ভক্তগণের আলয়ে
নিমাইর অনুসন্ধান করিতে লাগিলেন, কিন্তু কোথাও নিমাইর
সন্ধান পাওয়া গেল না । ভক্তগণ প্রত্যাষে গঙ্গান্নান
করিতেন, স্নানান্তে নিমাইর চরণ দর্শন করিতে আসিতেন ।
রাত্রি প্রভাত হইতে না হইতেই চারিদিকে সংবাদ রটিল, নিমাই
রাত্রিশেষে গৃহত্যাগ করিয়া চলিয়া গিয়াছেন ।

নিতাই শ্রীবাস ও বাসু ঘোষ প্রমুখ ভক্তবৃন্দ বার্তা শুনিয়া
দৌড়িয়া শচীদেবীর নিকট উপস্থিত হইলেন । আসিয়া দেখিলেন
শচী ও প্রিয়াজী করাঘাত করিয়া কান্দিতেছেন আর ধূল্য

লুটাইতেছেন, ভক্তগণকে দেখিয়া তাঁহাদের শোকবেগ আরও
বাড়িয়া উঠিল। শচী কাদিতে কাদিতে বলিলেন,—তোমরা
যেখানে পাও, আমার নিমাইকে আনিয়া দাও, আনিয়া দিয়া
আমার প্রাণ বাঁচাও, নিমাইকে ছেড়ে আমি এক মুহূর্ত্ত প্রাণ
ধরিতে পারিব না ।

বাসু ঘোষ স্বচক্ষে এই ঘটনা দেখিয়া লিখিয়াছেন—

সকল মহন্ত মিল সকালে সিনান করি

‘আইলা গৌরান্ধ্র দেখিবার ।

গৌরান্ধ্র গিয়াছে ছাড়ি বিষ্ণুপ্রিয়া আছে পড়ি

শচী কান্দে বাহির ছ্মারে ॥

শচী কহে শুন মোর নিতাই-গুণমণি ।

কেবা আসি দিল মন্ত্র কে শিখায় কোন তন্ত্র

কি হৈল কিছুই না জানি ॥

গৃহমাঝে শুয়েছিহু ভাল মন্দ না জানিহু

কিবা করি গেল রে ছাড়িয়া ।

কেবা নিঠুরালি কৈল পাথারে ভাসায়ে গেল

রহিব কাহার মুখ চাঞা ॥

বাসুদেবঘোষ ভাষা শচীর এমন দশা

মরা হেন রহিল পড়িঞা ।

শিরে করাঘাত মারি ঈশানে দেখায় ঠারি

গোরা গেল নদীয়া ছাড়িয়া ॥

বাসু ঘোষের পদে শচীমাতার যে অবস্থা বর্ণিত হইয়াছে,

তাহা পাঠ করিলে অতিবড় কঠোর লোকেরও হৃদয় বিদীর্ণ হয় । পদটা এই—

পড়িল ধরণীতলে শোকে শচীদেবী বোলে
লাগিল দারুণ বিধি বাদে ।

অমূল্য রতন ছিল, কোন ছিলে কেবা নিল
সোণার পুতুলি গোরা রায়ে ॥

অঙ্গুরী অঙ্গুদবালা গোরাটাদের কণ্ঠমালা
খাট পাট সোণার হলিচা ।

সে সব রয়েছে পড়ি, নিমাই গিয়াছে ছাড়ি
মুঞি প্রাণ ধরিয়াছি মিছা ।

গোরাঙ্গ ছাড়িয়া গেল নদীয়া আধার হৈল
ছট ফট করে মোর হিয়া

যোগিনী হইয়া যাব যথায় গোরাঙ্গ পাব
কান্দিব তার গলায় ধরিয়া ॥

যে মোরে নিমাই দেবে মূল্য করি কিনে নিবে
হব মুঞি তার দাসের দাসী ।

বান্ধদেব ঘোষ ভণে শচী কান্দে অকারণে
জীব লাগি নিমাই সন্ন্যাসী ॥

নিত্যানন্দ প্রভৃতি প্রিয় পার্শ্বদগণ এই সংবাদ শুনিয়া বজ্রাহতের স্তায় হইলেন, কিন্তু তাঁহারা শচীর সাক্ষাতে তাঁহাদের মনের ক্লেশ প্রকাশ করিলেন না । অপরপক্ষে শচীমাতাকে প্রবোধ দিয়া বলিলেন—“ইহার জন্ত ব্যস্ত কেন ?

আমরাও এই ঘরের বাহির হইলাম, নিমাই যাবে কোথা । যেখানে পাই, সেখান হইতেই নিমাইকে লইয়া আসিব । আপনি অধীর হইবেন না ।”

ভক্তগণ যদিও শচীমাতাকে প্রবোধ দিলেন বটে, কিন্তু তাঁহাদের হৃদয় অত্যন্ত অধীর হইয়া পড়িল । প্রিয়াজীর আর্তনাদময় বিলাপ শুনিয়া সকলেই অধিকতর আকুল হইলেন । নিমাই কোথায় গিয়াছেন, কোন্ দিকে তাঁহার অনুসন্ধান করিতে হইবে সকলের মনেই এই ভাবনার উদয় হইল ।

শচীমাতা ও প্রিয়াজীকে সাশ্বনা দিয়া ভক্তবৃন্দের সহিত নিত্যানন্দ বাহিরে আসিলেন । নিত্যানন্দ বলিলেন ভারতবর্ষে যেখানে যেখানে সন্ন্যাসীর আশ্রম আছে, সকল স্থানেই তন্ন তন্ন করিয়া খুঁজিতে হইবে, সকল স্থানেরই পরিচয় আমি জানি । আমি এই শূঙ্খ নদীয়ায় আর এক মুহূর্ত্তও থাকিব না । এখানে আমার এখন আর কোনও বন্ধন নাই, যে বন্ধন ছিল তাহা চলিয়া গিয়াছে, যদি পারি তবে নিমাইকে লইয়া ফিরিব, শচীমাতার নিকট যে কথা দিয়াছি, তাহা রক্ষা করিব, নতুবা চিরদিনের জন্ত আমিও তোমাদের নিকট বিদায় লইলাম । তোমরা, শচীমাতা ও বধুমাতাকে দেখিও ।

ইহাতে ভক্তগণ আকুল হইয়া বলিলেন, আমরাই বা এই শূঙ্খ নদীয়ায় থাকিব কেন ? সংসারের সুখে আগুন দিয়া ঘরের বাহির হইব, বাহির হইয়া প্রভুর সঙ্গে মিলিত হইব ।

নিতাই বলিলেন, এখন কাহাকেও বহুদূর যাইতে হইবে না,

আমার বিশ্বাস তিনি কাটোয়ার কেশব ভারতীর নিকট গিয়াছেন । কেশব ভারতীর নিকট মধ্যে মধ্যে তিনি গোপনে গোপনে কি পরামর্শ করিতেন । খুব সম্ভব তিনি কাটোয়ায় গিয়াছেন । আর যদি সেখানে না পাই, তবে সমগ্র ভারতবর্ষ খুঁজিয়া খুঁজিয়া আমি তাঁহাকে বাহির করিবই করিব । আমি এখনই কাটোয়ায় চলিলাম । দুই চারিজন সুবিজ্ঞ ও সুধীর লোক আমার সঙ্গে যাইতে পারেন, কেন না তাঁহাকে কাটোয়া হইতে ফিরাইয়া আনিতে হইবে ।”

অনেকেই যাইতে প্রস্তুত হইলেন । কিন্তু শ্রীবাস বলিলেন, “নদীয়া ছাড়িয়া এখন কোন ক্রমেই সকলের যাওয়া উচিত নয় । শচীদেবী ও প্রিয়াজীৱ নিকট সর্বদার তরে লোক রাখিতে হইবে, বলিতে কি তাঁহারা জ্ঞান হারা হইয়াছেন, যে কোন মুহূর্ত্তে গঙ্গায় ঝাঁপ দিয়া প্রাণ ত্যাগ করিতে পারেন । আমি কতিপয় লোক সহ তাঁহাদের রক্ষণাবেক্ষণ করিব, সাব্দনা দিব ।”

- তখন পরামর্শক্রমে বক্রেশ্বর, মুকুন্দ, প্রভুর মেসৌ, চন্দ্রশেখর
- ও দামোদর পণ্ডিত নিমাইর সহিত তৎক্ষণাৎ দ্রুতবেগে কাটোয়া অভিমুখে যাত্রা করিলেন ।*

* চন্দ্রশেখর আচাৰ্য পণ্ডিত দামোদর ।
বক্রেশ্বর আদি করি চলিলা সত্বর ।
এই সব লই নিত্যানন্দ চলি যায় ।
প্রবোধিয়া শচী বিকুপ্রিয়র-হৃদয় ।

এদিকে শ্রীগৌরমুন্দর গঙ্গা পার হইয়া বিহ্ব্যতের ছায় কাটোয়া অভিমুখে ধাবিত হইলেন, পরিধানে একখানি আর্দ্রবস্ত্র,—মাঘের দারুণ শীত—তাহাতে প্রভাতকাল, কিন্তু তাঁহার সে বোধ নাই, তিনি উন্নতের ছায় অতি অল্পকালের মধ্যে কাটোয়ার সুরধুনী তীরে বটবৃক্ষমূলে কেশব ভারতীর আশ্রমে আসিয়া দেখিলেন ভারতী গৌসাই আশ্রমেই আছেন। নিমাইর প্রাণ আনন্দে নাচিয়া উঠিল। তিনি ভক্তিভরে ভারতীর চরণে সাষ্টাঙ্গে প্রণত হইয়া বলিলেন—দয়াময় আমাকে সন্ন্যাস প্রদান করিয়া সংসার-সাগর হইতে উদ্ধার করুন। *

ভারতীর সহিত যদিও নিমাইর পরিচয় ছিল, কিন্তু সহসা সেই কনক-গৌর সুদীর্ঘ শ্রীমূর্তি দেখিয়া ভারতী যেন দিশাহারা হইয়া পড়িলেন। তখন নিমাই তাঁহার পরিচয় দিলেন এবং ভারতী যে তাঁহাকে সন্ন্যাস দিবেন বলিয়া আশা দিয়াছিলেন, তাহাও স্মরণ করাইয়া দিলেন। নিমাই বলিলেন,—গৌসাই, নবদ্বীপে আপনি আমাকে রূপা করিয়া দর্শন দিয়াছিলেন, তখন আমি আপনার নিকট সন্ন্যাস গ্রহণ করিব বলিয়া প্রার্থনা করি। আপনি বলিয়াছিলেন, যথাসময়ে সন্ন্যাস দিবেন, এখন সেই সময় উপস্থিত। আপনি রূপা করিয়া আমার ভবসাগর হইতে ত্রাণ করুন।”

* কাকননগরে গেলা দ্বিজ বিবস্ত্র ।

যে বাঁসে বসিয়া আছে সেই সন্ন্যাসিবর ।

ভারতীর পূৰ্ণ কথা মনে হইল, তিনি মহাশঙ্কটে পড়িলেন । নিমাইর কথার প্রকৃত উত্তর দিয়া তিনি বলিলেন, বাবা তুমি এখানে বসিয়া বিশ্রাম কর, তার পরে এ বিষয়ে তোমার কথা শুনিব ।”

নিমাই সুরধুনীতীরে বটবৃক্ষমূলে উপবেশন করিলেন । তখন বেলা হইয়াছে । এই ঘাটে বহুলোকজনের সমাগত হইত । অগণ্য নরনারী শ্রীগৌরান্দের কনককান্তি রূপচ্ছটা ও অঙ্গলাবণ্য ও শ্রীমুখের চাহনি দেখিয়া সতৃষ্ণনেত্রে তাহাকে দেখিতে লাগিলেন । গঙ্গাঘাটে বিপুল জনতা ক্রমেই বাড়িতে লাগিল । এই পুরুষটীকে,—কেনই বা ভারতীর আশ্রমে ইনি আসিয়াছেন, সকলেরই ইহা জানিবার ইচ্ছা হইল । প্রাচীন ও প্রবীণ পুরুষ ও রমণীগণ তাঁহার নিকটে আসিয়া তাঁহাকেই জিজ্ঞাসিতে প্রবৃত্ত হইলেন ।

সন্ন্যাসী দেখিয়া প্রভু নমস্কার করে ।
 সন্তমে উঠিয়া সন্ন্যাসী নারায়ণ স্মরে ॥
 কোথা হতে এলে তুমি যাবে কোথা করে ।
 কি নাম তোমার সত্য কহত আমারে ॥
 প্রভু কহে শুন গুরু ভারতী গোসাঁঞি ।
 কৃপা করি নাম মোর রেখেছে নিমাই ॥
 বসিয়া আনন্দে কহে মনেতে উল্লাস ।
 তোমার নিকটে এলাম দেহ ত সন্ন্যাস ।
 লোচন বলে মোর সাদা প্রাণে বাধা পায় ।
 গৌরান্দ্র সন্ন্যাস নিবে এত বড় দারয় ॥

নিমাই সরলভাবে আত্মপরিচয় দিয়া তাঁহাদের নিকট নিজের
 অভিপ্রায় জানাইলেন । বাসুদেব লিখিয়াছেন :—

কাঞ্চন নগরে এক বৃক্ষ মনোহর ।
 সুরধুনীতীরে তরুছায়া যে সুন্দর ॥
 তার তলে বসি আছেন গৌরান্ধসুন্দর ।
 কাঞ্চনের কাস্তি যেন দীপ্ত কলেবর ॥
 নগরের লোক ধায় যুবক যুবতী ।
 সতী ছাড়ে নিজপতি জপ ছাড়ে বতি ॥
 কাঁখে কুন্ত করি তারা দাঁড়াইয়া রয় ।
 চলিতে না পারে, সেহ লড়ি হাতে ধায় ॥
 কেহ বলে হেন নাগর যে না দেশে ছিল ।
 সে দেশে পুরুষ নারী কেমনে বাঁচিল ॥
 কেহ বলে নিজ নারীর গলে পদ দিয়া ।
 কেহ বলে মা বাপেরে এসেছে বধিয়া ॥
 কেহ বলে ধন্ত মাতা ধরে ছিল গর্ভে ।
 দৈবকী সমান যেন গুনিয়াছি পূর্বে ॥
 কেহ বলে কোন নারী পেয়েছিল পতি ।
 ত্রৈলোক্যে তাহার সমান নাহি ভাগ্যবতী ॥
 কেহ বলে ফিরে যাও আপন আবাসে ।
 সন্ন্যাসী না হও না মুড়াইও কেশে ॥
 প্রভু বলে আশীর্বাদ কর মাতা পিতা ।
 সার্থ আছে কৃষ্ণ পদে সঁপিব নিজ মাথা ॥

নিমাইর কথা শুনিয়া নরনারীমাতেই বিচলিত হইলেন । নিমাইর বৃদ্ধা জননী ও যুবতী স্ত্রীর কথা ভাবিয়া তাঁহাদের হৃদয়ের যাতনা আরও বাড়িয়া উঠিল । তাঁহারা নিমাইকে বলিতে লাগিলেন, “বাবা, সন্ন্যাস ভিন্নও কৃষ্ণভজন হয় । তুমি যা ও স্ত্রীর হৃদয়ে ছুড়ি, বসাইয়া এমন কার্য্য করিতে এসেছ কেন ? বাবা ফিরিয়া বাড়ীতে যাও । তুমি সুবোধ ছেলে, এমন কার্য্য কি করিতে আছে ?”

নিমাই বলিলেন, “আপনারা আমার মাতাপিতা, আশীর্বাদ করুন যেন আমি ভারতী ঠাকুরের কৃপায় ভবসাগর উত্তীর্ণ হইতে পারি ।”

ভারতী ঠাকুর এতক্ষণ উপস্থিত নরনারীগণের বাক্য শুনিতে-ছিলেন, শুনিয়া শুনিয়া তিনি স্থির সিদ্ধান্ত করিয়া ফেলিলেন,—বাস্তবিকই নিমাইকে সন্ন্যাস দেওয়া হইবে না । নিমাই সন্ন্যাস গ্রহণ করিলে হুইটী অবলা—নিমাইর মাতা ও স্ত্রী, প্রাণে মরিবেন, আমি তাঁহাদের বধের নিমিত্ত-ভাগী কেন হইব ? লোকতঃ ও জগতে কলঙ্ক রটিবে যে কেশব ভারতী নিমাইর অশতিবর্ষা বৃদ্ধ মাতার এবং তরুণ বয়স্কা যুবতী ভাৰ্য্যার সৰ্ব্বনাশ করিল । আমি লোকতঃ ও ধর্ম্মতঃ এই অপযশের ভাগী কিছুতেই হইব না । নিমাইকে বুঝাইয়া বাড়ীতে পাঠাইব, অথবা ধর্ম্মের কথা তুলিয়া উহাকে নিরস্ত করিব । তবে একটা কথা এই যে আমি নিমাইকে যথা সময়ে সন্ন্যাস দিব বলিয়া স্বীকার করিয়াছিলাম । তাহাতেই বা আমার ঠেকা কি ? নিমাইর এখন সন্ন্যাসের সময় হয় নাই, বিশেষতঃ নিমাই তাহার মাতাও পত্নীর অনুমতি গ্রহণ করেন নাই । আমি এই যুক্তিতে নিমাইকে নিবৃত্ত করিব ।”

কিয়ৎক্ষণ পরে নিত্যানন্দ প্রভৃতি পার্শ্বদগণ কাটোয়ার উপস্থিত হইলেন, তাঁহারা যাহা অনুমান করিয়াছিলেন, তাহা ঠিক হইল, দেখিলেন,—নিমাই সন্ন্যাস গ্রহণের নিমিত্ত কেশব ভারতীর আশ্রমে উপনীত হইয়াছেন। তাঁহাদিগকে দেখিয়া নিমাই বলিলেন,—আপনারা আসিয়াছেন, ভাল করিয়াছেন, এখন যাহাতে আমার মনের বাঞ্ছা ফলবতী হয়, আপনারা তাহার সহায় হউন।”

নিত্যানন্দ। আমরা তোমার সাহায্য করিতে আসি নাই,—বাধা দিতে আসিয়াছি। তুমি জীবের পরিজ্ঞানের জ্ঞান বদ্বীপে যে আগুণ জালিয়া দিয়া আসিয়াছ, কাহার সাধ্য সে আগুণ সহ্য করে, আমরা তিষ্ঠিতে না পারিয়া ছুটিয়া আসিয়াছি। তুমি স্বতন্ত্র, তাহা আমরা জানি, তুমি দৃঢ় তাহাও আমরা বুঝি। কিন্তু শচীমাতা ও বৃন্দামাতার শোক-সন্তাপে দগ্ধ হইয়া আমরা তোমাকে ফিরাইয়া লইতে আসিয়াছি।

নিমাই। শ্রীপাদ, আর ওকথা তুলিবেন না। আপনারা নিশ্চিন্ত হউন, তাঁহারা এই শোকের মধ্যেও শান্তি পাইবেন।

নিমাইর দৃঢ়তা ও স্থির সঙ্কল্পতাপূর্ণ কথা শুনিয়া আর কেহ কিছু বলিতে সাহসী হইলেন না।

ভারতী বলিলেন, নিমাই এখনও তোমার সন্ন্যাসের সময় হয় নাই।

নিমাই। দয়াময়, আমি নিশ্চিন্ত হইয়া কৃষ্ণ-ভজন করিব। সেই উদ্দেশ্যে সন্ন্যাস লইতেছি। মাহুঘের জীবনের কোন

নিমাই—দয়্যাময়, আমি নিশ্চিত হইয়া কৃষ্ণভজন করিব । সেই উদ্দেশ্যে সন্ন্যাস লইতেছি । মানুষের জীবনের কোন নিশ্চয়তা নাই । কখন কি হয়, বলা যায় না । অকৃতার্থ জীবন লইয়া কি করিব ? আপনি দয়া করিয়া আমার উদ্ধার করুন ।

ভারতী । ব্রাহ্মণের চতুরাশ্রম । তুমি গার্হস্থ্যাশ্রম । তুমি এখন ঐ সে আশ্রমে কৃতার্থ হও নাই । তোমার এখনও পুত্র সন্তান হয় নাই । তোমার বৃদ্ধা জননী ও স্ত্রী বর্ধমানা । আমি তোমায় এ অবস্থায় সন্ন্যাস দিতে পারি না ।

নিমাই । কুপাময়, আপনার সম্মুখে কোন কথা বলিতে আমার সাহস নাই । আমি কেবল আপনার দয়ার ভিখারী । আমার প্রাণ বৃন্দাবনের জন্ত কাঁদিতেছে, আমি সন্ন্যাস লইয়া বৃন্দাবনে যাইব, সেখানে যাইয়া কৃষ্ণভজন করিব, কৃষ্ণের অঙ্গেষণ করিব । আমার প্রাণ উতারা হইয়াছে । আমি হইতে আর গার্হস্থ্য ধর্ম্ম হইবে না ।

ভারতী । এ বিষয়ে তোমার জননী ও পত্নীর স্বচ্ছন্দ চিন্তে অনু-অনুমতি দানের আবশ্যক । তাহা ভিন্ন আমি কিছুইতেই তোমার কথায় সম্মত হইতে পারি না ।

এই কথা বলিয়া ভারতী নিমাইর আপাদমস্তক নিরীক্ষণ করিতে লাগিলেন । তাঁহার মনে হইল এই মূর্তিটা মানুষ নহেন । মানুষের দেহে একরূপ জ্যোতি ও লাবণ্য কখন ও সম্ভবে না । তিনি আপন মনে ভাবিতে লাগিলেন—আমি একরূপ ভাব কখন ও

কোন মানুষে দেখি নাই । ইনি বাহাই ইউন, ইনি বৃদ্ধা মাতা ও যুবতী ভাষা গৃহে রাখিয়া আসিয়াছেন, আমি ইহাকে কিছুতেই সন্ন্যাস দিব না । ভারতী আবার দৃঢ়রূপে বলিলেন—নিমাই আমি তোমাকে বিনয় করিয়া বলি, আমা হইতে এ কার্য্য হইবে না ।

চারি দিকে বিপুল জনতা,—সম্পূর্ণ নীরব ! কাহার ও মুখে কোন কথা নাই, সকলেরই মুখ স্নান ও বিষম । ইহারা নিমাই ও ভারতীর কথোপকথন শুনিতেছিলেন । যখন সকলেই স্পষ্টতঃই শুনিতে পাইলেন যে ভারতী নিমাইকে সন্ন্যাস দিবেন না, তখন সকলেই প্রফুল্ল মুখে হাস্যধ্বনি করিয়া উঠিলেন । ভারতী বলিলেন,—দেখিলে তো কেবল আমার বলিয়া নয়—কাহারও ইচ্ছা নয়, যে তুমি সন্ন্যাস গ্রহণ কর ।

নিমাই । দয়াময়, আপনি যে অমুমতির কথা বলিলেন, আমি তাঁহাদের অমুমতি লইয়াই আপনার স্মরণ গ্রহণ করিয়াছি ।
ইহার কোনও সন্দেহ নাই । আমার মাতা ও পত্নীর অমুমতি পাইয়াছি ।

কাটোয়ার নরনারীগণ নিমাইর এই উক্তি স্পষ্টতঃই শুনিতে পাইলেন—শুনিয়া স্তম্ভিত হইলেন । মাতা ও পত্নী ইহাকে অমুমতি দিয়াছেন, ইহাও কি সম্ভব ? কেহ কেহ বলিলেন,—কথাটা সত্য কি ? বুদ্ধিমান কোন ব্যক্তি ইহার উত্তরে বলিলেন, যে সংসারের সকল স্মৃতি ত্যাগ করিয়া সন্ন্যাস লইতে আসিয়াছে, সে কেন মিথ্যা বলিবে ? আর এই যে লাবণ্য-সরলতামাখা মধুর মূর্তি, ইহাতে কি মিথ্যাবাক্য সম্ভবপর ? কেহ কেহ বলিলেন ইনি কি বলিয়াছেন,

আমরা হয় তো তাহা স্পষ্ট শুনিতে পাই নাই, মাতা ও পত্নী উহাকে অনুমতি দিবেন, ইহাও কি সম্ভবপর ?

ভারতী বিস্মিত হইয়া উচ্চৈঃস্বরে বলিলেন,—নিমাই পণ্ডিত তোমার মাতা ও পত্নী তোমায় অনুমতি দিয়াছেন, তোমার একথা আমি অবিশ্বাস করিতে পারি না । তোমাকে দেখিয়া আমার মনে হইতেছে, তুমি সাক্ষাৎ সত্যমূর্তি । তোমার অলৌকিক প্রভাবে কিছুই অসম্ভব নয় । কিন্তু তাঁহারা কি এখন তোমার বিরহ সহিতে পারিবেন ?

আর একটা কথা এই যে সন্ন্যাস আশ্রম অতি কঠোর আশ্রম । আমি সন্ন্যাস গ্রহণের পূর্বে এত কঠোরতা জানিলে কখনই সন্ন্যাস গ্রহণ করিতাম না । আমি নিজেকে ইহাতে জর-জর হইতেছি, তোমার লাভণ্যময় দেহে সন্ন্যাসের ক্রেশ আমি কোন্ প্রাণে অর্পণ করিব । দেখ আমি সন্ন্যাসী, হৃদয়ের কোমল ভাব আমূল তুলিয়া ফেলিয়া সন্ন্যাসী হইয়াছি, তোমার সহিত আমার কোন সম্পর্ক নাই, তথাপি তোমার সন্ন্যাস লঙ্ঘ্যার কথায় আমার হৃদয় বিদীর্ণ হইতেছে । এ অবস্থায় তোমার বৃদ্ধা জননী ও সতী সাক্ষী প্রণয়িনী পত্নীর যে কি ক্রোশ হইবে, তাহা একবার ভাবিয়া দেখ দেখি ।

এই যে চতুর্দিকে অগণ্য নরনারী দাঁড়াইয়া রহিয়াছে, উহাদের কাছারও সহিত তোমার পরিচয় নাই, তুমি সন্ন্যাস লইবে ইহা শুনিয়া উহারা পর্য্যন্ত হাহাকার করিতেছে । তুমি পণ্ডিত ও সুজন । বল দেখি ইহা কি মাতা ও পত্নীর প্রাণে সহ হয় ? ঐ দেখ সকলেরই মান মুখ, অনেকেই নয়ন জলে বুক

ভাসাইতেছে। আমি নিজে সৰ্ব্ব-মায়াত্যাগী সন্ন্যাসী হইয়াও অধীর হইতেছি। আমি তোমায় সন্ন্যাস দিতে পারি না। বিশেষতঃ তুমি যে অমুমতি লইয়াছ, উহা আমি প্রচুর বলিয়া মনে করি না। তোমার অদর্শনে তোমার মাতা ও পত্নীর যে ভাব হইবে, হয়ত তাঁহারা তখন তাহা মনে করিতে পারেন নাই। এখন একবার গৃহে ফিরিয়া যাও, এই বার যদি অমুমতি লইয়া আসিতে পার, তবে আমি তোমার সন্ন্যাস দেওয়ার কথা বিবেচনা করিব।”

ভারতী গৌসাইর মনোগত ভাব এই যে তিনি নিমাইকে বাড়ীতে পাঠাইয়া দিয়া আশ্রম হইতে পলায়ন করিবেন, পলায়ন করিয়া এই দায় হইতে নিষ্কৃতি লাভ করিবেন। শ্রীচৈতন্য মঙ্গল গ্রন্থে ভারতীর এই ভাব ব্যক্ত হইয়াছে—

এত অমুমানি শ্রাসী করিলা উত্তর ।

সন্ন্যাস করিবে যদি বাহ নিজ ঘর ॥

সাক্ষাতে জননী ঠাই লইবে বিদায় ।

তব পত্নী স্মৃতিরিতা যাবে তাঁর ঠাঞি ॥

সাক্ষাতে সভার ঠাই বিদায় হইয়া ।

আইসহ মোর ঠাঞি সব বুঝাইয়া ॥

মনে আছে গোরাচাঁদে করিয়া বিদায় ।

আসন ছাড়িয়া আমি যাব অস্ত্র ঠাঞি ॥

নিমাই ভারতীর কথায় আর কোন তর্ক না করিয়া বলিলেন আশ্রমে আমি এই নববীপে ফিরিয়া যাইয়া পুনশ্চ অমুমতি লইয়া আসিতেছি—এই বলিয়া শ্রীগোরাঙ্গসহসা দণ্ডায়মান হইয়া নববীপে

অভিমুখে প্রস্থান করার উত্তোগ করিলেন । নিত্যানন্দ প্রভৃতি ও পশ্চাৎবর্তী হইলেন । ভারতী মনে ভাবিলেন আর কেন ইহার নিজজনের বাতনার বৃদ্ধি করি । ইনি অহুমতি লইয়াছেন ইহা সত্য, আবার যে অহুমতি লইতে পারিবেন, এ ক্ষমতা ও ইহার আছে, তাহাতে কোনও সন্দেহ নাই, বিশেষতঃ ইনি দৃঢ়সঙ্কল্প । আবার অহুমতি লইয়া নিশ্চয়ই ইনি আমার এখায় আসিবেন । ইনি স্বয়ং ভগবান্, ইহার সহিত প্রতারণা করা চলে না । আবার অহুমতি লইতে গেলে ইহার মাতা ও পত্নীর আরও কষ্ট বৃদ্ধি হইবে । এইরূপ নানা বিষয় ভাবিয়া চিন্তিয়া ভারতী উচ্চৈঃস্বরে ডাকিয়া বলিলেন, “নিমাই নবদ্বীপে বাইতে হইবে না, ফিরে এস ।”

নিমাই ভারতীয় উচ্চ আহ্বান শুনিয়া তৎক্ষণাৎ ফিরিলেন, ভক্ত বৃন্দের মনে যে নূতন আশা জাগিয়া উঠিয়া ছিল, তাহা নিক্কাণোন্মুখ দীপের স্থায় সহসা একেবারেই নিভিয়া গেল ।

উপস্থিত জনগণ ভারতীর এই শেষ বাক্যে অত্যন্ত অসন্তুষ্ট হইলেন । তাঁহারা স্থির করিলেন,—কিছুতেই সন্ন্যাস লইতে দেওয়া হইবে না । পণ্ডিত ব্যক্তিগণ বলিতে লাগিলেন, ভারতী যদি প্রকৃতই এই ছেলেটিকে সন্ন্যাস দিতে প্রস্তুত হয়, আমরা শাস্ত্র-বিচারে ভারতীকে পরাস্ত করিয়া বলিব,—ইহার সন্ন্যাস কখনও শাস্ত্র-সঙ্গত হইতে পারে না । করুণা-কোমল লোকেরা বিশেষতঃ ব্রহ্মসঙ্গ মনে করিতেছেন তাঁহারা ভারতীর পায়ে পড়িয়া বাধা দিবেন ।

উদ্ধত প্রকৃতির বুকেরা এই সন্ন্যাসের আয়োজন দেখিয়া ভারতীর প্রতি হাড়ে হাড়ে চটিতেছে । তাহারা বলাবলি করিতেছে, এবার

আমরা কেশব ভারতীর কাটোয়া-বাস উঠাইয়া দিব। এই যুবক সন্ন্যাসী হইলে ইহার মাতা ও জ্বর কি উপায় হইবে, সন্ন্যাসী তাহার কি বুঝিবে? আমাদের তো ভাই, মাতা পত্নী আছে, বাড়ী হইতে এক দিন কোথাও না বলিয়া গেলে তাঁহারা পথে পথে কতবার ঘর-বাহির করিতে থাকেন। এই ব্রাহ্মণ যুবকটা না হয় চিন্তের আবেগে সন্ন্যাস লইতে আসিয়াছে, কিন্তু বৃদ্ধ ভারতীর তো বিবেচনা থাকা উচিত। একজন যুবক বলিল, তোমরা যে যা বল উনি যেই সন্ন্যাস দিতে উদ্যোগ করিবেন, আর অমনি আমি উহাকে টানিয়া গলায় ছুড়িয়া ফেলিয়া দিব। আমি সন্ন্যাসী মানিব না।”

বিপুল জনতার মধ্যে এইরূপে বহুলোক আপন আপন ভাব অনুসারে নানা কথা বলিতেছেন। নিমাই তাঁহাদিগকে সম্বোধন করিয়া বলিলেন,—আপনাদের সকলের চরণেই আমার এই ভিক্ষা যে যাহাতে আমি নিরাপদে ভবসাগর পার হওয়ার উপায় পাই, আপনারা আমায় তাহার সাহায্য করুন। আমি সন্ন্যাস না লওয়া পর্য্যন্ত মৃতের ছায় কাল কাটাইতেছি। সন্ন্যাস না লইলে আমরা অর্থ নাই, কিছুতেই শাস্তি নাই। যদি আমার প্রতি আপনাদের দয়া থাকে, আপনারা কৃপা করিয়া আমার সন্ন্যাসের অনুমতি দিন।”

নিমাইর এই কথার উপস্থিত নরনারীগণ একবারেই নিরাশ হইয়া পড়িলেন। তাঁহারা যে সকল উপায় কল্পনা করিয়া ছিলেন, তখন সেই সকল উপায় এক বায়েই নিষ্ফল বলিয়া মনে হইল। অনেকেই হাহাকার করিয়া রোদন করিতে লাগিলেন।

নদীয়ার আত্মীয়গণের হৃদয়ে এতক্ষণ জনসাধারণের কথায়

আশার যে ক্ষীণ আলোকটা জ্বলিতে ছিল, তাহা সহসা নিভিয়া গেল । তাঁহারা অধোবদনে রোদন করিতে লাগিলেন ।

নিমাই ভারতীর কৃপা-অঙ্গীকার শুনিয়া আনন্দ লাভ করিলেন । তিনি মুকুন্দকে বলিলেন,—ভাই যদি দয়া করিয়া এই সময়ে আসি-
য়াছ, একবার কৃষ্ণকীর্তন করিয়া আমার প্রাণ শীতল কর ।

ভক্তগণ তখন কীর্তন আরম্ভ করিলেন । কীর্তনে অসংখ্য লোক যোগদান করিল । সকলেই বিভোর হইয়া কীর্তনে মত্ত হইলেন । সারা নিশি তুমুল হরিকীর্তন হইল ।

রাত্রি প্রভাত হইলেই নিমাই সন্ন্যাস লইবেন এই ভাবিয়া ভক্ত-
গণ ও উপস্থিত জনগণের হৃদয়ে ক্রমশঃ উৎকণ্ঠা বাড়িয়া উঠিল । নিমাই ভারতীকে বিনীত কণ্ঠে অত্যন্ত আগ্রহে সম্বোধন করিয়া বলিলেন, কৃপাময় আর বিলম্ব কেন ? আমার কৃপা করুন । আর আমার মুহূর্ত্ত মাত্রও বিলম্ব সহ্য হইতেছে না ।”

নিমাইর আগ্রহ দেখিয়া কাটোয়া-বাসী নরনারী মাঝেই ব্যাকুল হইলেন । তাঁহারা বলিলেন,—বাবা, ক্ষান্ত দাও, একবার বৃদ্ধা মাতার কথা ভাবিয়া দেখ, ঘরে অমন বধু রহিয়াছেন, তাঁহার কি হইবে, ত্বাহা মনে করিয়া দেখ । মায়ের অঞ্চলের ধন,—ঘরে ফিরিয়া যাও ।

এই বলিয়া সকলে রোদন করিতে লাগিলেন । নিমাই সকলের নিকট করযোড় করিয়া বলিতে লাগিলেন—“সন্ন্যাস গ্রহণ না করিলে আমার পরিজ্ঞান নাই, আমার ঘরের কথা ভাবিবেন না, কৃষ্ণ তাঁহাদের রক্ষা করিবেন । আমি তাঁহাদিগকে আমার সকল কথা বুঝাইয়া আসিয়াছি । এখন আপনারাও কৃপা করিয়া আমার অন্তিম দিন,

এবং ভারতী ঠাকুরকে বলিয়া সন্ন্যাসের যথাবিধি আয়োজন করুন, তাহা হইলেই আমার প্রতি দয়া করা হইবে ।”

নিমাইর ব্যগ্রতা দেখিয়া সকলেই অধীর হইয়া কঁাদিতে লাগিলেন, সকলেই বুঝিলেন নিমাইকে নিবৃত্ত করা যাইবে না । নিমাইর অতিশয় অহুরোধে কেহ কেহ সন্ন্যাসের বৈদিক কার্যের আয়োজনীয় দ্রব্যাদি আহরণ করিয়া লইয়া আসিলেন ।

এদিকে উপস্থিত নরনারীগণের মধ্যে প্রায় সকলেই মনের বেগ সম্বরণ করিতে না পারিয়া উচ্চৈঃস্বরে রোদন করিতে লাগিলেন, কেহ বা ভূমিতে নুটাইয়া কঁাদিতে লাগিলেন । নিমাইর সন্ন্যাসের সময়ে স্বয়ং শ্রীজগন্নাথ মিশ্র শচী দেবী ও প্রিয়াজী সম্মুখে থাকিলে তাঁহারা যেমন দর্শক মাত্রকেই ব্যাকুল করিয়া কঁাদিতেন, কাটোয়া-বাসীরা নিমাইর সম্পূর্ণ অপরিচিত হইলেও নিমাইর সন্ন্যাসের চিন্তায় কেহ বা বুক চাপড়াইয়া, কেহ বা ভূমে গড়াগড়ি দিয়া কেহ বা দূরে বসিয়া, কেহ বা মুখে কাপড় দিয়া, কেহ বা “কি হলে কি হলো” “উহাকে মানা কর, মানা কর” বলিয়া কঁাদিতে লাগিলেন । কেহ বা কেশব ভারতীকে গালাগালি দিয়া বলিতে লাগিলেন “ভারতী নিতান্ত নির্দয় । ভারতী যদি নিমাইকে সন্ন্যাস দেয়, তবে উহাকে নগর হইতে তাড়াইয়া দিতে হইবে ।” এই রূপে সকলেই কেশব ভারতীকে নিন্দা করিয়া বিলাপ করিতে লাগিলেন ।*

* কিবা বুদ্ধ কিবা বুদ্ধ। কি নারী পুরুষ ।

শিশুগণ ধায় আর কুলের বুড়ী ।

নিজ-হারা নাহি দেখে হেন রূপবতী ।

এ দিকে সন্ন্যাসের সকল আয়োজন হইল । সন্ন্যাস কার্যের প্রথম ব্যাপার,—ক্ষৌরকার্য্য । নাপিত আসিয়া নিমাইর নিকট উপস্থিত হইয়া বলিল—ঠাকুর তুমিই কি আমায় মস্তক মুণ্ডনের জন্ত ডাকিয়াছ ?

নিমাই । নরসুন্দর, আমিই তোমায় ডাকিয়াছি । দয়াময় ভারতী ঠাকুর আমায় সন্ন্যাস দিয়া উদ্ধার করিবেন, তুমি কৃপা করিয়া আমার মস্তক মুণ্ডন করিয়া দাও । আমার আর বিলম্ব সহিতেছে না ।

নাপিত । তোমার মাথার ঐ চুল আমি মুণ্ডন করিয়া দিব, এইজন্ত আমায় ডাকিয়াছ, ভারতী ঠাকুরের কৃপায় কাটোয়ার অনেক বার এ কাজ করিয়াছি, ভারতী তোমায় সন্ন্যাস দিতে

কাঁখে কুন্ত করি কেহ দাড়াইয়া চাহে ।

লড়িতে না পারে সেই লাড় ধরি ধায়ে ॥

গঙ্গু আতুর আর গর্ভবতী নারী ।

ঈজ্ঞ দেখিয়া সন্ন্যাসীয়ে পাড়ে গালি ॥

এমন বালকে কেহ করার সন্ন্যাস ।

সন্ন্যাসের ধর্ম্ম নহে লোকে উপহাস ॥

কঠিন অন্তর ইহার দয়ালীন জন ।

নগরে না রাখি ইচার কহিল তখন ॥

সন্ন্যাসীকে সম্মতি দিল্য করে বার বার ।

গোরা মুখ দোখি সবার আনন্দ অপার ॥

শ্রীচৈতন্য মঙ্গল ।

পারেন, উহার তো পুত্র সন্তান নাই। কিন্তু আমি তোমার মাথা মুণ্ডন করিতে পারিব না। তোমার মুখ খানি দেখিয়াই আমার প্রাণ দূর-দূর করিতেছে। তুমি মায়ের বুকে ছুড়িয়া দিয়া কাটোয়ায় আসিয়াছ। মায়ের ধন মায়ের কোলে যাও,—আমি তোমার ঐ চাঁচর চুলে ক্ষুর দিয়া তোমায় সন্ন্যাসী সাজাইতে পারিব না।

নিমাই। হরিদাস, তুমি আমার সন্ন্যাসের সহায়তা কর। আমি সন্ন্যাস লইয়া নিশ্চিত চিত্তে কৃষ্ণভজন করিব। আমি সংসারে থাকিতে অনেক চেষ্টা করিয়াছি, কিন্তু আমার প্রাণ সন্ন্যাসের জন্ত ছট্‌ফট করিতেছে। তোমায় সত্য বলিতেছি, সংসার আমার নিকট কারাগার হইতেও ক্লেশজনক। আমি বন্ধুবান্ধব-গণের নিকট হইতে অশ্রুমতি লইয়া আসিয়াছি,—মিথ্যা বলিতেছি না। শ্রীপাদ নিত্যানন্দ এখানে উপস্থিত আছেন, উহার নিকট জিজ্ঞাসা কর, উনি সকল কথা স্পষ্ট বলিবেন।

নাপিত নিত্যানন্দের মুখের দিকে চাহিয়া দেখিলেন, নিত্যানন্দ চন্দ্রশেখর প্রভৃতি অধোমুখে বসিয়া রহিয়াছেন। তাঁহাদের নয়ন হইতে অবিরল জল ধারা পড়িতেছে। তাঁহারা নিমাইর দৃঢ় সঙ্গ জানেন, স্তবরাং কোন প্রকার বাধা দিয়াও ফল নাই জানিয়া নীরব রহিয়াছেন।

নাপিত তখন জেদ করিয়া বলিল—গুরা কি জানেন না জানেন, আমি তাহা জানিতে চাহি না। আমি তোমার নিকট করজোড়ে বলিতেছি, এই কাটোয়ায় আরও অনেক নাপিত আছে,

তুমি আর কাহাকে ডাক । আমি তোমার চূলে ক্ষুর দিতে পারিব না ।

নিমাই । হরিদাস, আমি সংসার-বন্ধনে আবদ্ধ । যদি কেহ কাহাকে মুক্ত করিয়া দিয়া কৃষ্ণভজনের সুবিধা করিয়া দেয়, তবে কৃষ্ণ কৃপা করিয়া তাহার সৌভাগ্য বৃদ্ধি ও বংশ বৃদ্ধি করিয়া দেন । আমার বন্ধন-মোচনের সহায়তা করিলে তুমি ধনপুত্রে সুখী হইবে এবং অস্ত্রে বৈকুণ্ঠ লাভ করিবে ।

নাপিত । ঠাকুর, আমি সৌভাগ্য চাই না, বাহা আছে তাহাও যদি নষ্ট হয়, হউক ; কুষ্ঠ হইয়া যদি এই অস্ত্রে পোকা পড়ে তাহাও পড়ুক । আর তুমি আমার বৈকুণ্ঠের লোভ দেখাইতেছে, বৈকুণ্ঠের বদলে যদি আমাকে সবংশে ঘোর নরকেও প্লড়িতে হয়, তাহাও স্বীকার্য্য, কিন্তু আমি তোমার ঐ কেশ-মুণ্ডন করিতে পারিব না ।*

নিমাই দেখিলেন নাপিত প্রগাঢ় বিষু-মায়ায় বিমোহিত । ইহার মায়া দূর না করা পর্য্যন্ত ইহা দ্বারা কার্য্য-সিদ্ধির আশা নাই । তখন নিমাই নাপিতকে কিঞ্চিৎ প্রভাব দেখাইলেন । নাপিত বুঝিল যে

* মোর ভাগ্য নাশ প্রভু বাউক সর্ব্বথায় ।

কেমনে বা হাত দিব তোমার মাথায় ॥

যদি মোর কুষ্ঠ হয়, গলি যায় অঙ্গ ।

বংশ ঘোর নরকে যাক্ শুনহে গৌরাঙ্গ ॥

ঐচৈতন্যমঙ্গল

খাঁহার সহিত সে কথা কাটাকাটি করিতেছে তিনি স্বয়ং ভগবান্ ।
 তাঁহার ইচ্ছার বাধা দিতে কাহারও শক্তি নাই । নাপিত নিমাইর
 আপাদমস্তক নিরীক্ষণ করিয়া বিস্ময়ের ভাব দেখাইতে লাগিল ।

কাটোরা-বাসীরা এতক্ষণ নাপিতের প্রতিকূল তর্ক শুনিয়া তাহার
 ধস্তাধস্ত করিতে ছিলেন । কিন্তু এখন যে নাপিতের ভাব পরিবর্তন
 হইতেছে তাহা তাঁহারা বুঝিতে পারিয়া হতাশ হইলেন । নিমাই
 বলিলেন, হরিদাস, বুঝিলে তো আমার খালাস করিয়া দাও
 তোমার ভাল হইবে ।” নাপিত তখন দিব্য জ্ঞান লাভ করিয়াছে ।
 বাসুঘোষের পদে নাপিতের উক্তি শুনুন :—

মুখশীল বলে গোসাঞি না ভাঁড়াও মোরে ।

তুমি ব্রহ্মা তুমি বিষ্ণু জানিহু অন্তরে ॥

পূরাব তোমার ইচ্ছা তুমি ইচ্ছাময় ।

জানিলুঁ তোমার আজ্ঞা নাহিক সংশয় ॥

বলিতেছ কৃষ্ণের প্রসাদে রব সুখে ।

মরণের পরে গতি হবে বিষ্ণু-লোক ॥

যে কৃষ্ণ রাধিবে সুখে সেই কৃষ্ণ তুমি ।

তব পদ বিষ্ণু-লোক ; কিবা জনি আমি ॥

মুড়াব চাঁচর কেশ হাতে দিব মাথে ।

কিন্তু প্রভু শ্রীচরণ দাও আগে মাথে ॥

মধুর বচনে প্রভু দিল শিরে পদ ।

বাসু কহে যার কাছে তুচ্ছ ব্রহ্মপদ ॥

কাটোয়াবাসীদের মধ্যে অনেকেই মনে মনে ভাবিতে ছিলেন মধু কিছুতেই মস্তক মুণ্ডন করিবে না, নিমাইরও সন্ন্যাস গ্রহণ করা হইবে না । এখন মধুর কথা শুনিয়া ও তাহার ভাব দেখিয়া সকলেই তাহার প্রতি অসন্তুষ্ট হইলেন ।

এই সময়ে ভারতী গোসাঞি ভাব পরিবর্তন করিয়া বলিলেন, “বাবা নিমাই, কেশ মুণ্ডন হইলেই তো সন্ন্যাস হইবে না । মধু না হয় তোমার কেশ মুণ্ডন করিয়া দিবে ; কিন্তু তোমার বৈদিক বিধিতে সন্ন্যাস দিবে কে ? আমা হইতে এ কার্য্য হইবে না । তোমার বয়স অতি অল্প । পঞ্চাশ বৎসরের অধিক না হইলে সংসার-রাগের নিবৃত্তি হয় না । তাহার পূর্বে সন্ন্যাস বৈধ নয় । অপরন্তু এই কাঞ্চন নগরের লোক সকল তোমার সন্ন্যাসের একান্ত বিরোধী ।

নিমাই । দয়াময়, আপনি ওরূপ বলিলে আমার আর গতি কি ? আমি শাস্ত্রের কথা কি বলিতে পারি ? মানুষের জীবৎকালের কোন পরিমাণ স্থির নাই, দেখিতে দেখিতে মানুষ মরিয়া যায় । পঞ্চাশ বৎসর বয়সের পূর্বে যদি আমার মরণ হয়, তবে তো আর • আমার ভাগ্যে আপনানের স্থায় গুরুর কৃপা-লাভের আশা নাই । আপনি শাস্ত্রজ্ঞ, সাধু ও কৃপাময় । এ অধমকে বঞ্চিত করিবেন না ইহাই আপনার শ্রীচরণে আমার প্রাণের ভিক্ষা ।*

* এ বোল শুনিয়া প্রভু বলে এই বাণী ।

তোমার সাক্ষাতে বলি কি বলিতে জানি ।

ভারতী নীরব হইলেন, কিন্তু কাটোয়া-বাসিগণ এ সকল কথায় নিবৃত্ত হইলেন না। তাঁহারা যখন দেখিলেন যে অনুন্নয়-বিনয় করিয়াও নিমাইকে নিরস্ত করিতে পারিলেন না, তখন শোক-বেগে সকলেই উচ্চৈঃস্বরে কাঁদিতে লাগিলেন। শ্রীগৌরানন্দসুন্দর দৃঢ় প্রতিজ্ঞ হইলেও তাঁহার হৃদয় স্বভাবতঃই কোমল ও করুণ। কাটোয়া-বাসীদের রোদনে তাঁহার হৃদয় বাস্তবিকই বিচলিত হইয়া উঠিল। তিনি তাঁহাদিগের সান্ত্বনার জন্ত যাহা বলিয়াছিলেন, শ্রীচৈতন্যমঙ্গলে তাহার আভাস এইরূপ লিখিত আছে, যথা :—

এত অনুমান করি কান্দে সব লোক ।
 ডাকিয়া কহয়ে প্রভু না করিহ শোক ॥
 শাশীর্বাদ কর মোরে শুন মাতা পিতা ।
 সাধ লাগে কৃষ্ণের চরণে দিমু মাথা ॥
 যার যেই নিজ পতি সেই তাহা চাও ।
 তার চিন্ত বাধিবারে করয়ে উপায় ॥
 রূপ যৌবন যত এ রস-লাবণ্য ।
 নিজ পতি ভজিলে সে সব হয় ধ্বংস ॥
 মনে মনে কর গো সবাই অনুভব ।
 পতি বিনা যুবতীর মিছা হয় সব ॥
 কৃষ্ণ পদ বিনা মোর অস্ত্র নাহি গতি ।
 নিজ অঙ্গ দিয়া মোর ভজিব প্রাণ পতি ॥

পঞ্চাশ হইতে যদি হয়ত মরণ ।

তবে আর সাধু সঙ্গে হইবে কখন ॥

ইহা বলি মহাপ্রভু করয়ে রোদন ।

ক্ষণেক অন্তরে সব কৈল সম্বরণ ॥

কাটোয়াবাসিগণ বুঝিলেন নিমাইকে ঘরে রাখা সম্ভবপর নয়, গৃহ-
বাস্তবিকই নিমাইর পক্ষে কারাগৃহ । কাজেই এ অবস্থায় নিমাইর
নাতা ও পত্নী নিমাইর স্বথের দিকে চাহিয়াই নিমাইকে সন্ন্যাসের
অনুমতি দিয়াছেন । তাঁহারা অনুপায় হইয়া কেবল কাঁদিতে
লাগিলেন ।

এ দিকে সন্ন্যাসের সমস্ত উত্তোগ-শেষ হইল । নিমাইর মেসো
নিমাইর আদেশে সন্ন্যাসের অন্ত্যোপযোগী কৃষ্ণ-পূজা করিতে
প্রবৃত্ত হইলেন । তখন নয়ন জলে তাঁহার মুখখানি ভাসিয়া যাইতে
লাগিল । নদীয়ার ভক্তগণ প্রভুর অবস্থা বহুপূর্বে হইতেই জানি-
তেন । তাঁহারা কাটোয়ায় আসিয়া কেবল নীরবে রোদন করিতে
ছিলেন, আরও অধিক করিয়া শচীমাতা ও প্রিয়াজীর কথা ভাবিতে
লাগিলেন । চন্দ্রশেখর ভাবিলেন নিমাইর সাহস দেখ, আমি উহার
পিতৃস্থানীয় । আর আজ নিমাই আমাকে দিয়া সন্ন্যাসের কার্য
করিয়া লইতেছে, যদি মিশ্র আজ জীবিত থাকিতেন, নিমাই
বোধ হয়, তাহাকেও বলিত, “বাবা আমি মাথা মুড়াইয়া কোপীন
পরিয়া সন্ন্যাস লইতেছি, আপনি এ কার্যের সহায় হউন ।”

যদি শচী দেবী নিমাইকে ফিরাইয়া লইতে কাটোয়া আসিতেন
সম্ভবতঃ তাঁহাকেও আজ এই সন্ন্যাসের উপযোগী কৃষ্ণার্চনের পুষ্প-
পত্র ও নৈবেদ্যের আয়োজন করার জন্ত নিমাই অমুরোধ করিত ।

বাহাই হউক এখন তো নিমাইর আদেশই প্রতিপালন করি। আর নবদ্বীপে ফিরিয়া যাইব না। ইহার পরে আর কোন্ মুখে নবদ্বীপে বাব ? কি করিয়াই বা শচী দেবী ও বধুমাতাকে মুখ দেখাইব ? আমি নিজে হাতে সন্ন্যাসের উদ্ভোগ করিয়া আজ নিমাইকে সন্ন্যাসী করিয়া বিসর্জন দিয়া যাইতেছি, একথা শুনিয়া শচীদেবী আমাকে কি মনে করিবেন ? গৃহিণীই বা কি মনে করিবে ? আর বধুমাতাই বা আমাকে কি মনে করিবেন ? আমি আর নদীয়ার ফিরিব না, গঙ্গায় কাঁপ দিয়া এ কঠিন প্রাণ বিসর্জন দিব। চন্দ্রশেখর এই ভাবিয়া ব্যাকুল হইতে ছিলেন।

এ দিকে নাপিত বজ্রহতের শ্রায় স্তম্ভিত ভাবে বসিয়া পড়িয়া ছিল। নিমাই বলিলেন “ভাই হরিদাস, এই শুভকার্য্যে আর বিলম্ব করিও না এখন এস, আমার উদ্ধার করিয়া দাও।”

মন্ত্রমুগ্ধের শ্রায় নাপিত নিমাইর সম্মুখে আসিয়া বসিল। কাঁদিতে কাঁদিতে উহার চক্ষু ফুলিয়াছে, দেহ কাঁপিতেছে। অবশ ভাবে নাপিত প্রভুর সম্মুখে বসিল। উপস্থিত ব্যক্তি মাত্রেই তখন হাহাকার করিয়া কাঁদিয়া উঠিল, নরনারীগণের মধ্যেই অনেকেই সংজ্ঞাহীন হইয়া কেহ বা বুক চাপড়াইয়া কে বা ধূলার পড়িয়া কাঁদিতে লাগিলেন। কেহ বা মুচ্ছিত হইয়া পড়িলেন।

নদীয়াবাসিগণ নিমাইর নিকটে ছিলেন। তাঁহারা অনেক দুঃখ সহিয়াছেন। তাঁহারা যাহা মনে করিয়াই দুঃখিত হইতেন আজ তাহা তাঁহাদের প্রত্যক্ষ করিতে হইতেছে। তাঁহারা পরিধান বস্ত্রে মুখ ঢাকিয়া রোদন করিতে লাগিলেন। নিমাই অতীব ব্যাকুলভাবে

ভাবে নাপিতকে বলিলেন—হরিদাস, আর বিলম্ব কেন ? আমার মুণ্ডন করিয়া দাও ।”

নাপিত নিমাইর আস্থানে এবার আর বিলম্ব না করিয়া তাঁহার চরণ ধূলি মাথায় লইয়া বলিল—“যে আজ্ঞা” ।

কিন্তু শ্রীগোরাঙ্গের চরণস্পর্শমাত্রই নাপিত প্রেমে উন্মত্ত হইয়া নাচিতে লাগিল । তাঁহার নৃত্য ও প্রেমতরঙ্গ দেখিয়া নিমাই নিজেও প্রেমে অধীর হইয়া তাহার সঙ্গে নৃত্য করিতে করিতে দর্শক মাত্রেরই হৃদয়ে প্রেম সঞ্চার করিয়া দিলেন । মুকুন্দ কীর্ত্তন আরম্ভ করিলেন । নিমাইর আনন্দোচ্ছ্বাস দেখিয়া উপস্থিত ব্যক্তি মাত্রেই বিস্মিত ও বিমুগ্ধ হইলেন । সন্ন্যাস-গ্রহণ-ব্যাপার অনেকেই দেখিয়াছেন । কিন্তু সন্ন্যাস-গ্রহণ কালে এমন নৃত্য-কীর্ত্তন, এমন প্রেম-তরঙ্গ—এমন আনন্দের মহাবল্লা আর কেহ কখনও প্রত্যক্ষ করেন নাই ।

ইহার উপরে নিমাই যখন প্রেমোন্মত্ত হইয়া নাচিতে ছিলেন, তখন তাঁহার দেহ হইতে যে অপূৰ্ণ লাবণ্যজ্যোতিঃ সঞ্চারিত হইতেছিল, তাঁহার বদন মণ্ডল হইতে যে অলৌকিক প্রসন্ন আনন্দ-নাধূর্য্যাকিরণ ছড়াইয়া পড়িতেছিল, ভারতী প্রভৃতি দর্শকমাত্রেই তাহা দেখিয়া মনে করিলেন—ইনি মানুষ নহেন, সাক্ষাৎ—**আনন্দ বিগ্রহ** ।

নিমাই বাহ্য জ্ঞান হারা হইয়া নাপিতের হাত ধরিয়া নাচিতে আরম্ভ করিলেন । কিঞ্চিৎ কাল পরে যদিও একটু জ্ঞান লাভ করিয়া তিনি মুণ্ডনের জন্ত ভূমিতে বসিলেন, কিন্তু বসিয়াও স্থির

হইতে পারিলেন না । তাঁহার কনক-অঙ্গ কদলী-কাণ্ডের ত্রায়
কাঁপিতে লাগিল, নয়ন আনন্দসলিলে ভাসিয়া গেল, তিনি এক
একবার “বোল বোল” বলিয়া হুঙ্কার করিতে লাগিলেন ।

এইরূপ দিনমান প্রায় শেষ হইয়া হইয়া পড়িল । নিমাই
তখন আত্মসংবরণ করিলেন এবং নাপিতকেও স্নান করিলেন ।
তখন নাপিত মুণ্ডন কার্য্য করিতে ক্ষুর হাতে লইল ।*

কিন্তু ক্ষুর হাতে লইয়া তাহার হাত কাঁপিতে লাগিল, নয়নজলে
নয়ন পূর্ণ হইল । সে আবার অঝোর নয়নে কক্ষ্মণিতে লাগিল ।
নিত্যানন্দ প্রভৃতি ভক্তগণও তখন ভূমিতে পড়িয়া কাঁদিতে লাগিলেন
যথা—ত্রিচৈতন্ত ভাগবতে

• নিত্যানন্দ প্রভৃতি যতক ভক্তগণ ।

ভূমিতে পড়িয়া সবে করেন ক্রন্দন ॥

* প্রেম-রসে পরম চকল গোরচন্দ্র ।

হির নহে নিরবধি তার অশ্রু-কল্প ॥

বোল বোল করি এত উঠে বিষম্বর

গায়েন মুকুল এত নাচে নিরন্তর ॥

বসিলেও এত হির হইতে না পারে ।

প্রেম-রসে মহাকল্প বহে অশ্রুধারে ।

বোল বোল বলি এত করে হুঙ্কার ।

ক্ষৌর-কর্ষ নাপিত না পারে করিবার ॥

কথং কথমপি সর্ব দিন অবশেষে ।

ক্ষৌর-কর্ষ নির্বাহ হইল প্রেমরসে ॥

ভক্তের কি কায যত ব্যবহারি লোক ।

তাহারা কান্দিতে লাগিল করি শোক ॥

হেন সে কারুণ্য রস গৌরচন্দ্র করে ।

শুধু কাষ্ঠ পাষণদি দ্রবয়ে অন্তরে ॥

রমণীগণ ব্যাকুল হইয়া কান্দিতে কান্দিতে বলিতে লাগিলেন,—

কেমনে ধরিবে প্রাণ ইহার জননী ।

আজি তাঁর পোহাইল কি কাল রজনী ॥

কোন পুণ্যবতী হেন পাইলেক নিধি ।

কোন বা দাক্ষণ দোষে হরিলেক বিধি ॥

আমা সভাকার প্রাণ বিদরে দেখিতে ।

ভাৰ্য্যা বা জননী প্রাণ রাখিবে কি মতে ॥

নিমাই দেখিলেন, নাপিত আবার কারুণ্য-রসে অধীর হইয়াছে । তখন তিনি উহাকে বল দিয়া স্থির করিলেন । নাপিত তখন প্রকৃতস্থ হইয়া গভীর ভাবে ক্ষুর ধারণ করিয়া মুগুন করিতে প্রবৃত্ত হইল । হায় হায়, নিমাইর সেই সুন্দর কেশরাশি যখন মস্তক হইতে নাপিতের বস্ত্রে পড়িতে লাগিল, তখন শ্রীমন্নিত্যানন্দ মুকুন্দ ও চন্দ্র-শেখর আচার্য্য প্রভৃতি ভূমিতে গড়াগড়ি দিয়া কান্দিতে লাগিলেন—
সে ভাব দেখিয়া কাটোয়াবাসিনরনারীগণ আবার অধীর হইয়া উচ্চৈঃস্বরে রোদন করিতে আরম্ভ করিলেন, তখন সকলেই ভূমিতে লুপ্তিত হইতেছিলেন । পদকর্তা রসিকানন্দ লিখিয়াছেন—

তখন নাপিত আসি

প্রভুর সম্মুখে বসি

ক্ষুর দিল সে চাঁচর কেশে ।

করি অতি উচ্চরব কাঁদে যত লোক সব
নয়নের জলে দেহ ভাসে ॥

हरि हरि कि ना हैल काखन नगरे ।

যতেক নগরবাসী দিবসে দেখয়ে নিশি
প্রবেশিল শোকের সাগরে ॥

যুগুন করিতে কেশ হৈয়া অতি প্রেমাবেশ
 নাপিত কান্দয়ে উচ্চরাস ।

“কি হৈল, কি হৈল” বলে, হাতে নাহি ক্ষুর চলে
 “প্রাণ মোর বিদরিয়া যায়” ॥

মহা উচ্চ রোল করি কান্দে কুলবতী নারী
সবাই প্রভুর মুখ চাঞা ।

ধৈর্যজ্ঞ ধরিতে নারে নন্মানযুগল ঝরে
 ধারা বহে নন্মান বহিয়া ॥

দেখি কেশ অন্তর্ধান অন্তরে দগ্ধ প্রাণ
কাঁদিছেন অবশ্যত রায় ।

রসিকানন্দের প্রাণ শোকানলে আনচান
এ দুখ ত সহন না যায় ॥

মধু নাপিত নিমাইর কেশ মুগুন করিয়া পুনর্বার শোঁকাবুল হইয়া
অনুতাপসহ বিলাপ করিতে লাগিল :—

কহে মধুশীল আমি কি হঃশীল
 • কি কৰ্ম করিছ আমি ।

মস্তক ধরিহু পদ না সেবিহু
 পাইয়া গোলক স্বামী ॥
 যে পদে উত্তর পতিত পাবনী
 তাহা না পরশ হৈল ।
 মাথে দিহু হাত কেন বজ্রাঘাত
 মোর পাপ মাথে নৈল ॥
 যে চাঁচর চুল হেরিয়া আকুল
 হইত রমণী মন ।
 হৈহু অপরাধী পাষণে প্রাণ বাধি
 কেন বা কৈহু যুগল ॥
 নাপিত ব্যবসা আর না করিব
 ফেলিহু এ কুর জলে ।
 পছঁ সঙ্গে যাব মাগিয়া থাইব
 রসিক আনন্দ বলে ॥

বান্ধুঘোষ লিখিয়াছেন :—

নাপিত বলয়ে প্রভো করি নিবেদন ।
 একরূপ মনুষ্য নাহি এ তিন ভুবন ॥
 তব শিরে হাত দিয়া ছোব কার পায় ।
 এ বোল সে বোল প্রভু কাঁপে মোর কায় ॥
 কার পায় হাত দিয়া কামাইব নিতি ।
 অধম নাপিত জাতি মোর এই রীতি ॥

এ বোল শুনিয়া কহে বিশ্বম্ভর রায় ।
 না করিহ নিজ বৃত্তি আর পুনরায় ॥
 কৃষ্ণের প্রসাদে জন্ম গোয়াইবা সুখে ।
 অন্তঃকালেতে গতি হবে বিষ্ণুলোকে ॥

মধুশীল স্বয়ং ভগবান্ নিমাইর বাক্যে পরমানন্দ লাভ করিয়া
 গঙ্গাজলে চিরদিনের তরে স্বীয় ব্যবসায়ের ক্ষুর ফেলিয়া দিলেন ।

নিমাইর শিখামুণ্ডনে ভক্তগণের হুঃখ বর্ণনা করিয়া শ্রীমদ্
 বৃন্দাবনদাস এই পদটী লিখিয়াছেন :—

করিলেন মহাপ্রভু শিখার মুণ্ডন ।
 শিখা সোঙরিয়া কাঁদে ভাগবতগণ ॥
 কেহ বলে সে সুন্দর চাঁচর চিকুঁরে ।
 আর মালা গাঁথিয়া না দিবহে উপরে ॥
 কেহ বলে না দেখিয়া সে কেশ-বন্ধন ।
 কি মতে ধরিব এই পাপিষ্ঠ জীবন ॥
 সে কেশের দিব্য গন্ধ না লইব আর ।
 এত বলি শিরে কর হানয়ে অপার ॥
 হরি হরি বলি কেহ কাঁদে উচ্চৈঃস্বরে ।
 ডুবিলেন ভক্তগণ হুঃখের সাগরে ॥

মুণ্ডনান্তে নিমাই গঙ্গায় অবগাহন করিলেন, দশদিক হইতে
 হরিধ্বনির তুমুল রব উঠিল । নিমাইর সঙ্গে সঙ্গে সহস্র সহস্র
 লোক গঙ্গায় অবতরণ করিলেন । নিমাই গঙ্গাস্নান করিয়া কর-
 জোড়ে ভারতীর নিকট উপস্থিত হইলেন । ভারতী তিন খণ্ড অরুণ

বস্ত্র নিমাইর হাতে দিলেন । উহার একখানি উত্তরীয়,—একখানি বহির্বাস,—এবং অপর একখানি কোপীন । নিমাই উহা মন্তকে ধারণ করিয়া পরিধেয় আর্দ্র বস্ত্র পরিবর্তন করিয়া নবীন সন্ন্যাসীর বেশে দণ্ডায়মান হইলেন । শ্রীগোরাঙ্গের এই সন্ন্যাস বেশ দেখিয়া সকলেই আকুলভাবে কান্দিতে লাগিলেন । তখন তাঁহার শ্রীমুখ হইতে এক অভিনব বৈরাগ্য-ব্রহ্মজ্যোতি বিকিরণ হইতে লাগিল । উপস্থিত ব্যক্তিমাতেই বুঝিলেন—এই কনককান্তি সাক্ষাৎ হিভুজ নারায়ণ ।

উপস্থিত ব্যক্তিগণকে সম্বোধন করিয়া দীনাতিদীনভাবে নিমাই বলিতে লাগিলেন, “তোমরা আমার বান্ধব, আমার জ্ঞাত শোক করিও না । সকলে মিলিয়া আশীর্বাদ কর, এই যে সন্ন্যাস বশিরাম, ইহা যেন উপহাস না হয়, আমি যেন ব্রজে যাইয়া ব্রজনাথকে প্রাপ্ত হইতে সকলে কান্দিয়া আকুল হইলেন কাহারও মুখে কোন বাক্য সরিল না, সকলেই নিশ্চলভাবে অঝোরনয়নে কান্দিতে

মুড়ারে চাঁচর চুলে স্নান করি গঙ্গাজলে বলে দেহ অরুণ বসন ।

গোরাঙ্গের বচন, শুনিয়া ভক্তগণ উচ্চৈঃস্বরে করয়ে রোদন ॥

অরুণ দুই থানি কানি, ভারতী ধলেন আনি, আর দিল একটি কোপীন ।

মন্তকে পরণ করি, পরিলেন গোরহরি আপনাকে মানে অতি দীন ॥

তোমরা বান্ধব মোর, এই আশীর্বাদ কর নিজ কর দিয়া মোর মাথে ।

করিলাম সন্ন্যাস নহে যেন উপহাস, ব্রজে যেন পাই ব্রজনাথে ॥

লাগিলেন ।* নিমাই কোপীন বহির্বাস ধারণপূর্বক ভারতীর বামদিকে উপবিষ্ট হইয়া ভারতীর কাণের নিকট চুপে চুপে বলিলেন,—আমি স্বপ্নে সন্ন্যাসের এই মন্ত্র পাইয়াছি আপনি আমায় এই মন্ত্র দান করুন ।”

শ্রীভগবানের সকল কার্য্যই অদ্ভুত । তিনি মন্ত্র লইতে গিয়া প্রকারান্তরে ভারতীকেই মহাপ্রেমমন্ত্র প্রদান করিলেন, মন্ত্র পাইয়া ভারতী অধীর হইলেন । ভারতী লৌকিক প্রথা অনুসারে সেই মন্ত্রই নিমাইর কর্ণে প্রদান করিলেন ।

সন্ন্যাস মন্ত্র গ্রহণ করিয়া নিমাইর পুনর্জন্ম হইল, রীতি অনুসারে অভিনব নামকরণ হইল—**শ্রীকৃষ্ণচৈতন্য** । ভারতী বলিলেন,—তুমি জগতের জীবকে শ্রীকৃষ্ণ চৈতন্য করাইলে এইজন্ত তোমার নাম শ্রীকৃষ্ণচৈতন্য । অথবা তোমার দর্শনে জগৎ-জীবের শ্রীকৃষ্ণ বিষয় চেতনা হইবে, এই নিমিত্ত তোমার নাম হইল,—**শ্রীকৃষ্ণচৈতন্য** ।

এ সম্বন্ধে বাস্তবোষ লিখিয়াছেন :—

* প্রভুর মুণ্ডন দেখি, কাঁদে বত পশুপাতী, আর কালে বত শ্রীনিবাসী । ”

বৎস নাহি ছক খায়, তৃণ দস্তে গাভী ধায়, নেহারে গৌরাজ-মুখ আসি ॥

আছে লোক দাঁড়াইয়া, গৌরাজ মুখ চাহিয়া, কারো মুখে নাহি সরে বাণী ।

হুনরনে জল সতে, গৌরাজের মুখ হেরে, বৃক্ষবৎ হইল সব প্রাণী ॥

ডোরকোপীন পড়ি, মস্তক মুণ্ডন, ডুরি, মায়া ছাড়ি হৈল উদাসীন ।

বৈসে ভগ্নমগি হৈয়া, করেছে দণ্ড লঞা, প্রভু কহে আমি দীনশীন ॥

গৌরান্ন সন্ন্যাস দিয়া ভারতী কাদিলা ।
 শ্রীকৃষ্ণচৈতন্য নাম নিমাইরে দিলা ॥
 পছ কহে গুরু মোর পুরাণ মনের সাধ ।
 কৃষ্ণ মতি হউক এই দেহ আশীর্বাদ ॥
 ভারতী কাদিয়া বলে মোর গুরু তুমি ।
 আশীর্বাদ কি করিব কৃষ্ণ দেখি আমি ॥
 ভুবন ভূলাও তুমি সব নাটের গুরু ।
 রাখিতে লৌকিক মান মোরে কহ 'গুরু' ॥
 আমার সন্ন্যাস আজি হইল সফল ।
 বাহু কহে দেখিলাম চরণ কমল ॥

৫

নিমাই এখন,—শ্রীকৃষ্ণচৈতন্য । তিনি সংসারের সন্ধীর্ণ গণ্ডী
 ত্যাগ করিয়া অনন্তে বাঁপ দিয়াছেন । জগতের নরনারীমাত্রেই এখন
 তাঁহার মাতাপিতা । সমগ্র জগৎ এখন তাহার নিজ নিকেতন ।
 এখন তিনি অনন্ত আনন্দধামের অবিরাম পথিক । গার্হস্থ্যজীবনের
 কিছুতেই তাঁহার অধিকার নাই । তাঁহার সম্পত্তির মধ্যে দণ্ড-
 করঙ্গ কোপীনমাত্র ।

সন্ন্যাস-মন্ত্ৰ প্রাপ্তিমাত্র শ্রীকৃষ্ণচৈতন্য কেশব-ভারতীকে প্রণাম
 করিয়া পশ্চিমাভিমুখে ধাবিত হইলেন । ভক্তগণ ও অনন্ত
 লোকপ্রবাহ তাঁহার সঙ্গে সঙ্গে রোদন করিতে করিতে
 চলিতে লাগিলেন, ইহা দেখিয়া শ্রীকৃষ্ণচৈতন্য ফিরিয়া
 দাঁড়াইয়া বলিলেন—আমি জগতে একক, আমি 'কাহারও' নহি,

কেহই আমার নহে । আমি কেবল শ্রীকৃষ্ণের, এবং কেবল শ্রীকৃষ্ণই আমার । তোমরা আমার জন্ত শোক করিও না,—আমার সঙ্গে আসিও না,—আপন আপন গৃহে ফিরিয়া যাও,—আর সকলেই আমায় আশীর্বাদ কর,—আমি যেন ব্রজে গিয়া আমার ব্রজনাথকে প্রাপ্ত হই ।”

এই বলিয়া নবীন সন্ন্যাসী আর কোনও দিকে দৃষ্টি না করিয়া শ্রীবৃন্দাবন-উদ্দেশ্যে আকুলপ্রাণে বাহুজ্ঞানহারা হইয়া পশ্চিম-মুখে অতি দ্রুতবেগে ধাবিত হইলেন । একটা পদে লিখিত হইয়াছে—

নবীন সন্ন্যাসি-বেশে বিশ্বস্তর উর্দ্ধ্বাসে
 বৃন্দাবন পানেতে ছুটিল ।
 কটিতে করঙ্গ বাধা মুখে রব রাধা রাধা
 উধাউ হইয়া পহঁ ধাইল ॥
 ছু নয়নে প্রেমধারা বহে ।
 বলে কাঁহা মবুরাই কাঁহা যশোমতি মাই
 ললিতা বিশাখা মবু কাঁহে ॥
 কাঁহা গিরিগোবর্দ্ধন কাঁহা সে দ্বাদশবন
 শ্রামকুণ্ড রাধাকুণ্ড কই ।
 ছিদাম স্তদাম সখা কাঁহা মুঝে দাও দেখা
 কাঁহা মোর নীপতরু কই ॥
 কাঁহা নবলক্ষ ধেনু কাঁহা মেরি শিঙ্গা বেণু
 কাঁহা মোর বমুনা পুলিন ।

বৃন্দাবন দাস কয়

আমার গৌরান্ধ রায়

কেনে হেন হইল মলিন ॥

শ্রীকৃষ্ণচৈতন্ত এমন দ্রুতবেগে চলিতে লাগিলেন যে অতি অল্পক্ষণেই তিনি উপস্থিত নরনারীগণের নয়নের অন্তরাল হইলেন । অনেকে দৌড়িয়াও আর তাঁহাকে দেখিতে পাইলেন না । তাঁহারা অবশেষে কাঁদিতে কাঁদিতে স্তম্ভিতভাবে পথে দাঁড়াইয়া রহিলেন ।

নদীয়ার ভক্তগণের মধ্যে নিত্যানন্দ, চন্দ্রশেখর মুকুন্দ ও গোবিন্দ প্রাণপণে দৌড়িয়া তাঁহার পশ্চাৎ পশ্চাৎ ধাবিত হইলেন । নিতাই সকলের আগে, তাহার পাছে চন্দ্রশেখর ;—মুকুন্দ ও গোবিন্দ অনেক পাছে পড়িয়া রহিলেন । নিতাই বলিলেন ভাই, একটুকু ধীরে চল, আমাকে সঙ্গে লইয়া চল, আমি যে তোমার সহিত আর দৌড়িতে পারি না ।”

কিন্তু শ্রীকৃষ্ণচৈতন্ত তখন ব্রজভাবে বিভোর, নিতাইর উচ্চ ধ্বনির একবর্ণও তাঁহার কর্ণে পৌছিল না । পদকর্তা লিখিয়াছেন—

আর মোরে গৌরান্ধন্দর ।

প্রেম জলে তিতিল সোণার কলেবর ॥

কটিতে করঙ্গ বাধা দিগ্‌বিদিগ্‌ ধায় ।

প্রেমের ভাই নিতাই ডাকে ফিরিয়া না যায় ॥

নবীন সন্ন্যাসী কৃষ্ণপ্রেমে বাহু জ্ঞান হারাওয়া বেক্রপ ভাবে গমন করিতেছিলেন, শ্রীচৈতন্তচন্দ্রাদয় নাটকের অনুবাদ করিয়া ভক্ত কবি প্রেমদাস এক স্থানে তাহার আভাস দিয়াছেন, যথা,—

অগ্র পশ্চাৎ কিছু না করে বিচার ॥
 সকল ইন্দ্ৰিয়বৃত্তি হীন কলেবর ।
 কোথা যান ইতি উত্তি নাহিক ঠাওর ॥
 পথ বিপথ কিছু নাহিক জ্ঞেয়ান ।
 পথ পানে নাহি চান ঘূর্ণিত নয়ন ॥
 কখন উন্নত প্রায় উঠে উর্দ্ধ স্থানে ।
 কখনো বা পড়ে গর্তে তাহা নাহি জানে ॥
 চলি চলি কখন ও পড়েন যাই জলে ।
 কখন প্রবেশে বনে চক্ষু নাহি মেলে ॥

শ্রীমতী রাধা যেমন শ্রীকৃষ্ণাশ্বেষণে হা কৃষ্ণ হা কৃষ্ণ বলিয়া বনে
 বনে ভ্রমণ করিয়াছিলেন, শ্রীকৃষ্ণ চৈতন্তও সেই ভাবে ধাবিত হই-
 লেন । তাঁহার দিগ্‌বিদিক্ বা দিনরাত্রি জ্ঞান রহিল না । স্বীয়
 প্রেমানন্দে প্রমত্ত হইয়া নবীন সন্ন্যাসী ধাবিত হইলেন । কোন্
 পথে কোথা যাইতেছেন, সে জ্ঞান পর্যাস্ত তাঁহার নাই । নিত্যানন্দ
 আচার্য্যরত্ন ও মুকুন্দদত্ত, এই তিনজন তাঁহার সঙ্গে সঙ্গে চলিলেন ।
 পথিমধ্যে তাঁহাকে যে দেখিতে পাইল, তাহারই হৃদয় কৃষ্ণপ্রেমে
 পরিপূরিত হইল, আর তাহারই কণ্ঠে প্রেমানন্দে হরিশ্বনি উচ্চারিত
 হইলে লাগিল । এইরূপে সমস্ত পথ হরিশ্বনিতে মুখরিত হইয়া
 উঠিল ।

গো-রাখালগণ মাঠে গরু চরাইতেছে,—নবীন সন্ন্যাসী সেই
 মাঠের মধ্যে যাইতেছেন, তাঁহাকে দেখিয়া তাঁহাদের হৃদয়েও প্রেমা-
 নন্দের সঞ্চার হইল, তাহারা উচ্চ কণ্ঠে হরিশ্বনি করিতে লাগিল ।

সন্ন্যাসী তাহাদের নিকট গিয়া তাহাদের মাথায় হাত বুলাইয়া বলিলেন, ভাই সব, তোমরা আমার হরিনাম শুনাইয়া কৃতার্থ করিলে, আবার প্রেমভরে সবাই হরিনাম কর ।”

৬

এই সময়ে নিতাই দেখিলেন শ্রীগোরাঙ্গের অর্দ্ধ বাহুজ্ঞান প্রকাশ পাইয়াছে । তিনি চিরদিনই গৌরস্বন্দরের মনের ভাব জানেন । নিমাই, রাখালদিগকে ডাকিয়া গোপনে বলিলেন,—দেখ, যদি উনি তোমাদের নিকট বৃন্দাবনের পথের কথা জিজ্ঞাসা করেন, তবে ইঙ্গিতে গঙ্গার পথ দেখাইয়া দিও ।”

ঘটনা ঠিক এইরূপই ঘটিল । একটুকু অগ্রসর হইয়াই প্রভু একজন রাখালকে জিজ্ঞাসিলেন,—গোপ বালক, আমি বৃন্দাবনে চলিয়াছি । পথ চিনি না, বল দেখি কোন পথে যাই ।”

শ্রীপাদ নিত্যানন্দের শিক্ষা ফলবতী হইল । রাখালের নির্দেশে গৌরহরি প্রেমাবেশে গঙ্গাতীরের দিকে ধাবিত হইলেন । নিতাই প্রভুর ঝাঁক দেখিয়া আচার্য্যরত্নকে বলিলেন, “এবার এই প্রেমোন্মত্ত নবীন সন্ন্যাসীকে আমি ঠিক শান্তিপুরে অদ্বৈত মন্দিরে পৌছাইব । তুমি অদ্বৈত আচার্য্যকে এই খবর দিয়া নবদ্বীপে চলিয়া যাও, শচীমাতা প্রভৃতি ভক্তগণসহ তোমাকে আবার সত্বরেই শান্তিপুরে ফিরিতে হইবে ।”

আচার্য্যরত্ন চন্দ্রশেখর মনের আহ্লাদে দ্রুতগতিতে সোজা পথে শান্তিপুরে পৌছিয়া অদ্বৈত আচার্য্যকে সংবাদ দিলেন । আচার্য্য

এক থানি নৌকা লইয়া গঙ্গার পশ্চিম পারে আসিয়া উপস্থিত হইবার উদ্যোগ করিলেন ।

এদিকে শ্রীগৌরসুন্দর অর্দ্ধবাহু জ্ঞান পাইয়া দেখিতে পাইলেন, নিতাই তাঁহার সঙ্গে সঙ্গে চলিয়াছেন । নিতাই বলিলেন, তুমি এত দ্রুতবেগে চলিতেছ যে আমি তোমাকে ধরিয়াও ধরিতে পারিতেছি না ।

গৌর । শ্রীপাদ, আপনি কোথা যাচ্ছেন ?

নিতাই । এই যে আমিও তোমার সঙ্গে শ্রীবৃন্দাবনে যাই-তেছি । ভাল হলো, চল দুইজনে একত্র যাই । কিন্তু অত বেগে চলিলে আমি পারিব না । তোমার পাছে পাছে ছুটিয়া তিন দিন আহার নিদ্রা নাই । আমি কি অতি দৌড়িতে পারি ?

গৌর । শ্রীপাদ, শ্রীবৃন্দাবনের পথ আপনার ভালই জানা আছে, বলুন ত শ্রীবৃন্দাবন আর কত দূর ?

নিতাই । আর বড় বেশী দূর নহে । অই যে সম্মুখেই শ্রীযমুনা ।

এই বলিয়া নিতাই গৌরসুন্দরকে লইয়া গঙ্গাতটে উপস্থিত হইলেন । ভাবাবিষ্ট শ্রীগৌরাক্ষের আনন্দের আর সীম নাই । তিনি গঙ্গা দেখিয়াই যমুনা মনে করিলেন, হাত জুড়িয়া শ্রীযমুনাকে প্রণাম করিয়া স্নানান্তে শ্রীযমুনা-স্তব পাঠ করিতে লাগিলেন—

চিদানন্দভানোঃ সদানন্দমুনোঃ

পরপ্রেমপাত্রী দ্রবপ্রসঙ্গপাত্রী

অঘানাং লবিত্রী জগৎ কেমধাত্রী

পর্বিত্রীক্রিয়ান্নো বপুর্মিত্রপুত্রী ।

এই সময়ে নৌকাযোগে অদ্বৈতাচার্য্য গঙ্গার এপারে আসিয়া শ্রীগোরাঙ্গের সমক্ষে কোপীন বহির্বাসমহ উপনীত হইলেন । আচার্য্য শ্রীগোরচরণে নমস্কার করিলেন । শ্রীগোরাঙ্গ “নমো নারায়ণায়” বলিয়া প্রত্যভিবাদন করিয়া বলিলেন—আপনি ত আচার্য্য গোঁসাইর বটেন !—তাইতো দেখছি । আপনি এখানে কেন ? আপনি কি করিয়া জানিলেন যে আমি শ্রীবৃন্দাবনে এসেছি ।

অদ্বৈতাচার্য্য স্পষ্ট ভাষায় একবারেই সত্য কথা বলিয়া ফেলিলেন । আচার্য্য বলিলেন,—ঠাকুর, বৃন্দাবন আমার অপর স্থানে কোথায় ? যেখানে তুমি সেইখানেই বৃন্দাবন । আমার ভাগ্যে গঙ্গাতীরে তোমার শুভাগমন হইয়াছে । এখন এই বহির্বাস পরিবর্তন কর, নৌকায় উঠ, চল ওপারে যাই ।”

গৌর । তবে একি হইল ? তবে কি শ্রীপাদ নিতাই আমাকে যমুনা বলিয়া গঙ্গাতটে লইয়া আসিলেন ! শ্রীপাদ, তোমার একি বঞ্চনা । তুমি আমার বৃন্দাবনে যেতে দিলে না !

এই বলিয়া প্রভু বিমর্ষের ছায় হইলেন । আচার্য্য বলিলেন শ্রীপাদ নিত্যানন্দ মিথ্যা কথা বলেন নাই, ঠিকই বলিয়াছেন ।

গঙ্গায় যমুনা বহে হয়ে একধার ।

পশ্চিমে যমুনা বহে, পূবে গঙ্গাধার ॥

তুমি যমুনাতেই স্নান করিয়াছ । এখন এ দীনের আলয়ে চল ।

প্রেমাবেশে তিন দিন আছ উপবাস ।

আজি মোর ঘরে ভিক্ষা, চল মোর বাস ॥

একমুষ্টি অন্ন মুঞি করিয়াছি পাক ।

শুখ রুখ ব্যঞ্জন এক স্থপ আর শাক ॥

অল্প চিরদিনই ভক্তের বশীভূত । তিনি নৌকায় চড়িয়া শান্তিপুরে উপস্থিত হইলেন । সহস্র সহস্র নরনারী শান্তিপুরের ঘাটে তাহার দর্শনার্থী হইয়া দাঁড়াইয়া ছিলেন । শ্রীগৌর সুন্দরকে সন্ন্যাসীর বেশে দেখিয়া তাহাদের হৃদয় বিদীর্ণ হইতে লাগিল । যেই তিনি নৌকা হইতে তটে পদার্পণ করিলেন, ভক্ত অভক্ত বিদ্বেষী অম্লরক্ত অদনি মুক্ত কণ্ঠে রোদন করিতে করিতে ভূমিতে দণ্ডবৎ হইয়া প্রণাম করিতে লাগিলেন, আর “জয় গৌরহরি” রবে দশদিক্ মুখরিত হইয়া উঠিল ।

পথের দুই দিকের লোকের ভিড়ের মধ্য দিয়া আচার্য্য শ্রীগৌর নিতাইকে লইয়া আপন ভবনে প্রবেশ করিলেন ।

এদিকে আচার্য্য গৃহিণী সীতা ঠাকুরাণী শ্রীগৌর সুন্দরের ভোগের জন্য বহু প্রকার রন্ধনের ঘটা করিয়াছিলেন । শ্রীচৈতন্য-চরিতামৃতগ্রন্থে পাঠকগণ সেই ভোগারাদনার সুন্দর বিবরণ পাঠ করিবেন ।

তিনদিন উপবাসের পর শ্রীগৌরনিতাই আচার্য্য-গৃহে বহু উপচারে সেবা প্রাপ্ত হইলেন । অগণ্য লোক শ্রীশ্রীগৌরহরির দর্শনার্থ দলে দলে আচার্য্যগৃহে সমাগত হইতে লাগিলেন । কীর্ত্তনানন্দের তরঙ্গে শান্তিপুর ডুবুডুবু হইয়া পড়িল । নদীয়াবাসীরা সংবাদ পাওয়ামাত্রই শান্তিপুরের দিকে ধাবিত হইলেন । যাহারা বিদ্বৈষ করিয়াছিল, এবার শ্রীগৌরান্দ-দর্শনে তাহারাও অগ্রগণ্য ও

অগ্রগামী । ভিড় ঠেলিয়া সর্বাগ্রে তাহারা আসিয়া শ্রীগৌরান্ধ চরণে দণ্ডবৎ হইয়া পড়িয়া বলিল,—“দয়াময় আমরা পতিত পাবগ্ণী,—জগাই মাধাই হইতে ও মহাপাপী । আমরা তোমার ক্ষমার অযোগ্য । তুমি স্বয়ং ভগবান্ । আমরা তোমায় চিনিতে পারি নাই, চিনিতে না পারিয়া কত পাপ-কথা বলিয়াছি, এখন তাহা মনে করিলেও নিজকে মহা অপরাধে অপরাধী বলিয়া মনে হয়, দয়াময় আমরা তোমার শ্রীচরণে শরণ লইলাম, আমাদিগকে উদ্ধার কর ।”

প্রেমময় শ্রীগৌরান্ধ মহানন্দে তাহাদিগকে আলিঙ্গন করিয়া বলিলেন,—“তোমরা ভক্তিভরে হরিনাম কীর্ত্তন কর, পতিত-পাবন হরি তোমাদিগের অবশ্যই জ্ঞাপ করিবেন ।” বিদ্বেষিগণ এবার দয়াময়ের কৃপা-লাভ করিয়া কৃতার্থ হইলেন এবং মুক্তকণ্ঠে “জয় পতিত-উদ্ধারণ গৌরহরি” এই স্তব্ধময় নামধ্বনি করিতে করিতে প্রেমানন্দে সঙ্কীৰ্ত্তন আরম্ভ করিলেন । “জয় পতিত-উদ্ধারণ গৌরহরি” চারিদিকে এই ধ্বনি ছড়াইয়া পড়িল ।

শ্রীঅষ্টোতাচার্য্য প্রভুর বিশ্রামের জন্ত একটি নির্জন স্থান নির্দেশ করিয়া দিলেন । নিতাই তাঁহার সঙ্গে থাকিলেন । নির্জন পাইয়া নিতাই বলিলেন—“সন্ন্যাস লইলেই কি আপন জনের কথা একবারে ভুলিতে হয় ?”

সর্বজ্ঞ প্রভু নিতাইর ভাব বুঝিয়া বলিলেন, “শ্রীপাদ, সকলই মনে আছে । আমার মা জননীর জন্ত বাস্তবিকই আমার প্রাণ কাঁদিতেছে, নদীয়ার শত শত নরনারী আমার পুত্রের স্থান ভাল

বাসিতেন, আমার সন্ন্যাসে ও বিরহে তাঁহারা অধীর ও আকুল হইয়াছেন । সন্ন্যাস লইয়াছি, আর তো সম্প্রতি নদীয়ায় যাইতে পারিব না, নদীয়াবাসীরা ক্রুপা করিয়া আমার দর্শন দিলে, আমি তাঁহাদের নিকট বিদায় লইয়া এদেশ ছাড়িয়া চলিয়া যাইতে পারি ।”

‘ নিতাই বাধা দিয়া বলিলেন,—তুমি ওরূপ করিয়া কথা বলিও না, উহাতে আমারই হৃদয় বিদৌর্ণ হয়, অপরের আর কথা কি ? এই আমি নবদ্বীপে চলিলাম ।’ নিতাই ঘরের বাহির হইয়া কি ভাবিতে ভাবিতে আবার ফিরিলেন—ফিরিয়া আসিয়া জিজ্ঞাসিলেন—যে যে আসিতে চায় সকলকেই আনিব তো ?

গৌর । হাঁ, কাহারও বাধা নাই, সকলেই আসিতে পারিবেন ।

নিতাই । মা ত অবশ্যই আসিবেন, আর আর সকলে আসিতে ইচ্ছা করিলে তাহাদিগকেও আনিব ?

নিতাইর মনের ভাব গৌরমুন্দর বুঝিলেন, তিনি বুঝিলেন নিতাই প্রিয়াজীৱ হৃৎখে অত্যন্ত কাতর হইয়া তাঁহার কথাই বলিতেছেন । সন্ন্যাসীর আপন জ্ঞী-দর্শন-নিষেধ । নিতাই তাহা জানেন । কিন্তু নিতাই ইহাও জানেন, গৌরমুন্দর স্বয়ং ভগবান্ । তাঁহার আবার বিধিনিষেধ কি ? তাই কথাটা ভাল করিয়া বুঝিয়া লইতে কৌশলে প্রশ্ন করিয়াছিলেন । গৌরমুন্দর নিতাইর মনের ভাব বুঝিলেন । তিনি লোকধৰ্ম্মপালক হইয়া সন্ন্যাসের মর্যাদা ভঙ্গ করিবেন কেন ? তাই নিতাইর কথার প্রত্যুত্তরে স্পষ্ট করিয়া বলিয়া দিলেন—“সকলেই এখানে আসিয়া আমাকে দেখিতে পারেন—কেবল একজন ছাড়া ।”

করুণাময় নিতাই কপালে করাঘাত করিয়া অশ্রুপূর্ণনয়নে নব-
দ্বীপ অভিমুখে চলিলেন । এ সম্বন্ধে মুরারিগুপ্ত লিখিয়াছেন—

প্রেমাবেশে প্রভুরে রাখিয়া শান্তিপুরে ।

নিত্যানন্দ আইলেন নদীয়া নগরে ॥

ভাবিয়া শচীর হুঃখ নিতানন্দ রায় ।

পথমাঝে অবনীতে গড়াগড়ি যায় ॥

ক্ষণেক সম্বর নিতাই আইলেন ঘরে ।

শুনি শচী ঠাকুরাণী আইলেন বাহিরে ॥

দাঁড়াইয়া মায়ের আগে ছাড়িয়ে নিশ্বাস ।

প্রাণ বিদরয়ে ভাইয়ের কহিতে সন্ন্যাস ॥

কাতরে পড়িয়া শচী দেখয়ে নিতাই ।

কাঁদি বলে “কোথা আছে, আমার নিমাই ॥”

“না কাঁদিহ শচীমাতা শুন মোর বাণী ।

সন্ন্যাস করি প্রভু গৌর গুণমণি ॥

সন্ন্যাস করিয়া প্রভু আইলা শান্তিপুরে ।

আমারে পাঠায়ে দিল তোমা লইবারে ॥”

শুনিয়া নিতাইর মুখে সন্ন্যাসের কথা ।

অচৈতন্য হয়ে ভূমে পড়ে শচীমাতা ॥

উঠাইল নিত্যানন্দ, “চল শান্তিপুরে ।

তোমার নিমাই আছে অধৈতের ঘরে ॥”

শচী কান্দে নিতাই কান্দে নদীয়ানিবাসী ।

“সবারে ছাড়িয়া নিমাই হইল সন্ন্যাসী ॥”

কহয়ে মুরারি গোরাচাঁদ না দেখিলে ।

নিশ্চয় মরিব প্রবেশিয়া গঙ্গাজলে ॥

মালিনী প্রভৃতি মহিলাগণ এই সময়ে সততই শচীদেবীর নিকটে থাকিতেন, প্রিয়াজীর সমরয়স্কা এবং তাঁহা হইতে কিঞ্চিৎ অধিক-বয়স্কা মেয়েরা তাঁহার রক্ষণাবেক্ষণের জন্ত সততই তাঁহাকে ঘেরিয়া থাকিতেন । মালিনী অনেক যত্নে শচীর মূর্ত্তা ভাঙ্গিলেন । মালিনী প্রভৃতি পূর্বেই চন্দ্রশেখরের মুখে নিমাইর সন্ন্যাসের কথা শুনিয়া নিজের নয়নজল নিজে মুছিয়া দৈর্ঘ্য ধরিয়া শচীর নিকটে অবস্থান করিতেছিলেন । কোন্ মুখে নিমাইর সন্ন্যাস সংবাদ দিবেন, এই ভাবিয়া চন্দ্রশেখর এ কথা শচীমাতাকে জানানাইতে নিষেধ করিয়াছিলেন । তিনি কেবল ইহাই বলিয়া দিয়াছিলেন যে “শচীদেবীকে বলিও, সব্বরেই তিনি নিমাইর দেখা পাবেন ।”

মালিনী-শচীদেবীকে প্রবোধ দিতেছিলেন । কিন্তু তিনি যখন বলিলেন, নিমাই সন্ন্যাস লইয়াছে, তখন শচীদেবী সহসা মূর্ছিত হইয়া পড়িলেন ।

মূর্ছাতঞ্জে শচীদেবী বলিলেন—“মালিনী, নিমাই শাস্তিপুত্র এসেছে, আমাকে লইবার জন্ত নিতাইকে পাঠিয়েছে, কিন্তু গিয়া কি দেখিব, আমার সোনার নিমাই সন্ন্যাসী সাজিয়াছে, মাথা মুড়াইয়াছে, কোপীন পড়িয়াছে, আমি কোন্ প্রাণে সেই মূর্ত্তি দেখিব ?” এই বলিয়া নীরব হইলেন, আবার কিয়ৎক্ষণ পরেই “নিমাই নিমাই” বলিয়া ঘরের বাহির হইতে চেষ্টা

করিলেন ।* সকলে তাঁহাকে ধরিয়া বসাইলেন । শ্রীবাস বলিলেন,
মা, দোলা আনিতে লোক পাঠাইয়াছি । দোলা আসিলেই আপ-
নাকে লইয়া আমরা সকলেই নিমাইকে দেখিতে শাস্তিপুরে যাইব ।

নিতাই শচীমাতাকে সংবাদ দিয়া বাহির হইলেন । নগরে
ভ্রমিয়া দেখিলেন নবদ্বীপের অবস্থা,—শ্রীকৃষ্ণশূন্য শ্রীকৃন্দাবনের স্থার ;
—সর্বত্রই শোক ও বিষাদ । এমন কি যে দুই চারি জন লোক
শ্রীগৌরানন্দের শ্রীচরণমাহাত্ম্য না বুঝিয়া তাঁহার বিবেচী হইয়াছিল,
এখন তাহারা পর্য্যন্ত শোকে অধীর + এবং তাঁহাকে দর্শন করার

হেঁদে যো মালিনীসই চল দেখি যাই ।

নিমাই অষ্টমতের ঘরে কহিল নিমাই ॥

সে চাঁচর কেশহীন কেমনে দেখিব ।

না ধাব অষ্টমতের ঘরে গঙ্গার পানিব ।

এত বলি শচীমাতা কাতর হইয়া ।

নবদ্বীপ মুখে যার নিমাই বলিয়া ॥

ধাইল সকল লোক গৌরানন্দ দেখিতে ।

বাহুদের ঘোব বার কান্দিতে কান্দিতে ॥

১ । কান্দরে নিম্নক সব করি হার হার ।

একবার মনে এলে ধরিব তার পার ।

না জানি সহিমাগুণ কহিয়াছি কত ।

এইবার লাগাইল পেলে হব অনুগত ।

দেশে দেশে কত জীব তরাইল শুনি ।

চরণ ধরিলে দয়া করিবে আপনি ॥

জন্ত শান্তিপুত্র অতিমুখে ধাবিত । নিতাই, গৌরহীন নদীয়া
ভক্তগণের অবস্থা দেখিয়া মর্মান্বিত হইলেন । একটা পদে এ সম্বন্ধে
নিম্নলিখিত বর্ণনা দৃষ্ট হয় :—

কান্দে যত ভক্তগণ হইয়া অচেতন
হরি হরি বলে উঠেঃস্বরে ।

না বুঝিয়া কহিয়াছি কত কুবচন ।
এইবার পেলে তার লইব শরণ ॥
গৌরান্দের সন্নী যত পারিবাগণ ।
তারা সব শুনিয়াছি পতিতপাবন ॥
নিম্নুক পাবণী যত গাইল একাশ ।
কান্দিয়া আকুল ভেল বৃন্দাবন দাস ॥

২ । নিম্নুক পাবণী আর নাস্তিক দুর্জনে
মদে মত্ত অধ্যাপক গড়ুরাগণ ॥
প্রভুর সন্ন্যাসগুনি কান্দিয়া বিকলে ।
হার হার কি করিমু আমরা সকলে ।
লইল হরির নাম জীব শত শত ।
কেবল মোদের হিরা পাষণের মত ॥
যদি মোরা নামপ্রেম করিতাম গ্রহণ ।
না করিত গৌরহরি শিখার যুগুন ॥
হার কেন হেন বুদ্ধি হৈল মো সবার ।
পতিত-পাবন কেন না কৈমু স্বীকার ॥
এইবার পোরা যদি নববীণে আসে ।
চরণ ধরিল কহে বৃন্দাবন দাসে ॥

কিবা মোর ধনজন কিবা মোর জীবন
 প্রভু ছাড়ি গেল সবাকারে ॥
 মাথায় দিয়া হাত বুকে মারে নির্ধাত
 হরি হরি প্রভু বিশ্বস্তর ।
 সন্ন্যাস করিতে গেলা আমা সব না বলিলা
 কঁাদে ভক্ত ধুলায় ধুসর ।
 প্রভুর অঙ্গনে পড়ি কান্দে মুকুন্দ মুরারি
 শ্রীধর গদাই গঙ্গাদাস ।
 শ্রীবাসের গণমাত্র তারা কঁাদে অবিরত
 আঁখি মুদি কান্দে হরিদাস ।
 শুনিয়া ক্রন্দন রব নদীয়ার লোক সব
 দেখিতে আইসে সব ধাক্কা ।
 না দেখি প্রভুর মুখ সবে পায় মহা শোক
 কঁাদে সবে মাথে হাত দিয়া ॥
 নগরিয়া ভক্ত যত সবে শোকে বিগলিত
 বালগুহু নাহিক বিচার ॥
 কঁাদে সবে জীপুরুষে নিদারুণ শোকাবেশে
 বৃন্দাবন করে হাহাকার ॥

ভক্তগণ যখন শুনিলেন, শ্রী গৌরাঙ্গ শান্তিপু্রে আচার্য্যগৃহে উপনীত
 হইয়াছেন, তাঁহারা অমনি শয্যা ত্যাগ করিয়া শান্তিপু্রে যাওয়ার
 উদ্যোগ করিলেন ।

আত্মীয় অনাত্মীয় ভক্ত ও অভক্ত সকলেই শাস্তিপুত্রে যাইবার জন্ত শচীমার বাড়ীতে সমবেত হইলেন। দোলা আসিল। বৃদ্ধা শচীদেবীকে মালিনী প্রভৃতি ধরাধরি করিয়া দোলার সম্মুখে লইয়া গেলেন। শচী দোলায় উঠিবেন, এই সময়ে অদূরে কতিপয় অন্ন-বয়স্ক রমণীর চরণ-অলঙ্কারের শিঞ্জিনীশব্দ শুনিতে পাইলেন। দেখিতে দেখিতে অবগুষ্ঠন-আবৃত্তা প্রিয়াজী সহচরীদের সঙ্গে আসিয়া শচীদেবীর অঞ্চল ধরিয়া দাঁড়াইলেন।

উপস্থিতজনগণ বুঝিলেন প্রিয়াজীও পতি-দর্শন করার জন্ত প্রস্তুত হইয়া আসিয়াছেন। কিন্তু ইহাতে শ্রীপাদ নিত্যানন্দ মহাশব্দে পড়িলেন। প্রিয়াজীকে লইতে প্রভুর নিষেধ। এদিকে প্রিয়াজী প্রাণবল্লভকে দর্শন করিবার জন্ত ব্যাকুলভাবে লোকলজ্জা ত্যাগ করিয়া সর্বজনসমক্ষে আসিয়া উপস্থিত হইয়াছেন। নিতাই তখন স্তম্ভিত হইয়া প্রভুর নিষেধের কথা ভাবিতে লাগিলেন। মুহূর্তের মধ্যে নিতাই বুঝিয়া লইলেন প্রভুর নিষেধ যুক্তিসঙ্গতই বটে। প্রভু সন্ন্যাস লইয়াছেন, তিনি জীসঙ্গ পরিত্যাগ করিয়া সর্ব-ভোগসুখ পরিবর্জন করিয়া কৃষ্ণভজন করিবেন এবং এই উপায়ে জগতের জীবকে ভগবৎপ্রেম শিক্ষা দিবেন। সুতরাং প্রিয়াজীকে তিনি দর্শন দিতে অসমর্থ। এ অবস্থায় তাঁহার যাওয়ায় কোন ফল নাই। নিতাই ভাবিয়া চিন্তিয়া হৃদয়বিদারক নিষেধবাক্য সকলকে শুনাইয়া অতি কাতরস্বরে বলিলেন,—“প্রভুর আদেশে সকলেই নক্ষীয়ায় যাইয়া শ্রীগৌরাজ দর্শন করিতে পারিবেন, কিন্তু প্রিয়াজীর যাওয়ার আদেশ নাই।”

নিতাইর এই বাক্য শুনিয়া সকলেই মৰ্ম্মাহত হইলেন । শচী সহসা গম্ভীরভাবে বলিলেন “তবে আমিও যাব না ।”

শচীর বাক্যে সকলেই বিস্মিত হইলেন । ইহাতে প্রিয়াজী আর ক্ষণমাত্র বিলম্ব না করিয়া শাশুড়ীর আঁচল ছাড়িয়া দিয়া যে পথে আসিয়াছিলেন, সেই পথে নিঃশব্দে অন্তঃপুরে প্রবেশ করিলেন । প্রিয়াজীর মনের হুঃখ বুঝিয়া সকলেই যারপরনাই ব্যথিত হইলেন । নিতাইর নয়নে অশ্রুবিন্দু দেখা দিল । শচীমা দোলা ধরিয়া দাঁড়াইয়া ছিলেন, তিনি অমনি ভূমিতে বসিয়া পড়িলেন,—কিয়ৎক্ষণ নীরব থাকিয়া বলিলেন “আমার শাস্তিপুত্রে যাওয়া হইবে না । আমাকে বোমার নিকটে লইয়া চল ।”

শচী প্রিয়াজীর কাছে গিয়া বসিয়া ধীরে ধীরে বলিলেন “না আমি শাস্তিপুত্রে যাইব না ।” প্রিয়াজী উৎসাহের সহিত বলিলেন, “আপনি অবশ্যই যাইবেন ।” আমার জন্ত ভাবিবেন না ।”

এই বলিয়া প্রিয়াজী নীরব হইলেন । চিন্তাসংঘমে শ্রীশ্রীবিষ্ণু-প্রিয়া ত্রৈলোক্য-লক্ষ্মী-সমূহের আদর্শ । তিনি শ্রীমদ্বিত্যান্দের মুখে শ্রদ্ধার আদেশবাণী শুনিয়া প্রথমতঃ বজ্রাঘাতের জ্বাৰ মনে করিয়াছিলেন । কিন্তু তৎক্ষণাৎ তাঁহার হৃদয়ের মেঘ সরিয়া গেল, চিন্ত-পরিষ্কার হইল, সেই নির্মল চিত্তাকাশে আনন্দচন্দ্র ফুটিয়া উঠিল ।

প্রথমতঃ তাঁহার মনে হইতেছিল “একি অসঙ্গত আদেশ ! জগতের লোকে তাঁহাকে পাইবে, কেবল আমিই দেখিতে পাইব না । আমি এতই অপরাধিনী ? আমার অপরাধই বা কি ? আমি

তো কোন অপরাধ দেখিতে পাই না । আমার প্রাণের প্রাণ,—
 প্রাণবল্লভ আমার কত ভালবাসেন । যেদিন তিনি বুকে ছুঁড়িয়া দিয়া
 চলিয়া গেলেন, সেদিবস ও সারানিশি আমার কত আদরে,—কত
 সোহাগে বিমুগ্ধ করিয়াছিলেন । আমার একমাত্র অপরাধ এই
 যে আমি তাঁহার বিবাহিতা পত্নী, তিনি এখন সন্ন্যাসী,—আর
 এখন আমি তাঁহার সন্ন্যাসের শত্রু । শত্রুর মুখ কে দেখিতে
 চায় ? আমি যদি তাহার ঘরগী না হইতাম তবে আমি অবশ্যই
 তাহাকে দেখিতে পাইতাম * ।

আবার প্রিয়াজী মনে মনে ভাবিতে লাগিলেন,—ছি ছি, একি
 মনে করিতেছি, আমাকে কেন তিনি শত্রু মনে করিবেন ?
 তাঁহার ঙ্গায় প্রেমিক জগতে আর কে আছে ? তিনি প্রেমময় ।
 জীবের হিতের জন্যই তাঁহার সন্ন্যাস । তাঁহার সন্ন্যাসে জীব
 উদ্ধার পাইবে । জীবের উদ্ধারের জন্য আমাকে কাদিতে হইবে,
 ইহাই তাঁহার বিধান । আমি তাঁহার অর্দ্ধাঙ্গিনী । বাহা তাহার

। আমা লাগি শুভু যোর করিল সন্ন্যাস ।

কিবিয়া যন্তপি আইল অবৈতের বাস ॥

শ্রী পুরুষ বালবৃদ্ধ যুবতী যুবক ।

দেখিতে আনন্দে ধেরে চলে সব লোক ।

কোন অপরাধে কৈনু মুক্তি অভিগিনী ।

দেখিতেও অধিকার না ধরে পাবানী ॥

প্রভুর রমণী যদি না করিত বিধি ।

তবেত পাইতু দেখা প্রভুগনিধি ॥ ঐচৈতন্যচন্দ্রোদয় নাটক ।

বিধান, তাঁহার অর্দ্ধাঙ্গিনীরও তাহাই করাই উচিত । আমি তাঁহার সন্ন্যাসের বিরুদ্ধ কাজ কেন করিব ?

আমার প্রাণবল্লভ ত্রিজগতের নাথ, আমি তাঁহার অর্দ্ধাঙ্গিনী ইহা অপেক্ষা আমার সৌভাগ্যের কথা আর, কি আছে ? তিনি সন্ন্যাস লইয়াছেন, তাই আমায় দেখা দিবেন না । তাহাতে আমার অভিমানের বিষয় কি, অসহ্য দুঃখই বা কি ? তিনি আমাকে দেখা দিন বা না দিন, তিনিত আমারই প্রাণবল্লভ ! আমায় ত্যাগ করিয়া তিনি জগৎকে দেখাইলেন যে *জীবের জন্ত তিনি তাঁহার প্রাণম্বিনী পত্নীকে ত্যাগ করিয়াছেন । আমাকে ত্যাগ করাই তাঁহার সর্বাপেক্ষা প্রধানতম ত্যাগের কার্য্য । ইহাতে বুঝিতেছি আমি তাঁহার অতি প্রিয়জন । ইহার উপরে আমার সৌভাগ্য আর কি হইতে পারে ?

এই সৌভাগ্য-আনন্দে প্রিয়াজীর হৃদয় পরিপূর্ণ হইল । তিনি মনে মনে আপন চিত্তকে প্রবোধ দিয়া প্রসন্ন-গম্ভীর ভাব ধারণ করিলেন । শচীমা বধূর মুখের ভাব দেখিয়া বিস্মিত হইলেন । শচী বলিলেন,—মা তুমি আমাকে শাস্তিপুরে বাইতে বলিতেছ, কিন্তু আমি তোমায় ছাড়িয়া শাস্তিপুরে যাইব না । তোমার অবস্থা দেখিয়া সকলেই মর্শ্বাহত হইয়াছে । * আমার প্রাণও বিদীর্ণ হইতেছে ।

* বিকুপ্রিয়া দশা দেখি যত ভক্তগণ ।

বিগুণ হইল দুঃখ ; না করে গমন । ঐতৈত্ত্ত্তচন্দ্রোদয় নাটক ।

প্রিয়াজী। মা আমি সত্য সত্যই বলিতেছি আমার কোনও
দুঃখ নাই। আপনি না গেলেই আমি দুঃখিত হইব।

শচী এবার বুঝিলেন বউমা প্রকৃতপক্ষেই আনন্দের সহিত
তাঁহাকে শাস্তিপুরে যাইতে অনুমতি দিতেছেন। শচী তখন
নিরুদ্বেগে শাস্তিপুরে যাইতে সন্মত হইলেন। প্রিয়াজী সঙ্গিনীগণ-
সহ গৃহে রহিলেন।

ভক্তগণ শচীদেবীকে দোলায় চড়াইয়া “হা গৌরাজ হা গৌরাজ”
ধ্বনি করিতে করিতে শাস্তিপুর অভিমুখে যাত্রা করিলেন।
অগণ্য লোক সঙ্গে সঙ্গে চলিল। * “সুঁরাগি গুপ্ত স্বচক্ষে এই
ঘটনা দেখিয়া লিখিয়াছেন :—

চলিল নদীয়ার লোক গৌরাজ দেখিতে।

আগে শচী আর সব চলিলা পশ্চাতে ॥

* লক্ষ লক্ষ লোকে ধায় উর্দ্ধমুখ করি

অন্নজল ঘরবার সব পরি হরি ॥

ঘর হইতে বাহির না হয় কুলনারী।

তারাত ধাইয়া যায় সব পরিহরি ॥

বৃদ্ধসব নড়ি হাতে মল্ল মল্ল ধায়।

শিশুগণ আনন্দে উন্নত হয়ে ধায় ॥

যে সব পণ্ডিত পূর্বে উপহাস কৈল।

তাহারাও উৎসাহেতে ধাইয়া চলিল ॥

ঐ চৈতন্যচন্দ্রোদয় নাটক।

“হা গৌরাক্ষ হা গৌরাক্ষ” সবাঁকার মুখে ।

নয়নে জলের ধারা হিয়া কাটে ছুঁখে ॥

গৌরাক্ষ বিহনে ছিল জায়গুে মরিয়া ।

নিতাইর বচনে যেন উঠিল বাঁচিয়া ॥

দেখিতে গৌরাক্ষমুখ মনে অভিলাষ ।

শান্তিপু্রে ধায় সবে হয়ে উর্দ্ধ্বাস ॥

হইল পুরুষ শূন্য নদীয়া নগরী ।

সবাঁকার পাছে পাছে চলিল মুরারি ॥

সমগ্র নদীয়া প্রায় লোকশূন্য হইল । এদিকে প্রিয়াজী শচী-
মাতাকে যখন শান্তিপু্রে যাইতে অহুমতি করিয়াছিলেন, তখন
তাঁহার হৃদয়ে স্বীয় সৌভাগ্য-গর্বে আনন্দে পূর্ণ হইয়াছিল । কিন্তু
শ্রীভগবান্ প্রিয়াজীর হৃদয়ে সে জ্ঞান অধিক্ণ রাখিলেন না ।
প্রিয়াজীয় : বিরহ-বাতনা-জনিত নয়ন-জল-ধারাই জীব-উদ্ধারের
খাটি পতিতপাবনী জাহ্নবী-ধারা । প্রিয়াজীর হৃদয়ে অমনি গৌর-
বিরহ প্রবলবেগে প্রবাহিত হইল । তিনি আপন মন্দিরে আকুল
হইয়া কান্দিতে লাগিলেন :—

কান্দে দেবী বিষ্ণুপ্রিয়া নিজ অঙ্গ আছাড়িয়া

লুটায় লুটায় ক্ষিতিলে ।

ওহে নাথ কি করিলে পাথারে ভাসায় গেলে

কান্দিতে কান্দিতে ইহা বলে ॥

এঘর জননী ছাড়ি মুঞি অনাথিনী করি

কার বোলে করিলে সন্ন্যাস ।

বেদে শুনি রঘুনাথ লইয়া জানকী সাথ

তবে সে করিল বনবাস ॥

পূরবে নন্দের বালা যবে মধুপুরে গেলা

এড়িয়া সকল গোপীগণে ।

• উদ্ধবেরে পাঠাইয়া নিজতত্ত্ব জানাইয়া

রাখিলেন তা সবার প্রাণ ॥

চাঁদমুখ না দেখিব, আর পদ না সেবিব

‘ না করিব সে সুখ-বিলাস ।

এ দেহ গঙ্গায় দিব তঁোঁমার শরণ নিব

বাসুর জীবনে নাই আশ ॥

সঙ্গিনীগণের প্রবোধে এবং পুনশ্চ জ্ঞানের উদয়ে প্রিয়াজী
কিঞ্চিৎ শান্ত হইলেন ।

এদিকে অনতিবিলম্বে শচীর দোলা শান্তিপু্রে উপনীত
হইল । শচীমাতার সঙ্গীয় ভক্তগণ দেখিলেন শান্তিপু্র একবারে
লোকে লোকারণ্য হইয়া উঠিয়াছে, পাদবিক্ষেপের স্থান নাই,—
যেখানে সেখানে কেবলই গৌরাক্ষের কথা,—শ্রীগৌরাক্ষের জন্ত
আকুলি ব্যাকুলি । শচীমা দোলায় থাকিয়া অধীর হইয়া
পড়িলেন । ভক্তগণ তাঁহার দোলার সঙ্গে সঙ্গে চলিতে লাগিলেন ।
আচার্য্যের প্রাক্‌নে দোলা নামামাত্রই শ্রীগৌরাক্ষ বহুদূর হইতে
অপরোধীর স্তায় করযোড় করিয়া দৌড়িয়া আসিয়া মাের
সম্মুখে দণ্ডবৎ হইয়া পড়িলেন, মাের হুঁখানি চরণ ধরিয়া
প্রণত হইয়া রহিলেন । শচীমা একহাত শ্রীগৌরাক্ষের মাখার

রাখিয়া অপর হাতে চক্ষের জল মুছিতে ছিলেন, কিন্তু নয়ন-জল নিবারণ কবিতে পারিলেন না, মায়ের নয়ন-সলিলে ত্রীগোরাঙ্গসুন্দর পরিসিক্ত হইলেন ।

তিনি অমনি দাঁড়াইয়া মায়ের হাত ধরিয়া তাঁহাকে দোলা হইতে নামাইলেন । শচী স্তম্ভিত হইয়া ভূমিতে বসিয়া পড়িলেন । নিমাই জননীকে আবার প্রণাম করিয়া স্তব পাঠ ও প্রদক্ষিণ করিতে লাগিলেন । নিমাই গদগদ কণ্ঠে করযোড়ে বলিতে লাগিলেন :—

মা

আত্মা মহামায়া তুমি, প্রেমের প্রতিমা তুমি
প্রত্যক্ষ দেবতা তুমি,—দয়া অবতার ।

জনম-নিদান তুমি ভকতি-মুরতি তুমি,
মুক্তির কারণ তুমি,—জগতের সার ॥

জীবনদায়িনী তুমি, জীবনরক্ষিণী তুমি,
জীবন-নন্দনৌ তুমি,—সৌন্দর্য্য-আধার ।

তুমি জ্ঞান, তুমি শক্তি, তুমি মাগো কৃপা-ভক্তি,
অস্তিত্বে মা তুমি গতি,—মূর্ত্তি-করণার ॥

তোমা হ'তে এই দেহ, ভুলিব না তব স্নেহ,
অন্ত ধর্ম্ম অন্ত কর্ম্ম—সকলি অসার ।

তুমি যদি কৃপা কর কৃষ্ণভক্তি দিতে পার
আমি মাগো চিরদিন,—তোমার ভোমার ॥

নিমাই করযোড়ে এইরূপ স্তব করিতে করিতে এক

একবার জননীকে প্রদক্ষিণ করিয়া তাঁহার সম্মুখে দণ্ডবৎ প্রণত হইতে লাগিলেন ।

অসংখ্য লোক স্তম্ভিত ভাবে দাঁড়াইয়া নিমাইর মাতৃভক্তি দেখিতেছেন । অত্রিভু পাষণ্ডীদের হৃদয়েও মাতৃভক্তি উদয় হইয়া তাহাদের হৃদয় দ্রব করিয়া দিতেছে ।

কিন্তু শচীদেবীর নিকট ইহা একবারেই ভাল লাগিতেছে না । পুত্রের মুগ্ধিত মস্তক, অরুণ-বহির্ভাস ও কোপীন দেখিয়া তাঁহার হৃদয় বিদীর্ণ হইতেছে, তিনি নয়ন-জল সম্বরণ করিতে গিয়াও সম্বরণ করিতে পারিতেছেন না । তাঁহার দেহ কাঁপিতেছে । নিমাই দেখিলেন,—মা বুঝি মুচ্ছিত হইবেন । অদ্বৈত আচার্য্যও সেইখানে ছিলেন, তিনি ভাবগতি দেখিয়া শচীদেবীকে অন্তঃপুরে লইয়া গিয়া স্নান করিলেন । শ্রীগৌরানন্দসুন্দর মায়ের নিকট গিয়া বসিলেন । বৃদ্ধা শচীদেবী তাঁহাকে কোলে তুলিয়া লইয়া মনের আবেগে যে সকল বিলাপ করিলেন, তাহা ভক্তগণ অনুমানে বুঝিয়া লইতে পারেন, কিন্তু আমাদের ভাষায় তাহার বর্ণনা অসম্ভব । বাসুঘোষ মহাশয় সেখানে উপস্থিত ছিলেন, তাঁহার রচিত পদটী এখানে উদ্ধৃত করিয়া দিলান :—

নিতাই করিয়া আগে

চলিলেন অনুরাগে

আইলা সবাই শান্তিপুরে ।

মুড়ায়েছে মাথার কেশ

ধরেছে সন্ন্যাসিবেশ

দেখিয়া সবার প্রাণ বুঝে ॥

করযোড় করি আগে দাঁড়ালে মায়ের আগে
পড়িলেন দণ্ডবৎ হৈয়া ।

ছই হাত তুলি বুকে চুষ দিল চাঁদ মুখে
কান্দে শচী গলাটি ধরিয়া ॥

ইহার লাগিয়া যত পড়াইলান ভাগবত
এ ছুঃখ কহিব আমি কায় ।

অনাথিনী করি মোরে যাবে বাছা দেশান্তরে
বিবুপ্রিয়ার কি হবে উপায় ॥

এ ডোর কোপীন পুড়ি কি লাগিয়া দণ্ডধারী
ঘরে ঘরে থাকে ভিক্ষা মাগি ।

জীয়েন্তে থাকিতে নায় উহা নাকি দেখা যায়
কার বোলে হইলে বিরাগী ॥”

গৌরাক্ষের বৈরাগ্যে ধরণী বিদায় মাগে
আর তাহে শচীর ককণা ।

কহে বামুদেব ঘোষে গৌরাক্ষের সন্ন্যাসে
ত্রিঙ্গগতে করিল ঘোষণা ॥

নবীন সন্ন্যাসী মন্তক অবনত করিয়া জননীর চরণ দর্শন করিতে
লাগিলেন । শচীদেবী আবার বলিতেছেন :—

ছাদেরে নদীর চাঁদ বাছারে নিমাই ।

অভাগিনী তোর মায়ের আর কেহ নাই ॥

এত বলি ধরে শচী গৌরাক্ষের গলে ।

স্নেহভাবে চুষ খায় বদন কমলে ॥”

সুই বৃদ্ধা মাতা তোর, নোরে ফেলাইয়া ।
 বিষ্ণুপ্রিয়া-বধু দিলি গলায় বাঁধিয়া ॥
 তোর লাগি কান্দে বত নদীয়ার লোক ।
 ঘরেরে চলরে বাছা দূরে যাক্ শোক ॥
 শ্রীবাস হরিদাস যত ভক্তগণ ।
 তা সবারে লয়ে বাছা করগে কীর্তন ॥
 মুরারি মুকুন্দ বাসু আর হরিদাস ।
 এ সুব ছাড়িয়ে কেন করিলে সন্ন্যাস ॥
 যে করিলা সে করিলা চলবু ফিরিয়া ।
 পুন যজ্ঞস্থত্র দিব ব্রাহ্মণ আনিয়া ॥
 বাসুদেব ঘোষ কহে শুন মোর বাণী ।
 পুনরায় নদে চল গৌর গুণমণি ॥

নিমাই অপরাধীর ত্রায় মস্তক অবনত করিয়া এক একবার চল-চল
 নয়নে মায়ের মুখের দিকে চাহিতে লাগিলেন—যেন কুপার
 ভিখারী ।

শ্রীগৌরসুন্দর জননীকে প্রবোধ দেওয়ার জন্ত কাতরকণ্ঠে
 বাহা বলিয়াছিলেন, বাসুদেব ঘোষের একটি পদে তাহা এইরূপ
 বর্ণিত হইয়াছে :—

গুনিয়া মায়ের বাণী কহে প্রভু গুণমণি
 “শুন মাতা আমার বচন ।
 জন্মে জন্মে মাতা তুমি তোমার বালক আমি
 এই সব বিধির নিয়ম ॥

ধ্রুবের জননী ছিল পুত্রকে বৈরাগ্য দিল
 ভজে তেঁই দেব চক্রপাণি ।
 রঘুনাথ ছাড়ি ভোগে বনে বনে ফিরে শোকে
 বুঝে গদা কৌশল্যা জননী ॥
 তবে শেষ-দ্বাপরে কৃষ্ণ গেলা মধুপুরে ।
 ঘরে নন্দরাণী নন্দ পিতা ।
 সর্ষপরে এই হয়ে এ কথা অন্তথা নহে
 মিথ্যা শোক করিতেছ মাতা ॥
 বিধাতা নির্বন্ধ নাহা কেবা থণ্ডাইবে তাহা
 এত জানি স্থির কর মন ।
 ভজ কৃষ্ণ কর সার্ব নিছা এহি সংসার
 পাইয়া পরম পদধন ॥
 রোদন করিলে তুমি ডাকিলে আসিব আমি
 এই দেহ তোমার পালিত ।
 আশীর্বাদ কর মোরে বাই নীলাচল পুরে
 তুমি চিত্ত কর সন্নিহিত ॥”
 প্রভু স্তুতিবাণী কহে শচী নির্বন্ধনে রহে
 পড়ে জল নয়ন বহিয়া ।
 বাসু কহে গৌরহরি এই নিবেদন করি
 পুনরপি চলহ নদীয়া ॥

শচী বলিলেন,—নিমাই তুমি কৌপীন পরিয়া, দণ্ডকরঙ্গ হাতে
 লইয়া দ্বারে দ্বারে ভিক্ষা করিবে, রৌদ্রে বৃষ্টিতে দুরিয়া বেড়াইবে,

হেঁড়াকাঁথা গায়ে দিয়া শীত কাটাইবে, গ্রীষ্মের দারুণ রোদে কত কষ্ট পাইবে। ক্ষুধার সময়ে কে তোমায় এক গ্রাস অন্ন দিবে, আর আমি অভাগিনী তোমার দুঃখ ভাবিয়া ভাবিয়া কিরূপে ঘরের তলে বাস করিব? আমি তোমার মা হইয়া কিরূপে এ দুঃখ সহিব? আমার সোণার প্রতিমা বউমারই বা কি হইবে, একবার ভাবিয়া দেখ দেখি। আমি তোমাকে ঘরে নিতে আসিয়াছি। মনের আবেগে যাহা করিয়াছি, তাহার আর কি হইবে? আবার ব্রাহ্মণ দ্বারা তোমার পৈতৃক দিব, চল, এখন বাড়ী চল।”

এই বলিয়া শচী কাদিতে লাগিলেন। নিমাই তখন গদগদকণ্ঠে অপরাধীর স্থায় করযোড়ে বলিতে লাগিলেন—মা জননি, চিন্তের আবেগে আমি যাহা করিয়াছি, তাহাতে তোমার দারুণ যাতনা হইয়াছে, আমি তাহার সকলি বুদ্ধিতে পারি, তোমাকে দুঃখ দিলে আমার কোনও ধর্ম্ম হইবে না। এ দেহ তোমার, তুমি যাহা ভাল মনে কর, আমি তাহাই করিব। যদি আমার আবার সংসারে প্রবেশ করাই তুমি ভাল মনে কর, আমার তাহাই কর্তব্য। মা, এখন তুমি বিশ্রাম কর।”

এই বলিয়া প্রভু ক্রিয়ৎকণ্ঠের তরে বাহিরে আসিলেন। নীতাদেবী শচীমাতাকে নানা প্রকার বৃথাইয়া সাস্থনা দিতে লাগিলেন এবং ইহাও বলিলেন “দেবি, শ্রীগৌরের সন্ধ্যাস করা বা না করা এখন আপনার বাক্যের উপরেই নির্ভর করিতেছে। আপনি যাহা আদেশ করিবেন, নিমাই তাহাই করিবেন। এখন আপনি শান্ত হউন।”

কিন্তু ইহাতে শচীদেবীর দুখখানি আরও গভীর এবং আরও ঘেন মলিন দেখাইতে লাগিল । এদিকে প্রভু নদীয়ার ভক্তগণের নিকট আসিয়া বলিলেন,—আমি জননী ও তোমাদিগকে হুঃখ দিয়া বৃন্দাবনে যাইতেছিলাম, কিন্তু যাইতে পারিলাম না । নদীয়াবাসীরা আমার জন্ত কাতর । আমি মাথা মুড়াইয়া পৈতা ফেলিয়া সম্মানী হইয়াছি । এখন সংসারে প্রবেশ করিলে লোকতঃ ধর্মতঃ আমি নিন্দনীয় হইব । কিন্তু এ দিকে আবার আমার বিরহে জননী প্রাণে মরিবেন,—তোমাদের হৃদয় বিদীর্ণ হইবে । মায়ের হুঃখ সহিতে না পারিয়া আমি মায়ের নিকট প্রতিজ্ঞা করিয়া ফেলিয়াছি, যে তাঁহার আদেশ ভিন্ন আর কোনও কার্য করিব না । তিনি যদি এখন সংসারেও প্রবেশ করিতে বলেন, ধর্ম নষ্ট করিয়া আমি তাহাই করিতে বাধ্য । এখন আমি মায়ের আদেশ শুনিতে চাই । আমি নিজে আর কিছু বলিব না । তিনি নিজের মনের কথা সরলভাবে আমার নিকট বলিতেও সমর্থ হইবেন না । তোমরা যাইয়া তাঁহাকে বল, আমি চিরদিনই তাঁহার আজ্ঞাবহ দাস । তিনি যদি বলেন, আমার সংসারে প্রবেশ করাই ভাল,—আমি নিশ্চয়ই তাহাই করিব ।”

ভক্তগণ ইহাতে স্তুতিত হইলেন । তাঁহারা ভাবিতে লাগিলেন আবার হয়ত গৌরশশী নদীয়ায় উদিত হইবেন, আবার হয়ত নদীয়ার আধার দূর হইবে । কেননা, শচীমা কখনও নিমাইকে ঘর ছাড়িয়া উদাসীন হইতে অহুমতি করিবেন না । তাঁহারা প্রহুঃমনে শচীদেবীর নিকটে যাইয়া প্রভুর কথা জ্ঞানাইলেন ।

শচীদেবী নীরবে এই কথা শুনিলেন, নীরবে একটা দীর্ঘনিশ্বাস ত্যাগ করিলেন, তাঁহার নয়ন হইতে দুই বিন্দু অশ্রু নীরবে গড়াইয়া পড়িল । তিনি কিছুক্ষণ মুখখানি অবনত করিয়া রহিলেন, কোনও কথা তাঁহার মুখে ফুটিল না ।

উৎকণ্ঠিত ভক্তগণ শচীদেবীর বিষন্ন মুখ দেখিয়া বলিলেন,—এ কি মা, এমন সুখের সময়ে আপনার মুখ এমন মলিন হইল কেন ? একবার বলিয়া ফেলুন “নিমাই এখন বাড়ী চল” এই বলিয়া উহার হাত ধরিয়া নবদ্বীপে লইয়া চলুন ।”

শচীদেবী ধীরে ধীরে বলিতে লাগিলেন “নিমাই, আমার অমুমতি চাহিতেছে, আমার যে কি সাধ, তাহা ত নিমাইর অজ্ঞাত নয় । নিমাই সন্ন্যাসী হইয়া জগতের যত দুঃখ আছে, সেই সকল দুঃখ সহিবে, আর আমি যেরূপে বসিয়া থাকিব, ইহাও কি মায়ের প্রাণে সহ্য হয় ? নিমাইকে যদি বাড়ী লইয়া যাই, তবে বউমার, আনার ও তোমাদের যাতনা অবশ্যই দূর হয় । কিন্তু আমি ভাবিতেছি, তাহাতে নিমাইর মঙ্গল হয় কি না ? বাছা আমার সন্ন্যাস লইয়াছে, সন্ন্যাস লইয়া আবার গৃহে প্রবেশ করিলে তাহার ধর্ম্মনষ্ট হইবে । অপরন্তু লোকতঃও নিন্দা হইবে । আমি মা হইয়া বাছার এই অনঙ্গল ক্রিয়াকে কিরূপে করিব ? বরং আমি শোকে শোকে মরিয়া যাইব, তাহাও ভাল, তথাপি নিমাইর ধর্ম্মনষ্ট করিয়া তাহার অনঙ্গল করিতে পারিব না । নিমাই যাহা করিয়াছে, দৃঢ়রূপে সেইরূপ অন্তর্ধান আচরণ করুক । তবে নিমাই নীলচলে থাকিলে ভক্তগণের যাতায়াতে আমি সতত তাহার সংবাদ পাইব ।”

ধন্য শচীদেবী,—তোমার ধর্ম-জ্ঞান এত প্রবল না হইলে কি
স্বয়ং শ্রীভগবান্ তোমার উদরে জন্মগ্রহণ করেন ?

শচীমাতার উক্ত কথা শুনিয়া ভক্তগণ বজ্রাহতের ভ্রায় হইয়া
পড়িলেন যথা :—

শচীর বচন শুনি সর্ব ভক্তগণ ।

বিবশ হইয়া কহে করিয়া রোদন ॥

“হেনবাক্য কেন মাতা কহিলে আপনে ।

শ্রুতিবাক্যসম ইহা থণ্ডে কোন জনে ॥

নীলাচলে যাইতে আপনে আজ্ঞা দিলে ।

দ্রষ্টব্য তোমার বাক্য কেন বা কহিলে ॥”

শ্রীচৈতন্যচন্দ্রোদয় নাটক ।

ভক্তগণের হৃদয়ে সহসা যে আশার আলোক প্রবলরূপে জলিয়া
উঠিয়াছিল, নির্ঝাণ-উন্মুখ দীপের ভ্রায় অমনি তাহা নিভিয়া গেল ।
শ্রীগোরাঙ্গ নীলাচলে অবস্থান করিবেন, শচীদেবীর বাক্যে তাহা
একবারে স্থির হইয়া গেল । শচীদেবী শেষবার অনুমতি দিয়া
বৃন্দায় পড়িয়া কাঁদিতে কাঁদিতে নুচ্ছিত হইলেন । সীতাঠাকুরাণীর
অনেক প্রবত্তে তিনি চেতনা পাইলেন বটে, কিন্তু একবারে
বজ্রাহতের ভ্রায় স্তম্ভিতভাবে পড়িয়া রহিলেন । ভক্তগণ কাঁদিয়া
কাঁদিয়া আকুল হইলেন । বাস্তবোষ লিখিয়াছেন :—

শ্রীবাসের উচ্চরায়

পাষাণে মিলায়ে বায়

গদাধর না বাঁচে পরাণে ।

বহিছে প্রেমের ধারা যেন মন্দাকিনী পারা

মুকুন্দের ও ছুটি নয়নে ॥

কান্দে শাস্তিপুত্র নাথ শিরে দিয়ে ছুটি হাত

কি হৈল কি হৈল বলি কান্দে ।

অদ্বৈত-ঘরণী কান্দে কেশপাশ নাহি বান্ধে

মরা যেন পড়িল ভূমিতে ॥

“এ তোমার জননী ছাড়ি যুবতী রমণী এড়ি

এবে তোমার সন্ন্যাসে পমন ।

গঙ্গায় শরণ নিব এ তবু গঙ্গায় দিব”

বাসুঘোষের অনলে জীবন ॥

নিমাই ভক্তগণের মুখে মাতার মনোগত কথা শুনিয়া আনন্দে উৎফুল্ল হইলেন। সঙ্কীৰ্ত্তন-তরঙ্গ আরম্ভ হইল। এইরূপে কীর্ত্তনানন্দে দশদিন অতিবাহিত হইল। দশদিনান্তে প্রভাত সময়ে শ্রীগৌর-সুন্দর দ্বারের নিকটে গেলেন, ভক্তগণকেও সেই স্থানে আহ্বান করিলেন, আহ্বান করিয়া সৰ্ব্বসমক্ষে গদ্গদভাবে বলিলেন—
“আজ আমি সকলের নিকট শেব বিদায় লইতেছি। তোমরা আমার চিরসুহৃদ, তোমাদের ঋণ কখনও শোধিতে পারিব না, তোমরা আমার প্রতি দয়া রেখো, তোমরা গৃহে গমন করিয়া কৃষ্ণভজন কর, আমি বৃন্দাবনে বাইব মনে করিয়াছিলাম, কিন্তু জননীর আদেশ শিরোধার্য্য করিয়া নীলাচলে চলিলাম, সকলে আশীৰ্ব্বাদ করিও,—নীলাচলচক্রে যেন আমার দয়া করেন।”

এই কথার পরে শ্রীগৌরাদ মাতাকে সান্থনা দিয়া, তাঁহার

পদধূলি লইয়া : নিরপেক্ষভাবে নীলাচলে যাত্রা করিলেন । আর
শান্তিপু্রে অমনি ক্রন্দনের রোল উঠিল ।*

চৈতন্যমঙ্গলে লিখিত হইয়াছে :—

এ বোল বলিয়া প্রভু বোলে হরিবোল ।

সত্বরে চলিলা, উঠে ক্রন্দনের রোল ॥

চৈতন্যচন্দ্রোদয়নাটকে আর একটুকু বিশেষ বিবরণ আছে ।
তাহা এই :—

* শ্রীপ্রভু করণ শ্বরে ভক্ত প্রবেশ করে

কহে কথা কাদিতে কাদিতে ।

দুটি হস্ত আঁড় করি নিবেদয়ে গৌরহরি

“সবে দয়া না ছাড়িছ চিতে ॥

ছাড়ি নববাপ বাস পরিণু অরুণ বাস

মাথা আর পত্নীয়ে ছাড়িয়া ।

মনে এবে এই আশ করি নীলাচলে বাস

তোমা সব। অনুমতি গেয়ে ॥

নীলাচল নদীয়াতে লোক করে বাতায়াতে

তাহাতে পাইবে তত্ত্বমোর ।”

এত বলি গৌরহরি নথো নারায়ণ করি

অদ্বৈত ধরিয়া দিছে কোর ॥

শচীরে প্রবেশ দিয়ে তার পদধূলি লয়ে

নিরপেক্ষ যাত্রা প্রভু কৈল ।

এ রূপ করণ বোলে গোরা চলে নীলাচলে

শান্তিপু্রে ক্রন্দন করিল ॥

মায়ের চরণে প্রভু কৈল নমস্কার ।

শরীর নয়নে বহে অবিচ্ছিন্ন ধার ॥

প্রভু বলে “মাতা ছুঃখ না ভাবিহ মনে ।

সর্বসিদ্ধি হইবেক কৃষ্ণ-আরাধনে ॥

যদি আনা প্রতি শ্রদ্ধা আছে সবাকার ।

কৃষ্ণ ভজ, তবে সঙ্গ পাইবে আনার ॥”

প্রভু তখন সীতাঠাকুরাণী ও অষ্টৈতাচার্য্যের নিকট বিদ্যার লইতে প্রয়াস পাইলেন। ইহাতে আচার্য্য ও সীতাদেবী কান্দিয়া কান্দিয়া ব্যাকুল হইলেন। ইহাদের রোদনে গৌরমুন্দরের নয়ন হইতে শ্রাবণের ধারার স্থায় অশ্রুধারা বরিতে লাগিল। প্রভু বলিলেন, আচার্য্য তুমি কেন প্রাকৃত লোকের স্থায় শোক করিতেছ, যদি নীলাচলে না যাই তবে এই লীলার কোনও সার্থকতা হইবে না, তুমি যে পাতকি-উদ্ধারের জন্তু আনার ডাকিয়াছ, আমি এখানে থাকিলে তোমার সেই উদ্দেশ্য বিফল হইবে।*

* ১। প্রভু মোর অষ্টৈত মন্দির ছাড়ি গেল।

শিরে দিয়ে হুটি হাত, কান্দে শান্তিপুর নাথ, কিবা ছিল কিবা হৈল বলে।

কৃপা কর মোর ঘরে, অবধূত বিধস্তরে, কত রূপ করিল। বিহার।

এবে সেই দুই ভাই, কি দোবে ছাড়িয়া যাই, শান্তিপুর করিয়া অধার ॥

অষ্টৈত-ধরণী কান্দে, কেশপাশ : হি বাক্যে, প্রভু বলি ডাকে উঠে:শ্বরে।

নিত্যানন্দ করি সঙ্গে, প্রেমকীৰ্ত্তন করি রঙ্গে, কে আর নাচিবে মোর ঘরে ॥

শান্তিপুরবাসী বৃত, তারা কাঁবে অবিরত, লুটায় লুটায় জ্বলিতলে।

এ শরীন্দন ধনে, শান্তিপুর হৈল ঘন, পূরবে গুনিল যে গোঁকুলে ॥

নাতাকে সান্তনা দিয়া শ্রীল অদ্বৈতাদি ভক্তগণের নিকট বিদায়
লইয়া শ্রীগোরাঙ্গ নীলাচল অভিমুখে ধাবিত হইলেন । ভক্তগণও
তাঁহার সঙ্গে সঙ্গে দৌড়িতে লাগিলেন ।

ধাইয়া চলিল পাছে সব ভক্তগণ ।

কেহ নাহি পারে সম্বরিবারে ক্রন্দন ॥

কান্দিতে কান্দিতে সব প্রিয় ভক্তগণ ।

উঠিয়া পড়েন পৃথিবীতে অক্ষুণ্ণ ॥

দয়ানয় তখন তাঁহাদিগকে সম্বোধন করিয়া বলিলেন,—“বন্ধুগণ
তোমরা আপন ঘরে ফিরিয়া বাইয়া কৃষ্ণকীর্তন কর । কৃষ্ণভজনে-
শোক থাকে না । আমার একটা কথা এই যে যাহারা জুহুরাগে

২ । অদ্বৈতের বিলাপে প্রভু হইলা বিকল ।

আবণের ধারা সম ঢং পড়ে জল ।

কহেন অধৈর্য্যে এত কেন ভ্রম ।

তুমি স্থির করিয়াছ মোর লীলাক্রম ॥

নীলাচলে নাহি গেলে পণ্ড হবে লীলা ।

বিকল হইবে সব তুমি যা চাহিলা ॥

কিরূপে বা হরিনাম হইবে প্রচার ।

কিরূপে ভূবনের লোক পাইবে নিস্তার ॥

আকৃত লোকের প্রায় শোক কেন কর ।

তব সঙ্গে সদা আমি এ বিশ্বাস কর ॥”

প্রভু বাক্যে অদ্বৈত পাইলা পরিতোষ ।

জয় গৌরাঙ্গের জয় কহে বাহ ঘোষ ॥

কৃষ্ণভজন করিবেন, তাঁহারা সততই আপন হৃদয়ে আমাকে দেখিতে পাইবেন :—

কাহারো হৃদয়ে নহিবেক হৃৎ-শোক ।


সঙ্কীৰ্ত্তন-সমুদ্রে ডুবিলে সৰ্বলোক ॥

কিবা বিষ্ণুপ্রিয়া কিবা মোর মাতা শচী ।

যে ভজয়ে কৃষ্ণ তার কোলে আমি আছি ॥

চৈতন্যমঙ্গল ।

শ্রীগৌরান্ধ সজ্জননয়নে এই কথা বলিতে বলিতে করযোড়ে ভক্তগণকে অগ্রসর হইতে নিষেধ করিলেন । ভক্তগণও সজ্জননয়নে বজ্রাহতের গ্রাস স্থগিত হইয়া দাঁড়াইলেন, কেহবা ভূতলে পড়িয়া বঁকে করাঘাত করিয়া কাঁদিতে লাগিলেন । গৌরমুন্দর আর কোনদিকে না তাকাইয়া দ্রুতবেগে নীলাচল অভিযুখে যাত্রা করিলেন । শ্রীপাদ নিত্যানন্দ ও দামোদর পাণ্ডিত প্রভৃতি তাঁহার সঙ্গে চলিলেন । শ্রীপাদ অদ্বৈতাচার্য্য ও সীতামাতা আদি গৌর-বিরহে কান্দিতে কান্দিতে মুচ্ছিত হইয়া পড়িলেন । কীৰ্ত্তনানন্দ-মুখরিত শাস্তিপুর সহসা নীরব হইল, শাস্তিপুরের চাঁদের হাট সহসা ভাঙ্গিয়া গেল । নদীয়ার ভক্তগণ শ্রীকৃষ্ণচৈতন্তকে বিদায় দিয়া কাঁদিতে কাঁদিতে মুচ্ছিতা শচীমাতাকে লইয়া মবদীপে ফিরিয়া আসিলেন । সৰ্ব্বত্রই হাহাকার ও অবিরাম নয়ন-ধারা বহিয়া চলিল ।



শচীমাতার বিলাপ ।

মালিনী প্রভৃতি মহিলারা বহুযত্নে শচীদেবীর মুচ্ছা ভঙ্গ করিলেন । তিনি চেতনা পাইয়া দেখিলেন, তাঁহার পদতলে বউমা পড়িয়া রহিয়াছেন । শচীদেবী প্রিয়াজীর মুখের দিকে চাহিয়া দ্বিগুণ শোকবেগে অধীর হইয়া কাঁদিতে লাগিলেন । এমন কি আবার তাঁহার মুচ্ছা হইবার উপক্রম হইল । প্রিয়াজী তখন নিজের কথা ভুলিয়া গিয়া প্রভুর আদেশ স্মরণ করিলেন । প্রভু যে তাঁহাকে বলিয়াছিলেন “অমি কেবল তোমারই ভরসার মাকে রাখিয়া জীবোদ্ধারের জন্ত সন্ন্যাস লইতেছি, তুমি আমার হইয়া আমার মাকে দেখিওন”

প্রিয়াজী এই আদেশ স্মরণ করিয়া নিজের নয়নজল মুছিয়া মায়ের সম্মুখে বসিয়া বলিলেন,—“মা, আপনি আমার জন্ত ভাবিবেন না । আপনার চরণ-সেবার ভার আমার উপরে । আপনার চরণসেবা করিতে পারিলেই আমার হৃৎক্লেশ দূর হইবে । আপনি ধৈর্য্য ধরুন, শান্ত হউন ।”

বধুমাতার কথায় এবং তাঁহার মুখমণ্ডলের প্রসন্ন-গম্ভীর ভাব দেখিয়া শচীমাতা কোনরূপে নিজের মনকে প্রবোধ দিয়া উঠিয়া বসিলেন, বসিয়া বলিলেন—“মা, যাহা হইবার তাহা হইয়াছে, এখন আমার অধিক যাতনা কেবল তোমার কথা ভাবিয়া । তোমার এই কচি বয়স,”—এই কথা বলিতে বলিতে আবার শচীমাতা কাঁদিতে লাগিলেন ।

প্রিয়াজী নিজের অঞ্চলে তাঁহার চক্ষুর জল মুছাইয়া বলিলেন—
 “না, আপনার চরণাশীর্ষাদে আমি সকল দুঃখই সহিতে পারিব।
 আমি বুঝিয়াছি, এ দেহ কিছুই নয়, এ দেহের সুখও কিছুই নয়।
 আমার জন্ত আপনি ভাবিবেন না। তবে এক কথা এই যে
 আপনাকে অস্থির দেখিলে আমি স্থির থাকিতে পারিব না। আপনি
 আমার দিকে চাহিয়া স্থির থাকিবেন, আমি আপনার চরণের
 চিরদাসী, চিরদিন এই চরণসেবা করিব।”

প্রিয়াজী এমনভাবে এই কথাগুলি বলিলেন যে তাহাতে শটী-
 দেবী বিস্মিতা হইয়া বউনার মুখের দিকে চাহিয়া রহিলেন। শটী
 বলিলেন,—“মা লক্ষ্মী, আমার আবার সেবা কি ? তোমার মুখখানি
 প্রসন্ন দেখিলেই আমি স্থির থাকিব। তবে আপনার চক্ষু আমার
 বাধ্য নয়, চখের জলঝরা আমি নিবারণ করিতে পারিব না, উহা
 দেখিয়া তুমি সর্বদা ব্যস্ত হইও না। আমার দীর্ঘনিশ্বাসও থামাইতে
 পারিব না। কিন্তু তোমার মুখখানি মলিন দেখিলে আমার হৃদ-
 য়ের আগুন জলিয়া উঠিবে।”

প্রিয়াজী যদিও গৌরবিরহে অধীরভাবে বিলাপ করিতেছিলেন
 শান্তভীর আগমনে সে ভাব সংবরণ করিলেন। এইরূপে দিন
 যাইতে লাগিল।

প্রিয়াজীর যে কি দারুণ শঙ্কট পাঠকমাজেই তাহা বুঝিতে
 পারিতেছেন। শ্রীগৌর-বিরহে তাঁহার হৃদয় বিদীর্ণ হইতেছে অথচ
 শান্তভীর ভয়ে তাঁহার ফুকানিয়া কান্দিবার ঘো নাই, দীর্ঘনিশ্বাস
 ফেলিয়া হৃদয়ের তাপ বাহির করার উপায় নাই, নীরবে নয়নজল

মোচন করারও সাধ্য নাই । হৃদয়ের আশ্রয় হৃদয়ে চাপা দিয়া শান্তুড়ীর নিকট প্রিয়াজীকে প্রসন্নবদনে থাকিতে হইবে, কেননা তাঁহার মলিনমুখ দেখিলে শান্তুড়ীর হৃদয়ের আশ্রয় শতগুণবেগে ফলিয়া উঠিবে । শ্রীভগবানের মহাশক্তিময়ী কনকপ্রতিমা শ্রীশ্রীবিষ্ণুপ্রিয়া ভিন্ন জগতে এইরূপভাবে শোকের আশ্রয়ে সময়ে সময়ে প্রয়োজনমত চাপা দিয়া রাখিবার ক্ষমতা আর কাহারও নাই ।

শ্রীগোরাঙ্গের বিদায়ের পরে শচীমাতা অনেক সময়ই তন্দ্রাতে ব্যপন করিতেন, তন্দ্রাতে তাঁহার বিরহ-বোধ অনেক কম থাকিত । প্রায় সততই স্বপ্নে শ্রীগোরাঙ্গের দর্শন পাইতেন, যথা পদে :—

ভাকৈ ক্ষেদ বুক ' শ্রীগোরাঙ্গের চাঁদমুখ •

ভাবিতে শুইল শচীমায় ।

কনক কষিত তহু গৌরসুন্দর জহু

আচম্বিতে দরশন পায় ॥

মায়েরে দেখিল গোরা অরুণ নয়নে ধারা

চরণের ধূলি নিল শিরে ॥

সচকিতে উঠি মায় ধেয়ে কোলে করে তায়

ঝরঝর নয়নের নীরে ॥

হুঁ প্রেমে হুঁ কান্দে হুঁ পির নাহি বাধে

কহে মাতা গদ গদ ভাষে ।

“আকুল করিয়া মোরে ছাড়ি গেলা দেশান্তরে

প্রাণহীন,—তোমার হতাশে ॥

যে হউ সে হউ বাছা আর না যাইও কোথা
ঘরে বসি করহ কীৰ্ত্তন ।

শ্রীবাসাদি সহচর পরম বৈকুণ্ঠ বর,
কি ধরম সন্ন্যাস-করণ ॥”

এতেক কহিতে কথা জাগিলেন শচীমাতা
আর নাহি দেখিবারে পায় ।

ফুকরি কাঁদিয়া উঠে ধারা বহে ছই দিঠে
প্রেমদাস মরিয়া না যায় ॥

শোকাকুলা জননীর নিদ্রাতেই শান্তি,—স্বপ্নে স্থখ-সম্মিলন ; কিন্তু
জাগরণেই,—মরণ । শচীমাতারও এই দশাই ঘটিত ।

নিদ্রাভঙ্গে শচীমাতা নিশি অবশেষে—

কাঁদিয়া কাঁদিয়া কহে নিমাইর উদ্দেশে ॥

ছুখিনী মায়েরে যদি করিবি স্মরণ ।

দেখা দিয়া কেন তবে লুকালি বাপধন ॥

মরনে মরিয়া ছিন্ন হারাঞা বিশাই ।

তোরে পেয়ে প্রাণ পুন পাইলু নিমাই ॥

নিমাই পণ্ডিত সবে কহিত সংসারে ।

মাতৃবধ করাইতে কি পড়াইলু তোরে ॥

“বৃদ্ধকালে পালে, করে মৈলে পিণ্ডদান ।”

কামনা করয়ে লোকে এ লাগি সন্তান ॥

আমার কপাল-ক্রমে সব বিপরীত ।

সন্ন্যাসী হইলি বাছা এই কি উচিত ॥

সন্ন্যাসী হইলি তবু পাইতাম সুখ ।

দেখিতাম দিনান্তে যত্নপি তোর মুখ ॥

শচীদেবী কেবল নিজের হুঃখের জন্ত ব্যাকুল নহেন, বউমার জন্তই তাঁহার যত কিছু চিন্তা । তিনি তাই বলিতেছেন :—

“আমি যে মরিব বাছা তার নাহি দায় ।

অভাগিনী বিষ্ণুপ্রিয়ার কি হবে উপায় ॥

এ নব যৌবন বধূর জলন্ত আগুনি ।

জালি কিরে গেলি বাছা পোড়াতে জননী ॥

জগতের জীব লাগি পরাণ কাঁদিল ।

জননী গ্রহিণী তোর কি দোষ করিল ॥”

শচীর বিলাপ শুনি বৃক্ষপত্র ঝরে ।

পশুপাখী কাঁদে আর পাষণ বিদরে ॥

কাঁদিতে কাঁদিতে মাতা সম্বিত হারায় ।

তা দেখি মালিনী হুখে করে হায় হায় ॥

কি করিলে পোরাটাদ কহে প্রেমদাস ।

মাছুহত্যা করিতে কি লইলা সন্ন্যাস ॥

শচীমাতার রোদনে সেখানে মালিনী উপস্থিত হইলেন । মালিনীকে দেখিয়া শচীমাতা স্বপ্নের বিবরণ বলিতে লাগিলেন :—

তুনলো মালিনী সই হুখের বিবরণ ।

আজ্জুকার নিশিণেষে, নিদারুণ নিদ্রাবেশে

দেখিয়াছি সুখের স্বপন ॥

যেন বহুদিন পরে আমারে মনেতে কৈরে
মা বলি আসিয়াছিল নিমাই রতন ।

কিন্তু যেই মেলিলু আঁখি আচম্বিতে চেয়ে দেখি
প্রাণের নিমাই মোর হৈল অদর্শন ॥

নাই সে চাঁচর কেশ অস্থি-চন্দ্র অবশেষ
বহির্কাস কোপীন পিকনে ।

ধুলায় সে অঙ্গ-ভরা যেমন পাগল পারা
প্রেমধারা বহে ছনমনে ॥

হারা হৈয়া বিশাই পাইলু সোণার নিমাই
পূর্ব দুখ ছিলু পাসিরয়া ।

কিন্তু হৈল সর্বনাশ কৈল নিমাই সন্ন্যাস
রাখি ঘরে বধু বিষ্ণুপ্রিয়া ॥

এ পূর্ণ যৌবন তার যেন জলন্ত অঙ্গার
তাহা লইয়া সদা করি বাস ।

বিনে প্রাণের নিমাই মা বলিতে কেহ নাই
শুনি ঝরে এ বল্লভদাস ॥

শচীদেবী মালিনীকে পাইয়া অপর একদিন আবার স্বপ্নের কথা
বলিতেছেন :—

আজিকার স্বপ্নের কথা শুনলো মালিনী সহ
নিমাই আসিয়াছিল ঘরে ।

আঙ্গিনাতে দাঁড়াইয়া গৃহপানে নেহারিয়া
 মা বলিয়া ডাকিল আমারে ॥
 ঘরেতে শুইয়াছিলাম অচেতনে বাহির হৈলাম
 নিমাইর গলার সারা পাইয়া । •
 আমার চরণের ধূলি নিল নিমাই শিরে তুলি
 পুন কাঁদে গলাটি ধরিয়া ॥
 “তোমার প্রেমের বশে ফিরি আমি দেশে দেশে
 রহিতে নারিলাম নীলাচলে । •
 তোমারে দেখিবার তরে আসিলাম নদেপুরে”
 কান্দিতে কান্দিতে ইহা বলে ॥
 “আইস মোর বাছা” বলি হিয়ার মাঝারে তুলি
 হেনকালে নিদ্রাভঙ্গ হৈল ।
 পুন না দেখিয়া তারে পরাণ কেমন করে
 কান্দিয়া রজনী পোহাইল ॥
 সেই হ’তে প্রাণ কান্দে হিয়াখির নাহি বাঁধে
 কি করিব कहগো উপায় ।
 বাসুদেব ঘোষ কন গৌরাক্স তোমারি হন
 নহিলে কি দেখা পাও তার ॥

শচীদেবী বধুমাতার মনের দিকে চাহিয়া মনের শোক মনে চাপা
 দিয়া রাখিতে চেষ্টা করিতেন, কিন্তু প্রায়শই তাঁহার সে চেষ্টা
 বিফল হইত । তিনি হৃদয়ের দ্বার উদ্বারিয়া বিনাইয়া বিনাইয়া

পুত্র-বিরহে কান্দিতে কান্দিতে অঝোরনয়নে ঝুরিতেন, আর দিবা-
 নিশি “নিমাই নিমাই” বলিয়া হাহাকার করিতেন। বংশীবদন
 সততই শচীদেবী ও বিষ্ণুপ্রিয়ায় নিকটে থাকিয়া তাঁহাদের সেবা
 করিতেন। শচীদেবীর মর্ম্মের কথা এই বংশীবদন একটি পদে
 এইরূপ লিখিয়াছেন :—

“আর না হেরিব প্রসন্ন কপালে
অলকা তিলকা কাচ ।

আর না হেরিব সোণার কমনে
নয়ন ধুঁসন নাচ ॥

আর না নাচিবে শ্রীবাস মন্দিরে
সকল ভকত লৈয়া ।

আর না নাচিবে আপনার ঘরে
আর না দেখিব যাঞা ॥

আর কি হু-ভাই নিমাই নিতাই
নাচিবেন এক ঠাঞি ।

নিমাই বলিয়া ফুকারি সদান্ন
নিমাই কোথাও নাই ॥

নিদ্রা কেশব— ভারতী আসিয়া
মাধব পাড়িল বাজ ।

শৌর্য্য স্মরণে না দেখি কেমনে
 রহিব নদীয়া মাঝ ॥

কেবা হেন জন আনিবে এখন

আমার গৌরব রায় ।

শাশুড়ী বধূর রোদন শুনিয়া

বংশী গড়াগড়ি যায় ॥”

শচীমাতা ধৈর্য্য ধরিয়া শোক সংবরণ করিতে চেষ্টা করিতেন, কিন্তু
তঁাহার হৃদয় থাকিয়া থাকিয়া এমন ছটফট করিয়া উঠিত যে
অমনি তখন আকুলি বিকুলি করিয়া রোদন করিতেন । বাস্তব-
ঘোষের একটি পদে এই ভাব প্রকাশ পাইয়াছে যথা :—

আমার নিমাই গেলরে,—কেমন করে প্রাণ ।

তুলসীর মালা হাতে যায় নিমাই ভারতীর সাথে

যারে দেখে তারে নিমাই বিলায় হরি নাম ।

কান্দে বধু বিকুপ্রিয়া ধূলায় অঙ্গ আছাড়িয়া

কেমনে দড়াবে হিয়া, না হেরে বয়ান ।

বাসুদেব ঘোষের বাণী শুন শচী ঠাকুরাণী

জীব নিস্তারিতে ভ্রাসী হলেন—ভগবান্ ।

শচীমাতার ব্যাকুলতাময় বিলাপে পাষণ গলিয়া যায় । শচীর
শোকে ব্যথিত হইয়া, তঁাহার প্রাণে প্রাণ মিশাইয়া শত শত কবি
শচীর যাতনাময় বিলাপ-পদ রচনা করিয়া গিয়াছেন । এখনও
বাল্মীকির পল্লীতে পল্লীতে সেই করুণরসাত্মক বিলাপের মর্দ-
বিদারক রোদনধ্বনি সঙ্গীতের আকারে প্রবাহিত হইতেছে ।
এস্থলে উহার আভাস দেওয়া হইল মাত্র ।

শ্রীগোরাঙ্গসুন্দরের বিরহে নদীয়ার ভক্তগণ শোকে-হুঃখে কি
প্রকার মর্দ্যাহত হইয়াছিলেন মহাজনো পদে তাহারও আভাস
দেখিতে পাওয়া যায় ।*

* ১। গোরা গুণে প্রাণ কাদে কি বৃদ্ধি করিব ।
গোরাঙ্গ গুণের নিধি কোথা গেল পাব ॥
কে আর করিবে দয়া পণ্ডিত দোখিয়া ।
ছন্নভ হরির নাম কে দিবে যাঁচিয়া ॥
আকিঞ্চন দেখি কেবা উঠিবে কান্দিয়া ।
গোরাবিহু শূন্য হৈল সকল নদীয়া ॥
বাহুদেব ঘোষ কান্দে গুণ সোড়রিয়া ।
কেমনে রহিবে প্রাণ গোরা না দেখিয়া ॥

২। কোথা গেল গোরাচাঁদ নদীয়া ছাড়িয়া ।
মরয়ে ভক্ততগণ তোমা না দেখিয়া ॥
কীর্তন বিলাস আদি যে করিয়া হুখ ।
সোড়রি সোড়রি স্তম্ভর বিদরয়ে বুক ॥
নদীয়ার লোক সব কাতর হইয়া ।
চট্‌ফট করে প্রাণ তোমা না দেখিয়া ॥
কহয়ে পরমানন্দ যন্তে তুণ ধরি ।
এবার নদীয়া চল প্রভু গোরহরি ॥

৩। কতদিনে হেরব গোরাচাঁদের মূখ ।
কবে মোর মনের মটব সব দুখ ॥
কত দিনে গোরা পহঁ করবহি কোর ।
কত দিনে সদয় হইবে বিধি মোর ॥
কত দিন শ্রবণে হইবে শুভ দিন ।
চাঁদমুখের বচন শুনিব নিশিদিন ॥
বাহুদোষ কহে গোরা গুণ সোড়রিয়া ।
করয়ে নদীয়ার লোক গোরা না দেখিয়া ॥

বিরহিণী বিষ্ণুপ্রিয়া ।

(১)

ভুবন-মঙ্গলা ত্রীত্রীবিষ্ণুপ্রিয়ার তব ত্রীগৌরলীলার এক গুঢ় গভীর রহস্য । মহামুভব ভক্তগণ এ সম্বন্ধে আপন আপন সাধনায় যাহা কিছু অমুভব করিয়া গিয়াছেন, তাহার তাহা তাঁহার ব্যক্ত করিয়া যান নাই । কাজেই আমাদের উহার বিন্দুমাত্রও জানিবার সুবিধা নাই । ত্রীত্রীগৌর ভগবান্ যে প্রেতভক্তি জগতে প্রকট করেন, ত্রীত্রীপ্রিয়াজীর সহিত সেই ভক্তির কি গুঢ় গভীর সম্বন্ধ, লীলা লেখকগণ জীব-জগতে তাহার আভাস প্রকাশ করেন নাই । সম্ভবতঃ আমাদের জ্ঞান পতিত পাষণ্ড জড়বুদ্ধি ব্যক্তিদিগের নিকট সে রহস্য প্রকাশযোগ্য নহে বলিয়াই মহামুভবগণ তাহা গোপন রাখিয়া গিয়াছেন । নিষ্ঠাবান্ ভক্তগণের সাধনাসিদ্ধ হৃদয়ে এখনও হয়তো সে রহস্য প্রকটিত হয়, এখনও হয়তো নিষ্ঠাবান্ গৌরভক্তগণ সেই সুধা-ধারার প্রেমভক্তি লাভের বিপুল শক্তি সঞ্চয় করেন ।

ত্রীগৌরান্দ-লীলা বিরহ-রসময়ী । গয়াক্ষেত্র হইতে প্রত্যাবর্তনের পর এই বিরহ-রস ক্রমেই পরিফুট হয় । ত্রীরাধার বিরহ-ভাব ত্রীগৌরান্দে ক্রমশই অভিব্যক্ত হয় । গম্ভীরা-মন্দিরে ত্রীগৌরান্দ এক-বারেই ত্রীরাধাভাবের মূর্তি । জগন্নাথ ত্রীবিষ্ণুপ্রিয়া গৌর-বিরহে যে ভাবে ত্রীগৌরান্দ-চরণ চিন্তা করিতেন, তাহা এক গভীর রহস্যময়

ব্যাপার। আমাদের মনে হয় সে ভাব, সত্যভামার ভাব নহে, শ্রীরাধিকার ভাবও নহে। প্রিয়াজীর গূঢ়গভীর বিরহ-বিধুরতায় যে জীব-মঙ্গলদায়িনী শক্তি প্রকাশ পায়, কোথাও তাহার তুলনা নাই। শ্রীগৌরলীলা বৃত্তিতে হইলে এই লীলার মূলশক্তি শ্রীশ্রীপ্রিয়াজীর প্রগাঢ় ভাবের ধ্যান-ধারণার অল্পসন্ধান করা আবশ্যিক। তাই, গোড়ীয় বৈষ্ণব সাধকগণ চিরদিনই অতি গূঢ়ভাবে জগন্মাতা শ্রীশ্রীবিষ্ণুপ্রিয়ার পদাশ্রয় গ্রহণ করেন।

আমরা অতি দীন ও ভজনহীন, কিছু তথাপি মনে সাধ হয় শ্রীশ্রীবিষ্ণুপ্রিয়ার শ্রীপাদপদ্মের শরণ লই; শরণ লইয়া বলি,— “মা, এ দীনহীন অযোগ্য সন্তানের প্রতি দয়া কর। দয়াময়ী মা একবার তোমার ঐ রাক্ষা চরণ দুইখানি এই মহাপাতকীর মাথায় তুলিয়া দাও। জ্ঞানে তোমার জানিতে পাইব না, অল্পসন্ধানে সে আশা নাই, তোমার তত্ত্ব জানিতে স্বয়ং ব্রহ্মা যাহা পারেন নাই, মুনীন্দ্র যোগীন্দ্রগণ যাহা পারেন নাই, এ অসাধু পাষণ্ডের সে প্রয়াসে কোনও লাভের আশা নাই। মা দয়াময়ী, মা শ্রীশ্রীগৌরবল্লভা, পাতকী-তারণের জন্তই তোমার আবির্ভাব। তুমিই দয়া করিয়া আপন প্রাণবল্লভকে জগতের পাপি-তাপীর উদ্ধারের জন্ত সন্ন্যাসিবেশ ধারণ করিতে প্রসন্ন চিত্তে অল্পমতি দিয়াছিলে। মা, তোমার সেই বিরহবিধুরা মূর্তিখানি ভক্তহৃদয়ে অতি ক্লেশকর, সম্ভবতঃ সেইজন্তই সে কথা লীলা লেখকগণ বিস্তারিতরূপে বলেন নাই। তোমার যে রূপ তাঁহাদের প্রাণারাম ও নয়ন-তৃপ্তিকর, তাঁহারা তোমার সেই রূপের বিষয়েই বর্ণনা করিয়া-

ছেন, তাহাই ভক্তগণের ধ্যানের বিষয়। শক্তি দাও, যেন সেই মাধুর্য্য-সিদ্ধুর কণামাত্রও আন্বাদন করিতে পারি—শক্তি, দাও তোমার জীবনিস্তারিণী বিরহ-বিধুরা মূর্তিখানিও যেন একবার ধ্যান করিয়া লইতে পারি।

শ্রীশ্রীপ্রিয়াজীৱ নিদারুণ গোর-বিরহ বর্ণনার পূর্বে এ স্থলে তাঁহার চরিতামৃত সম্বন্ধে ছই একটি কথা সংক্ষেপে বলা প্রয়োজনীয়।

মহালক্ষ্মী শ্রীশ্রীবিষ্ণুপ্রিয়া গৃহধর্ম্মের ও পাতিভ্রাত্যধর্ম্মের আদর্শ ছিলেন। একান্ত পতিব্রতা রমণীগণও তাঁহার কথা উল্লেখ করিয়া অপরা রমণীগণকে পাতিব্রত্যা ধর্ম্মের উপদেশ দিতেন। শ্রীশ্রীবিষ্ণুপ্রিয়া দেবীর বহিরঙ্গ ভাব নারীধর্ম্মের প্রকৃত আদর্শ ছিল। আমাদের শাস্ত্রাদিতে স্ত্রীলোকদের যে সকল সদ্বশুণের কথা আছে, প্রিয়াজীতে সেই সকল সদ্বশুণ পূর্ণ মাত্রায় বিকাশ প্রাপ্ত হইয়াছিল। শ্রীগোরাঙ্গসুন্দর যে কতিপয় দিবস গার্হস্থ্য ধর্ম্ম পালন করিয়াছিলেন, সেই সময়ে প্রত্যেক দেবতাস্বরূপিণী মাতার স্নেহে ও পতিব্রতা পত্নীর প্রেমে তাঁহার সংসার আদর্শ সংসাররূপে পরিণত হইয়াছিল,—ধনে মানে যশে গোরবেও নদীয়াবাসিমাঝেরই আদর্শ স্থানীয় হইয়া উঠিয়াছিল।

শ্রীপাদ মুরারি শুণ্ড এই সময়ে তাঁহার নিত্যসহচর ছিলেন। তিনি তাঁহার প্রত্যেক কার্য্য সবিশেষ মনোযোগের সহিত দর্শন করিতেন, বিচার করিতেন, এবং প্রতি পদেই তাঁহার ভাবগতি দেখিয়া বিস্মিত হইতেন। শ্রীগোরাঙ্গের ভগবন্তায় কতবার মুরারির

মনে মনেহ আসিত । তিনি সন্মোহের চক্ষে শ্রীগৌরান্দের গার্হস্থ্য শ্রমের কার্যাবলী বিচার করিতে বাইরা অবশেষে শ্রীগৌরান্দের কৃপায় তাহাতেও ভগবত্তা দেখিতে পাইলেন । এই মুরাতি গুপ্ত মহোদয় মহাপ্রভুর গার্হস্থ্য লীলার যে আভাস দিয়াছেন, তাহার বর্ণন এইরূপ :—“রসপূর্ণ রসিকশেখর কনকগৌর শ্রীগৌরানন্দনন্দন সৌন্দর্য্য মাধুর্য্য-বিলাস-বিভ্রমে বিরাজ করিতেন, শ্রীশ্রীবিষ্ণুপ্রিয়া দেবী নিরন্তর তাঁহার পাদপদ্মের সেবা করিতেন ।” গৃহী ভক্তগণের এই শ্রীমুর্তিযুগলই উপাস্ত ও ধ্যেয় ।

শ্রীভগবানের প্রত্যেক লীলাই জীব-শিক্ষার নিমিত্ত । তাঁহার এই গার্হস্থ্য-লীলাও গৃহস্থ মাত্রেরই নিরতিশয় শিক্ষাপ্রদ । কিন্তু তাঁহারই অংশ শ্রীরামচন্দ্র, এই গার্হস্থ্য-লীলার পুষ্টিসাধন করিয়াছেন । শ্রীশ্রীবিষ্ণুপ্রিয়া দেবীর অংশরূপিণী জগৎলক্ষ্মী সীতাদেবী পাতিব্রত্যা ধর্ম্মের আদর্শ জগতের মহিলাকুলের সমক্ষে প্রকটি করিয়া গিয়াছেন । কিন্তু ইহা সত্ত্বেও যখন স্বয়ং ভগবান্ স্বীয় শক্তিসহকারে জগতে অবতীর্ণ হইলেন, তখন তাঁহার অংশসমূহ অবশ্যই তাঁহার মধ্যে বিরাজ থাকেন, এবং অংশাদির কার্যও স্বয়ং ভগবান্ দ্বারা প্রকাশ পায় । কিন্তু ভূভার-হরণ, অম্বর

* সৌন্দর্য্য-মাধুর্য্য-বিলাস-বিভ্রমৈঃ

রম্যাজমাজবরহেনগৌরঃ ।

• বিষ্ণুপ্রিয়া-লালিত-পাদপদ্মোঃ

• রসেন পূর্ণো রসিকেন্দ্রমৌলিঃ ।

সংহার বা গার্হস্থ্য ধর্ম প্রকটন, স্বয়ং ভগবানের কার্য্য নহে। জীবগণের হৃদয়ে প্রেমভক্তির বীজ অঙ্কুরিত করা ও ভক্তিলতার বিকাশ সাধন করাই তাঁহার অবতারের প্রধানতম উদ্দেশ্য । এই কার্য্য অংশ দ্বারা নিষ্পন্ন হয় না । আবার অপর পক্ষে অংশকলা দ্বারা যে সকল কার্য্য সম্পন্ন হয়, স্বয়ং ভগবানের অকতবুণে আনুসঙ্গিক ভাবে সেই সকল কার্য্য সম্পন্ন হইয়া থাকে । কিন্তু স্বয়ং ভগবানের অবতরণে যাহা প্রধানতম প্রয়োজন, তাঁহার লীলায় সেই ভাবটাই মুখ্যতমরূপে প্রকাশ পাইয়া থাকে, অপরাপর ভাব আনুসঙ্গিক ভাবে পরিলক্ষিত হয় ।

সেইজন্তু ত্রীগোরাঙ্গ-লীলায় আমরা গার্হস্থ্যধর্মের প্রকটন মুখ্যভাবে দেখিতে পাই না । ত্রীগোরাঙ্গ-লীলার মুখ্যভাব,—প্রেম-প্রকটন । ইহা স্বয়ং ভগবানের কার্য্য । অংশকলা দ্বারা এই কার্য্য সাধিত হইতে পারে না । ত্রীকৃষ্ণ লীলাতেও অম্বর-সংহার, গার্হস্থ্য ধর্ম-প্রকটন, ভূভার হরণ ও প্রেমলীলা পরিলক্ষিত হয় । কিন্তু ত্রীভগবান্ গোরা-লীলায় যেরূপ প্রেম-প্রকটন করিয়াছেন, কৃষ্ণ লীলাতে সেইরূপ করেন নাই, তখন কেবল স্বীয় ফ্লাদিনী-শক্তি-গণের মধ্যেই মুখ্য ভাবে তাঁহার প্রেম প্রকটিত হইয়াছিল । তিনি তখন সর্ব্বত্র উদার ভাবে প্রেম-প্রকটন করেন নাই । ত্রীগোরাঙ্গ-লীলায় সর্ব্বত্রই প্রেম-প্রকটনই অতি মুখ্য উদ্দেশ্য । কাজেই এই লীলায় গার্হস্থ্যধর্ম-প্রদর্শনে তেমন স্ফুর্তি দেখিতে পাওয়া যায় না । তিনি গার্হস্থ্য ধর্ম আচরণ করিয়া গিয়াছেন ইহা অতি সত্য । কিন্তু রামলীলায় যেমন গার্হস্থ্য ধর্ম শিক্ষা-

দানই প্রধানতম, গৌরলীলার গার্হস্থ্য ধর্মের তেমন প্রাধান্ত বর্ণিত হয় নাই। প্রেমভক্তি-বিতরণই এ লীলার সার সর্বস্ব। তাই পূজ্যপাদ লীলা-লেখকগণ এই লীলার মুখ্যভাবে গার্হস্থ্য ধর্মের আলোচনা করেন নাই।

কিন্তু শ্রীবিষ্ণুপ্রিয়ার পাতিব্রাত্য-ধর্ম, সীতাদেবীর পাতিব্রাত্য-ধর্ম হইতেও অধিকতর কঠোর, অধিকতর গভীরও অধিকতর ঘনীভূত। সীতাদেবী বনে যাইয়াও প্রত্যক্ষ ভাবে রঘুবরের চরণ সেবা করিতে পারিয়াছিলেন, তাহাতে বনবাসের ক্লেশ তাঁহার নিকট ক্লেশ বলিয়াই মনে হয় নাই। নির্দাসন-কালেও সন্তান-পালনে তাঁহার চিত্ত আকৃষ্ট থাকিত।

কিন্তু শ্রীশ্রীপ্রিয়াজীর প্রাণবল্লভ গৃহে থাকিয়াও অধিকাংশ সময়ে তাঁহার নয়নের অন্তরালে বিরাজ করিতেন, ছাত্রগণের সঙ্গে ও ভক্তগণের সঙ্গে তাঁহার দিন রজনী অতিবাহিত হইত। আরও একটা কথা এই যে,—রাজা রামচন্দ্র সীতাদেবীকে বনে দিলেন, রামহীন হইয়া সীতাদেবী বনবাসিনী হইলেন। পতিবিরহে তাঁহার মর্ম ছিড়িয়া যাইতে লাগিল, তথাপি বনবাসে তাঁহার মনে এ স্মৃতি ছিল যে, তাঁহার পতি অযোধ্যার রাজা তিনি রাজস্ব উপভোগ করিতেছেন, এখন আর তাঁহার প্রাণবল্লভের বনবাসের কষ্ট নাই। সীতা মনে করিতেন, “আমি বনে যেমনই থাকি,—থাকিব। কিন্তু আমার প্রাণবল্লভের তো কোন কষ্ট নাই। তিনি অযোধ্যার রাজা, রাজপদে সমাসীন, আমাকে বনে দিয়াও তিনি যে প্রজার মনোরঞ্জন করিতে পারিয়া আত্মপ্রসাদ

লাভ করিতে পারিয়াছেন ইহাই আমার পরম সুখ—আমি দারুণ বিরহের আশুনে জলিয়া মরিলেও আমার প্রাণবল্লভের সুখের কথা স্মরণ করিলেই আমার সকল দুঃখ দূরে যায় ।” সীতাদেবীর মনে এই এক শান্তি ছিল ।

কিন্তু ত্রীত্রীপ্রিয়াজীর বিরহ অতি কঠোর, অতি ভয়ঙ্কর । ত্রীগোরসুন্দর চাঁচর চুল মুড়াইয়া সন্ন্যাসী হইলেন, কোপীন পড়িলেন, হাতে করঙ্গ লইয়া পথের ভিখারী হইলেন,—প্রবল মাঘের শীত সেই সুকোমল দেহের উপর দিয়া বহিয়া চলিল, তাঁহার গায়ে একখানি কাণি নাই, বিষ্ণুপ্রিয়া ঘরে বসিয়া প্রভুর কথা ভাবিতে লাগিলেন, “আমি ঘরে রহিয়াছি, আর আমার প্রাণবল্লভ এখন পাগলের হ্রাস নগ্নদেহে পথে পথে বেড়াইতেছেন,—না হয়ত গাছের তলে পড়িয়া রহিয়াছেন, আমার চিন্ত কি কঠিন, যে এখনও উহা বিদীর্ণ হইতেছে না । আমি ঘরে বসিয়া যথাসময়ে পেটের ক্ষুধার শান্তি করিতেছি, আর আমার প্রাণের প্রাণ কোপীন পড়িয়া করঙ্গ লইয়া ভিখারীর বেশে ভ্রমণ করিতেছেন ।”

এইরূপ বিরহের ভীষণতম ছবি হৃদয়ে লইয়া ত্রীবিষ্ণুপ্রিয়া-দেবীকে গৃহে বাস করিতে হইয়াছিল । সীতা বনে প্রেরিতা হইয়া বনবাসিনী হইয়াছিলেন, ত্রীবিষ্ণুপ্রিয়া গৃহে থাকিয়াও তদপেক্ষা বহুশুণ অধিকতর কষ্ট সহ করিয়াছিলেন । স্মৃতরাং সীতা অপেক্ষাও বিষ্ণুপ্রিয়ার অধিকতর সংযম-শক্তি পরিলক্ষিত হয় ।

ত্রীবৃন্দাবনে আমরা বিরহ-বিধুরা ত্রীমতীর ব্যাকুলতাময়ী

প্রতিচ্ছবি দেখিয়া স্তম্ভিত হই। তিনি কৃষ্ণপ্রেমে উন্মাদিনী হইয়াছিলেন, তাঁহাকে কৃষ্ণপ্রেমের প্রবলতম আবেগে সকল ধর্ম ত্যাগ করিতে হইয়াছিল। তিনি ঘৃণা, লজ্জা, লোক-কলঙ্কভয়-এমন কি সতীর ধর্ম পর্য্যন্ত ত্যাগ করিবার পথ পাইয়াছিলেন। তীব্র রোদনে, আকুলতাময় ভাবোচ্ছ্বাসে তাঁহার বিরহ-বেদনা বাহির হইবার পথ পাইত, কিন্তু শ্রীবিষ্ণুপ্রিয়ার বিরহ-বেদনা বাহির হইবার পথ ছিল না। ঘরে বৃদ্ধা স্বশ্রমাতা, প্রিয়াজী গৌরবিরহে কিঞ্চিন্নাত্র ব্যাকুলতা দেখালেই বৃদ্ধা শচীমাতা মুচ্ছিতা হইয়া পড়িতেন, তাঁহার প্রাণের আশঙ্কা উপস্থিত হইত। প্রিয়াজী মনের বেদনা মনে চাপা দিয়া বৃদ্ধা শান্তদীর সেবা করিতেন। তিনি কুলবধু,—ঘরের বাহির হইয়া কাহারও সহিত ছুঃখের ছুইটা কথা বলিয়া মনের ভাব লঘু করিতে পারিতেন না, মনের ছুঃখ মনে লইয়া গুমরিয়া মরিতেন, বিরহের আগুন ঘনীভূত হইয়া হৃদয়ে জলিত, অনন্ত তাপের সৃষ্টি করিত, কিন্তু সে তাপ-বিকিরণের কোনও উপায় ছিল না,—উচ্চ আর্দ্রনাদ ছিল না,—হাহাকার ছিল না,—শ্রীমতীর স্থায় ব্যাকুলতাময় ভাবোচ্ছ্বাস ছিল না, স্মৃতরাং ভিতরের আলা বাহির হওয়ার পথ পাইত না। যুগযুগান্ত সঙ্কিত-ভূগর্ভস্থ তাপ,—ভূকম্পনে ও আগ্নেয়গিরি-উৎপাদনে বাহির হইয়া পড়ে। এইরূপে সর্বসংসার বহুমতীও নিজের আভ্যন্তরীণ তাপ বাহিরে চালিয়া দিয়া তাপভার লঘুতর করেন, কিন্তু শ্রীশ্রীপ্রিয়াজী বহুমতী হইতেও অধিকতর সর্বসংসার—তাঁহাতে শোক-বিরহের ভূকম্পন পরিলক্ষিত হইত না, আগ্নেয়গিরির স্থায় আগাময়

হা-হতাশও বাহিরে প্রকাশ হইত না। তিনি নীরবে নীরবে শ্রীগোরাঙ্গ-বিরহের মহানল হৃদয়ে ধারণ করিতেন। তাঁহার শক্তি অনন্তশূণ্যে মহিয়সী। এইরূপ অনন্ত গভীর শক্তি-সংযম, মহীয়সী মহাশক্তি ভিন্ন অতীত সম্ভবপর নহে। শ্রীশ্রীবিষ্ণুপ্রিয়ার মহামহা-শক্তি বাস্তবিকই মহাবিগ্ণেরও জ্ঞানের হ্রস্বগম্যা। জড়াদম। আমরা আর কি বুঝিব ?

প্রেমময় প্রাণবল্লভের সম্যাসের পর হইতে প্রিয়াজীর হৃদয়ে দিবানিশি যে বিরহ আগুন জলিয়া জলিয়া সেই লোনার লতাকে নীরবে নীরবে দক্ষ করিতেছিল, মাহুঘের হৃদয়ে সে যাতনার কোটি অংশের এক অংশও অনুভব করিতে পারে না, মাহুঘের ভাষায় তাঁহার সে বিরহ-যাতনা-সমুদ্রের একবিন্দুও প্রকাশ পাইতে পারে না। অসীম অনন্তমরুর অনন্ত ধূ-ধূময় নিদারুণ ভাব কে কবে ধারণা করিতে পারে,—কেই বা উহার অনন্ত আলাময় ভাব ভাষায় প্রকাশ করিতে সমর্থ হয় ?

কোমলপ্রাণ লীলা লেখকগণ শ্রিয়াজীর বিরহকাহিনী গোপন রাখিয়াছেন,—তাঁহারা সেই ভীষণ মরুর নিদারুণ চিত্র পাঠকগণের সমক্ষে প্রকাশ করিতে সাহস করেন নাই। উহা বাস্তবিকই মাহুঘের অসহ্য। হুই একটা পদকর্তা শ্রিয়াজীর বিরহ-তাপের লেশাভাস হৃদয়ে ধারণা করিয়া আলাময়ী ভাষায় তাহা প্রকাশ করিতে প্রয়াস পাইয়াছেন, তাহা পাঠ করিয়াই আমরা দিগ্ধ অধীর ও আকুল হইতে হয়—সে অনন্তমরুর লেশাভাস মনে করিতে গেলেই হৃদয় ব্যাকুল ও অধীর হইয়া উঠে ।

কিন্তু এই নিদারুণ করুণরস অসহনীয় হইলেও উহা জীবের পক্ষে মহা উপকারী । প্রিয়াজীর বিরহ-তাপ দ্বারাই দয়াময় মহা-প্রভু জীবের লৌহ-কঠিন হৃদয়কে দ্রবীভূত করিয়া ভগবৎপ্রেমের উপযোগী করিয়া তোলেন । লৌহ অতি কঠিন দ্রব্য । উহাকে কোমল ও তরল করিতে হইলে সাধারণ তাপে সে উদ্দেশ্য সিদ্ধ হয় না । প্রবল সস্তাপের প্রয়োজন । সেইরূপ অতি পাষণ্ডী পতিত জীবের কঠিন হৃদয়েও প্রেমাস্কুর বপন করিতে হইলে অতি তীব্র করুণরসে কঠোরতম জীবদহয়কে কোমল করা প্রয়োজনীয় । শ্রীশ্রীবিষ্ণুপ্রিয়ার বিরহ, ভক্ত-পাঠকগণের অসহ্য হইলেও জীবের মঙ্গলসাধনার্থ উহা একান্ত উপযোগী । জীবের ভগবদ্বিশ্রবণ ও ভগবদ্বিমুখতাই প্রিয়াজীর এই নিদারুণ মহাবিরহের এক প্রধানতম কারণ । এই গভীর বিরহ-সস্তাপের আভাসমাত্রও প্রকাশ করা অসম্ভব । আমরা এস্থলে কোন কোন মহাজনের কতিপয় পদ অবলম্বন করিয়াই এ সম্বন্ধে দুই একটি কথা বলিব ।

২

শুভ বিবাহের রাজিতে প্রিয়াজীর পায় যখন উছট লাগে, তখনই তিনি ঘোর অমঙ্গলের আশঙ্কা করিয়াছিলেন, এই শুভ মিলনে যে কত বিষয় বিপদ আছে সেই মুহূর্ত্তেই প্রিয়াজী তাহা মনে করিয়া অধীর হইয়া ছিলেন । কিন্তু পরম প্রেমিক গৌর-সুন্দর শ্রীশ্রীপ্রিয়াজীর কর্তমান অমঙ্গল আশঙ্কায় সাহসনা দিয়া তাহাকে

হিস্র করিলেন । তাহার পর গয়াধাম হইতে প্রত্যাগমনের পর শ্রীগোরাঙ্গের যে অকস্মাৎ পরিবর্তন ঘটিল, দেবী তাহা দেখিয়া অতিমাত্রায় আশঙ্কিত হইলেন । তাঁহার প্রাণবল্লভ দিবানিশি রোদন করেন । তাঁহার মুখখানি শুষ্ক পদ্মের ত্রায় বিমলিন, তিনি সততই ভক্তগণ সঙ্গে দিনযামিনী কৃষ্ণ-নামে ও কৃষ্ণ-কীর্তনে মগ্ন থাকেন, হাহাকাঁর করিয়া রোদন করেন, ধূলায় গড়াগড়ি দেন, তাঁহার সোনার অঙ্গ ধূলায় সততই ধূসরিত থাকে । তিনি কথা বলিতে গেলেও তাঁহার প্রাণবল্লভ তাঁহার মুখের দিকে ঢল ঢল ভাবে চাহিয়া কেবল রোদন করেন, কোন কথার উত্তর করেন না, কেবল বলেন,—“আমার কি হইল বলিতে পারি না, আমি আমার বশে নাই । এ সংসার আমার নিকট বিষের মত বোধ হইতেছে, হরিনামভিন্ন আর কিছুতেই আমার প্রাণের জালা শান্ত হয় না ।”

এইরূপ ছুই এক কথা বলিয়াই প্রভু ঘরের বাহির হইয়া পড়েন । প্রিয়ঙ্গী এই এই সকল ভাব দেখিয়াই বুঝিতে লাগিলেন, এই নবযৌবনে এই দেবছল্লভ ভুবনমোহন পরমসুন্দর পরম-প্রেমিক স্বামীর স্মৃতিময় সঙ্গ বুঝি তাঁহার ভাগ্যে নাই । তিনি নীরবে মনের ছুঃখ মনে চাপা দিয়া দিনযামিনী ছুঃখে ছুঃখে যাপন করিতেন । কিন্তু তখনও তিনি একবার নিরাশ হয়েন নাই, তখনও তাঁহার এরূপ মনে হয় নাই যে তাঁহার প্রেমময় স্বামী তাঁহাকে ছাড়িয়া সন্ন্যাসী হইবেন,—সন্ন্যাসী হইয়া একবারে নদীয়া ছাড়িয়া চিরদিনের তরে তাঁহার নয়নের মণি, তাঁহার

নয়নের অন্তরাল হইবেন, নদীয়া আন্ধার করিবেন, আর তাঁহাকে সেই হুঃখের ভীষণ আঁধার পাথারে ভাসাইয়া দিয়া চলিয়া যাইবেন ।

সন্ধ্যাস গ্রহণের কতিপয় দিবস পূর্বে শ্রীগৌরান্ধসুন্দর সংসারে মন দিলেন । তখন সকলেরই মনে হইল, প্রভুর চিত্ত বুঝি শান্ত হইল, আর বুঝি তিনি ঘরের বাহির হইবেন না । প্রিয়াজীর হৃদয়েও ঋণিকের তরে এই শান্তি দেখা দিল । কিন্তু ইহাতেও তিনি নিশ্চিন্ত হইলেন না । ভাবী বিপদ অতর্কিতভাবে প্রিয়জনের হৃদয়ে নীরবে উহার ভীষণ ছায়া বিস্তার করে । প্রিয়াজী এই হুঃখের দিনেও মধ্যে মধ্যে শ্রীগৌর-বিরহের আশঙ্কায় অধীর হইতেন ।

শ্রীগৌরান্ধসুন্দর যখন প্রিয়াজীকে ভরপুর মিলন-সুখদান করিতেছিলেন, সেই সুখের পাথারে থাকিয়াও সময়ে সময়ে প্রিয়াজী বিরহের আশঙ্কায় কিরূপ ব্যাকুল হইতেন, কোন কোন পদকর্তা তাহার কিছু কিছু আভাস দিয়াগিয়াছেন ।

শ্রীগৌরান্ধসুন্দর একদিন মায়ের নিকট বসিয়া আত্মলাদে কত কথা বলিতেছেন । অপর গৃহে প্রিয়াজী সখীর সঙ্গে আলাপ করিতেছিলেন । প্রিয়াজীর মুখখানি বিমলিন দেখিয়া তাঁহার মর্ম্মসখী বিষন্ন হইয়া জিজ্ঞাসা করিলেন “সখি, আজ তোমায় এমন দেখিতেছি কেন ? যেন কোন নিদারুণ চিন্তায় আনমনা ভাবে রহিয়াছ ।” প্রিয়াজী ইহার যে উত্তর দিয়াছিলেন, বাসুদেব ঘোষের ভ্রাতা মাধব ঘোষের একটি পদে তাহা প্রকাশিত হইয়াছে, উহা এই—

বিষ্ণুপ্রিয়া সখীসনে কহে ধীরে ধীরে ।
 আজ কেন প্রাণ মোর অকারণে পুড়ে ॥
 কাঁপিছে দক্ষিণ আঁখি, যেন ক্ষুরে অঙ্গ ।
 না জানিয়ে বিধি কি যে করে সুখভঙ্গ ॥
 আর কত অক্ষুরণ ক্ষুরয়ে সদাই ।
 মনের বেদনা কহিবারে ভয় পাই ॥
 আরে সখি, পাছে মোর গোরাক্ষ ছাড়িবে ।
 মাধব এমন হলে পরাণে মরিবে ॥

আর একদিন সখীকে বিরলে পাইয়া বিষ্ণুপ্রিয়া ব্যাকুলভাবে গদগদ কণ্ঠে বলিতেছেন, “সখি, আমার এমন হইল কেন ? এই সুখময় নদীয়া যেন উদাস-উদাস বোধ হইতেছে । মনে সুখ পাইতেছি না । নয়নের জল সম্বরণ করিতে চেষ্টা করিয়াও সামলাইতে পারিতেছি না । আমার ডান চক্ষু ও ডান অঙ্গ কাঁপিতেছে, সহসা কাণের অলঙ্কার খসিয়া পড়িয়াছে । গঙ্গায় স্নান করিতে গিয়া দেখি তরুলতা যেন মলিন দেখা যাইতেছে, নদীর তীরে গাছে গাছে ফুলে ফুলে ভ্রমর গুঞ্জরণ করিত, আজ আমি সেরূপ দেখিতে পাইলাম না, আমার মনে হইল গাছের পাতাগুলি যেন শুকাইয়া গিয়াছে, লতাবল্লরীতে আর ফুল বা ভ্রমর নাই, সকলই যেন শুষ্ক ও মৃতপ্রায় । জাহ্নবীর ধারা যেন স্থগিত হইয়াছে । সখি, আমার এক্ষণ উদাস-উদাস বোধ হইতেছে কেন ? আমার মনে বড় ভয় হইতেছে,—আর বৃদ্ধি প্রভুকে ঘরে দেখিতে পাইব না ।”

বাসুঘোষের পদে এই ভাবটী প্রকাশ পাইয়াছে । প্রত্যক্ষদর্শী
বাসুঘোষ লিখিয়াছেন—

বিষ্ণুপ্রিয়া সঙ্গিনীয়ে পাইয়া বিরলে ।
ব্যাকুল হিয়ায় গদ-গদ কিছু বলে ॥
আজি কেন নদীয়া উদাস লাগে মোরে ।
অঙ্গে নাহি পাই স্নেহ, হুটি আঁখি ঝরে ॥
নাচিছে দক্ষিণ অঙ্গ, দক্ষিণ নয়ন ।
ধসিয়া পড়িল মোর কর্ণের ভূষণ ॥
সুরধুনী পুলিনে মলিন তরুলতা ।
ভ্রমর না থায় মধু শুখাইল পাতা ॥
স্থগিত হইল কেন জাহ্নবীর ধারা ।
কোকিলের রব নাহি যেন মুকপারা ॥
এই বড় লাগে ভয় বাসুর হিয়ামাঝে ।
নবদ্বীপ ছাড়ে পাছে গোরা দ্বিজরাজে ॥

আবার যে দিবস শ্রীগৌরসুন্দর নানাপ্রকার রস-কেলি-বিলাসে
প্রিয়াজীকে বিমুগ্ধ করিয়া তাঁহাকে যুমন্ত অবস্থায় শয্যায় ফেলিয়া
সন্ন্যাস-গ্রহণের জন্ত কাটোয়ায় গমন করিলেন, সেইদিনকার স্নানের
বেলায় যে দুর্ঘটনা ঘটয়াছিল, সেই নিদারুণ ঘটনা এইরূপ :—

প্রিয়াজী গঙ্গার ঘাট হইতে পাগলিনীর ত্রায় ছুটিয়া আসিয়া
শান্তডীর নিকট উপস্থিত হইলেন, শচী দেখিলেন বউমা ভিজা
বস্ত্রে ভিজা চুলে ব্যাকুল হইয়া তাঁহার নিকট উপস্থিত ।
শচীমাকে দেখিয়া তিনি কঁাদিতে কঁাদিতে ফাপর হইতে লাগিলেন ।

কিয়ৎক্ষণ তাঁহার মুখে কোন কথাই সরিল না । শচীমা ব্যস্ত হইয়া জিজ্ঞাসা করিলেন,—“বউমা হয়েছে কি, সত্বর বল, তোমার চক্ষের জল দেখিয়া আমার প্রাণ ফাটিয়া পড়িতেছে ।”

প্রিয়াজী তখন ভাঙ্গা ভাঙ্গা স্বরে গদগদ*কণ্ঠে কাপের হইয়া বলিতে লাগিলেন, “মা আর কি বলিব, আমি রাত্রি দিন কেবল অমঙ্গলই দেখিতেছি । আজ স্নান করিতে গঙ্গায় নামিলাম, হঠাৎ নাকের বেশর নাক হইতে খসিয়া গঙ্গায় পড়িয়া গেল । না একি অমঙ্গল ? মনে হইতেছে মাথায় না-জানি-কি বজ্র পড়িবে—অভাগিনীর কপাল ভাঙ্গিবে । আমি এখন সর্বদাই হা-হতাশ বোধ করিতেছি । থাকিয়া থাকিয়া সময়ে সময়ে অকারণে আমার প্রাণ আঁকুল হয় । ডান অঙ্গ থাকিয়া থাকিয়া কাঁপিয়া উঠে, আমার মনে হয় যেন আমার ডান দিক দিয়া সাপ চলিয়া যায় । এমন কেন হইল, মা । আজ আবার এ কি বিপদ । না জানি কি সর্বনাশ ঘটবে ।” এই বলিয়া প্রিয়াজী অঝোরনয়নে ভিজা কাপড়ে ভিজা চুলে কাঁদিতে লাগিলেন ।*

শচীদেবীর মুখ শুকাইয়া গেল, দেহ অবশ হইল । মনের

* পাগলিনী বিষ্ণুপ্রিয়া ভিজা বস্ত্রচুলে ।

দ্রুত করি বাড়া আঁশ শাশুড়ীরে বোলে ।

বলিতে না পাড়ে কিছু কাঁদিয়া ফাঁপর ।

শচী বলে “মাগো এবে কি লাগি কাতর ।”

বিষ্ণুপ্রিয়া বোলে “আর কি কব জননী ।”

চারিদিকে অমঙ্গল কাঁপিছে পরানী ॥

ভাব মনে চাপা দিয়া তিনি বউমার চুল মুছিয়া দিলেন । তাঁহাকে অতি সুন্দর বিচিত্র সাজী পড়িতে দিলেন । তাঁহার সখীরা তাঁহাকে প্রবোধ দিয়া তাঁহার সীমস্তে সিন্দূর ও কপালে সিন্দূর-কোটা দিয়া ও মুখে পান দিয়া বলিলেন,—সখি, তুমি যেমন কৃথা আশঙ্কা করিয়া দুঃখ করিতে পার, এমন আর কাহাকেও দেখি নাই । তোমার পতি অতি প্রেমিক, তোমাকে খুবই ভাল বাসেন । যেখানে ভালবাসা বেশী, সেখানে আশঙ্কাও বেশী । এমন অমঙ্গলের আশঙ্কাও কি মনে স্থান দিতে আছে ? নাকের বেশর কাহারই বা ধসিয়া না পড়ে । হয়ত কোড়াটা ক্ষয় পাইয়া গিয়াছিল, নয়ত মুখটা একটু আলগা হইয়াছিল, বেশর থানা তোমাদের বাংলাই লইয়া পড়িয়া গিয়াছে, উহাতে আর কি হইবে । কত জনের নাক হইতেই বেশর পড়ে, তাহাতে আবার কি হয় ?”

এইরূপ প্রবোধ দিয়া নন্দসখী প্রিয়াজীকে শান্ত করিলেন । অল্পক্ষণ পরে গৌরসুন্দর গৃহে আসিলেন, তিনি প্রিয়াজীর এই ব্যাকুলতার কথা শুনিয়া একটুকু হাসিয়া বলিলেন,—“অনিত্য স্মৃথকে যাহারা স্মৃথ বলিয়া মনে করে, তাহারা এমনিভাবেই কৃথা

নাহিতে পড়িল জলে নাকের বেশর ।

ভাজিল কপাল, মাথে পড়িবে বজর ॥

থাকি থাকি প্রাণ কালে নাচে ডান আঁখি ।

দক্ষিণে ভুজঙ্গ যেন রহি রহি দেখি ॥

কাঁদি কহে বাহু ঘোষ কি কহিব সতী ।

আজি নবদীপ ছাড়ি বাবে প্রাণপতি ॥

দুঃখের আশঙ্কায় যাতনা পায় । এ সংসারের সুখও মিথ্যা—দুঃখও মিথ্যা । হরিচরণে মন না রাখিলে খাটি আনন্দ লাভ হয় না ।”

প্রিয়াজ্ঞী অঙ্গুলিদ্বারা শ্রীগৌরচন্দ্রের শ্রীচরণ দেখাইয়া হাসিয়া বলিলেন,—“আমি এই হরিচরণেই মন রাখিয়াছি, পাছে বা শ্রীচরণ-সেবার অধিকার হইতে বঞ্চিত হই, ইহাই আমার আশঙ্কা ।”

নিমাই প্রিয়াজ্ঞীর চিবুকে হাত দিয়া বলিলেন,—“প্রিয়ে, চির দিনই তুমি আমার, আমি তোমার । এ মিলনে বিরহ নাই । তোমাকে ইহা খাটি বলিলাম—তবে” এই বলিয়া নিমাই নীরব হইলেন । প্রিয়াজ্ঞী তাঁহার কথায় আনন্দে এমন বিম্বল হইলেন, শ্রীগৌরঙ্গসুন্দর কথা শেষ করার পূর্বে যে “তবে” বলিয়া কি বলিতে ছিলেন, তাহাতে কর্ণপাত না করিয়াই আনন্দচিন্তে গৃহকর্ম্য করার জন্ত গৃহান্তরে চলিয়া গেলেন । তাঁহার মনে আর কোনও সন্দেহ রহিল না । অতঃপর এই দিবস রজনীতে প্রিয়াজ্ঞীর সহিত গৌরসুন্দরের যে শেব-রসকেলি হইয়াছিল, সেই অবস্থাতে ও প্রিয়াজ্ঞী রসিক-শেখরের কোলে থাকিয়াও প্রেম-বৈচিত্র্যে বিরহ-তাপ অনুভব করিয়াছিলেন, যথা :—

নদীয়া-বিহারী হরি প্রিয়াজ্ঞীকে কোলে করি

মুখ’পরি মুখ রাখি করেন চুম্বন ।

অনিমিথে বিষ্ণুপ্রিয়া পতিমুখ নিরখিয়া

জাগরে বিবশাপ্রায়,—যেন অচেতন ॥

ব্যাকুল সজল নেত্রে মৃদল কম্পিত গাত্রে

বলে দেবী “কোথা মম প্রিয়-প্রাণুধন ।

একাকিনী হেথা ফেলে পাথারে ভাসায় গেল

ভাঙ্গি গেল অভাগীর স্নেহের স্বপন ॥”

প্রেমের বৈচিত্র্য দেখি প্রভুর সজল আঁখি

বলিলেন গোরাচাঁদ—“একি গো স্বপন ।

এই তুমি কোলে মোর, কি ভাবে হয়েছ ভোর

জাগ জাগ প্রিয়তমে, আজি শুভক্ষণ ।

তোমারে পাইয়া কোলে উলাসে গিয়াছি গলে

•একি তব মোহময় বিরহ-বেদন ॥”

ভাঙ্গিল ভাবের ঘোর, আনন্দের নাহি ওর

লজ্জায় ঢাকিলা মুখ প্রিয়াজী তখন ।

প্রভাদেবী অন্তরালে মুচকি হাসিয়া বলে

এই ভাবে সেবি যেন যুগলচরণ ॥

শ্রীগৌরানন্দের গৃহত্যাগের পরক্ষণেই প্রিয়াজী ও শচীদেবী তাঁহাকে খুঁজিয়া না পাইয়া ঘেরূপ নিদারুণ শোক-তাপে মূর্ছিত হইয়াছিলেন, সে বিবরণ ইতঃপূর্বে বর্ণিত হইয়াছে । উক্ত ঘটনা সম্বন্ধে পুজনীয়া শ্রীমতী গৌরপ্রভা দেবীর একটি পদ এখানে উদ্ধৃত করা যাইতেছে :—

মাঘের স্নেহের নিশি অবসান প্রায় ।

শ্রীগৌরানন্দ-বক্ষে দেবী স্নেহে নিদ্রা যায় ॥

জাগিলা নেহারি এক দারুণ স্বপন ।

অন্ধকার, শূন্যঘর,—নাই প্রাণধন ॥

পালকে বুলায় হাত ইতি-উতি চায় ।
 অধীর পরাণ, উঠি বসিলা শয়্যায় ॥
 “কোথা প্রাণনাথ” বলি ডাকে ঘন ঘন ।
 না পাইল কোন সাড়া, মন উচাটুন ॥
 কপাট রয়েছে খোলা আসিলা বাহিরে ।
 ডাকিলেন আৰ্ত্তনাদ করি শান্তুড়ীরে ॥
 “উঠ মা, উঠ মা ত্বরা, হল সৰ্ব্বনাশ ।
 ফেলে চলে গেলা বুঝি করিতে সন্ন্যাস ॥
 চমকি উঠিলা শঁচী কাঁপিতে কাঁপিতে ।
 “নিমাই নিমাই” বলি লাগিলা ডাকিতে ॥
 বাহির হইলা পথে পাগলিনী পারা ।
 “নিমাই নিমাই” বলি কোথা নাই সাড়া ॥
 জাগিলা পরশী তাঁর রোদন শুনিয়া ।
 পাড়ার বতেক লোক আইল ধাইয়া ॥
 প্রিয়াজী ভূমেতে পড়ি হইল অচেতন ।
 প্রভা কান্দি করে তাঁর চরণ বন্দন ॥

প্রিয়াজীর মুখখানি ধূলধূসরিত, নয়নের জল ভূমিতে পরিয়া ভূমি
 বর্দমিত হইয়াছে । তিনি মুচ্ছিত হইয়া পড়িয়া রহিয়াছেন, আর
 নয়নের জল নয়নে শুকাইতেছে । সূচিকণ কেশরাশি আবুলায়িত,
 বুলায় অবলুপ্তিত, নাসায় নিশ্বাস নাই, চতুর্দশীর চাঁদের তায়
 মুখখানি নিম্প্রভ দেখাইতেছে । তাঁহার মর্ম্মসখী চরণতলে বসিয়া
 এই মূর্ত্তি দেখিয়া কাঁদিতেছেন ; আর ধীরে ধীরে তাঁহাকে সচেতন

করার চেষ্টা পাইতেছেন, আর এক একবার মনে মনে ভাবিতেছেন,
 “অভাগিনী প্রাণবল্লভ-বিরহিণী প্রিয়াজীর মুচ্ছাই এখন ভাল । ইনি
 যতক্ষণ মুচ্ছিত থাকিবেন ততক্ষণই শোকের আগুন চাপা থাকিবে,
 জাগাইলেই আবার সেই মহানল ধক্ ধক্ জলিয়া উঠিবে ।
 আবার মনে করিতেছেন, প্রিয়াজীর এই মৃত্যুর স্থার ভাব আর
 কতক্ষণ দেখিব, আর যে এ দশা দেখিতে পারি না । এই সোণার
 কুসুম ধূলায় পড়িয়া থাকিবে, ইহাও কি দেখা যায় ?

সহচরী তখন মনের দুঃখে আপন প্রাণে বলিতে লাগিলেন,
 “হা গৌরসুন্দর একি হইল, হা গৌরবিশ্বস্তর তুমি কোথায় ?
 একবার দেখিয়া যাও, তোমার অঙ্কলক্ষ্মী,—সোণার কমল,—বিষ্ণু-
 প্রিয়া আজ কি নিদারুণ দশায় ধূলায় পড়িয়া লুপ্তিত হইতেছেন
 হা গৌর, হা বিশ্বস্তর, হা বিষ্ণুপ্রিয়া-প্রাণবল্লভ, তুমি কোথায় ?”

এই বলিয়া তিনি প্রিয়াজীর পদতলে পড়িয়া কান্দিতে
 লাগিলেন । তাঁহার মুখে গৌরসুন্দরের নাম উচ্চারিত হওয়া মাত্র,
 বিষ্ণুপ্রিয়ার অর্ধবাহুজ্ঞান হইল । তিনি এই অবস্থায় বলিতে
 লাগিলেন :—

কই, সখি, কই প্রাণপন ।

হুথিনীরে দয়া করে এলে কি আবার ফিরে

নদীয়াবিহারী হরি হারাণ-রতন ॥

আমি অভাগিনী বলে দিতে পার পায়ে তেলে,

স্নেহময়ী বৃদ্ধা মায়ে কে তাজে কখন ।

এই বলিতে বলিতে আরও একটুকু জ্ঞান জ্ঞান হইল । তখন সহচরীকে সম্মুখে দেখিয়া বলিলেন :—

সখি, জননীরে মনে করি এলেন কি গোরহরি,

পাবে কি হুঃখিনী তাঁর হেরিতে বদন ॥

আমি তাঁর কাছে গেলে যদি পুন যান চ'লে . .

না হয় দূরেতে রহি করিব দর্শন ।

তথাপি দেখিতে পাব তাঁহার বদন ॥

সহচরী উঠিয়া আসিয়া সম্মুখে বসিলেন, দেখিলেন,—প্রিয়াজীর নয়ন সজল ও সতৃষ্ণ, তখনও পূর্ণজ্ঞান হয় নাই । সহচরী বলিলেন—
সখি, দেহ-খাকিলে কোনদিন অবশ্যই দেখা হইবে । তিনি কি তোমাকে ভুলিয়া থাকিতে পারেন ? তোমার অবস্থা দেখিয়া আমার আশঙ্কা হইতেছে । ধৈর্য্যই এখন একমাত্র সম্বল ।”

প্রিয়াজীর জ্ঞানের সঞ্চার হইল । তিনি আবার হাহাকার করিয়া কাঁদিতে কাঁদিতে ভূমিতে লুটিয়া পড়িলেন । প্রভাদেবী এই অবস্থা বর্ণনা করিয়া লিখিয়াছেন :—

আছাড়িয়া পুন দেবী ভূমিতে পড়িল ।

“কোথা প্রাণনাথ” বলি কাঁদিতে লাগিল ॥

“আমরা লইয়া সুখে বঞ্চিলা রজনী ।

কি দোষে ছাড়িয়া এবে গেলা গুণমণি ।

তোমা না হেরিয়া প্রাণ কেমনে রাখিব ।

জলে ঝাঁপ দিব, কিম্বা অনলে পুশিব ॥

নিলাজ পরাণ কেন নাহি বাহিরায় ।”

এই বলি স্বর্ণলতা ধূল্য লুটায় ॥

দশা দেখি প্রভা কান্দে অধীর হইয়া ।

“হা গৌরাজ কোথা গেল দেখনা আসিয়া ॥”

ক্রমে বেলা অধিক হইতে লাগিল । শ্রীগৌরাজের কোনও সন্ধান পাওয়া গেল না । নদীয়ার লোক নদীয়ার সর্বত্রই ব্যাকুল ভাবে তাঁহার অনুসন্ধান করিতে লাগিলেন । মালিনী প্রভৃতি প্রতিবাসিনী মহিলাগণ শচীমাতা ও প্রিয়াজীকে নানা কথায় সান্ত্বনা দিতে লাগিলেন, কিন্তু দাবানল যখন প্রবল ভাবে জ্বলিতে থাকে, শিশিরের ফোটার কে কবে সেই আগুন নিভাইতে পারে ? সিন্ধু যখন অনন্ত উচ্ছ্বাসে ঢুকুল ভাসাইয়া প্রবাহিত হয়, কে কবে বালুর আলি বাঁধিয়া সেই স্রোতে বাধা দিতে সমর্থ হয় ? সন্নিপাতের প্রবল তৃষ্ণায় রোগী যখন আনন্দান করিতে থাকে, জল দিব বলিয়া আশা দিলে তখন কি রোগীর প্রাণ বাঁচে ? ফলে কাহারও সান্ত্বনায় শচীমাতা ও বিষ্ণুপ্রিয়ায় শোকবেগ কমিল না, অপর পক্ষে বাঁহারা সান্ত্বনা দিতে আসিলেন, তাঁহারাও ইহাদের শোকবেগে শোকাবুল হইয়া কাঁদিতে লাগিলেন ।

গৃহে নারায়ণ, তাঁহার সেবার আয়োজন হয় নাই দেখিয়া প্রবীণা রমণীরা ভোগের উদ্যোগ করিলেন । পূজান্তে নারায়ণের ভোগ হইল । শচীমা ও প্রিয়াজীকে কোনক্রমে শান্ত করা গেল না । প্রতিবাসী রমণীগণ প্রাণান্ত যত্ন করিয়াও ইহাদের

মুখে প্রসাদ তুলিয়া দিতে সমর্থ হইলেন না । দিনমান প্রায় অবসন্ন হইল । এই ঘোরতর শোকবেগের মধ্যে প্রিয়াজী যখন শুনিলেন, বৃদ্ধা জননী একবারে অনাহারে রহিয়াছেন, জলটুকু পর্য্যন্ত গ্রহণ করেন নাই, তখন তিনি ধীরে ধীরে উঠিয়া শান্তডীর শয্যার পাশে গিয়া বসিয়া বলিলেন,—“মা, আপনি কি আমাকে মারিয়া ফেলিবেন ? আপনি এমন করিলে আমার গতি কি হইবে ? আমার পিতামাতা আছেন, কিন্তু আমি তাঁহা-
হিগকে এখন জানি না । আপনি ভিন্ন ত্রিজগতে আমার আর অন্ম কেহ নাই । আপনি যদি অনাহারে প্রাণত্যাগ করেন, আমার উপায় কি ? আমার মুখের দিকে চাহিয়া আমার কথা ভাবিয়া আপনি প্রাণরক্ষা করুন ।”

শচীদেবী প্রিয়াজীকে সম্মুখে পাইয়া তাঁহার মাথার হাত দিয়া আবার উন্মুক্তকণ্ঠে কাঁদিতে কাঁদিতে বলিলেন, “মা বিশ্বরূপ পুত্র ছাড়িয়া গিয়াছে তাহাও সহিয়া রহিয়াছি, নিমাই ছাড়িয়া গেল, তাহাও ধীরে ধীরে সহ্য হইত, কিন্তু মা তোমার কথা ভাবিয়াই আমার পাঁজর ধসিয়া যাইতেছে । আমি কি করিয়া তোমার মলিন মুখ দেখিব ? মা, তোমার ঐ এলোচুল, ধূলায় ধূসরিত মুখ দেখিয়া আমি কি করিয়া প্রাণধারণ করিব ।” প্রিয়াজী আবার মনের দুঃখ মনে চাপা দিয়া বলিলেন, মা আমি যদি আপনার চরণ সেবা করিতে পাই, তবে আমার দুঃখ নাই ।”

এই বলিয়া প্রিয়াজী উঠিলেন, স্নান করিলেন, শ্রীগৌরচরণ-চিন্তা করিতে করিতে নারায়ণের গৃহে গিয়া প্রণত হইয়া বলিলেন,—

“দেব, বাহা হইবার তাহা হইল, এখন আমার প্রাণে বল দাও ।” এই বলিয়া শচীমায়ের শয়ন মন্দিরে গিয়া তাঁহার পরিধেয় বস্ত্র আনিলেন । শাণ্ডভীকে স্থান করাইয়া নারায়ণের মন্দিরে লইয়া গেলেন । শচীমা তখন নারায়ণের নাম জপ করিলেন, কি গৌরান্দ্র-নাম জপ করিলেন,—পাঠকগণই তাহা অনুমান করুন ।

প্রিয়াজী প্রসাদ লইয়া আসিয়া শাণ্ডভীর মুখে তুলিয়া দিতে লাগিলেন । শচীমা বাধা দিতে গিয়াও কৃতকার্য্য হইলেন না । ছই চারিগ্রাস মুখে দিয়াই কাঁদিতে লাগিলেন, কান্দিয়া কান্দিয়া বলিতে লাগিলেন, “আমার নিমাই আজ পথের ভিখারী, হয়ত এখনও সে জলটুকু মুখে দেয় নাই, আর আমি আমার পোড়ামুখে অন্ন দিতেছি ।”

শচীমা অবশ হইয়া পড়িলেন । প্রিয়াজী দেখিলেন এ অবস্থায় আর যত্নে কোন ফল নাই । তিনি শচীমাতার মুখ ধোয়াইয়া তাঁহাকে লইয়া গিয়া শয্যায় রাখিলেন । শচী বলিলেন, মা আমার দেহ অবশ । আমি তোমার কিছুই করিতে পারিব না । তোমার মা বাপ আসিয়াছেন, মালিনী এখানে আছেন, তুমি কাহারও কথায় বাধা না দিয়া প্রসাদ গ্রহণ করিও ; মা লক্ষ্মী, আমার এই কথাটি রাখিও, আমি আর কিছুই বলিতে পারিতেছি না ।”

এই বলিয়া শচীদেবী বিবশা হইয়া বিছানায় পড়িলেন । প্রিয়াজীর মাতা পিতা তাঁহাকে অনেকপ্রকার সান্ত্বনা দিলেন । প্রিয়াজী বলিলেন আমার জন্ত আপনারা কেহই ব্যস্ত হইবেন না । আপনারা আশীর্ব্বাদ করুন, যেন আমি মনে বল পাই ।

আর আপনারা এখানে আসিলে আমার যাতনা দূর হইবে না । আমি এখন নির্জ্জনে থাকিলেই কিছু শাস্তি পাইব । আপনারা এখন গৃহে গমন করুন, প্রতিদিন সংবাদ লইতে আসিবেন তাহাতেই যথেষ্ট ।” প্রিয়াজীর মাতা কান্দিতে কান্দিতে বলিলেন “না তুমি এক গ্রাস প্রসাদ গ্রহণ কর আমি দেখিয়া যাই ।”

প্রিয়াজী বলিলেন, “সে জন্ত ভাবিবেন না, যাহা করিতে হয়, আমি সকলই ঠিক ঠিক করিব । আপনারা আমার বৃদ্ধা শাশুড়ীর প্রতি দৃষ্টি রাখিবেন, ইহাই আমার মিনতি ।”

অপরাত্নে প্রিয়াজীর ভাব দেখিয়া সকলেই বিস্মিত হইলেন । যাহারা তাঁহার আহারের জন্ত অনুরোধ করিতে লাগিলেন, সকলকেই তিনি এমন ভাবে বুঝাইয়া দিতে লাগিলেন, যে তাঁহার তাঁহার মুখ ওভাব দেখিয়া একরূপ এ সম্বন্ধে নিশ্চিত হইলেন ।

ফলতঃ গৌরবিরহিণী বিষ্ণুপ্রিয়া সেদিন একবিন্দু জলও গ্রহণ করিলেন না । তিনি স্থির করিলেন, যাহার প্রাণের প্রাণ—প্রাণবল্লভ সন্ন্যাসী, তাহার আবার আহার কি, তাহার আবার শয়ন কি ? প্রাণের দেবতা ভিখারীর বেশে পথে পথে ভ্রমণ করিবেন, আর আমি ঘরের তলে বসিয়া পোড়ামুখে অন্ন তুলিয়া দিব, কখনই তাহা হইবে না ।” প্রিয়াজী এবিষয়ে একবারে দৃঢ় প্রতিজ্ঞ হইয়া এই দিন হইতেই একরূপ আহার ছাড়িয়া দিলেন । পদকর্তা প্রেমদাস লিখিয়াছেন :—

যেদিন হইতে গোরা ছাড়িল নদীয়া ।

তদবধি আহার ছাড়িল বিষ্ণুপ্রিয়া ॥

দিবানিশি পিয়ে গোরা নাম সুখা খনি ।

কভু শচীর অবশেষে রাখয়ে পরাগী ।

বদন তুলিয়া কারো মুখ নাহি দেখে ।

হুই এক সহচরী কভু কাছে থাকে ।

হেনমতে নিবসয়ে প্রভুর ঘরগী ॥

গৌরাক্ষ-বিরহে কান্দে দিবস রজনী ॥

প্রবোধ করয়ে তারে কহি কত কথা ।

প্রেমদাস-হৃদয়েতে রহিগেল ব্যথা ॥

গৌর-বিরহে প্রিয়াজীৱ অবস্থার লেশাভাস প্রেমদাসের এই পদে যেক্রপ বর্ণিত হইয়াছে, তাহাতে ভক্ত পাঠকগণ এই নিদারুণ দেশার কিঞ্চিৎ আভাস বুঝিতে সমর্থ হইবেন । প্রিয়াজী বস্তুতঃ অম্লজল তাগ করিয়াছিলেন । তিনি গৌর-নাম জপ করিয়া দিবানিশি যাপন করিতেন, গৌর গৌর বলিয়া হাহাকার করিয়া কাঁদিতেন, কান্দিতে কান্দিতে মুচ্ছিত হইয়া মূচ্ছাদশায় শ্রীগৌরাক্ষ সন্দর্শন করিতেন ।

কখন কখন শ্রীগৌরাক্ষের নাম লইতে লইতে এক একটা করিয়া চাউল বাছিয়া লইতেন । এইরূপে যে কয়েকটা চাউল সংগৃহীত হইত, তাহাই ফুটাইয়া লইয়া আপন প্রাণবল্লভের নামে নিবেদন করিয়া উহাই মুখে দিতেন । এইরূপে তিনি কোনপ্রকারে প্রাণ ধারণ করিয়া মহাবিরহে অনুরক্ত শ্রীগৌরাক্ষ-রূপ স্বরণ করিতেন । কোন কোন দিন শান্তডীর আগ্রহে তাঁহার পাত্রশেষ-প্রসাদ গ্রহণ করিতেন । তিনি কাহারও মুখ দেখিতেন না, কাহারও সহিত

কথা বলিতেন না, নীরবে নির্জনে পড়িয়া থাকিয়া গৌর-চিত্তা ও গৌর-নাম জপ করিয়া বিরহ-যাতনার দিনযামিনী যাপন করিতেন ।

কিন্তু এই নিদারুণ বিরহ-যাতনার মধ্যেও তাঁহার একটা প্রধানতম ব্রত ছিল । সে ব্রত—বৃদ্ধা স্বশ্রমাতার সেবা । প্রভু তাঁহার উপরে এই সেবাব্রত প্রদান করিয়াই সম্মান গ্রহণে সাহসী হইয়াছিলেন । প্রিয়াজী একমুহূর্তের তরেও এই ব্রতের কোন অংশে ত্রুটি করেন নাই । প্রয়োজনমতে অনেক সময়ে মনের দুঃখ মনে চাপা দিয়া একবারে প্রতিপ্রফুল্ল মুখে তিনি শোকাকুলা স্বশ্রমাতার নিকটে উপস্থিত হইয়া তাঁহাকে সাস্থনা দিতেন, তাঁহার সেবা করিতেন । স্বশ্রমাতার সমক্ষে তিনি কখনও নিজের শোকাবেগ দেখাইয়া তাঁহাকে অধিকতর বিহ্বল করিয়া তুলিতেন না । কিন্তু মনের বেগ চাপা দিতে, তাঁহাকে অধিকতর যাতনা ভোগ করিতে হইত । তাঁহার হৃদয় ফাটিয়া উত্তপ্ত দীর্ঘশ্বাস আসিয়াছে, কণ্ঠ ফাটিয়া হাহাকার আসিয়া আবদ্ধ হইয়া বাইতেছে, নয়নকোণে শ্রাবণের জলধারার স্রাব নয়নাশ্র আসিয়া নয়নকোণেই তাহা শুখাইয়া বাইতেছে, কিন্তু শাণ্ডীর শোক বৃদ্ধির আশঙ্কায় ইহার কিছুই প্রকাশ করিবার বো নাই । আর যেই তিনি শাণ্ডীর সেবা করিয়া নির্জনে বসিবার অবসর পাইতেন, আর অমনি শোকের উচ্ছ্বাস সিন্ধুর উচ্ছ্বাসের স্রাব অথবা আগ্নেয় গিরির উচ্ছ্বাসের স্রাব ফুটিয়া বাহির হইত, জগতের চক্ষু তাহা দেখিতে পাইত না, জগতের

কর্ণ সে অফুরন্ত আকুল রোদন-ধ্বনি শুনিতে পাইত না ।

প্রভাদেবী এই অবস্থা বর্ণনা করিয়া লিখিয়াছেন—

বিজনে তটিনী যথা আকুল পরাণে

তটান্তে তরঙ্গ ঢালি লুটায় লুটায়

গায় বিরহের গীতি দিবস রজনৌ ।

অথবা নিশায় যথা বিবাদ-সমীর

সাঁ সাঁ রবে বহে একা গগনের গায় :—

একতান—একভাব—যাতনা-বিহ্বল ।

ভেমনি বিজনে বসি গোর-বিরহিণী ।

বিরহ-বিষাদে কাঁদে দিবস রজনী ॥

“ আড়ালে বসিয়া প্রভা দেখে এ যাতনা ।

বিদরে হৃদয় তার,—কে দিবে সাহসনা ॥

শ্রীকৃষ্ণ মথুরায় গমন করিলে শ্রীবৃন্দাবনে গোপীগণ বিরহে ব্যাকুল হইয়া যে নিদারুণ যাতনা অনুভব করেন, সহস্র সহস্র কবি বিবিধ ভাষায় সেই বিরহ-যাতনা ও বিরহ-বিলাপের আভাস সহস্র সহস্র পদে বর্ণনা করিয়া গিয়াছেন, কিন্তু গোরবিরহিণী শ্রীমতী প্রিয়াজীর বিরহ-বেদনা এ পর্য্যন্ত ভাষায় অতি অল্পই প্রকাশ পাইয়াছে । অতি অল্পসংখ্যক সহস্রদয় বাঙ্গালী কবি এই নিদারুণ যাতনার বিষাদচিত্র, কাব্যের ভাষায় পরিস্ফুট করিয়া চিত্রিত করিতে প্রয়াস পাইয়াছেন । প্রিয়াজীর অল্পগত ভক্তহৃদয়ে ক্রমেই সেই বিরহবিলাপ পরিস্ফুট হইবে, ক্রমেই উহা ভাষায় কিয়ৎ পরিমাণে প্রকাশিত হইবে, এবং কালে তাহাতে

পাষণ-হৃদয়েও কারুণ্যের এবং ভক্তির মনাকিনীধারা প্রবাহিত হইবে, তাহাতে পাষণ হৃদয়েও ভগবদ্ভাব প্রতিষ্ঠিত হইবে ।

প্রিয়াজী প্রভুর সন্ন্যাস গ্রহণের কথা শুনিতে পাইয়া কিয়ৎক্ষণ মূচ্ছিত হইয়াছিলেন । প্রবীণা রমণীগণ শচীমাতাকে লইয়াই ব্যস্ত ছিলেন, এদিকে প্রিয়াজী শয়নমন্দিরে মূচ্ছাপ্রাপ্ত হইয়াছেন, তাহা কেহই জানিতে পান নাই । প্রিয়াজীর প্রিয়াসখী সহসা তাহার শয়নমন্দিরে গিয়া দেখিতে পাইলেন,

সন্ন্যাস-বারতা শুনি, হেথা গৌর-বিরহিণী
বিষ্ণুপ্রিয়া ভূমে পড়ি আছে অচেতন ।
ধূলি-ধূসরিত কেশ চৌদশী চাঁদের বেশ
প্রভাহীন-মৃতপ্রায় মলিন-বদন ॥

নাসায় না বহে শ্বাস হলো বুকি সর্ব্বনাশ
হেরি প্রিয় সহচরী করে হায় হায় ।

“হায় হায় একি হলো সব আশা কুরাইল
উদাস বদন,—প্রিয়া বুকি ছেড়ে যায় ॥”

মুখপাশে মুখ রাখি প্রিয়াজীকে ডাকে সখী
“উঠ উঠ গৌরপ্রিয়া মেল গো নয়ন ।

আবার আসিবে সখা কখনো হইবে দেখা
ধৈর্য্যধরি প্রিয়সখি রাখগো জীবন ॥

শুনিয়া গউর নাম আসিল প্রিয়ার প্রাণ
কাতরে চাহিলা দেবী সখী-মুখ-পানে ।

বলে “কোথা প্রাণপতি কি হবে দাসীর গতি
সন্ন্যাস লয়েছ নাথ তুমি মোরে ছাড়ি ।

মুড়ারে চাঁচর কেশ ধরেছ সন্ন্যাসি-বেশ
পরিধানে বহির্কাস,—অরুণ কোপীন ।

করে দণ্ড,—নাহি বাস গাছের তলায় বাস
ভিক্ষা-ভোজী শীর্ণদেহ অতি দীনহীন ॥

তবে কেন তব দাসী রহিবে স্নেহেতে বসি
তবে কেন কেশরাশি করিবে ধারণ ।

মুড়াব মাথার কেশ ধরিব যোগিনী-বেশ
পড়িব গো সাত্তী ত্যজি অরুণ বসন ॥

শ্রব্ধের কুণ্ডল পরি তব নাম স্মরি স্মরি
অনাহারে অনিদ্রায় যাপিব জীবন ।

যতদিন এই দেহে এ ছার জীবন রহে
কোন্ মুখে অন্নজল করিব গ্রহণ ॥

শীতের ভীষণ বায় কাঁপিবে তোমার কায়
কোন্ স্নেহে গৃহে আমি করিব শয়ন ।

নিদাঘে দারুণ রৌদ্রে ভ্রমিবে গো পথে পথে
কেমনে ধরিব প্রাণ ঘরেতে তখন ॥

বরষায় বারি-ধারা জলময় বসুন্ধরা
কেমনে রহিবে তুমি গাছের তলায় ।

এ ভাবে তোমাকে ছেড়ে কোন্ প্রাণে রব ঘরে
ভাবিয়া ভাবিয়া হিয়া বিদরিয়া যায় ॥”

বন্ধে করাধাত করি ভূমে যায় গড়াগড়ি

সোনার লতিকা গৌরপ্রিয়াজ্ঞী আমার ।

প্রভার লোচনে লোর,— বলে “কি করিলে গৌর

কেমনে রাখিব প্রাণ তোমার প্রিয়্যার ॥

দিনের পর দিন, মাসের পর মাস যাইতে লাগিল কিন্তু প্রিয়্যাজ্ঞীর* .

বিরহ-যাতনার বিন্দুমাত্রও হাস হইল না । তিনি নীরবে আপন

নির্জ্জন গৃহে বসিয়া দিবানিশি কেবল শ্রীগৌরান্দের রূপ চিন্তা করি-

তেন, তাঁহার চিত্ত অক্ষুণ্ণ নীরবে নীরবে খুরিত । বাস্তুঘোষ একটি

পদে এইরূপে প্রিয়্যাজ্ঞীর দুঃখ বর্ণন করিয়াছেন :—

গেল গৌর না গেল বলিয়া ।

হাম অভাগিনী নারী, অকূলে ভাসাইয়া ॥

হায়রে দারুণ বিধি নিদয় নিষ্ঠুর ।

জন্মিতে না দিলি তরু ভাঙ্গিলি অঙ্কুর ॥

হায়রে দারুণ বিধি কি বাদ সাধিলি ।

প্রাণের গৌরান্ন মোর কায়ে নিয়া দিলি ॥

আর কে সহিবে মোর যৌবনের ভার ।

বিরহে অনলে পুড়ি হ’ব ছারখার ॥

বাস্তুঘোষ ক’হে আর কায়ে দুখ কব ।

গোরাচাঁদ বিনে আর প্রাণ না রাখিব ॥

শ্রীমত্তাগবতে ও অসংখ্য পদাবলীতে শ্রীরাধার বিরহ-যাতনা বর্ণিত হইয়াছে । তিনি বিরহে ব্যাকুলভাবে রোদন করিয়া দিগ্ভ্রমণ্ডল মুখরিত করিতেন, বনে বনে শ্রীকৃষ্ণ অন্বেষণ করিতেন,

তঁাহার দুঃখের সময়ে সাস্তুনা দিবার নিমিত্ত শত শত সখী ও অনুচরী ছিলেন কিন্তু প্রিয়াজীর বিরহ-বাতনা বাহির হওয়ার পথ ছিল না, প্রগাঢ় উদ্বেগে তঁাহার পঁজর ধসিয়া যাইত, কিন্তু তিনি ফুকারিয়া কঁাদিতে পারিতেন না, চিন্তের আবেগে প্রাণ যখন গৃহরূপ কারাগারে ছটফট করিত, তখনও তঁাহার ঘরের বাহির হওয়ার উপায় ছিল না। তিনি কুলবধু। শান্তুড়ীর শোকবৃদ্ধির ভয়ে তিনি ফুকারিয়া কঁাদিতে পারিতেন না, একাকিনী বিরহে জলিয়া মরিলেও সকলের নিকট সে দুঃখের কথা বলিয়া হৃদয়ের ভার কমাইবার যো ছিল না। বাস্তবোষ একটা পদে প্রিয়াজীর এই দুঃখের ভাষা প্রকাশ করিতে প্রয়াস পাইয়াছেন। পদটি এই—

হরি হরি গোরা কোথা গেল ।

কোন নিদারুণ বিধি এত দুঃখ দিল ॥

হিয়া মোর জরজর, পঁজর ধসে ।

পরান গেল যদি, আশা বা কিসে ॥

ফুকারি কান্দিতে নারি,—চোরের রমণী ।

অনুখন পড়ে মনে গোরা মুখখানি ॥

ঘরের বাহির নহি কুলের বি ।

স্বপনে না হয় দেখা করিব কি ॥

সে রূপমাধুরী-লীলা কাহায়ে কহিব ।

গোরা পছঁ বিনে মুঁই অনলে পশিব ॥

গোরা বিম্ব প্রাণ রহে এই বড় লাজ ।

বাস্ত কহে মোর মুণ্ডে না পড়য়ে বাজ ॥

প্রিয়াজী শ্রীগোর-বিরহে যে যাতনা অনুভব করিতেন, তাহা তাঁহার অতি অন্তরঙ্গ মৰ্ম্ম সখীদের নিকট বলিতে গিয়াও বলিতে পারিতেন না, তাঁহার বাক্য বন্ধ হইয়া পড়িত, নয়নকোণে অশ্রু-বিন্দু আসিয়া অমনি নয়নকোণেই উহা শুখাইয়া যাইত । সখীর নিকট প্রিয়াজী বলিতেছেন—

কহ সখি কি করি উপায় । ছাড়ি গেল গোরা নট রায় ॥

ভাবি ভাবি তহু ভেল ক্ষণ । বিচ্ছেদে বাঁচিব কত দিন ॥

নিরমল গোরাক্ষ বদন । কোথা গেলে পাব দরশন ॥

কি বিধি লিখিল মোর ভালে । চিড়ি দেখি কি আছে কপালে
হিয়া জরজর অহুরাগে । এ দুঃখ কহিব কার আগে ॥

কহে বাসুদেব ঘোষ মিদান । গোরা বিহু নাহি রহে প্রাণ ॥

এইরূপ যাতনার কথা বলিতে বলিতে প্রিয়াজী বলিতেছেন, সখি, যদি গোর আমার বিমুখ হইলেন, তবে এ জীবনে আর ফল কি ? আমি এ দুঃখের কথা ফুটিয়া বলিতে পারি না, বলিতে গেলে বুক বিদীর্ণ হয়; এখন বল, এ জীবনে আর কি সুখ আছে, আর কি বলিয়াই বা প্রাণ ধারণ করি ?

মঝুমনে লাগল শেল । গোর বিমুখ ভৈ গেল ॥

জনম বিফল মোর ভেল । দারুণ বিধি দুঃখ দিল ॥

কাহে কহব এই দুঃখ । কহইতে বিদরয়ে বুক ॥

আর না হেরিব গোরা মুখ । তবে আর জীবনে কি সুখ ॥

বাসুদেব ঘোষ রসগান । গোরা বিনে না রহে পরাণ ॥

প্রিয়াজীর গোর-বিরহ অহুরন্ত—এ যাতনার বিরাম নাই—

বিশ্রাম নাই—রাবণের চিতার মত সে বিরহ-আগুনের তিলাদও
নির্কাণ নাই। প্রিয়াজী একাকিনী থাকিতেই ভালবাসিতেন।
অপরের নিকট দুঃখের কাহিনী বলিতে তাঁহার প্রবৃত্তি হইত না,
অপর কাহারও স্মৃতিত কথা বলিতেও তাঁহার ইচ্ছা হইত না।
শ্রীগৌর-বিরহ তাঁহার পক্ষে মহাবোগীর ধ্যানের মত গভীরতম
হইয়া উঠিয়াছিল। তিনি অনেক সময়েই নিজের হৃদয়কে সম্বো-
ধন করিয়া কথা বলিতেন, প্রাণকে ধিক দিয়া আপন মনে শোক
করিতেন, সে গুভীর শোকের মর্ম্মদাহী বিলাপ অপর কেহ জানিতে
পাইত না। তিনি নিজের প্রাণকে বলিতেছেন :—

হেদেরে পরাণ নিলজিয়া। এখন না গেলি তহু ত্যজিয়া ॥
গৌরাজ ছাড়িয়া গেছে মোর। আর কি গৌরব আছে তোরা ॥
আর কি গৌরাজ চাঁদ পাবে। নিছে তার আশ-আশে রবে ॥
সন্ন্যাসী হইয়া প্রভু গেল। এ জনমের সুখ ফুরাইল ॥
কাঁদি বিকুপ্রিয়া কহে বাণী। বাহু কহে না রহে পরাণী ॥

আবার বলিতেছেন :—

ধিক্ যাউ এ ছার জীবনে।
পরানের পরাণ গোরা গেল কোনখানে।
গোরা বিহু প্রাণ মোর আকুল বিকল।
নিরবধি আঁখিজল করে ছল ছল ॥
না হেরিব চাঁদমুখ না শুনিব বাণী।
কেন মনে করি আমি পশিব ধরণী ॥

গেল সুখসম্পদ যত প্রভু দিল ।
 শেল সমান মোর হৃদয়ে রহিল ॥
 গোরা বিষ্ণু নিশিদিন আর নাহি মনে ।
 নিরবধি চিন্তি মুই নিধনিয়ার ধনে ॥
 না হেরিব রাতুল কোমল পদ শোভা ।
 যাহা লাগি মন মোর অতিশয় লোভা ॥
 প্রসন্ন আছিল বিধি এবে হলো বাম ।
 কহে বাসুদেব ঘোষ না রহে পরাণ ॥

পদকর্তাদের মধ্যে কেহ কেহ শ্রীশ্রীবিষ্ণুপ্রিয়ার বিরহ-শোক মৰ্মাস্তিক ভাষায় বর্ণনা করিয়াছেন। এই সকল পদের মধ্যে “বারমাসিয়া বিরহ” নামে যে কয়েকটি পদ পাওয়া গিয়াছে, সেই পদগুলি করুণ রসে পরিপূর্ণ। এই সকল পদ কোনও সময়ে বঙ্গের পল্লীতে পল্লীতে গীত হইত, এমন কি কৃষক-রমণীরাও এই সকল পদ লইয়া নগ্ননজলে বন্ধ ভাসাইত। নিম্নে এই “বারমাসিয়া-বিরহ” পদের কয়েকটি পদ উদ্ধৃত করিয়া দেওয়া বাইতেছে।

বৈশাখে বিষম ঝড় এ হিয়া আকাশে ।
 কে রাখে এ তরি, পতি-কাণ্ডারী বিদেশে ॥
 জেষ্ঠে রসাল রস সবে পান করে ।
 বিরস আমার হিয়া,—প্রিয় নাই ঘরে ॥
 আঘাতেতে রথযাত্রা দেখি লোক ধন্ত ।
 আমার যৌবন-রথ রহিয়াছে শূন্ত ॥

শ্রাবণে নূতন বস্ত্রা জলে ভাসে ধরা ।
 কান্ত লাগি চক্ষে মোর সদা জলধারা ॥
 ভাদ্রমাসে জন্মাষ্টমী হরি-জন্মমাস ।
 সবার আনন্দ,—কিস্ত মোর হা হতাস ॥
 আশ্বিনে অশ্বিকা পূজা স্ত্রী সব নারী ।
 কাঁদিয়া গৌয়াই আমি দিবস শৰ্বরী ॥
 কাটিকে হিমের জন্ম, হয় হিমপাত ।
 ভয়ে মরি আমি সখি শিরে বজ্রাঘাত ॥
 আশ্বনে নবান্ন করে নূতন তণ্ডুলে ।
 অন্নজল ছারি মুঞি ভাসি এ অকূলে ॥
 পোষে পিষ্টক আদি খায় লোকে সাধে ।
 বিধাতা আমার সঙ্গে সাধিয়াছে বাদে ॥
 মাঘের দারুণ শীতে কাঁপয়ে বাঘিনী ।
 একেলা কামিনী আমি বঞ্চিব যামিনী ॥
 ফাল্গুনে আনন্দ বড় গোবিন্দের দোলে ।
 কান্ত বিহু অভাগী হুলিবে কার কোলে ॥
 চৈত্রে বিচিত্র সব বসন্ত উদয় ।
 লোচন বলে বিরহিনীর মরণ নিশ্চয় ॥

ফাল্গুনে গৌরাজ্ঞান পূর্ণিমা দিবসে ।
 উদ্বর্তন তৈলে স্নান করায় হরিষে ॥

পিষ্টক পায়স আর ধূপ দীপগন্ধে ।
 সংকীৰ্ত্তন করাইব মনের আনন্দে ॥
 ও গোরাক্ষ পছঁহে তোনার জন্মতিথি-পূজা ।
 আনন্দিত নবদ্বীপে বাল-বৃদ্ধ যুবা ॥
 চৈত্রে চাতক পাখী পিউ পিউ ডাকে ।
 তাহা শুনি প্রাণ কঁাদে কি কহিব কাকে ॥
 বসন্ত কোকিল সব ডাকে কুহকুহ ।
 তাহা শুনি আমি মূৰ্ছা যাই মুহমূৰ্ত্ত ॥
 পুষ্প নধু থাই মত্ত ভ্রমরীরা বলে ।
 তুমি দূরদেশে আমি গোয়াব কার কোলে ॥
 ও গোরাক্ষ পছঁহে আমি কি বলিতে জানি ।
 বিধাইল শরে যেন ব্যাকুল হরিণী ॥
 বৈশাখে চম্পকলতা নূতন গামছা ।
 দিব্য ধৌত কৃষ্ণকেলি বসনের কোচা ॥
 কুঙ্কুম চন্দন অঙ্গে সঙ্গ পৈতা কাঁধে ।
 সেরূপ না দেখি মুই জীব কোন ছাঁদে ॥
 ও গোরাক্ষ পছঁহে বিষম বৈশাখের রোদ্রে ।
 তোমা না দেখিয়া মোর বিরহ-সমুদ্রে ॥
 জ্যৈষ্ঠের প্রচণ্ড তাপ প্রকাণ্ড সিকতা ।
 কেমনে বঞ্চিবে প্রভু পদাঙ্ক-রাতা ॥
 সোণ্ডরি সোণ্ডরি প্রাণ কঁাদে নিশিদিন ।
 ছট্‌কট্‌ করে যেন জল বিহ্ন নীন ॥

ও গৌরাক্ষ পহঁছে নিদারুণ হিয়া ।
 অনলে প্রবেশি মরিবে বিষ্ণুপ্রিয়া ॥
 আঘাড়ে নূতন মেঘ দাহুরীর নাদে ।
 দারুণ বিধাতা মোরে লাগিলেক বাদে ॥
 শুনিয়া মেঘের নাদ ময়ূরীর নাট ।
 কেমনে যাইব আমি নদীয়ার ঘাট ॥
 ও গৌরাক্ষ পহঁ মোরে সঙ্গে লইয়া যাও ।
 যথা লাম তথা সীতা বনে চিন্তি চাও ॥
 শ্রাবণে গলিতধারা ঘন বিদ্যুলতা ।
 কেমনে বঞ্চিব প্রভু কারে কব কথা ॥
 লক্ষ্মীর বিলাস ঘরে পালঙ্কে শয়ন ।
 সে সব চিন্তিয়া মোর না রহে জীবন ॥
 ও গৌরাক্ষ পহঁছে তুমি বড় দয়াবান ।
 বিষ্ণুপ্রিয়া প্রতি কিছু কর অবধান ॥
 ভাদ্রে ভাস্কত-তাপ সহনে না যায় ।
 কাদম্বিনী-নাদে নিদ্রা মদন জাগায় ॥
 বার প্রাণনাথ প্রভু না থাকে মন্দিরে ।
 হৃদয়ে দারুণ শেল বজ্রাঘাত শিরে ॥
 ও গৌরাক্ষ পহঁছে বিষম ভাদ্রের খরা ।
 প্রাণনাথ নাহি যার জীয়ন্তে সে মরা ॥
 আশ্বিনে অশ্বিকা পূজা হুর্গা মহোৎসবে ।
 কাস্ত বিনা যে হুঃখ তা কার প্রাণে সবে ॥

শরত সময়ে যার নাথ নাহি ঘরে ।
 হৃদয়ে দারুণ শেল অন্তর বিদরে ॥
 ও গোরাক্ষ পহঁ মোরে কর উপদেশ ।
 জীবন-মরণে মোর করিহ উদ্দেশ ॥
 কাঙ্ক্ষিকে হিমের জন্ম হিমালয়ের বা ।
 কেমনে কোপীনবস্ত্রে আচ্ছাদিবা গা ॥
 কত ভাগ্য করি তোমার হইয়াছিলাম দাসী ।
 এই অভাগিনী মুই হেন পাপরাশি ॥
 ও গোরাক্ষ পহঁহে অন্তর যামিনী ।
 তোমার চরণে আমি কি বলিতে জানি ॥
 অগ্রাণে নূতন ধাত্ত জগতে বিলাসে ।
 সৰ্ব্বস্থ ঘরে প্রভু কি কাজ সন্ধ্যাসে ॥
 পাটনেত ভোটে প্রভু শয়ন কহলে ।
 সুখে নিদ্রা যাও তুমি আমি পদতলে ॥
 ও গোরাক্ষ পহঁহে তোমার সৰ্ব্বজীবে দয়া ।
 বিষ্ণুপ্রিয়া নাগে রাক্ষাচরণের জায়া ॥
 পোষে প্রবল শীত জলন্ত পাবকে ।
 কাস্ত আলিঙ্গনে দুঃখ তিলেক না থাকে ॥
 নবদ্বীপ ছাড়ি প্রভু গেলা দূরদেশে ।
 বিরহ-অনলে বিষ্ণুপ্রিয়া পরবেশে ॥
 ও গোরাক্ষ পহঁহে পরবাস নাহি শোহে ।
 সংকীৰ্ত্তন অধিক সন্ধ্যাসংঘর্ষ নহে ॥ •

মাঘে দ্বিগুণ শীত কত নিবারিব ।
 তোমা না দেখিয়া প্রাণ ধরিতে নারিব ॥
 এইত দাক্ষণ শেল রহিল সম্প্রতি ।
 পৃথিবীতে না রহিল তোমার সন্ততি ॥
 ও গৌরান্দ পছঁহে মোরে লেহ নিজপাশ ।
 বিরহ-সাগরে ডুবে এ লোচনদাস ॥

৩

ইহ পহিল মাঘ কি মাহ । সব ছোড়ি চলু মঝু নাহ ।
 জিনি কনক কেশর দাম । পছঁ গৌরসুন্দর নাম ॥
 কেশ চামর শোহই ।
 কুসুম শরবর, জিনিয়া সুন্দর, কতিছঁ ভাবিনী মোহই ॥
 না হেরিয়া সোমুখ ফাটি যায়ত বুক, প্রাণ ফাঁফর হোয়রি ।
 কেশব ভারতী, মন্দ মতি অতি, কয়ল প্রিয়যতি সোয়রি ॥
 ইহ মাহ ফাল্গুন ভেল । বিহিনাহ কাহে লেই গেল ॥
 উঁহি আওয়ে পুণমিক রাতি । দিন সোঙরি ফুরত ছাতি ॥
 জন্মদিন ইহ গারিয়া ।

ভকত চাতক, অবোরে লোচন, রোয়ত সোমুখ ভাবিয়া ॥
 হাম কৈছে রাখব, পামর পরাণ গৌর তম্ব নাহি হেরিয়া ।
 ঐছে মাধুরী, প্রেম চাতুরী, সোঙরি ফাটত ছাতিয়া ॥
 ইহ আওয়ে চৈতক মাহ । ঋতুরাজ বাঢ়ায়ত দাহ ॥
 ইহ ভকতবৃন্দক মেলি । পছঁ করত কীর্তন কেলি ॥

কাঞ্চন-বল্লী-মাধুরী-গঞ্জিয়া ।

বাহুগ তুলি, কৃষ্ণ হরি বলি, লোরে নদী কত সিঞ্চিয়া ॥
কাস্ত লাগি প্রাণ, করে আনচান, কাহে কাটাব দিন রাতিয়া ।
বিরহক আগি, মন দগদগি, মরমে জলত রিরহক বাতিয়া ॥
ইহ মাধবী পরমেশ । পিয়া গেল কিয়ে দূরদেশ ॥
ইহ বসন্ত তনু স্নখ হোড় । তবধার কৌপীন ডোর ॥

অরুণ বাস ছোড়লহি চন্দনে ।

তেজি স্নখময় শয়ন আসন, ধূলায় পড়ি করু ক্রন্দনে ॥
যো বুক পরিসর, হেরি কামিনী রস লাগি মোহই ।
সো কিয়ে পামর, পতিত কোলে করি অবনী মূরছিত রোঅই
অব জেঠ মাহ ইহ আই । পহু শশী নাহি পাই ॥
হাম কৈছে রাখব দেহ । সখি, বিছরি সো পহ লেহ ॥

দারুণ দেহ রহে কিবা লাগিয়া ।

নিদাঘ ভাসল, বিরহ ভয়ে হাম, রজনীদিন রহি জাগিয়া ॥
যো পদতল থল-কমল-স্নকোমল, কঠিন কুচে নাহি ধরিয়ে ।
সো পদ মেদিনী, তপত কুশবনে, ফিরয়ে সহিতে কি পারিয়ে ॥
ইহা বিরহ দারুণ বাঢ় । তাহে আওয়ে মাহ আঘাঢ় ॥
তাহে গগনে নবসব মেহ । সব লোক আওল গেহ ॥

দারুণ ঐছে বাদর হেরিয়া ।

হাম সে পাপিনী, পুড়ব তাপিণী, পহ না আওল ফিরিয়া ॥
কিবা সে চাঁচর, চিকুর শ্রামর, চূর্ণ কুস্তল শোভিতা ॥
ভালে চন্দন, তাহে শৃগমদ, বিন্দু রতিপতি মোহিতা ॥

ইহা সঘনে বাঢ়ত দাহ । তাহে আওয়ে শাওন মাহ ॥

ইহ মন্ত দাহুরী রোল । শুনি প্রাণ ফাটয়ে মোর ॥

দামিনী চমকি চমকিত কঁতিয়া ।

মেহ বাদর বরিখে ঝর ঝর, হামারি লোচন ভাঁতিয়া ॥

এ ছুরদিনে প্রিয়া, দেশে দেশে ফিরত, জিনি সোণার কঁতিয়া ।

হান অভাগিনী, কৈছে রহব গেহ, এহেন পিয়াক বিছরিয়া ॥

মঝু প্রাণ কঠিন কঠোর । তাহে আওয়ে ভাদর ঘোর ॥

মঝু প্রাণ জ্বলি জ্বলি যায় । দেহ ছাড়ি নাহি বাহিরায় ॥

সো চাঁদ মুখ অব নাহি পেথিয়া ।

হায় রে বিধি, না জানি করমহি আর কি রাখিয়াছে লিথিয়া ॥

আজ্ঞামূলস্থিত, বাহ যুগল, কনক-করিবর-গুণ্ডরে ।

হেরি কামিনী থির দামিনী রোই ছোড়ল মন্দিরে ॥

এ দুঃখ কহব কাহ । তাহে আওয়ে আশিন মাহ ॥

ইহ নগর নবদ্বীপ মাঝ । তাহে ফিরত নটবর-রাজ ॥

কীর্তনে প্রেম আনন্দে মাতিয়া ।

নাগর নাগরী, ও মুখ হেরি, পতিত ঘাততি ছাতিয়া ॥

আর পুনঃ কি আওব সো পিয়া নগর-কীর্তন গাইয়া ।

খোল করতাল গান সুমধুর, রোই ফিরব কি চাহিয়া ॥

এত দুঃখ সহে কিয়ে ত ছাতি । তাহে আওয়ে কাতিক রাতি ॥

তাহে শরদ চাঁদ উজোর । তহি ডাকে অলিকুল ঘোর ॥

কুসুম-সমূহ নিগন্ধ রাজ বিকশয়ে ।

শ্রীবাস আদি কত, ভকত শত শত, করল কীর্তন বাসরে ॥

সে হেন সুখ দিন গেল, ছরদিন ভেল, বিহি অব বাম রে ।
থাকুক দরশন, অক্ল পরশন, শুনিতে তুলহ নাম রে ॥

মঝু প্রাণ কর আনচান ।
যব শুনিয়ে আঘন নাম ॥
পছঁ অধুনা না আওল রে ।
মোরে বিধাতা বঞ্চল রে ॥
আঘন যে দারুণ প্রাণ চল তছু পাশ রে ।
এ ঘর ছাড়িয়া, দণ্ড করে লৈয়া,
কাহে কয়ল সম্মাস রে ॥
এ নব বুঝতী, পরাণে বধিয়া,
সম্মাসে কি ফল পাও রে ।
কাণে কুণ্ডল পরি, যোগিনী হইয়া,
পিয়াপাশ হাম যাওব রে ॥

যব দেখি পৌষ হি মাস ।
তব তেজলু জীবনক আশ ॥
অব ধন্য সো বর-নারী ।
বেদেশে পছঁ পরচারি ॥
গেল তাসব হুঃখ রে ।
মঝু প্রাণ পামর, জর জর বিরহে,
দেহ জহু তরু শুষ্ক রে ॥

শ্রীশ্রীগৌর-বিকৃপ্রিয় ।

কাঁদিয়া আকুলি, বিরহে ব্যাকুলি,
 দশমী দশাপর বেশ রে ।
 এ শচীনন্দন দাস নিবেদন,
 কেন বা ছারিল দেশ রে ॥

৩

পুঁহিল হি মাঘ, গৌরবর-নাগর,
 হুথ-সাগরে মুখে ডারি ।
 রজনীক শেষ, শেজ সঞে ধায়ল,
 নদীয়া করিয়া আঁধিয়ারি ॥
 সজনি কিরে ভেল নদীয়াপুর ।
 ঘরে ঘরে নগরে নগরে ছিল যত স্থথ,
 এবে ভেল হুথ পরচুর ॥
 নিজ সহচরীগণ, রোয়ত অহুথন,
 জননী লুঠত মহী রোই ।
 আহা মরি মরি করি, ফুকরই বেরি বেরি,
 অন্তর গরগর হোই ॥
 সো নাগর-বর, রসমন্স সাগর,
 যদি মোহে বিছুরল সোই ।
 তব কাহে জীউ, ধরব হাম স্তন্দরি,
 জনম গোঙাবব রোই ॥

বিরহিনী বিকুশ্রিয়া ।

৪১৯

দোসর ফাগুন, শুণগণে নিমগন,
ফাগু-সুসমিত অঙ্গ ।

রঙ্গে সঙ্গিয়া যত, মৃদঙ্গ বাজাওত,
গাওত কতছ' তরঙ্গ ॥

সজনি সুন্দর গৌরকিশোর ।

রসময় সময়, জানি করুণাময়,
এবে ভেল নিরদয় মোর ॥

কুসুমিত কানন, মধুকর গাওন,
পিককুল ঘন ঘন রোল ।

গৌর-বিরহ দাব- দাহে দগধ হাম্,
মরি মরি করি উতরোল ॥

মৃহুমৃহ পবন, বহই চিতমানন,
পরশে গরল সম লাগি ।

যাকর অন্তরে, বিরহ বিথারল,
সো জগমাঝে হুথভাগী ॥

মধুময় সময়, মাস মধু আওল,
তরু নব পল্লব শাখ ।

নবলতিকা-পর, কুসুম বিথারল,
মধুকর মৃহ মৃহ ডাক ॥

সহচরি দারুণ সময় বলন্ত ।

শ্রীশ্রীগৌর-বিশ্বপ্রিয়া

গোরা-বিরহানলে, বো জন জারল,

তাহে পুনঃ দগধে ছরন্ত ॥

নব নদীয়াপুর, নব নব নাগরী,

গৌর-বিরহ-দুখ জান ।

নিজ মন্দির তেজি, মোহে সমুঝাইতে,

তব চিতে ধৈরজ না মান ॥

কাঞ্চন দহন- বরণ অতি চিকন,

গৌরবরণ দ্বিজরায় ।

যব হেরব পুন, তব দুখ-বিমোচন,

করব কি মন পাতিয়ায় ॥

দুখময় কাল, কাল করি মানিয়ে,

আওত মাহ বৈশাখ ।

দিনকর কিরণ, দহন সব দারুণ,

ইহ অতি কঠিন বিপাক ॥

ধরতর পবন, বহই সব নিশিদিন

উমরি গুমরি গৃহ মাঝ ।

গোরাবিহু জীবন, রহয়ে তছু অস্তরে,

তাহা দুখ সমুহ ধিরাজ ॥

মন্দ তরঙ্গিত, গন্ধ হৃগন্ধিত

আওত মারুত মন্দ ।

গৌর-সুসঙ্গ- বিভক্ত যদঙ্গ হি,
 লাগয়ে আগি প্রবন্ধ ॥
 কো করু বারণ বিরহ নিদারুণ,
 পর কারণ দুখভাগী । •
 করুণা-বরুণালয়, মো শচীনন্দন,
 যাকর হোই বিরাগী ॥

গণি গণি মাহ জেঠ অব দৈঠল
 , অনিল সম সব জান ।
 কানন গহন দাব ঘন দাহন
 ভয়ে মুগী করত পয়ান ॥
 অধুরিম আশ্র পনস সরসাবলী,
 পাকল সকল রসাল ।
 কোকিলগণ ঘন, কুহুকুহ বোলত,
 শুনি যেন বজ্র বিশাল ॥
 ইথে যদি কাঞ্চন বরণ গৌরতম্বু,
 দরশন আখতিল হোই ।
 তব দুখ সকল সফল করি মানিয়ে,
 কি করব ইহ সব মোই ॥
 অধুকর নিকর, সরোবরুহ মধুপর,
 বেরি বেরি পীবি করু গান্ধ ! •

ঐ ছন গৌর- রদন সরসীরুহ,

মধু হাম করব কি পান ॥

খন খন মেঘ গরজে দিনযামিনী

আঙল মাহ আঘাট ।

নবজলধর পর দামিনী ঝলকরে

দাহ দ্বিগুণ উঁহি বাঢ় ॥

সহচরি দৈবের দাক্ষণ মোহে লাগি ।

শরদ স্খ্যাকর সমমুখ স্তম্বর

সো পহঁ কাঁহা গেও ভাগি ॥

অন্তর গরগর পাঁজর জরজর

ঝরঝর লোচন-বারি ।

দুখ-কুল-জলধি মগন অছু অন্তর

তাকর দুখ কি নিবারি ॥

বদি পুন গৌরচাঁদ আঁধার নদীয়াপুর

গগনে উজরো হয় নিত ।

তব সব দুখ সফল করি মানিয়ে

হোয়ত তব স্থির চিত ॥

পুনপুন গরজন বজর নিপাতন

আঙল শাঙন মাহ ।

জলধর তিমির বোর দিনযামিনী

ঝরঝরি নাহি বাহ ॥

সজনি কো কহে বরিষা ভাল ।

ধারাদর জল ধারা লাগয়ে

বিরহিণী তীর বিশাল ॥

একে হাম গেহি লেহি পুন কো কর

কাঁফর অন্তর মোর ।

তিতি খনে মরি মরি গৌর গৌর করি

ধরনী লোঠিহি মহাভোর ॥

গণি গণি দিবস মাস পুন পুরল

মাস মাস করি সাত ।

ইথে যদি গৌরচন্দ্র নাহি আওল

নিচয় মরণ কি বাত ॥

আওল ভাদর কো কর আদর

বাদর তবহি না জাত ।

দাহর দাহরী রব শুনি বেরি বেরি

অন্তরে বজ্র-বিঘাত ॥

কি কহব রে সখি হৃদয় কি বাত ।

পরিহরি গৌরচন্দ্র কাঁহা রাজত

দয় এক সহচর সাথ ॥

যদি পুন বেরি শাস্তিপূর আওল

কাহে না আওল নিজ ধাম ।

শ্রীশ্রীগৌর-বিষ্ণুপ্রিয়া।

তাঁহা সংকীৰ্তন প্রেম বিথারণ
 পূরল তছু মনকাম ॥
 হুয়াগত পতিত ছুথিত যত জীবচয়
 তাহে করুণা করু সেই ।
 তাহে পুন তাপ রাশি পরিপূরিয়া
 মোহে কাহে তেজল সেই ॥

আওল আশ্বিন বিকসিত সবদিন
 জলথল-পঙ্কজ ভাল ।
 মুকুলিত মল্লিকা কুসুম ভরে পরিমলে
 গন্ধিত শরত কাল ॥
 সজনি কত চিত ধৈরজ হোই ।
 কেমন শশিকর নিকর সেবন পর
 যামিনী রিপুসম মোই ॥
 যদি শচীনন্দন করুণা-পরায়ণ
 যাপর নিদয় ভেল ।
 তাকর সুখময় সময় বিপদময়
 লাগয়ে বৈছন শেল ॥
 খুমহীন লোচন বারি ঝরত ঘন
 জহু জলধরে বহে ধার ।
 ক্ষিতি পর শুই রোই দিনযামিনী
 কো হুখ করব নিবার ॥

আওল কাতিক সব জন নৈতিক
সুরধুনী করত সিনান ।

ব্রাহ্মণগণ পুন সন্ধ্যা তর্পণ
করতহি বেদ-বাধান ॥

সখি হে হাম ইহ কছু নাহি জান ।
গৌর চরণ-যুগ বিমল সরোবর
হৃদে করি অতুষ্ণ ধ্যান ॥

যদি মোর প্রাণ- নাথ বহু বল্যভ
বাহরায় নদীয়াপুর ।

ধরম করত তব কছু নাহি খোজব
পীয়ব প্রেম মধুর ॥

বিধি বড় নিদারুণ অবিধি করয়ে পুন
সরবস যাহে দেই যোই ।

তাকর ঠামে লেই পুন পরিহরি
পাপ করয়ে পুন সোই ॥

আওল আঘন মাহ নিরাশ্রয়
কোন করব সে নিতান্ত ।

সব বিরহিণীজন দেহ-বিষাতন
তাহে ঘন শীত কৃতান্ত ॥

স্তন সহচরী এবে ভেল মরম বিশেষ ॥

শ্রীশ্রীগৌর-বিশ্বপ্রিয়া ।

পুনরপি গৌর কিশোর-চিতে হোয়ত
ভরসা হুখ অবশেষ ॥

তব কাহে ধৈরজ মানব অন্তর মাহ
অতএব মরণ অবসাত ।

নিজ সহচরীগণ আওত নাহি পুন
কার মুখে না শুনিবে বাত ॥

যদি পুন স্বপনে গৌরমুখ পঙ্কজ
হেরিয়ে দৈব-বিধান ।

তব হি সফল করি মানিয়ে নিশে দিনে
আধ তিল ধৈরজ মান ॥

আওল পৌষ মাহ অতি দারুণ
তাহে ঘন শিশির নিপাত ।

ধরহরি কল্পি কলেবর পুনঃপুনঃ
বিরহিণী পর উতপাত ॥

সজনি অবহি হেরব গোরা মুখ ।

গণি গণি মাহ বরষ অব পুরল
ইথে পুন বিদরয়ে বুক ॥

তোমারে কহিয়ে পুন মরমক বেদন
চিত মাহাকর বিশ আস ।

গৌর-বিরহ জরে ত্রিদোষ হইয়া যারে
তাহে কি ঔষধ অবকাশ ॥

এত শুনি কাহিনী নিজ সব সঙ্গিনী

রোই সব জন ঘেরি ।

দাস ভুবনে তণে ধৈরজ করহ মনে

গৌরঙ্গ আসিবে পুন বেরি ॥ .

এইরূপ অসংখ্য বারমাসিয়া পদ এদেশে গীত হইত, প্রিয়াজীর .
বিরহ-যাতনার লেশাভাস এইরূপে বঙ্গের সুদূর পল্লীতে পল্লীতে
“বারমাসিয়া” গানের আকারে প্রকাশ পাইত। সে গানে
সকলেরই প্রাণ ব্যাকুল হইয়া উঠিত, ‘হা গৌরঙ্গ’ বলিয়া ভাবুক
ভক্ত-শ্রোতৃবর্গ ধূল্য গড়াগড়ি দিতেন, পুরাতন কথা বারমাসিয়া
গানে নূতন ভাবে জাগিয়া উঠিত ।

ইহাতে শ্রীগৌরঙ্গের রূপ, গুণ ও লীলা ভক্তসমাজে ও অভক্ত-
সমাজে সর্বত্রই প্রচারিত হইত। এই বারমাসিয়া গানগুলি
কোন কোন অঞ্চলে এখনও শুনিতে পাওয়া যায় ।

এখনও গৌরভক্ত নরনারীগণ প্রিয়াজীর বিরহ-যাতনার লেশা-
ভাস অনুভব করিয়া পদ-গীতিকা রচনা করিয়া থাকেন, সেই সকল
পদেও এই নিদাক্ষণ বিরহ-রসের আভাস পাওয়া যায় । নিম্নে এক
বিশিষ্টা ভক্ত মহিলার পদ প্রকাশ করা যাইতেছে ।

১*

গৌর গরবিণী বিফুপ্রিয়া ধনী

বিয়োগে পাগলী পায় ।

* ১ হইতে ৩ চিত্রিত পদত্রয় গোলকগত শিল্পিরকুমার . ঘোষ মহোদয়ের
গরম বেহ-পাত্রী ভগিনী মহোদয়ার রচিত ।

সোনার পুতলী ধূলায় পড়িয়া
 নয়নে বহিছে ধারা ॥
 চাহি সখীপানে সজল নয়নে
 তেয়াগী সরম লাজ ।
 বলে “সখি, বল কি হোলো কি হোলো
 শিরে কে হানিল বাজ ॥
 শুন সহচরি কিছু নাহি জানি
 কি কাল রজনী এলো ।
 মোর হৃদি ধন অমূল্য রতন
 গৌরাক্ষ হরিয়া নিল ॥
 শুন সহচরি আগে যদি জানি
 ছেড়ে যাবে গৌরাংশী ।
 পরাণ ভরিয়া সে মুখ দেখিতু’
 জাগি পোহাইতাম নিশি ॥
 জগত ছল ভ আমার রতন
 আগে জানিতাম যদি ।
 সে ছটা চরণ করিয়া যতন
 হৃদে রাখিতাম বাঁধি ॥
 অসাধনে আমি রতন পাইয়া
 গরবে ভরিয়া গেহু ।
 অমূল্য রতন হেলায় হারান্নে
 এখন বুঝিয়া মম্ব ॥

আর না সেবিব সে রাস্তা চরণ

আর না হেরিব মুখ ।

গৌরাজ বিহনে নাহি গেল প্রাণ

কেন না কাটিল বুক ॥

নিলাজ পরাগী যাওরে এখনি

থেক না থেক না আর ।

পরান-পরানী গোরা গুণমণি

ছাড়িয়া গেছে আমার ॥

রূপের জলধি গোরা-গুণনিধি

প্রাণপতি হারা হয়ে ।

মুই অভাগিনী বড়ই পাষাণী

এখনও রয়েছি জীয়ে ॥

গৌর-গরবে গরবিনী হান

ছিলাম নদীয়া পুরে ।

নদিয়াবাসিনী যতেক রমণী

সকলে সেবিত মোরে ।

এবে অভাগিনী পতি তেরাগিনী

না দেখিবে মোর মুখ ।

শুনরে সজনী জাগার আশুনি

নিভাই সকল দুঃখ ॥

কোথা প্রাণেশ্বর শূণের সাগর

গৌরাজ দয়ার নিধি ।

শ্রীশ্রীগোর-বিষ্ণুপ্রিয়া ।

তোমার বিরহে বিষ্ণুপ্রিয়া দহে
জুড়াও তাহার হৃদি ॥

কোথা প্রাণপতি অগতির গতি
কোথা হে করুণাধাম ।

করুণা করিয়া জগত তারিলে
কি দোষে দাসীরে বাম ॥

তোমা না দেখিয়া মরে বিষ্ণুপ্রিয়া
কোথা বিষ্ণুপ্রিয়া নাথ ।

জনম দুঃখিনী দাসী বিষ্ণুপ্রিয়া
কর নাথ আশ্রয়ত ॥

কহে কাকালিনী যুড়ি হুই পানি
শুনলো গোরাঙ্গ প্রিয়া ।

গোরা দয়াময় তোমা ছাড়া নয়
দেখ না আপন হিয়া ॥

তারিতে সংসার গোরা অবতার
তাঁহার সহায় তুমি ।

তব আঁখি জলে জগত ভাসালে
তারিলে ভারতভূমি ॥

গৌর-প্রেমদাত্রী তুমি জগদ্ধাত্রী
বারেক যে তোমা ভজে ।

লভে গোরাপদ পরম সম্পদ
গতি হয় তার ব্রজে ।

ওগো মা জননী মুছ আঁখি পানি
কহিছে বলাই দাসী ।

বড় সাধ মনে হেরিব নয়নে
ও চাঁদবদনে হাসি ॥

গোরা মনোরমে বসো গোরাবামে
নয়ন ভরিয়া হেরি ।

দেহ এই ভিক্ষে ছুঁহে রহ স্মৃথে
মুই কাঁদি জন্মভরি ॥

২

মনে ভাবি প্রাণসখি, হৃদয়ে সে রূপ আঁকি,
নিশি দিশি করি নিরীক্ষণ ।

করেতে লইয়া তুলি, ভাবিতে সে অঙ্গগুলি,
এলাইয়া পড়ে তহুমন ॥

নয়নে বহয়ে নীর, পরাণ না হয় স্থির,
কেমনে আঁকিব ছবি বল ।

না হইল ছবি আঁকা, না হইল রূপ দেখা,
সব আশা হইল বিফল ।

একবার মনে করি, শুন প্রাণ সহচরি,
নাথ সনে মনে কথা কই ।

স্মরিতে তাঁহার কথা, হৃদে উঠে বত ব্যথা,
আমাতে আর আমি যেন নই ॥

বাক্‌রোধ হয় মোর, ঝরে না নয়নে লোর,
অমনি মুরছি পড়ি ধরা ।

যত কথা রৈল মনে, না হলো নাথের সনে,
আরো মোরে করিল অধীরা ।

নিশিযোগে শুয়ে থাকি, মনে মনে ভাবি সখি,
নিজা এলো দেখিব স্বপনে ।

মোর ভাগ্য মন্দ অতি, যে অবধি গেছে পতি,
নিজাভ্যাগ করেছে নয়নে ।

কি আর কহিব হুঃখ স্বপনে ও চন্দ্রমুখ,
একবার নারিছু দেখিতে ॥

আমার মরম ব্যাথা, মরমে রহিল গাঁথা,
কেবা আছে কব কার সাথে ॥

কি আর বলিব বল, আমার করম ফল,
সবদিকে হইল বঞ্চিত ।

গৌরাক্ষ বিরহানল, কেমনে নিভাই বল,
উপায় যে না দেখি কিঞ্চিৎ ॥

এবে দেখি সহচরি, কাঁদিব জীবন ভরি,
এই মোর ললাট লিখন ।

ছাড়ি গেল প্রাণধন, প্রাণ নাহি গেল কেন,
বিধির বিধান নিদারুণ ।

না, আমি চাহি না সুখ, বুকভরা থাক হুঃখ,
মরমে থাক রে মর্ম্মব্যাথা ।

বিষ্ণুপ্রিয়া ।

৪৩৩

জল রে বিরহানল, পড় রে নয়ন জল,
 স্মরাইয়া দাও গৌর কথা ॥
ছাড়ি গেছে প্রাণপতি, তোরা দৌহে মোর সাথী
 এ দুঃখেতে আমার সহায় ।
তোরা যদি যাস্ ফেলি, গৌরকথা যাব ভুলি,
 তবে মোর কি হবে উপায় ॥”
বিষ্ণুপ্রিয়া জগন্নাথ, এতেক কহিয়া কথা,
 মুখি পড়িল ভূমিতলে ।
বলাইদাসের দাসী, অমনি পদ পরশি,
 লুটায় পড়িল তার তলে ॥

৩

সনাতন বালা করে লয়ে মালা
 জুড়াইতে জালা বসিল জপে ।
স্মরি শ্রীগোরাঙ্গ এলাইল অঙ্গ
 চিত হল ভগ্ন বিষম তাপে ॥
কনক-বরণী এলায়িত বেণী
 দীন কাল্মলিনী পাগলী পারা ।
ধূলার ধূসরা ক্ষীণ কলেবরা
 ঝরিছে নয়ন, বহিছে ধারা ॥
শ্রীগোরাঙ্গ স্মরি বলে “মরি মরি
 এই ছিল কি হরি তোমার মনে ॥

করুণা প্রকাশি করি নিজ দাসী

দিয়া প্রেমফাঁসি বধিলে প্রাণে ॥

বায় প্রাণ যায় তায় কৃতি নাই

ওহে দয়াময় যে স্থখে আছি ।

দগধ জীবন দিয়া বিসর্জন

নিভাই আগুন এখনি বাঁচি ॥

তবে এক সাধ আছে গোরচাঁদ

হেরি মুখচাঁদ মরিব আমি ।

অস্তিম সময় করুণা-নিলয়

হৃদয়ে উদ্ভিত হবে কি তুমি ॥

রাতুল চরণ করি আলিঙ্গন

ও চাঁদবদন দেখিতে দেখিতে ।

জনমের মত শেষ করি ব্রত

হবে দাসী হত এ সাধ চিতে ॥

আর এক বাণী শুন গুণমণি

যবে আসি তুমি দিবে হে দেখা ।

ছাড়ি দীনবেশ আমার প্রাণেশ

এস দাসী পাশে পরাণ-সখা ॥

গোরাঙ্গ-সুন্দর হবে নটবর

মম হৃদিপর দাঁড়াবে আসি ।

ভরিয়া নয়ন হেরি সুবদন

তেরাগিবে প্রাণ তোমার দাসী ॥

যুড়ি হুই হাত বলে ঐগনাথ
তুমি জগন্নাথ জগৎ স্বামী ।

জগত বাহিত তোমার শ্রীপদ
যেন হে বঞ্চিত না হই আমি ॥”

কহিতে এ কথা সনাতন-সুতা
বিষ্ণুপ্রিয়া মাতা পড়িল ধরা ।

গেল বুঝি ধনী বলি কাঙ্কালিনী
ধরি পা ছুথানি বসিল স্বরা ॥

উঠগো জননী গৌর-সোহাগিনী
জগত-তারিণী জগত-মাতা ।

তব ঐগণেশ্বর নহেন অন্তর
অন্তরে তোমার আছেন গাথা ॥

ওমা হয়ে কাঙ্কালিনী তারিলে অবনী
ধন্ত গো জননী তোমার দয়া ।

পড়ি পদতলে কাঙ্কালিনী বলে
দিও গো যুগল চরণ-ছায়া ॥

প্রিয়াজী দিনের বেলায় বিষম্বদনে গৃহকার্যাদি করিতেন, শান্তডীর
সেবা করিতেন কিন্তু তাঁহার চিন্ত সততই শ্রীগৌরভাবনায় ব্যাকুল
থাকিত । বৃদ্ধা শচীমাতা বধুমাতার সান্নিধ্য জন্ত অনেক কথা
বলিতেন, অনেক প্রকার উপদেশ দিতেন কিন্তু সে প্রকার সান্নিধ্য
দিতে গিয়া নিজেই পূজ-বিরহের শোকবস্তায় ভাসিয়া যাইতেন,
হাহাকার করিয়া কাঁদিতেন, তজ্জন্ত প্রিয়াজীকে শতগুণ অধিক

ক্লেশভোগ করিতে হইত। এ অবস্থায় শান্তদীর নিকট তিনি বিরহ-ভাব যথাসম্ভব গোপন করিয়া তাঁহার সেবা ও সংসারকাৰ্য্য করিতেন।

শ্রীগৌরান্দের গৃহত্যাগের পর হইতে গৃহকাৰ্য্যের কোনও আড়ম্বর ছিল না। সেরূপ লোকসমাগমের ঘটনাও ছিল না। আর সেরূপ পঁচিশ ত্রিশজন করিয়া সাধুসন্ন্যাসীর সেবা লইয়াও ইহাদিগকে বিব্রত হইতে হইত না। এইরূপে শ্রীগৌরসুন্দরের গৃহ একরূপ নির্জজন হইয়াছিল। তবে সহৃদয় রমণীগণ সততই শচীমাতা ও প্রিয়াজীর তত্বাবধান করিতেন, শ্রীবাসাদি ভক্তগণও অনুরূপ প্রভুর বাটী পর্য্যবেক্ষণ করিতেন। কিন্তু ইহারা প্রভুর বাটীতে গিয়া অল্প কোনরূপ কথা তুলিতেন না। বিরহব্যাकुলা শচীমাতা অল্প কথায় কাণ দিতেন না, শ্রীগৌরান্দের কথা সততই তাঁহার মনে জাগিত, অথচ সে কথা তুলিতে গেলেই তাঁহার হৃদয়ের শোক-পারাবার উছলিয়া উঠিত।

ভক্তগণ ও সহৃদয় মহিলাগণ অতি সাবধানে শচীমাতার গৃহে বাইয়া তাঁহাদের সেবাদির তত্বাবধান ও শাস্তনা দেওয়ার ব্যবস্থা করিতেন। সুতরাং প্রভুর বাড়ীখানি সততই নির্জজন ও নীরব বলিয়া বোধ হইত। কিন্তু এই নীরবতার মধ্যে সময়ে সময়ে শচীমাতা যখন পুত্র-বিরহে হৃদয়ের দ্বার উঘারিয়া বিলাপ করিতে আরম্ভ করিতেন, তাহা শুনিয়া পাষণ্ড বিদীর্ণ হইয়া যাইত। যাহারা প্রবোধ দিতে যাইতেন, সে রোদনে ও সে বিলাপে তাঁহারাও অধীর হইয়া রোদন করিতে আরম্ভ করিতেন। তখন

কার এই হৃদয়বিদারী ভাবের কথা অহুমানো কিছু কিছু বুঝা যাইতে পারে ।

প্রিয়াজ্ঞীর চাপা শোক উচ্চরোদনে ফুটিত না, তিনি চোঁচাইয়া কাঁদিতে জানিতেন না । বাতনার তাঁহার বক্ষে ও কণ্ঠে চাপ পড়িত, শ্বাস রুদ্ধ হইয়া আসিত, মুখে কথা ফুটিত না, -মুখমণ্ডল আরক্তিম হইত, নয়নে জলধারা দেখা দিয়াই উহা বন্ধ হইয়া যাইত । তখন ধীরে ধীরে মুখের আরক্তিমতা ঘুচিয়া যাইত, শিশিরসিক্তি পরিমুদিত কমলের ত্রায় তাঁহার মুখশ্রী অভ্যস্ত মলিন দেখাইত । প্রিয়াজ্ঞীর শ্রীমুখ পঙ্কজের এই ভাব দেখিয়া সকলের প্রাণই বিদীর্ণ হইত । বৃদ্ধা শচীমাতা প্রিয়াজ্ঞীর মুখের দিকে চাহিয়া আরও অধীর হইতেন, বিনা রোদনেও অধিকাংশ সময়েই তাঁহার মুখে রোদনের ভাব ফুটিয়া বাহির হইত । বৃদ্ধা শান্তদীর সেবা পরিচর্যা করিয়া তাঁহাকে প্রবোধ দিয়া, তাঁহাকে শয়ন করাইয়া অবশিষ্ট সময়ে তিনি একাকিনী অপর গৃহের কোণে বসিয়া আপন মনে গৌর-বিরহে রুরিয়া রুরিয়া দিনমান যাপন করিতেন । প্রিয়াজ্ঞীর গুরুগম্ভীর অথচ ব্যাকুলতাময় ভাবলেশ-অবলম্বনে গৌরপ্রভা যে সকল গান রচনা করিয়াছেন, নিম্নে তদ্রচিত কয়েকটি গান প্রকাশ করা যাইতেছে :—

১

ওহে প্রাণেশ্বর, গৌরশুন্দর

জগত-জীবের সখা ।

চরণ দাসীয়ে কেন বা বঞ্চিলে

কি মোর করম লেখা ॥

তোমার চরণ,—আমার শরণ,

তুমি চিরদিন আমার জীবন,

তোমা হারা হয়ে রয়েছি পড়িয়ে

কবে প্রাণনাথ পাইব দেখা ।

দেখিতে দেখিতে কোথা লুকাইলে,

‘কিরিয়া চাহিতে যেন চলে গেলে ;

না পূরিতে সাধ, বিধি সাধে বাদ,

প্রতিপদে যেন চাঁদের রেখা ॥

যোগীর মতন তোমারে ধিয়াই

দয়াল নদীয়া-চাঁদ ।

সকলের প্রতি তুমি দয়াময়

অধুই দাসীয়ে বাম ॥

তোমার পথের লক্ষ্য ধরিয়।

বসিয়া রয়েছি একা ।

শত সাধনার উজ্জল রতন

দাও হে দাসীয়ে দেখা ॥

২

আমি কি লয়ে থাকিব ঘরে ?

জীবন আমার, পরাণ আমার

গিয়েছ আমার ছেড়ে ।

আমি সারাটি রজনী জাগিয়া জাগিয়া
তোমার লাগিয়া কাঁদিয়া কাঁদিয়া
তোমার আশায় পরাণ ধরিয়া

রয়েছি এখানে পড়ে ॥

দিনযামিনী জপি তব নাম,
তুমি নাথ মম তনুমন প্রাণ,
তোমার মধুর মুরতি মোহন

রয়েছে নয়ন ভ'রে ।

বিরহে তাপিত এ তনু রেখেছি

ও পদ-পরশ তরে ॥

তব কথামুখা শুধু জাগে কাণে,
তব তনু গন্ধ সদা পাই ভ্রাণে,
জাগিয়া জাগিয়া স্বপনে স্বপনে

পরাণ তোমাতে স্বরে ।

দাসী বলে নাথ মনে কি পড়ে না

এস হে কান্ত ফিরে ॥

৩

ওহে পরাণ বল্লভ আমার, তুমি কোথা—

কোথা গেলে আমার ফেলে ।

আমায় স্থান দাও, স্থান দাও হে নাথ—

তোমার চরণ তলে ॥

শ্রীশ্রীগৌর-বিষ্ণুপ্রিয়া ।

নীরবে নীরবে শুমরে মরি
 ফুকারি তিলেক কাঁদিতে নারি,
 সারা নিশিদিন তোমায়ে ভাবিয়া
 ভাসিতেছি আঁখিজলে ।
 পরাণ বল্লভ রাখ এ দাসীয়ে
 চরণ ধুলার তলে ॥
 তুমি বিনে আর কে আছে আমার
 এ বিপুল ধরা মাঝে ।
 তোমা ছাড়া সব হয়েছ আঁধার,
 রবো বা কাহার কাছে ॥
 কোথা—কোথা নাথ—কনক-কাস্তি,
 তব পদযুগ দাসীর শাস্তি ;
 শ্রাস্তচরণ রাখহ বারেক
 দাসীর বক্ষঃস্থলে ।
 চির সাধনার চরণ হুথানি
 ধোয়াব নয়নজলে ॥

তোমার চরণ পথ আমার সর্ব্বদা ধন,
 সে ধন ধুলায় ধূসরিত ।
 হেথা আমি অভাগিনী গৃহের মাঝারে রহি
 ছার দেহ রাখি আবরিত ॥

নিরমল তব তনু কোটি-ভানু-সমুজল
 লাবণ্য-মাধুর্য্য-সুধা-সার ।
 তোমা না দেখিয়া প্রাণ সদা করে আনছান
 চারিদিকে বিঘোর আঁধার ॥
 তোমার দরশ তরে রেখেছি জীবন ধ'রে
 পাব কি তোমার দরশন ।
 তুমি নাথ দীনবন্ধু,—অপার করুণাসিদ্ধ,
 কৃপাবিন্দু যাঁচে দেবগণ ॥
 আমি অতি অভাগিনী পেয়ে পদ রত্নখানি
 সেবিতে না হলো অধিকার ।
 তোমার বিরহ-শোকে অলে হিয়া সদা ছুঁখে
 পরাণে সতত হাহাকার ॥

৫

শূন্য মন্দিরে কঁাদে পরাণ
 কোথা বা নদীয়াটাদ ।
 অনন্ত শূন্য হৃদয় মোর,
 কোথা গেলে ওহে চিন্তচোর ?
 এস এস এস পরাণ গৌর
 আজ টুটেছে হৃদয় বঁধ ॥
 বিবাদ-বস্ত্রা তরঙ্গ তুলিয়া
 হৃদয়ে দিয়েছে হানা ।

শ্রীশ্রীগৌর-বিশ্বপ্রিয়া।

গেল বুঝি টুটে ধৈর্য মোর,
জীবনের সে সাধনা ॥

তোমার বিরহ অনন্ত সাগর
দিবানিশি ভাসি হইলু ফাঁপর
পরাণ-বঁধুয়া গৌরাজ-সুন্দর
নয়ন-আনন্দ-ছাঁদ ।

তোমার বিহনে হৃদয় উদাস
না আছে শান্তি-বিন্দু-লেশাভাস
তোমা ছাড়া হয়ে শূন্য হৃদয়ে
এ জীবনে কিবা সাধ ॥

৬

কনক-সুন্দর গৌর কিশোর
কোথা বা উদিল রে ।

শূন্য নদীয়া শূন্য হৃদয়
আঁধারে ঘেরিল রে ॥

দগধ পরাণ করে আনছান,
বিরহ-অনল জলে অবিরাম,
হিয়া দগদগি সদা অফুরাণ
চিত্ত জারল রে ।

অমৃতসিদ্ধ গৌরইন্দু
চরণ-দরশ-পীযুষ-বিন্দু-

আশে রেখেছি জীবন তুচ্ছ

কোথা বা রহিল রে ।

বিরহ অনল দারুণ তীব্র

হৃদয় দহিল রে ॥

বিষ্ণুপ্রিয়া স্বভাবতঃ ধৈর্য্যশীলা ছিলেন, কিন্তু গোর-বিরহে তাঁহার ধৈর্য্যের বাঁধ ভাঙিয়া গিয়াছিল । যদিও শচীমাতা তাঁহার অধীরতা অল্পমাত্রাই লক্ষ্য করিতেন । যদিও তাঁহার অন্তরঙ্গ হই একটি সহচরী তাঁহার নয়নে অশ্রু এবং সময়ে সময়ে শোকের প্রতাপ দীর্ঘনিশ্বাস প্রত্যক্ষ করিতেন, কিন্তু তাঁহার মানসিক উদ্বেগ এত প্রগাঢ় ছিল যে অতি নিকটবর্তিনী সহচরীরাও তাঁহার প্রকৃত পরিমাণ বুঝিতে পারিতেন না । তাঁহার মুখমণ্ডলে গোর-বিরহ-যাতনার যে গম্ভীরচ্ছবি সততই দৃষ্ট হইত, তাহা ভাবায় প্রকাশিত হইতে পারে না ।

প্রিয়তম প্রণয়ীর বিরহে পতিপ্রাণা প্রণয়ণী পত্নীর যে সকল অবস্থা ঘটে রসশাস্ত্রবিদগণ সেই সকল অবস্থা প্রধানতঃ দশ প্রকার বলিয়া নির্ণয় করিয়াছেন,—যথা, উদ্বেগ, চিন্তা, জাগরণ, অঙ্গ-ক্লশতা, অঙ্গ-মলিনতা, প্রলাপ, উন্মাদ, ব্যাধি, মোহ ও মৃত্যু । গোর-বিরহে প্রিয়াজীর এই সকল দশা অত্যধিক পরিমাণেই ঘটিয়াছিল । কিন্তু সংঘম ও স্বাভাবিক গাম্ভীৰ্য্যই বিষ্ণুপ্রিয়া-চরিত্তের প্রধানতম উপাদান । তাই তাঁহার বিরহের ভাব বহিরঙ্গণ কেহ বেশী জানিতে পারেন নাই ।

পরন্তু এত সংঘমের মধ্যেও সময়ে সময়ে প্রিয়াজী যখন একা-

কিনী থাকিতেন, তখন তাঁহার উদ্বেগ ও চিন্তা-চাঞ্চল্য প্রকাশিত হইয়া পড়িত। তিনি যখন দেখিতেন তাঁহার নিকটে কেহ নাই, শচীমাতা আপন শয়নকক্ষে বার্লিক্যের জড়তায়, শোক-কাতরতায় ও তন্দ্রায় অভিভূত অবস্থায় রহিয়াছেন, প্রিয়াজী তখন উদ্বেগ ও চিন্তা।

চিন্তের উদ্বেগে ব্যাকুল হইতেন, তাঁহার প্রাণ আনন্দান করিয়া উঠিলে তিনি গৃহে স্থির থাকিতে পারিতেন না, একবার গৃহ হইতে আঙ্গিনায়, আবার আঙ্গিনা হইতে গৃহের কোণে বনদন্ডা মৃগবালায় স্থায় অস্থিরভাবে যাতায়াত করিতেন, আর কাঁদিয়া কাঁদিয়া আকুলভাবে বলিতেন,—
 “হা প্রাণের দেবতা—জীবিতেশ্বর, তোমা ছাড়া এ জগৎ একবারে শূন্য ও অঁধার বলিয়া মনে হইতেছে,—যদি তুমিই আমার ছেঁড়ে গেলে, তবে এ দন্ড প্রাণ এখনও এ ছারদেহে রহিল কেন,—বিধাতা কেবল কষ্ট দিবার জন্তই কি আমাকে জীবিত রাখিয়াছেন? প্রাণ-বল্লভ আর কতকাল এ যাতনা সহ করিব? এই তোমার সাধের গ্রন্থ-সমূহ রহিয়াছে, তুমি কত যত্ন করিয়া গ্রন্থসমূহ রাখিয়া গিয়াছ, নিজহাতে গ্রন্থের ডুরি বাঁধিয়াছ, এই গ্রন্থগুলি আমা হইতেও কত ভাগ্যবান! আমি কত তপস্যায় অতি অল্প সময়ের জন্ত তোমার চরণ-সেবার অধিকারী হইতাম; আর এই শ্রীগ্রন্থসমূহ সর্বদাই তোমার শ্রীকরকমলের স্পর্শলাভ করিত। তুমি কত আদরে ও যত্নে এই গ্রন্থগুলি পাঠ করিয়াছ। এই তোমার সেই শ্রীভাগবত! ভাগবত পাঠ করিবার সময়ে তোমার সেই ঢলঢল কমলনয়ন হইতে যে অশ্রুজল গ্রন্থপত্রে গড়াইয়া পড়িত,

এখনও সেই অশ্রুচিহ্ন শ্রীভাগবতপত্রে বিরাজমান ;—হায় জীবিতেশ্বর, আমার একমাত্র সুহৃদ—এখন তুমি কোথায় ? আমি কি করিলে আবার তোমায় ফিরিয়া পাইব ? তোমার বিরহ-যাতনা আমার মর্মে মর্মে বিধের জ্বায় জ্বালা ছড়াইয়া দিতেছে ! আমি আর ধৈর্য্য ধরিতে পারিতেছি না । কোথায় যাই—কি করি, কাহারও মুখে তোমার সংবাদ পাই না । নাথ, তুমি কি এ দাসীকে একেবারে ভুলিয়ে গেলে ? আমি অবোধ অবলা, তোমার চরণে শতদোষে অপরাধিনী, কিন্তু তুমি বিজ্ঞ ও করুণাময় । শত দোষ করিলেও আমি তোমাকে বিনা আর কিছু জানি না, তোমার বিরহে আমার কিছুতেই স্থৈর্য্য নাই, যাতনায় যাতনায় জ্বলিয়া মরিতেছি । জীবিতেশ, তোমাবিহনে আমার জীবন শ্মশানতুল্য । আর কি তোমার সুশীতল চরণকমল বক্ষে ধারণ করিতে পাইব না ?”

বিরহ-দন্ধা প্রিয়াজী নীরবে এইরূপ চিন্তা করিতেন এবং অর্দ্ধ-ক্ষুণ্ট ভাষায় এইরূপ কথা বলিয়া উদ্বিগ্নে বিলাপ করিতেন । গৌর-বিরহে প্রিয়াজীর উদ্বিগ্ন ও চিন্তার কথা বলিতে গিয়া প্রিয়াজীর চরণচিন্তাশীলা গৌরপ্রভা লিখিয়াছেন—

সোণার প্রতিমা

গৌর-ভাবিনী

গৌর-চিন্তায় ভোরা ।

মুখ অবনত,

কুন্তল লুলিত,

বহিছে নয়নধারা ॥

বাম করেছে কপোল রাখিয়া

মহাযোগিনীর মত

শ্রীগৌরাঙ্গ-ধ্যানে বিরহ-ব্যথায়

কাঁদিছেন অবিরত ॥

কাঁদিতে কাঁদিতে ব্যাকুল হইয়া

সোণার প্রতিমা খানি ।

ধূলায় পড়িয়া গড়াগড়ি যায়

• নিরঞ্জে একাকিনী ॥

বিরহ-সন্তাপে প্রতপ্ত হৃদয়

ধৈর্য নাহিক মানে,

নয়ন-যাতনা গোপনে প্রকাশে,

সহচরী নাহি জানে ॥

ফুকারিয়া দেবী কাঁদিতে না পারে

পাছে বা রোদন শুনি

শচীমার প্রাণ হয় বিয়াকুল,

এই ভয় মনে গণি ॥

শুমরি শুমরি ফাঁপরি ফাঁপরি

অনন্ত যাতনা ভার

বহে বিকৃপ্রিয়া আপন হৃদয়ে ;

কেবা পারে সহিবার ॥

কাঁদি প্রভা কহে “গৌর-বিভাবিনি

এই ঘোর যাতনায় ।

চরণের পাশে রাখ এ দাসীরে,
 এ মিনতি তব পায় ॥
 ধূলি-ধূসরিত শ্রীঅঙ্গ নেহারি,
 নেহারি লোচনে লোর
 শচীমার প্রাণ হইবে আকুল
 না পাবে যাতনা ওর ॥
 আমি পাশে রহি মুছাব শ্রীঅঙ্গ,
 মুছাব নয়ন জল ।
 চরণের তলে রহিয়া জপিব
 গৌরনাম অবিরল ॥

চিন্তের উদ্বেগ ও চিন্তার এই অবস্থায় যে কি নিদারুণ যাতনা উপস্থিত হয় তাহা বর্ণনার অতীত । প্রিয়াজী কোন কোন দিন মর্মসখীর নিকট অতি সংগোপনে এই বিরহক্লেশের লেশাভাস বলিতে যাইতেন । হুই একটি কথা বলিতে বলিতেই তাঁহার বাক্য গদগদ হইয়া পড়িত, তাঁহার মনের কথা মুখে আসিতে না আসিতেই তাঁহার বাক্য বন্ধ হইয়া পড়িত, নয়নজলে শ্রীমুখকমল ভাসিয়া যাইত, তিনি অধোবদনে নীরবে অশ্রুপাত করিতেন । আবার কখন কখন অশ্রুর উৎস পর্য্যন্ত বন্ধ হইয়া যাইত, নয়ন-কোণ হইতে নয়নজল-বিন্দু পড়িতে না পড়িতে উহা নয়নকোণে শুধাইয়া যাইত ।

তাঁহার এই নিদারুণ নীরবতার মধ্যে যে কি ভীষণ উদ্বেগ আকুলিতভাবে নীরবে নীরবে উছলিয়া উঠিত, তাহা বাহিরের

লোকের বোধগম্য হইত না। আবার কখন কখন দুই একটি কথা আশ্বেয় গিরির উষ্ণনিঃশ্রবের স্রাব ভাষায় ফুটিয়া বাহির হইত। তিনি মর্শ্বসখীকে সম্বোধন করিয়া বলিতেন,—সখি শুনিতে পাই, প্রাণবল্লভ আমার করুণাময় বিগ্রহ, তিনি জগতের জীবগণের উদ্ধারের জন্ত সন্ন্যাস লইয়াছেন। জীবদিগের দুঃখ বাহাতে দূর হয়, তিনি সেইরূপ নানাপ্রেম দিয়া জীবের ক্লেশ নিবারণ করিবেন? আমিও তো তাঁহারই পদাশ্রিতা, এ জগতে তিনি ছাড়া আমার আর কে আছে? দয়াময় প্রাণেশ্বর এ দাসীকে কোন্ দোষে ত্যাগ করিলেন? যদি তাঁহার চরণসেবার অধিকার না পাইতাম, তবে বোধহয় এত যাতনা হইত না। এই নদীয়ায় আমার মন্ত আরও তো শত শত রমণী আছেন, গোরচরণ-সেবার যে কি আনন্দ, তাঁহারা তাহা জানেন না; না জানিয়া ভালই আছেন। এ অমৃতে যে এত হলাহল, এ পারিজাত-কুম্ভমকাননে যে এত কণ্টক ও এত বিষধর ভুজঙ্গের বাস, আমি তাহা আগে জানিতাম না। গোরপ্রেমের তরঙ্গরঙ্গে ভাসিয়া ভাসিয়া মনে হইত, সখি, আমার চিরদিন বুঝি এমনি ভাবেই অতিবাহিত হইবে, এ সুখময় সাগর বুঝি আর শুখাইবে না। কিন্তু সখি, পোড়াবিধির বিধান দেখ, প্রতিপদের চাঁদের মত আমার প্রাণের গোরশশ্রী আমার হৃদয়-গগনে তাঁহার প্রেম-জ্যোতিঃ দিতে না দিতেই আমার আঁধারে ফেলিয়া অদর্শন হইলেন। এক মুহূর্ত্তেই আমার সুখের সাগর শুখাইয়া গেল। আমি এখন গভীর জলের মীনের মত মরুভূমে পড়িয়া ছট্‌ফট্‌ করিতেছি। আমি ভাবিতাম তিনি আমার কত ভালবাসেন। যে

নিশির শেষে আমার হৃদয়ে বজ্রনিক্ষেপ করিয়া নিষ্ঠুর আমার নিদ্রায় ফেলিয়া চলিয়া যান, সে নিশিতেও তিনি আমার প্রতি যেক্রপ ভালবাসা দেখাইয়াছিলেন, যেক্রপ প্রণয়বিলাসে আমার কোলে তুলিয়া লইয়া আমার মুখ—”

এই কথা বলিয়াই প্রিয়াজীর কণ্ঠ সহসা রুদ্ধ হইয়া গেল,, তাঁহার শ্রীঅঙ্গ অবশ হইয়া পড়িল । তিনি আর একটা কথাও বলিতে পারিলেন না ; নিদারুণ উদ্বেগে চলিয়া পড়িলেন । বজ্রাহত কনকলতার হ্রায় প্রিয়াজীর অবস্থা দেখিয়া তাঁহার প্রিয় নন্দসখী তাঁহাকে ধরিয়া আপন কোলে তুলিয়া লইলেন, তাঁহাকে সান্ত্বনা করিতে বাইয়া নিজেই ব্যাকুল হইলেন ।

কিয়ৎক্ষণ পরে প্রিয়াজীর বাহুজ্ঞান হইল । তিনি ধিলিলেন, সখি, ওকি ! এইজন্তই তো আমি তোমাদের কাছে ননের কথা বলি না । আমার নিজের হৃৎথের পার নাই । তোমরা আমার প্রিয়জন, আমার হৃৎথে তোমাদিগকে হৃৎথ দিব কেন, এই ভাবিয়া মনের হৃৎথ নিজের মনে চাপিয়া রাখিতে চাই । কিন্তু পোড়া হৃদয়ে চাপা দিতে যাইয়া নিজেই অধীর হইয়া পড়ি, নিজেই ব্যাকুল হইয়া প্রিয়জনকে ব্যাকুল করি । সখি চুপ কর, আমার শোকাভুরা না যদি রোদন শুনিতে পান, তিনি উহা বজ্রপাত অপেক্ষা অধিক ক্লেশজনক মনে করিবেন । আমার হৃদয়ে নিরন্তর সহস্র রোদন ঘুরিয়া ফিরিয়া বাহির হইতে প্রয়াস পায়, আমি কেবল মায়ের দিকে চাহিয়া বাধা দিয়া রাখি । বর্ষার ধারার হ্রায় অবিরাম নয়নজল আমার নয়ন-কোণে সঞ্চিত হইতে চাহে, আমি নিজের নয়নজল নিজের আঁচলে

মুছিয়া সাদামুখে মায়ের নিকটে আসিয়া যথাগন্তব্য তাঁহার সেবা করি। আমার স্নেহের দিন চলিয়া গিয়াছে, এখন সেই স্নেহের স্মৃতিও আমার পক্ষে বিধ। সেই সকল আদর ও স্নেহের কথা মনে করিতে গেলেই আমার উদ্বিগ্ন বাড়ে, ধৈর্য্যের বাঁধ টুটিয়া যায়। যে অনন্ত যাতনায় দিনযামিনী আমার চিত্ত দগ্ধ হইতেছে, আমার তাঁহা বলিবার শক্তি নাই, ইচ্ছাও নাই। যতদিন পারি, নিষ্ঠুরের চরণ চিন্তা করিয়া সকল ক্লেশই সহিতে চেষ্টা করিব, আর যতদিন পারি তাঁহার আজ্ঞা পালন করিব—এইরূপ মনে করিয়া চিত্ত স্থির করিতে চেষ্টা করি। কিন্তু বর্ষাকালীন গঙ্গাপ্রবাহের জ্বায়ে দারুণ উদ্বিগ্নে আমার ধৈর্য্যের বাঁধ ভাঙ্গিয়া দিয়া আমাকে আকুল করে, আর আমার এ অবস্থায় তোমাদের প্রাণেও অশেষ যাতনা হয়।

সখি, আমি তাঁহাকে কিছুতেই ভুলিতে পারি না—সেই ভুবন-মোহন রূপ, সেই লাবণ্য-সৌন্দর্য্য-সুধা-সিদ্ধ দণ্ডে দণ্ডে পলে পলে আমার নয়নের সম্মুখে ভাসিয়া বেড়ায়, আর আমার বাউরী করিয়া তোলে। তাঁহার সোহাগ ও আদর এখনও মনে লাগিয়া রহিয়াছে। পাশরিব বলিয়া মনে করিলেও পাশরিতে পারি না,—সখি আমার এ কি হলো,—আমার প্রাণবল্লভ—আমার প্রাণেশ্বর,—‘আমার রসময় রসিকশেখর—কোথা তুমি—’

বলিতে বলিতে প্রিয়াজীর উত্তাল নয়নতারা স্থির হইয়া গেল, নয়নের জল নয়নে শুকাইল, শ্রীমুখকমল পাণ্ডুর হইয়া পড়িল, সখী ধীরে ধীরে তাঁহাকে আপন কোলে শোয়াইয়া মুছন্বরে কাঁদিতে কাঁদিতে তাঁহার কর্ণে গৌরনাম জপ করিতে লাগিলেন।

এবার দীর্ঘকাল পরে প্রিয়াজীর চেতনা হইল। তাঁহার দীর্ঘ-নিঃশ্বাসে সখী বুঝিতে পাইলেন,—প্রিয়াজীর চেতনা আসিয়াছে। তিনি অতি মধুর কোমলভাষায় তাঁহাকে সান্ত্বনা দিয়া বলিলেন, “সখি, তুমি একরূপ হইলে এ দেহ থাকিবে না। প্রাণ থাকিলে অবশ্যই কোনদিন প্রাণবল্লভের দর্শন পাইবে। তাঁহার হ্রায় করুণা! কোমল পতি কি কখনও তোমার হ্রায় প্রেমবতী প্রণয়িনী লক্ষ্মী-পত্নীকে চিরদিন ভুলিয়া থাকিতে পারেন? যে কার্যের জন্ত তিনি ঘরের বাহির হইয়াছেন, সেই কার্য সম্পন্ন হইলেই আবার তোমার সহিত তাঁহার মিলন হইবে।”

এইরূপ উদ্বেগের আতিশয্যে এক একদিন প্রিয়াজীর জীবনের আশঙ্কা উপস্থিত হইত। তাহা শচীমাতা জানিতে পাইতেন না, অপর লোকেও জানিত পাইত না। কেবল দুই একটি মর্শ্বসখী কোন কোন সময়ে এই ভীষণ অবস্থার লেশাভাস জানিতে পাইতেন। দিনমান কোনও রূপে সাংসারিক কার্যাদিতে কাটিয়া যাইত, কিন্তু রাত্রিতে প্রিয়াজীর যে যাতনা হইত, তাহার লেশা-

ভাস অমুভাবেও বুঝা কঠিন। রাত্রিতে বিরহ-যাতনা

জাগরণ

অত্যন্ত বাড়িয়া উঠিত। তিনি শাণ্ডীর নিকট শয়ন করিতেন। বুক ফুলিয়া দীর্ঘনিঃশ্বাস উঠিত, কিন্তু ভয়ে ভয়ে তিনি সেই উৎস্বাস চাপিয়া রাখিতেন। যতক্ষণ শচীমাতার নিদ্রা না হইত, ততক্ষণ তিনি তাঁহার চরণসেবা করিতেন, নয়ত মস্তকের পার্শ্বে বসিয়া মাথায় ও গারে হাত বুলাইয়া দিতেন। তাঁহার অকোমল সেবায় তাপদগ্ধা শচীমাতা তন্ত্রার হ্রায় ভাব-হইত।

কিন্তু প্রিয়াজীর নিদ্রা ছিল না। যে দিন শ্রীগৌরসুন্দর তাঁহাকে নিদ্রার কোলে মগ্ন রাখিয়া গৃহত্যাগ করিলেন, সেই-দিন হইতে নিদ্রাও প্রিয়াজীর নয়নের নিকট হইতে বিদায় লইয়াছিল। কি দিবা কি রাত্রি, কোনও সময়ে তাঁহার নিদ্রা হইত না। অনাহার অনিদ্রায় তিনি কেবল গৌরবিরহে, গৌরচিন্তায় মগ্ন থাকিতেন। রাত্রিতে যে সময়ে তাঁহার প্রাণনাথ গম্ভীরা-মন্দিরে অবস্থান করিয়া কৃষ্ণবিরহে নানাপ্রকার যাতনা অনুভব করিতেন, এবং “হা কৃষ্ণ হা কৃষ্ণ” বলিয়া রোদন ও বিলাপ করিতেন,—গৌরবল্লভা বিষ্ণুপ্রিয়াও তখন শ্রীগৌরান্দের জন্ত অধিকৃতর উদ্বিগ্ন হইতেন।

কিন্তু গৌরসুন্দর পুরুষ, তাহাতে সুবিজ্ঞ, নানা প্রকারে মনকে প্রবোধ দিবার শক্তিসামর্থ্য থাকাসঙ্গেও তিনি শ্রীমতীর ভাবে বিভাবিত হইয়া শ্রীকৃষ্ণের জন্ত ব্যাকুল হইতেন। শ্রীশ্রীপ্রিয়াজীর স্বভাবতঃ সুকোমল নারী-হৃদয়। প্রেম-রস-সর্বস্ব প্রণয়ী পতিবিরহে তাঁহার ব্যাকুলতা যে শ্রীগৌরান্দের কৃষ্ণবিরহব্যাকুলতা হইতে কতশতগুণ অধিক, তাহা সহজেই বুঝা যাইতে পারে।

শ্রীগৌরান্দের সেবার জন্ত গোবিন্দদাসাদি ভক্তগণ ছিলেন। তাঁহার মহাবিরহে কৃষ্ণ-রস-গান ও কৃষ্ণকথা শুনাইয়া সান্ত্বনা দিবার জন্য স্বরূপ রামানন্দ ছিলেন। কিন্তু আনাদের প্রিয়াজী এই মহামহা-বিরহে একবারেই একাকিনী। এই মহামরুতে তাঁহার দ্বিতীয় সঙ্গিনী নাই, এই-খোর অন্ধকারে তাঁহার পথপ্রদশিকা সহচরীরও

অভাব । এমন কি তিনি মূর্ছিতা হইলে, তাঁহাকে যে ধরিয়া তুলিবে এমন সঙ্গিনীও সর্বদা দেখিতে পাওয়া যায় না । শ্রীগোরাঙ্গ মনের আবেগে ঘরের বাহির হইতে পারিতেন, কিন্তু তাহা অপেক্ষা শতগুণ অধিক আবেগ লইয়াও প্রিয়াজীকে বিনিদ্রভাবে একাকিনী নীরবে নীরবে নিদারুণ নিশার বিরহযাতনা সহ্য করিতে হইত ।

প্রিয়াজীর বিরহচিত্র আঁকিবার তুলি নাই, সে কথা বলিবার ভাষা এখনও সৃষ্ট হয় নাই । প্রিয়াজী অনিদ্রভাবে যে কি ভীষণ যাতনায় রাত্রিযাপন করিতেন, মানুষের মনে সে ধারণা আসিবে না, মানুষের ভাষাতেও সে ভাব ফুটিবে না । সে কথা মনে করিতে গেলেও প্রাণ বিষাদে ডুবিয়া যায়, হৃদয় বিলীর্ণ ও রিঙ্গী হইয়া পড়ে । সে মর্ম্মস্থদ যাতনার বিন্দুমাত্রও আমাদের ধারণায় আসিবে না ।

মা বিষ্ণুপ্রিয়ে—তুমি নিখিল পতিত-পাষণ্ডীর মাতৃস্বরূপিণী । এই যুগে তোমা হইতেই পতিত জীবগণ উদ্ধারলাভ করিবে,—যাঁহাদের নয়নকোণ হইতে, মা, তোমার বিরহ-যাতনা স্মরণ করিয়া একবিন্দুমাত্রও অশ্রুপাত হইবে, তাঁহারাই সেই পতিতপাবনী অশ্রুমন্দাকিনীর পবিত্রতম প্রক্ষেপে কৃতার্থ হইবেন, পরিজ্ঞান পাইবেন এবং প্রেমভক্তি প্রাপ্ত হইয়া তোমাদের যুগলচরণ লাভ করিবেন ।

পূর্বেই বলিয়াছি শ্রীগোরাঙ্গের গৃহত্যাগের পর তাঁহার আলয় নীরব হইয়া পড়ে । রজনীতে এই নীরবতা অতীব ভীষণতর হইয়া উঠিত । মধ্যে মধ্যে প্রভুর গৃহরক্ষক দুই একটি প্রাচীন

ভৃত্যের কাশির শব্দ শুনিতে পাওয়া যাইত। শচীমাতার মর্শ্ব বিদারি হাহাকার রবও কখন কখন এই নৈশ নিশ্চরতা ভাঙ্গিয়া দিত। কিন্তু প্রিয়াজীর অস্তিত্ব জানাই যাইত না। অথচ তিনি সারা যামিনী জাগিয়া জাগিয়া অতিবাহিত করিতেন। গৌর-বিরহে তাঁহার প্রাণ আনছান করিত, কিন্তু তাঁহার মুখে কোন শব্দ ফুটিত না, সারানিশি উঠবোস করিয়া কাটাইতেন, গৌরচিন্তা, গৌরধ্যান, ও গৌরনাম জপ করিতেন। তাঁহার বর বর লোচন জ্বলে বালিশ ভিজিয়া যাইত। পদকর্তার ভাষায় এই দশার বর্ণনা প্রকাশ করিতে হইলে নিম্নলিখিত চরণ-চতুষ্টয় উদ্ধৃত করা যাইতে পারে:—

গৌরাজ্ঞ গুণবতী সোই।

গণি গণি যামিনী রোই ॥

গলত গলত দিষ্টিধারা।

গিরত গীম মণিহারী ॥

গদ গদ ঝরে অবিরামা।

গাওয়ে গৌরাজ্ঞ নামা ॥

শ্রীরাধার বিরহ-বিকলতার কথা বলিতে গিয়া কবি বিজ্ঞাপতি লিখিয়াছেন:—

কি কহসি কি পুছসি শুন প্রিয় সজনি

কৈছন বঞ্চব ইহদিন রজনী ॥

নয়নক নিন্দ গেও,—বয়ানক হাস,

সুখ গেও পিয়াসজে, দুখ হাম পাশ ॥

এস হে পরাণ-বঁধুয়া এস,
 বারেক দাসীর পাশেতে বোস
 সেবি ও চরণ, জুড়াব জীবন
 এ মিনতি করি পায় ॥

জনৈক প্রাচীন-মহাজনের একটি পদের প্রতিধ্বনি করিয়া
 এখানে প্রিয়াজীর নিশি-বিরহের আর একটি পদ উদ্ধৃত
 করিতেছি :—

কে মোরে মিলাঞা দিবে সে চাঁদবদন ।
 আঁখি তিরপিত হবে, জুড়াবে পরাণ ॥
 কালরাতি না পোহায়, কত জাগিব বসিয়া ।
 শুণ শুনি প্রাণকান্দে না যায় পাতিয়া ॥
 উঠি বসি করি কত পোহাইব রাতি ।
 না যায় কঠিন প্রাণ ছার নারীজাতি ।
 দেহ গেহ যৌবন আনুবন্ধুজন ।
 গৌর বিহু শূন্য যেন এতিন ভুবন ॥

পদকর্তা শচী নন্দন দাস প্রিয়াজীর বিরহ-জাগরণ-যাতনায়
 ভাব অল্পভব করিয়া লিখিয়াছেন :—

সখি বিচুরি সো পছঁ লেহ দারুণ
 দেহ রহে কিবা লাগিয়া
 নিন্দ সে ভাগল বিরহে জরজর
 রজনী দিন রহি জাগিয়া ।

অত্যাশ্রয় মহাজনের পদ হইতেও এইরূপ বিরহ-জাগরণ-জনিত নিদারুণ দশার পদ সঙ্কলন করা যাইতে পারে। ভক্ত পাঠকগণের অবিদিত নয়, যে এই সকল বিরহ-পদ-গীতি ভক্তগণের সাধন-সম্মল। ভক্তহৃদয়েও এইরূপ শ্রীভগবদ্বিরহের লেশাতাস অনুভূত হইয়া থাকে। ভক্তগণ তাহাতে বিভাবিত হইয়াই বিরহ-রসময় পদ-গীতির আশ্বাদন করেন।

বিরহে বিরহে প্রিয়াজীর লাবণ্যপূর্ণ স্মৃতি ও সমুজ্জ্বল দেহ খানি ক্রুশা ও মলিনা হইয়া গিয়াছিল, কোন কোন পদকর্তা তাহার স্পষ্ট উল্লেখ করিয়াছেন। শ্রীগোরাঙ্গের গৃহ-ত্যাগের পর হইতেই প্রিয়াজী কেবল সধবার লক্ষণ-ক্রুশতা ও মলিনতা স্মৃচক বেশ ভিন্ন অন্যান্য সকল প্রকার বসন-ভূষণ ব্যবহার একেবারে ত্যাগ করিয়াছিলেন। তিনি মস্তকে তৈল দিতেন না, ইহাতে তাঁহার অমল ঘন কৃষ্ণ স্নানীল সুদীর্ঘ কুন্তলগুচ্ছ একবারে কৃষ্ণ ও জটাপ্রায় হইয়া গিয়াছিল। তাঁহার শ্রীঅঙ্গের অবস্থাও অতি শোচনীয় হইয়াছিল। তিনি আহার একরূপ ত্যাগ করিয়াছিলেন। নিদারুণ বিরহ-তাপে তাঁহার লাবণ্যমাখা কনককাণ্ঠি-বিনিন্দিত অঙ্গসৌন্দর্য্য একবারে মলিন হইয়া পড়িয়াছিল।

শ্রীগোরাঙ্গ স্নানর স্নেহনয়ী জননীর সংবাদ লইবার জন্য পণ্ডিত জগদানন্দকে পাঠাইয়াছিলেন। তিনি আসিয়া নবদ্বীপ-বাসীদের যে শোচনীয় অবস্থা দেখিয়াছিলেন, প্রাচীন কবি চন্দ্রশেখর তাঁহার বিবরণস্মৃচক একটী স্নানর ও স্নানলিত পদ

রচনা করেন। এই পদের মধ্যে অতি সংক্ষেপে একস্থানে
প্রিয়াজীর অবস্থাও কিঞ্চিৎ বর্ণিত হইয়াছে যথা :—

প্রভুর রমণী সেহ অনাধিনী

প্রভুরে হইয়া হারা ।

পড়িয়া আছেন মলিন বসন,

সজ্জল নয়ান ধারা ।

এই সংক্ষেপ বাক্যেই সমস্ত অবস্থা বুঝা যাইতে পারে ।

গৌর-বিরহে বিষ্ণুপ্রিয়ার বিলাপ যেমন গম্ভীর, তেমনই

বিলাপ

হৃদয়বিদারক । শ্রীমতী রাধিকার কৃষ্ণবিরহ-

বিলাপ প্রবল উচ্ছ্বাসময় । তিনি কুলধর্ম

ভাঙ্গাইয়া দিয়া কৃষ্ণাশ্বেষণ করিতেন । তিনি বলিতেন—

কি করিব, কোথা যাব, সোয়াধ না হয় ।

না যায় কঠিন প্রাণ কিবা লাগি বয় ॥

পিয়ার লাগিয়া হাম কোন দেশে যাব ।

রজনী প্রভাত হলে কার মুখ চাব ॥

* * *

নহেত পিয়ারে গলার মালা যে করিয়া ।

দেশে দেশে ভরমিব যোগিনী হইয়া ॥

প্রিয়াজী কুলবধু । যোগিনী হইয়া দেশ-ভ্রমণের কথা তাঁহার
মনে আসিত না । ইহার উপরে প্রভুর আজ্ঞায় বৃদ্ধা শত্রুঘাতার
সেবার ভার তাঁহার উপরে । তাঁহাকে বোলআনা সংসার

করিতে হয়। অথচ যিনি তাঁহার সংসারের সারসর্কস্ব,—
জীবনের জীবন,—তিনি আর গৃহে নাই। একি ভীষণ যাতনা !

শ্রীকৃষ্ণ যখন মথুরায় গমন করেন, তখন তিনি সম্বরেই
আসিবেন বলিয়া আশা দিয়া গিয়াছিলেন। কিন্তু প্রিয়াজীর হৃদয়ে
সে আশা বা সে সাস্থনা ছিল না। তাঁহার স্বামী গৃহ ত্যাগে
করিয়া সন্ন্যাসী হইয়াছেন। সন্ন্যাসী, জ্ঞী-ত্যাগী। তাঁহার স্বামী
তাঁহার মুখের দিকেও তাকাইতে পারিবেন না। এই অবস্থায়
প্রিয়াজীর বিরহ-যাতনা শ্রীরাধার বিরহ-যাতনা অপেক্ষে যে
অনেকগুণে অধিক, তাহা সহজেই বুঝা যাইতে পারে।

কবি বিজ্ঞাপতি শ্রীরাধার বিলাপ বর্ণনা করিয়া লিখিয়া
গিয়াছেন—

পরায়ণ পিয়া সখি হামারি পিয়া ।

অবহুঁ না আওল, কুলিশ হিয়া ॥

নথর খোয়ায়হু দিবস লিখি ।

নয়ন আঙ্কুয়া ভেল পিয়াপথ পেখি ॥

হাম অভাগিনী দোসর নাহি ভেলা ।

কানু কানু করি জনম বহি গেলা ॥

আওব কহি, মোর পিয়া চলি গেল ।

পূরবক যতগুণ বিসরিত ভেল ॥

মনে মোর যত দুখ কহব কাহাকে ।

জিভুবনে এত দুখ নাহি জানে লোকে ॥

কৃষ্ণ আবার ব্রজে আসিবেন, এই আশায় শ্রীরাধিকা দিন-
গণনা করিতেন, তাঁহার আসিবার আশায় পথপানে চাহিয়া
থাকিতেন। তাই তিনি বিলাপ করিয়া বলিতেছেন—“নয়ন আঁধুয়া
ভেল পথপানে পেথি।” কিন্তু প্রিয়াজীর পশ্চাতেও অন্ধকার,
সম্মুখেও অন্ধকার। তাঁহার বিরহ, অসীম অনন্ত ও চির অন্ধকার
ময়। এ বিরহের অনন্ত আকাশে একটি আশার তারকাও
অলে না। তাই তিনি বিলাপ করিয়া বলিতেছেন—

প্রিয়সখি কি বলিব মোর যত দুখ ।
না হেরি সে পাদপদ্ম ফেটে যায় বুক ॥
আসার আশায় প্রাণ রাখে বিরহিণী ।
হৃদয় আঁধার মোর দিবস রজনী ॥
আমার লাগিয়া প্রভু সন্ন্যাসী হইলা ।
সভারে করিলা দয়া, আমারে বঞ্চিতা ।
কোন্ আশে সখি বল রাখিব জীবন ।
কোন্ মুখে অন্তজল করিব গ্রহণ ॥
হায় হায়, এজনমে আর কি হেরিব ।
প্রেমময় বন্ধুঘারে আর কি পাইব ॥
সে সোহাগ সে আদর সদা পড়ে মনে ।
নীরবে কাঁদয়ে প্রাণ সে সব স্মরণে ॥
কোথা প্রাণবন্ধু সখি, গৌরকিশোর ।
সুঠাম কনককান্তি প্রাণেশ্বর মোর ॥

কেমন রাখিব প্রাণ, হৃদয় ফাঁপর ।

গৌর-বিরহে সদা দেহ জর জর ॥

সে কথা কহিতে সখি পরাণ বিদরে ।

অনন্ত যাতনা মোর বুকের ভিতরে ॥

পাঁজর ধসিয়া যায়, কহিতে না জানি ।”

প্রভা কহে ধৈর্যধর পাবে গৌরনাথ ॥

বিরহে প্রিয়াজী সততই ব্যাকুল থাকিতেন, কিন্তু সে ব্যাকুলতার মধ্যে চঞ্চলতা পরিলক্ষিত হইত না। তাঁহার অনন্ত যাতনাময় বিরহ ঘনীভূত হইয়া ভাবগন্তীর হইয়াছিল। তাঁহার বিরহবিলাপে তরলতা ছিল না। ভিন্ন ভিন্ন পদকর্তারা তাঁহার বিরহবিলাপে ভিন্ন ভিন্ন ভাবে বর্ণনা করিয়াছেন। ভাবে ভিন্নতা থাকিলেও সকলগুলি পদই হৃদয়-বিদারক। “বারমাসিয়া” পদগুলি,—হৃদয়-বিদারি বিলাপের মর্শ্মোচ্ছ্বাস। একমাস চলিয়া যাইতেছে, অত্রমাস আসিতেছে, প্রতিমাসেই প্রিয়াজীর হৃদয়ে এক এক ভাবের স্মৃতি উদ্ভিত হইতেছে আর সেই ভাব ধরিয়া তিনি বিলাপ করিতেছেন। নাশমাস স্মরণ করিয়া তিনি বলিতেছেন—

“সখি, এই মাঘ মাসে প্রিয়তম গৌরসুন্দর আমাকে ছাখের সাগরে ভাসাইয়া রজনীশেষে চলিয়া গেলেন, আর অমনি নদীয়া আঁধার হইল। এই নদীয়ায়, প্রভুর কীর্তনে ঘরে ঘরে কত আনন্দ ছিল। আজ নদীয়াচাঁদ নদীয়া ছাড়িয়া চলিয়া গিয়াছেন, আর সে আনন্দ নাই, এখন এখানে কেবলই যাতনা। সখি সেই কনক-কেশ-দাম গৌরসুন্দরের কথা সততই মনে আসিতেছে, আর নীরবে-

নীরবে প্রাণ কাঁদিয়া উঠিতেছে। সখি, সেই কুসুমশর কন্দর্পরূপ-
বিনিন্দি গৌরসুন্দরের রূপ,—আমার নয়নসমক্ষে আসিয়া আসিয়া
আমায় পাগলিনী করিয়া তুলিতেছে, তাঁহাকে না দেখিয়া আমার
বুক ফাটিয়া পড়িতেছে, আমি যেন ফাঁপর হইতেছি। আমার
হৃদয়ের যাতনা বলিতে পারিতেছি না। এখন উপায় কি, বল।

সখি, শ্রীগৌরসুন্দর যখন নদীয়ায় ছিলেন, তখন নদীয়ায়
ফাস্তন মাসে কি আনন্দ। ভক্তগণ সেই কনক অঙ্গে ফাগু দিতেন,
আর ফাগু মাথা অঙ্গে আমার প্রাণবল্লভ যখন ভক্তগণ সঙ্গে কীৰ্ত্তনে
নৃত্য করিতেন, মৃদঙ্গের ধ্বনিতে ও হরিনামে সমগ্র নদীয়া নাচিয়া
উঠিত, তখন আমার হৃদয়ে যে কি আনন্দের বজ্রা বহিয়া চলিত,
তাহা মনে করিয়া হৃদয় বিদীর্ণ হইতেছে। সজনি, এখন এই
রসময় সময়ে গৌরকিশোরের সঙ্গস্থখে বঞ্চিত হইয়াছি। কাননে
কাননে স্নগন্ধবসন্তকুসুম—কুসুমে কুসুমে ভ্রমরগুঞ্জন,—শাখায়
শাখায় পিককুলের প্রাণোন্মাদক কুহকুহ রোলে আমার পরাণ
ব্যাকুল করিয়া তুলিলেছে, দাবদাহের জ্বায়ে গৌরবিরহ-দাহে আমি
জলিয়া পুড়িয়া মরিতেছি। মলয়ের মূছপবন আমার নিকটে
আগুনের জ্বায়ে বোধ হইতেছে।

সখি, আবার মধুময় মধুমাসে মহীমণ্ডল নর শোভায় শোভিত
হয়, নব পল্লবে বৃক্ষবল্লরীর লাবণ্যমাধুর্য্য দৃষ্ট হয়, নব লতিকায়
কুসুম শোভা ছাড়াইয়া পড়ে, মধুকরের মধুর গুঞ্জনে কানন
ভূমি মুখরিত হয়। কিন্তু সখি, গৌর-বিহনে আমার নিকট
এই মধুমাসও বিষের ন্যায় বোধ হয়।

সখি, বৈশাখে আমার হৃদয়বল্লভ এই নদীয়ায় প্রথর নিদাঘে চন্দন লেপনে সুশোভিত হইতেন, রজনীতে কত সুগন্ধি কুসুমে আমি তাঁহাকে সাজাইতাম, ফুলের শয্যা করিতাম, তাহাতে তাঁহাকে কত আদরে শোয়াইতাম, তিনি সেই সকল ফুল লইয়া মালা গাঁথিয়া কত আদরে আমার গলে পড়াইতেন, ফুল-সাজে আমাকে বনদেবীর ন্যায় সাজাইয়া কত আদর করিতেন ও আনন্দ পাইতেন। তাঁহার শ্রীঅঙ্গ-গন্ধে কুসুমগন্ধ হা'র মানিত। আমি ফুলের মালা ফেলিয়া তাঁহার সুশীতল চরণপদ্ম বুকে রাখিতাম। এখন এই আগুনের মত নিদারুণ দিনকর-কিরণে প্রাণবল্লভ আমার কোপীন পড়িয়া কান্দালের বেশে পথে পথে বেড়াইতেছেন, আর আমি গৃহমাঝে আরামে রহিয়াছি। হায়, সখি এ নিলাজ পরাণ এখনও এ দেহে রহিয়াছে।

জ্যৈষ্ঠমাসে উজ্জানে উজ্জানে মধুরিণি আন পনসাদি রসাল ফল পাকিয়া উঠে, কোকিল-কুল কাননে কাননে কুছ-কুছ রবে দশদিক মুখারিত করিয়া তোলে, মধুকর নিকর কুসুমে কুসুমে মধুপান করে, আর উহা দেখিয়া ত্বিষিত ভাবে শ্রীগৌর-মুখ-পঙ্কজের কথা আমার মনে হয়। আমার মনে সাধ হয়, আবার এ দম্ভ নয়ন কবে সেই গৌরমুখ-কমলের মধুপান করিয়া আনন্দে বিভোর হইবে।

আমিও দিন-যামিনী ঘন বন মেঘ গর্জ্জন হয়, নবজলধরে বিজলির ঝলক দেখিয়া, শ্রীগৌরাজের কথা মনে পড়ে। হায় সখি, আমার সেই শরদ-সুধাকর গৌরানন্দন এখন কোথায় ?

তঁাহার বিরহে আমার অন্তর জরজর হইতেছে, পাঁজর ধসিয়া যাইতেছে, আমার চিত্ত নিদারুণ দুখ-জলধিতে ডুবিয়া গিয়াছে, তঁাহার দর্শন ভিন্ন আর কিছুতেই আমার এ ক্লেশের শান্তি নাই।

শ্রাবণের মেঘে দিন যামিনী যখন আঁধারে আচ্ছন্ন হয়, স্নানান্তর ৩ মন্তদাড়রির অবিরাম রোলে আমার প্রাণ তখন অধীর হইয়া উঠে। মনে হয় আমি ঘরে রহিয়াছি, আর আমার কনককান্তি প্রাণেশ্বর বুঝি এই শ্রাবণের ধারার পথে পথে ভিজিতেছেন,—এই ভাবিয়া আমি কিছুতেই নয়নের জল সংবরণ করিতে পারি না।

ভাদ্রের খরতর রোদ্রে আমার প্রাণ-গৌর কি ভাবে কোথায় ভ্রমণ করিতেছেন, কে তঁাহার সেবা করিতেছে, আমার মনে সততই এই চিন্তার উদয় হয়, আর তখন গৃহবাস আমার নিকট বিষের ত্রায় হইয়া উঠে।

আশ্বিনে বরে বরে অম্বিকা-পূজার আনন্দ। কুসুম-কানন স্থল-পক্ষে, এবং সরোবর সুবিকশিত পঙ্কজে সুশোভিত হয়,—নীলাকাশে সমুজ্জল শরৎ সুধাকরের উদয় হয়—এ সকল দেখিয়া আমার কেবল সেই গৌরাংশী ও গৌরামুখ-পঙ্কজই মনে পড়ে। আমার ঘুমহীন নয়নে অনবরতই অশ্রুজল; প্রিয়তম গৌর বিরহে দিন যামিনী নিদ্রা নাই। সখি প্রাণ-গৌর ভিন্ন এ দুঃখ আর কিছুতেই যাইবার নয়।

কান্তিক মাসে নরনারীগণ কত পুণ্য কার্য্য করে, কত ধ্যান করে, জপ যজ্ঞ করে। সখি! আমি গৌরচরণ ভিন্ন আর কিছুই জানি না। সজনি আমার প্রাণ-বল্লভের দেখা পাইলে আমি সকল ধর্ম্মত্যাগ

করিয়া কেবল তাহাও প্রেম মধুপান করিব আমি জাগিয়া জাগিয়া
এই স্নখ স্বপ্নে বিভোর হই। সখি, আমার কি দুরাশা ও হৃদশা।

অগ্রহায়ণে শীতের আরম্ভ হয়, আর পৌষে দারুণ শিশির পড়ে,
শীতের বৃদ্ধি হয়। আমি ভাবি, আমি ঘরের মাঝে শীতের কাপড়ে
দেহ আবরিয়া রহিয়াছি, কিন্তু আমার প্রাণের প্রাণ গৌরকিশো-
রের কোপীন মাত্র সম্বল, তাঁহার দেহ ঢাকা দেওয়ার দ্বিতীয় বস্ত্র
নাই। এই নিদারুণ শীতে কোন্ নদীর তীরে, বা কোন্ পথের ধারে
আমার প্রাণবল্লভ শিশিরে, শীত ও বাতে না জানি কত যাতনা
পাইতেছেন, আর আমি কোন্ প্রাণে ঘরে রহিয়াছি। হায় হায়,
আমার প্রাণ কি কঠিন, আমার প্রাণবল্লভের এত যাতনার কথা
ভাবিয়া এখনও উহা এ দেহে রহিয়াছে। সখি, এই যাতনা লইয়া
আর কত কাল যাপন করিব ?

আমি কি অভাগিনী, এমন দুর্লভ-রত্ন পাইয়া আঁচলে বাঁধিতে না
বাঁধিতেই চিরদিনের তরে অগাধ জলে হারাইলাম। বিধাতা এ
অভাগিনীর নয়ন-সমক্ষে এমন শারদ সুধাকর গৌরমূর্তি দেখাইয়াই
অমনি কাড়িয়া লইলেন ! হায় হায়, আমি কি করি, কোথায় যাই—
সখি, আমায় ধর, একি হলো, আমি কোথায় ?

এইরূপ বিলাপ করিতে করিতে প্রিয়াজ্ঞী কখন কখন
উন্মাদিনীর স্তায় অধীর হইতেন, আবার আত্ম-সংযমে নিজেই নিজের
চিত্তকে বশে রাখিতেন। বিরহের আতিশয্যে অনেক সময়েই তাঁহার
মোহ হইত। মোহ অবস্থাতে তিনি একবারে গৌর-ধ্যানে বিভোর
থাকিতেন এবং শ্রীগৌরানন্দদর্শন লাভ করিতেন।

শ্রীমান্ সতীশচন্দ্র শেঠের রচিত এই ভাবস্থচক একটি পদ
নিম্নে প্রকাশিত হইল :—

গভীর নিশায় চাঁদ আকাশের গায় ।

উদাসীর মত একা ধীরে চলে যায় ॥

নাহি কোথা সাড়াশব্দ, সমস্ত নদীয়া স্তব্ধ,

বিকুপ্ৰিয়াদেবী স্নধু আছেন জাগিয়া ।

গোরাক্ষ জাগয়ে মনে, ঘুম নাহি হু-নয়নে,

ঝরিছে হৃদয়-ধারা নয়ন গলিয়া ॥

হিয়া করে আনন্ধান নিয়ত বিদরে প্রাণ,

কপাট খুলিয়া দেবী এলেন বাহিরে ।

শোকাকুলা মা'র লাগি নীরবে থাকয়ে জাগি

হুকারিয়া ক্ষণতরে কাঁদিতে না পারে ॥

চাহিয়া আকাশ পানে বরষা হু-নয়নে

নেহারিলা অনিমিষে অনন্ত আকাশে ।

হইয়া মুচ্ছিত-প্রায় পড়িলা ভূমিতে হায়

বজ্রাহত স্বর্ণলতা ভাবের আবেশে ॥

“হা নাথ হা নাথ” বলি থেমে গেল শেষ বুলি,

ছুটিল অনন্তপানে সে ধ্বনি-বন্ধার ।

বাকুল উন্মাদ-প্রায় আসিয়া শ্রীগোরারায়

বলে-প্রিয়ে এই দেখ আমি গো তোমার ॥”

শ্রীপ্রভু-কোমল করে ধরি-প্রিয়াজীর করে

তুলিলা সোহাগভরে মেলিলা নয়ন ।

বিরহিণী বিষ্ণুপ্রিয়া নেহারিলা চমকিয়া

বলিলেন “প্রাণনাথ সত্য কি স্বপন ॥”

সযতনে করে ধরি প্রিয়াজীর কর ।

প্রবেশিলা গৃহ মাঝে গৌরাজ সুন্দর ॥

প্রিয়াজী কখন কখন স্বপ্নেও শ্রীগৌর-দর্শনানন্দ প্রাপ্ত হইতেন । এ সম্বন্ধে নিম্নে একটি মহাজনী প্রাচীন পদ প্রদত্ত হইল :—

লোচন বরবর আনন্দ-লোর ।

স্বপনহি পেথহু গৌর-কিশোর ॥

চিরদিন আওল নবদ্বীপ মাঝ ।

বিহরয়ে আনন্দ ভকত-সমাজ ॥

কিঁ কহব রে সখি রজনীক সুখ ।

চিরদিন হেরহু গৌরা-চাঁদ-মুখ ॥

বিরহে আকুল যত নদীয়ার লোক ।

গৌরামুখ হেরি দূরে গেল সব শোক ॥

পুন না দেখিয়া হিয়া বিদরিয়া যায় ।

নরহরিদাস কান্দি ধুলায় লুটায় ॥

শ্রীশ্রীবিষ্ণুপ্রিয়ার বিরহভাব অপার ও অনন্ত । উহা ধারণার অতীত । কিন্তু তথাপি গৌরভক্তগণ এই নিদারুণ কারুণ্যরসের আশ্রয় লইয়া শ্রীগৌরসুন্দরের সাধনায় প্রবৃত্ত হইলেন । বিরহিণী বিষ্ণুপ্রিয়ার শ্রীচরণ-শরণই শ্রীগৌরসাধনার প্রধানতম অবলম্বন । বিরহিণী প্রিয়াজীর বিরহভাবের লেশাভাস হৃদয়ে প্রতিকলিত হইলে হৃদয় নির্মল হয়, এবং শ্রীগৌর-চরণে অমুরাগ জন্মে ।

নিত্য মিলন ।

নিদাঘের নিদারুণতাপে জগৎ যখন অতিমাত্রায় প্রতপ্ত হয়, এবং সে তাপ যখন একবারে অসহনীয় হইয়া উঠে, তখন বর্ষার অবিরল ধারাপাতে বসুন্ধরা পরিষিক্ত ও স্নানীতল হয়, ইহা বহির্জগতের প্রাকৃতিক নিয়ম । অন্তর্জগতেও এইরূপ নিয়ম আছে । প্রণয়িপ্রণয়িনীর হৃদয় যখন নিদারুণ বিরহের নিরতিশয় তাপে বিদগ্ধ হইয়া উঠে, তখন বিধাতার বিধানে মিলনের ব্যবস্থা হয় । অত্যন্ত বিরহের চরম পরিণাম—মধুর মিলন ।

অচিন্ত্যতর্কৈশ্বর্যময়ী শ্রীশ্রীগৌরবিষ্ণুপ্রিয়ায় লীলা,—ভাগবতী লীলা । কিন্তু তাহা হইলেও ইহাতে নিয়মের ব্যভিচার নাই । এই যে প্রিয়াজী মহাবিরহের মহানলে স্নদীর্ঘকাল তাপ-যাতনা ভোগ করিলেন, অবশেষে চির মহামধুর মিলনেই এই মহাবিরহের পরিসমাপ্তি ঘটিয়াছিল । কিরূপে এই মিলন ঘটিল, সে সম্বন্ধে দুই এক কথা বলিয়াই এই গ্রন্থের উপসংহার করা হইবে । পাঠকমহোদয়গণের মনে আছে, শ্রীগৌরসুন্দরকে নীলাচলের পথে রাখিয়া আমরা তাঁহার নিকট হইতে বিদায় লইয়া শচীমাতা ও প্রিয়াজীর বিরহ-কথা লইয়া বিব্রত হই ।

এদিকে শ্রীগৌরসুন্দর ফাক্তনের প্রথমেই নীলাচলে উপনীত হইলেন এবং নীলাচল-চক্ৰ-দর্শনে পরমানন্দ লাভ করেন । এই সময়ে তিনি জগদ্বিখ্যাত দার্শনিক-পণ্ডিতশ্রেষ্ঠ শ্রীমদ্বাসুদেব সার্ক্সভৌমকে

স্বকীয় অনন্ত বিজ্ঞাপ্রভাব এবং অমিত ঐশ্বর্য্য দর্শন করাইয়া স্বীয় শ্রীচরণের একান্ত দাসরূপে পরিণত করেন । তিনি তাঁহাকে মড়ভুজ-মূর্ত্তি প্রদর্শন করান । সার্কভোম শ্রীগৌর-দেহে রাম, কৃষ্ণ ও শ্রীগোরাঙ্গরূপ সন্দর্শন করিয়া বিস্মিত হয়েন । এখনও পুরীধামে মড়ভুজমূর্ত্তি পূজিত হইয়া আসিতেছেন । সার্কভোম সকল ছাড়িয়া, শ্রীগোরাঙ্গ-চরণ আশ্রয় করিয়াছিলেন । শ্রীচৈতন্যচরিতামৃতে লিখিত আছে :—

সার্কভোম হয় প্রভুর ভক্ত একতান ।

মহাপ্রভু বিনে সেবা নাহি জানি আন ॥

শ্রীকৃষ্ণ-চৈতন্য শচী-সুত গৌর ধাম ।

এই ধ্যান, এই জপ, এই লয় নাম ॥

অতঃপরে শ্রীগোরাঙ্গ বৈশাখের প্রথমে দক্ষিণ দেশস্থ তীর্থসমূহ দর্শনার্থ গমন করেন, যথা শ্রীচরিতামৃতে :—

এই মতে সার্কভোমের নিস্তার করিল ।

দক্ষিণে গমনে প্রভুর ইচ্ছা উপজিল ॥

মাঘ শুক্ল পক্ষে প্রভু করিলা সন্ন্যাস ।

ফাল্গুনে আসিয়া কৈল নীলাচলে বাস ॥

ফাল্গুনের শেষে দোল যাত্রা সে দেখিল ।

প্রেমা বেশে তাহা বহু নৃত্য গীত কৈল ॥

চৈত্রে রহি কৈল সার্কভোম বিমোচন ।

বৈশাখ-প্রথমে দক্ষিণে যাইতে হইল মনু ॥

শ্রীগোরাঙ্গের দক্ষিণদেশে গমন, বহুল ঘটনাপূর্ণ । এই উপলক্ষে

তিনি সমগ্র দক্ষিণ দেশে বিপুল প্রেম-ভক্তির বীজ বপন করিয়া আসিয়াছিলেন। অনেক নাস্তিক পাষাণীকেও কৃষ্ণপ্রেমে প্রমত্ত করিয়াছিলেন। পূর্ণ দুই বৎসর কাল শ্রীগৌরাজ দক্ষিণ তীর্থ ভ্রমণ করেন। এই দুই বৎসরে দয়াময় জীবের যে অনর্কচর্চনীয় হিতসাধন করিয়াছিলেন, তাহার বর্ণনা অপর গ্রন্থের বিষয়। স্মৃত্যং এখানে উহার সবিশেষ কোনও উল্লেখ করিব না। তবে মোটামোটি কয়েকটা ঘটনার উল্লেখ করিতেছি। কৃষ্ণ-ক্ষেত্রে কুষ্ঠরোগগ্রস্ত বাসুদেব বিপ্দের কুষ্ঠবিমোচন, গোদাবরী-তীরে রায় রামানন্দের সহিত সন্মিলন, এবং তাঁহাতে শক্তি-সঞ্চার করিয়া সাধাসাধন-তথ্যে চরম তত্ত্ব-প্রকটন করেন, তথা হইতে পথিমধ্যে অত্যাশ্রয় তীর্থ দর্শন করিতে শ্রীগৌরাজ বৃদ্ধকালীতীর্থে উপনীত হইলেন। এই অঞ্চলে তিনি জীবের প্রতি যে কৃপা প্রকাশ করিয়াছিলেন, শ্রীচরিতামৃতে উহার নিম্নলিখিত বিবৃতি আছে :—

তাহা হইতে চলি আগে গেলা একগ্রাম ।
 ব্রাহ্মণ সমাজে তাহা করিলা বিশ্রাম ॥
 প্রভুর প্রভাবে লোক আইসে দর্শনে ।
 লক্ষ্যকরু লোক আইসে না মিলে গণনে ॥
 গোসাঞীর সৌন্দর্য্য দেখি তাতে প্রেমাবেশ ।
 সবে কৃষ্ণ কহে, বৈষ্ণব হৈল সর্ব্বদেশ ॥
 তার্কিক মীমাংসক মায়াদিগণ ।
 হাংখা, পাতঞ্জল, স্থতি, পুরাণ, আগম ॥

নিজ নিজ শাস্ত্রে সবে উদ্‌গ্রাহে প্রচণ্ড ।
 সৰ্ব্বপ্রেম মূর্তি প্রভু করে খণ্ড খণ্ড ॥
 সৰ্ব্বত্র স্থাপয়ে প্রভু বৈষ্ণব সিদ্ধান্তে ।
 প্রভুর সিদ্ধান্ত কেহো না পারে খণ্ডিতে ॥
 হারি হারি প্রভুমতে করেন প্রবেশ ।
 এই মতে বৈষ্ণব প্রভু কৈল দক্ষিণ দেশ ॥
 পাষণ্ডীর গণ আইল পাণ্ডিত্য শুনিঞা ।
 গৰ্ব্বকরি আইলা সঙ্গে শিষ্যগণ লঞা ॥
 বৌদ্ধাচার্য্য মহাপণ্ডিত নিজ নবমতে ।
 প্রভু আগে উদ্‌গ্রাহ করি লাগিলা কহিতে ।
 যত্বপি অসন্তোষ্য বৌদ্ধ অযুক্ত দেখিতে ।
 তথাপি বলিলা প্রভু, গৰ্ব্ব খণ্ডাইতে ॥
 তর্ক-প্রধান বৌদ্ধশাস্ত্র নবমতে ।
 তর্কেই খণ্ডিলা প্রভু, না পারে স্থাপিতে ॥
 বৌদ্ধাচার্য্য নব নব প্রশ্ন উঠাইল ।
 দৃঢ়যুক্তি তর্কে প্রভু খণ্ড খণ্ড কৈল ॥
 দার্শনিক পণ্ডিত সবার পাইল পরাজয় ।
 লোকে হাস্ত করে, বৌদ্ধ পড়িল লজ্জায় ॥

এই স্থলে বিচারে পরাজিত হইয়া এবং শ্রীগোরাঙ্গের ভগবত্তা
 দেখিয়া বৌদ্ধগণ শ্রীগোরাঙ্গের আশ্রয় গ্রহণ করিয়াছিলেন । তিনি
 যখন শিব-কাশীতে উপনীত হইলেন, তখন তাঁহার প্রভাবে শৈবগণও
 বৈষ্ণব হইয়াছিলেন ।

শ্রীগৌরসুন্দর চাতুর্শাস্ত্রীয় শ্রীরঙ্গ-ক্ষেত্রে বেকট ভট্টের আলয়ে অবস্থান করেন। এখানেও লক্ষ লক্ষ লোক তাঁহাকে দেখিয়া এবং তাঁহার শ্রীমুখে কৃষ্ণ নাম শুনিয়া বিস্মিত, বিমুগ্ধ ও কৃষ্ণপ্রেমে প্রমত্ত হইয়াছিলেন, যথা শ্রীচরিতামৃতে :—

কাবেরীতে স্নান করি শ্রীরঙ্গ-দর্শন ।

প্রতিদিন প্রেমাবেশে করেন নর্ত্তন ॥

সৌন্দর্য্য প্রেমাবেশ দেখি সর্বলোক ।

দেখিবারে আইলা সবার খণ্ডে হৃৎ-শোক ॥

লক্ষ লক্ষ লোক আইসে নানা দেশ হৈতে ।

সবে কৃষ্ণ নাম কহে প্রভুরে দেখিতে ॥

এই স্থান শ্রীরামানুজ সম্প্রদায়ের আচার্য্য শ্রীমদ্বেঙ্কট ভট্টের প্রতি রূপা করিয়া শ্রীগৌরানুসুন্দর তাঁহাকে ব্রজরস-উপাসনার সার তত্ত্ব বুঝাইয়া দিয়াছিলেন। দক্ষিণে সেতুবন্ধ কণ্ঠাকুমারী পর্য্যন্ত গমন করিয়া শ্রীগৌরানুসুন্দর পশ্চিম উপকূলের অম্মাত্ত বহুতীর্থ স্থান দর্শন করেন। অতঃপর তিনি উড়ুপীতে আসিয়া মধ্বাচার্য্য স্থাপিত নটবর গোপাল মূর্ত্তি দর্শন করেন এবং তত্ত্ববাদীদের মত খণ্ডন করিয়া তাঁহাদের মধ্যে স্থায়মত প্রতিষ্ঠিত করেন।

অতঃপরে অম্মাত্ত তীর্থদর্শনান্তে শ্রীগৌর-সুন্দর পাণ্ডুপুরে উপনীত হইলেন। তাঁহার অগ্রজ শ্রীমদ্বিষ্ণুরূপ এই পাণ্ডুপুরে আসিয়া সিদ্ধি প্রাপ্ত হইয়াছিলেন। এই স্থানের লোকদের নিকট তিনি শঙ্করারণা নামে খ্যাত ছিলেন। শ্রীরঙ্গপুরীর মুখে শ্রীগৌরানুসুন্দর এই স্থানে এই শোক সংবাদ প্রাপ্ত হন। তাঁহার সেই

স্নেহময় অগ্রজের কথা মনে হওয়ায় শ্রীগোরাঙ্গের প্রেমপূর্ণ হৃদয়ে এখানে কি ভাবের উদয় হইয়াছিল, তাহা কে বলিতে পারে ?

যাহা হউক, পশ্চিম উপকূলের বহুতীর্থস্থান-দর্শনান্তে আবার গোদাবরী-তটে শ্রীরাম রায়কে দর্শন দিয়া এবং তাঁহাকে পুরীধামে আসিতে আদেশ করিয়া অনতিবিলম্বে স্নানাবার তিনি পুরীধামে প্রত্যাগত হইলেন । সার্বভৌম প্রভৃতি ভক্তগণ আনন্দে অধীর হইয়া তাঁহার শ্রীপাদপদ্মে দণ্ডবৎ প্রণত হইলেন ।

এই সময়ে পুরীর অধীশ্বর মহারাজাধিরাজ বীধ-কেশরী প্রতাপ রুদ্র দেব, শ্রীগোরাঙ্গের ভগবদ্ধ ও অনন্ত প্রভাবের কথা শুনিয়া তাঁহার শ্রীচরণান্তিকে আকৃষ্ট হইয়া পড়েন এবং গোরচক্কে যে স্বয়ং ভগবান, সার্বভৌমের সহিত আলাপে উহা তিনি সুস্পষ্ট বৃত্তিতে পাইয়া শ্রীগোরাঙ্গ-চরণে আত্মসমর্পণ করেন । প্রতাপ রুদ্রের পরামর্শে কাশীমিশ্রের বিপুল ভবন, মহাপ্রভুর বাসস্থানরূপে নির্ণীত হয় । কাশীমিশ্রকে মহাপ্রভু চতুর্ভুজ মূর্তি দর্শন করাইয়া ছিলেন । এই ভবনেই শ্রীশ্রীমহাপ্রভুর গন্তীরা-মন্দির এখনও বিরাজমান ।

এই বৃহৎ ভবনস্থ গন্তীরা-মন্দিরে শ্রীগোরাঙ্গ সুন্দর, পুরীতে প্রকট-লীলার সময়ে নিরন্তর অবস্থান করিতেন । লক্ষ লক্ষ ভক্ত এখানে তাঁহার শ্রীমূর্তি-দর্শনে কৃতার্থ হইতেন । এই স্থান গৃহী, উদাসী, ব্রহ্মচারী, যতি, সন্ন্যাসী ও অগণ্য ভক্ত তাঁহার চরণাশ্রয় করিয়াছিলেন । সূতরাং প্রভুর ও তাঁহার ভক্তগণের চরণ-রঞ্জে এই স্থান চিরদিনই পরম পবিত্র তীর্থ ও মাধুর্য্যের পরম ধামরূপে বিরাজ করিবেন । গোবিন্দ দাস, স্বরূপ দামোদর ও রায় রামানন্দ

প্রভৃতি কতিপয় অন্তরঙ্গ ভক্ত এই স্থানে প্রভুর নিত্য সহচর ছিলেন । প্রতি বৎসর শ্রীমদ্বিত্যানন্দ, অদ্বৈতাচার্য্য ও শিবানন্দ সেন প্রভৃতি বঙ্গদেশীয় ভক্তগণ রথযাত্রার সময়ে পুরীধামে যাইয়া এই স্থানে শ্রীশ্রীমহাপ্রভুর দর্শন লাভ করিতেন ।

দক্ষিণ তীর্থ হইতে পুরীধামে প্রত্যাবর্তন করিয়া শ্রীগৌরমুন্দর শ্রীবৃন্দাবনে যাইবার মনস্থ করিয়াছিলেন, কিন্তু সার্ক্সভৌম ও রামানন্দ প্রভৃতি ভক্তগণের অনুরোধে আজকাল করিয়া দুই বর্ষ চলিয়া গেল । দুই বর্ষের মধ্যে তাঁহার শ্রীবৃন্দাবন গমন ঘটিল না, যথা—

আর দুই বর্ষ চাহে বৃন্দাবনে যেতে ।

রামানন্দের হঠে প্রভু না পারে চলিতে ॥

এইরূপে গৃহত্যাগের পর পঞ্চম বর্ষে মহাপ্রভু পুনর্বার জননী-দর্শন ও বৃন্দাবন যাওয়ার জন্য দৃঢ়সঙ্কল্প করিয়া সার্ক্সভৌম ও রামরায়কে বলিলেন :—

বহুত উৎকণ্ঠা মোর যাইতে বৃন্দাবন ।

তোমা সবার হঠে দুই বর্ষ না কৈল গমন ॥

অবশ্য চলিব,—হুঁহে করহ সম্মতি ।

তোমা হুঁহা বিনে মোর অণু নাহি গতি ॥

গৌড়দেশে হয় মোর দুই সমাপ্রায় ।

জননী, জাহ্নবী,—এই দুই দয়াময় ॥

গৌরদেশ দিয়া যাব তা সবা দেখিয়া ।

তুমি দোহে আজ্ঞা দেহ প্রসন্ন হইঞা ॥

সার্ক্সভৌম ও রামানন্দ দেখিলেন, প্রভু এবার দৃঢ়সঙ্কল্প করিয়াছেন ।

সুতরাং এবার আর তাঁহারা বাধা দিলেন না। সকলের অমুমতি-
অনুসারে বিজয়াদশমীর দিন শ্রীগোরাঙ্গসুন্দর শ্রীশ্রীজগন্নাথদেবকে
প্রণাম করিয়া জন্মভূমির অভিমুখে যাত্রা করিলেন। রামানন্দ
ভক্তক পর্য্যন্ত সঙ্গে আসিয়াছিলেন।

উড়িষ্যা-রাজ্যের সীমা ছাড়িয়া প্রভু গোড়ের সীমায় আসিলেন।
তখন দুর্দান্ত মুসলমান, বঙ্গের শাসনকর্ত্তা। প্রভু যখন যেখানে
গমন করেন, সেইখানেই লক্ষ লক্ষ লোক হরিনাম করিতে করিতে
তাঁহার পদানুসরণ করে। মুসলমানদের তাহা সহ্য হইবে কি না—
ভক্তগণের মনে এই আশঙ্কা হইল। কিন্তু অন্তর্যামী প্রভু, সীমান্তের
মন্তপ যবনশাসনকর্ত্তার চিত্ত তাঁহার স্বীয় চরণান্তিকে আকৃষ্ট করি-
লেন। স্থানীয় মুসলমানশাসন-কর্ত্তা শ্রীগোরচরণে শরণ লইয়া
তাঁহার গমনের সহায় হইলেন। তিনি বহু নোকা করিয়া সৈন্যাদি
সঙ্গে দিলেন। মহাপ্রভু পাণিহাটির ঘাটে আসিয়া অবতরণ করি-
লেন। লক্ষ লক্ষ লোক সমবেত হইয়া আনন্দে হরিনাম করিতে
লাগিল। রাঘবপণ্ডিত বিপুল জনতার ভিতর দিয়া প্রভুকে আপন
আলয়ে লইয়া গেলেন। শ্রীচরিতামৃতে মহাপ্রভুর প্রত্যাগমনের
প্রসঙ্গে লিখিত হইয়াছে :—

প্রভু আইলা করি লোকে হৈল কোলাহল।

মহুয্যে ভরিল সব জল আর স্থল ॥

গোরচন্দ্র একদিন মাত্র পাণিহাটিতে ছিলেন, পরদিন তথা হইতে
কুমারহুটে,—তৎপরে শিবানন্দের আলয়ে,—তথা হইতে বাসুদেবের
স্তবনে দর্শন দিয়া সার্কভোমের ভ্রাতা বাচস্পতির গৃহ পবিত্র করি-

লেন । চারিদিক হইতে অগণ্য লোক আসিয়া ভরিধ্বনি করিতে লাগিল । সমগ্র স্থল লোকে লোকারণ্য হইয়া উঠিল । প্রভু লোক-ভীর-ভয়ে কুলিয়ার মাধবদাসের গৃহে আসিয়া উপস্থিত হইলেন । কিন্তু সেখানেও সেই বিশাল জনতা । লোকের শ্রীগৌরানন্দদর্শনতৃষ্ণা কিছুতে মিটিল না । লক্ষ লক্ষ লোকের দর্শন-স্পৃহা-শান্তির জন্ত তিনি সাত দিন কুলিয়ায় মাধবদাসের গৃহে ছিলেন । শ্রীচরিতামৃতে লিখিত আছে :—

মাধবদাস-গৃহে তাহা শচীর নন্দন ।

লক্ষ কোটি লোক তাহা পাইল দর্শন ॥

সাত দিন রহি তাহা লোক নিস্তারিলা ।

শান্তিপুরে আচার্য্যের ঘরে ঐছে গেলা ॥

দিন দুই চারি প্রভু তাহাই রহিলা ।

শচীমাতা আনি তার দুঃখ খণ্ডাইলা ॥

পাঁচবৎসর পূর্বে যে শান্তিপুর হইতে শচীমাতা তাঁহার অঞ্চলের ধনকে সন্ন্যাসের অতলসাগরে ভাসাইয়া দিয়া শূন্তহাতে, শূন্তহৃদয়ে শূন্ত নদীয়ায় প্রত্যাগমন করিয়াছিলেন, আজ পাঁচবৎসরের পরে আবার সেই শান্তিপুরে শচীমাতা প্রতিপদের চাঁদের মত তাঁহার হারাধন গৌরচাঁদকে দেখিতে পাইলেন । মাতা ও পুত্রের এই চকিতমিলন,—আনন্দ কি যাতনা, তাহা আমরা বুঝিতে পারি না । খুব সম্ভবতঃ এই অবস্থায় শ্রীগৌরদর্শন তাঁহার নিকট স্বপ্নের তায়ই মনে হইয়াছিল ।

অতঃপর শান্তিপুুরের বাট পার হইয়া গঙ্গার পশ্চিমপার দিয়া

শ্রীগোরাঙ্গ সুন্দর বৃন্দাবনের অভিমুখে গমনোদ্দেশে উত্তরপশ্চিম দিকে অগ্রসর হইতে লাগিলেন । সহস্র সহস্র লোক তাঁহার সঙ্গে সঙ্গে গমন করিতে লাগিল । তখন নবদ্বীপে হলস্থল পড়িয়া গেল । নরনারী অনেকেই গঙ্গা পার হইয়া বৃহদিন পরে চকিতের স্থায় শ্রীগোরাঙ্গ-দর্শন করিতে লাগিলেন । শ্রীগোরসুন্দর নদীয়ার অপর পারে তাঁহার পূর্বাশ্রম-ভবনের ঘাটের সোজাসোজি আসিয়া সহসা দাঁড়াইলেন, দুই কর জোড় করিয়া সতৃষ্ণনেত্রে জন্মভূমি নমস্কার করিলেন, অতি অল্পক্ষণই এই স্থানে দাঁড়াইয়া আবার গম্যাপথে গমন করিতে লাগিলেন ।

এই সময় শ্রীশ্রীপ্রিয়াজীও গঙ্গাঘাটে দাঁড়াইয়া অসংখ্য লোক মণ্ডলীর অগ্রগামী স্বীয় প্রাণবল্লভের সমুন্নত, কনকগোর, মণ্ডিতমস্তক স্তম্ভাস্থ স্মদীর্ঘবাহু দিব্যমূর্ত্তি বিজলিত স্থায় সতৃষ্ণনয়নে দর্শন করিয়া ছিলেন । যতদূর দেখিতে পাইলেন, ততদূর তিনি সতৃষ্ণনেত্রে চাহিয়া রহিলেন, যখন আর কিছুই দেখিতে পাইলেন না, তখন নিরাশপ্রাণে দীর্ঘনিঃশ্বাস ছাড়িয়া অবশ ভাবে গৃহে ফিরিলেন, কিন্তু ইহাতে তাঁহার হৃদয়ের তাপ শতগুণে বাড়িয়া উঠিয়াছিল ।

প্রথমতঃ তাঁহার প্রাণ বল্লভের সন্ন্যাস মূর্ত্তি দর্শন, তাঁহার নিকট একবারেই অসহ্য বলিয়া বোধ হইল । দ্বিতীয়তঃ বিজয়-চমকের স্থায় এইরূপ দর্শনে বিরহ-জনিত যাতনা আরও অধিকতরই অমুভূত হইয়া উঠিল । তিনি কাদিতে কাদিতে গৃহে ফিরিয়া সখীকে যাহা বলিয়াছিলেন, তাহা কবির বিদ্বাপতির ভাষায় বলিলে বলিতে হয় :—

সখি, ভাল করি পেখন না ভেল ।

লোক-মেঘমালা সঞে তড়িত লতা জহু

হৃদয়ে শেল দেই গেল ॥

প্রভুর এই সন্ন্যাসসুর্ভি-সন্দর্শনের পরে প্রিয়াজী বিরহে আরও অধিকতর যাতনা অনুভব করিয়াছিলেন ।

শ্রীগৌরসুন্দর আর কোনও লক্ষ্য না করিয়া একবার রামকেলি গ্রামে উপনীত হইলেন । রামকেলি গঙ্গা-তটে অবস্থিত । তিনি চারি দিন এখানে ছিলেন । এই সময়ে এখানে এমন কীর্ত্তনানন্দ-তরঙ্গ উঠিয়াছিল, যে যবনগণও সংকীৰ্ত্তনে যোগ দিয়াছিলেন । এমন কি যবন-শাসন-কর্ত্তা পর্য্যন্ত শ্রীগৌরানন্দের নামে আকৃষ্ট হইয়া-ছিলেন । যথা শ্রীচরিতামৃতঃ—

হেন সে আনন্দ প্রকাশেন গৌররায় ।

যবনেও বলে হরি অন্তের কি দায় ॥

যবনেও দূরে আসি করে নমস্কার ।

হেন গৌরচন্দ্রের কারুণ্য-অবতার ॥

এই সময়ে হুসেন সাহ বঙ্গের অধীশ্বর ছিলেন । রামকেলি গ্রামে জনৈক নবীন সন্ন্যাসীর আগমনে কীর্ত্তন ও হরি নামের প্রবল বজ্রা-তরঙ্গ উঠিয়াছে, ইহা জানিয়া হুসেন সাহ প্রথমতঃ কোতোয়ালকে অহুসন্ধানের জন্ত প্রেরণ করেন । কোতোয়াল বিপুল জনতাবেষ্টিত সন্ন্যাসীর অলৌকিক দিব্যরূপ, দিব্যভাব ও ভগবত্তা যেরূপ প্রত্যক্ষ করিয়াছিল, অবিকল সেই সকল কথা হুসেন

সাহকে জানাইল। হুসেন সাহ বিস্মিত হইয়া কেশব ছত্রীকে পাঠাইলেন। সন্ন্যাসীর ঐশ্বর্য-প্রতিপত্তি শুনিয়া পাছে বা হুসেন সাহের মনে বিপরীত ভাব জন্মে, এই আশঙ্কা করিয়া কেশব ছত্রী আসিয়া বলিলেন,—জাহাপনা, বিশেষ কিছুই নয়, যে লোকটির কথা বলিতেছেন,—সে দেশান্তরী গরীব, বৃক্ষতলবাসী, ভিখারী সন্ন্যাসী।”

ইহার উত্তরে গোড়ের বাদশাহ হুসেন সাহ যাহা বলিয়াছিলেন, “শ্রীচৈতন্য ভাগবতে তাহা এইরূপ লিখিত আছে :—

রাজা বলে বলে “গরীব না বোল কভু তানে ।

মহাদোষ হয় ইহা শুনিলেও কাণে ॥

• হিন্দু যারে বলে “কৃষ্ণ” “খোদায়” যবনে ।

সেই তিঁহ নিশ্চয় জানিহ সর্বজনে ॥

আপনার রাজ্যে আমার আজ্ঞা রহে ।

তাঁর আজ্ঞা সর্বদেশে শিরে করি বহে ॥

এই নিজ রাজ্যেই আমারে কত জনে ।

মন্দ করিবারে লাগিয়াছে মনে মনে ॥

তঁাহারে সকল দেশে কায়বাক্য মনে ।

ঈশ্বর নহিলে বিনা অর্থে ভঞ্জে কেনে ॥

ছয়মাস আজি আমি জীবিক। না দিলে ।

নানা বৃক্তি করিবেক লোক সকলে ॥

আপনার থাই লোক তাহানে সেবিতে ।

চাহে ; তাও কেহ নাহি পায় ভালমতে ॥

অতএব তিঁহ সত্য জানিহ ঈশ্বর ।
 গরীব করিয়া তারে না বোল উত্তর ॥
 যেখানে তাহান ইচ্ছা থাকুন সেখানে ।
 আপনার শাস্ত্রমত করুন বিধানে ॥
 সৰ্বলোক লই স্নেহে করুন কীর্তন ।
 কি বিরলে থাকুন, যে লয় তার মন ॥
 কাজী বা কোটাল বা তাঁহাকে কোন জন ।
 কিছু বলিলেই তার লইমু জীবন ॥”

হসেন সাহার এই কথার উপরে মন্তব্য করিয়া শ্রীমদ্বৃন্দাবনদাস
 লিখিয়াছেন :—

যে হসেন সাহ সৰ্ব উড়িয়ার দেশে ।
 দেবমূর্তি ভাঙ্গিলেক দেউল বিশেষে ॥
 হেন যবনেও মানিলেক গৌরচন্দ্র ।
 তথাপি এবে না মানয়ে যত অন্ধ ॥

যাহা হউক, প্রভু যখন রামকেলি গ্রামে দিনযামিনী কীর্তনানন্দে
 উন্নত ছিলেন, তখন হসেনসাহার প্রধান মন্ত্রী সনাতন ও অপর
 কর্মচারী তদীয় ভ্রাতা শ্রীকৃপা শ্রীশ্রীমহাপ্রভুর শ্রীচরণদর্শন ও সঙ্গ-
 স্নেহ পাইয়া কৃতার্থ হইয়াছিলেন। ইহাদিগকে কৃপা করাই যে
 তাঁহার রামকেলি গ্রামে আগমনের উদ্দেশ্য, প্রভু তাহা স্পষ্টতঃই
 ইহাদিগকে বলিয়াছিলেন। এই দুই ভ্রাতা দ্বারাই প্রভু অশেষ
 বৈষ্ণবশাস্ত্র প্রণয়ন ও প্রচার করেন। সুবিখ্যাত শ্রীজীবগোস্বামী

ইহাদেরই কনিষ্ঠ ভ্রাতৃপুত্র । এই ছই ভ্রাতা শ্রীগৌরচরণ-দর্শনা-
বধিই গৃহবাসে বিরক্ত হয়েন এবং অবশেষে সংসারধর্ম ত্যাগ
করিয়া নিশ্চিন্তভাবে শ্রীগৌরানন্দচরণে আত্মসমর্পণ করেন এবং
তাঁহারই আদেশে লুপ্ততীর্থ উদ্ধার ও বৈষ্ণবশাস্ত্র প্রণয়ন ও প্রচার
করেন । যাহা হউক, শ্রীগৌরসুন্দরের শ্রীবৃন্দাবনদর্শন-উদ্দেশ্যে রাম-
কেলি হইতে বৃন্দাবনের পথ ধরিয়া কানাইর নাটশালা গ্রামে যাওয়ার
পূর্বে সনাতন, মহাপ্রভুর পদপ্রান্তে মাথা রাখিয়া বলিলেন :—

ইহা হইতে চল প্রভু ইহা নাহি কাজ ।

যত্বপি তোমাতে ভক্তি করে গোবরাজ ॥

তথাপি যবনজাতি না করি প্রতিভ ।

তীর্থসংঘটে এত লোক ভাল নহে রীতি ॥

যার সঙ্গে চলে এই লোক লক্ষ কোটি ।

বৃন্দাবনে যাওয়ার এ নহে পরিপাটি ॥

• মহাপ্রভু কানাইর নাটশালায় কৃষ্ণ-চরিত-লীলা-মূর্ত্তি প্রভৃতি সন্দর্শন
করিয়া সনাতনের কথা শ্রবণ করিয়া আবার নীলাচলাভিমুখে
প্রত্যাবর্ত্তন করিলেন ।

শান্তিপু্রে আসিয়া আবার পাঁচসাত দিন শ্রীল অদ্বৈতগৃহে
ছিলেন । এই সময়ে শ্রীমৎদাস রঘুনাথ তাঁহার শ্রীপাদপদ্মে আত্ম-
সমর্পণ করেন । প্রভুর আজ্ঞায় কিয়দিন বাড়ীতে থাকিয়া অতুল-
বৈভববিলাস ত্যাগ করিয়া কঠোর বৈরাগ্যের প্রতিমূর্ত্তি রঘুনাথ
নীলাচলে যাইয়া মহাপ্রভুর চরণাশ্রয় করিয়াছিলেন । শ্রীগৌরান্দ-
সুন্দর আবার যথাসময়ে নীলাচলে উপস্থিত হইলেন ।

কিয়দিন নীলাচলে অবস্থান করিয়া তিনি কটকের নিম্নে মহানদী পার হইয়া পুনর্ব্বার ঝারিখণ্ডের জঙ্গলনয় পথে শ্রীবৃন্দাবন গমন-কামনায় যাত্রা করেন এবং বথাসময়ে কাশীধামে উপনীত হইলেন । এখানে ষাটহাজার, মায়াবাদী সন্ন্যাসীর গুরু, নিখিলশাস্ত্রবেত্তা, কাশীধামের অদ্বিতীয় সন্ন্যাসী,—পণ্ডিত প্রকাশানন্দ যদিও প্রথমতঃ শ্রীগৌরানন্দমুন্দরকে অবজ্ঞার চক্ষে দেখিয়াছিলেন, কিন্তু পরে শ্রীগৌরানন্দের অমানুষী বিজ্ঞা ও ভগবত্ত্বার অনন্ত প্রভাব প্রত্যক্ষ করিয়া তাঁহাকেই জীবনের একমাত্র উপাশ্রদেবতা স্বীকার করিয়া তাঁহার শ্রীচরণ-চিস্তনই সর্ব্বসাধনার সার বলিয়া সিদ্ধান্ত করেন । ইহার রচিত শ্রীচৈতন্যচন্দ্রামৃত গ্রন্থখানি ভক্তগণের কণ্ঠহার । কাশী হইতে শ্রীগৌরানন্দের প্রেমমত্তাবস্থায় মথুরা অভিমুখে ধাবিত হইলেন, মথুরায় পদার্পণ করিয়া ব্রজমণ্ডলের তীর্থসমূহ প্রেমাবিষ্টভাবে দর্শন করিলেন, এবং যে সকল তীর্থ বিলুপ্ত হইয়াছিল, সেই সকল বিলুপ্ততীর্থ উদ্ধার করিয়া আবার নীলাচল অভিমুখে প্রত্যাগমন করিলেন । এই সময় হইতে মহাপ্রভু, অপ্রকট সময় পর্য্যন্ত এক-ক্রমে আঠার বৎসর নীলাচলেই অবস্থান করেন । শ্রীকৃষ্ণকীর্তন, শ্রীজগন্নাথ-দর্শন, শ্রীকৃষ্ণ-লীলা-চিস্তন, বহিরঙ্গ ভক্তগণের সঙ্গে রসাস্বাদন এবং সর্ব্বদা কৃষ্ণ-প্রেম-বিবশতায় দিনযামিনী যাপন করিতেন ।

শেষ ষাদশবৎসর গঙ্গীরামন্দির হইতে শ্রীগৌরানন্দমুন্দর অধিক-ক্ষণ বাহিরে থাকিতেন না । শ্রীয়ায় রামানন্দ তাঁহার নিকটে বসিয়া কৃষ্ণকথা কহিতেন আর শ্রীপাদ স্বরূপ, রসগানে তাঁহার

কৃষ্ণ-বিরহ-যাতনায় সাস্থ্য দিতেন । শেষ দ্বাদশ বৎসর কৃষ্ণবিরহের বিবিধ দশায় বিভোর হইয়া তিনি দিব্যোন্মাদে কখন বা কৃষ্ণ কৃষ্ণ বলিয়া রোদন করিতেন, কখন বা প্রগাঢ় আনন্দ-সম্মাদিতে মগ্ন হইয়া কৃষ্ণলীলা সন্দর্শন করিতেন । এই সময়ে তিনি বাহাদশায় বিরহ-বেদনা-সূচক উদ্বেগ চিন্তা, জাগরণ ও প্রলাপাদিতে অধীর থাকিতেন, অর্দ্ধবাহাদশায় বাহুজ্ঞান আংশিক বিলুপ্ত হইত ; ঐশ্বর্যদশায় একবারেই কৃষ্ণলীলায় বিভোর থাকিতেন । তাঁহার এই সকল ভাব গ্রন্থান্তরে* কিঞ্চিৎ বিস্তৃতভাবে প্রকাশিত হইয়াছে । সুতরাং এখানে বাহুল্যভয়ে আর পুনর্ব্বার এই সকল বিষয়ের উল্লেখ করা হইল না ।

শ্রীগোরাঙ্গসুন্দর দ্বাদশবর্ষকাল ব্যাপিয়া শ্রীগন্তীরাঙ্গন্ধিরে যে লীলারসাস্বাদন করেন, প্রিয়াজী সারা জীবন ব্যাপিয়া শ্রীগোরাঙ্গ-বিরহে সেই বিরহ-রসের বিবিধ দশায় ব্যাকুল ছিলেন ।

শ্রীভগবানের প্রত্যেক লীলাই মানুষের হিতের জন্ত । স্বয়ং ভগবান্ শ্রীগোরাঙ্গসুন্দর যে জন্ত অবতীর্ণ হইয়া সম্মানগ্রহণ করিয়াছিলেন এবং যে জন্ত প্রিয়াজী, বিরহের নিদারুণ অবস্থায় দিনবানিনী কেবল “হা গোরাঙ্গ” বলিয়া ব্যাকুল থাকিতেন, সেই সকল লীলার উদ্দেশ্য,—মানুষের কঠোর হৃদয় কাকণ্যরসে কোমল*

* সংকৃত “গন্তীয়ার শ্রীগোরাঙ্গ” নামক গ্রন্থে এই লীলার বিস্তৃতি আছে । শ্রীরাম রামানন্দ, ঐশ্বর্যপদামোদর ও শ্রীমৎ দাসগোবিন্দীর চরিত ও শিক্ষা পৃথক্ পৃথক্ গ্রন্থে আলোচনা করিয়াছি । সুতরাং এই সকল প্রধান প্রধান পার্ব্বণপের শিক্ষা ও চরিত এ গ্রন্থে পুনর্ব্বার বিবৃত করা অনাবশ্যক ।

করা এবং সেই কোমলহৃদয়ে প্রেমভক্তির বীজ বপন করা । প্রভুর
সে উদ্দেশ্য যখন নিঃশেষিত ভাবে সুসম্পন্ন হইল, তখন আর তাঁহার
লীলা-প্রাকাটোর প্রয়োজন রহিল না ।

এদিকে প্রিয়াজীৱ বিরহ ক্রমেই ঘনীভূত হইয়া উঠিল । সেই
ঘনীভূত বিরহের একশ্রেষ্ঠ অংশ দূতীর মৃদুিতে পরিণত হইলেন ।
ভাব-মুক্তি দূতী শ্রীগৌরান্ধসমীপে উপনীতা হইয়া বলিলেন :—

অবলা সে বিষ্ণুপ্রিয়া, তুয়াগুণ সোঙরিয়া, মুরছি পড়য়ে ক্ষিতিতলে ।
চৌদিকে সখীগণ, ঘেরি করে রোদন, তুল ধরি নাসার উপরে ॥
তুয়া বিরহানলে, অন্তর জরজর, দেহছাড়া হইল পরাণি ।
নদীয়াবাসী যত, তারা ভেল মুরছিত, না দেখিয়া তুঞি মুখখানি ॥
শচী বৃদ্ধা আধমরা, দেহ তার প্রাণ ছাড়া, তার প্রতি নাইহিতোর দয়া ।
নদীয়ার সঙ্গিগণ, কেমনে ধরিবে প্রাণ, কেমনে ছাড়িয়া তার নায়া ॥
যত সহচর তোর, সবাই বিরহে ভোর, শ্বাস বহে দরশন আশে ।
ওগো ও রসিকবর, চলহে নদীয়াপুর, কহে দীন এ মাধব ঘোষে ॥

দূতী অধিকতর ব্যস্ত হইয়া আবার বলিতেছেন :—

গৌরান্ধ ঝাট করি চলহ নদীয়া ।
প্রাণহীন হইল অবলা বিষ্ণুপ্রিয়া ॥
তোমার পূর্ব যত চরিত পীরিত ।
সোঙরি সোঙরি এবে হৈল মুরছিত ॥
হেন নদীয়াপুর সে সব সঙ্গিয়া ।
ধূলি পড়িয়া কাঁদে তোমা না দেখিয়া ॥

কহয়ে মাধব বোব শুন গোরহরি।

তিলেক বিলম্ব ; আগে আমি যাই মরি ॥

শ্রীগোরসুন্দরের কোমলপ্রাণ, দূতীর কথায় সহসা ব্যাকুল হইয়া উঠিল, তিনি কাতরকণ্ঠে বলিলেন—“দূতি, পতিভক্তীকে কল্যাণ-সাধনের জন্ত আমি আমার প্রিয়তমা মহাশক্তি শ্রীবিষ্ণুপ্রিয়াকে নিদারুণ বিরহ-যাতনায় কত ক্লেশ দিয়াছি। আমি জেতুলা শ্রীরামরূপে প্রণয়িনী পতিব্রতা সীতাদেবীকে এইরূপ ক্লেশ দিয়া ছিলাম, ছাপরে শ্রীরাধিকাকেও বিরহক্লেশ ভোগ করিতে হইয়াছিল, বুদ্ধাবতারে শ্রীমতী গোপাও ক্লেশ পাইয়াছিলেন। কিন্তু যিবিষ্ণু প্রিয়ার যাতনা সর্বোপরি। তোমায় প্রকৃত কথা বলিতে কি, আমার শক্তি সমূহের মধ্যে শ্রীবিষ্ণুপ্রিয়াই সর্বাপেক্ষা শ্রেষ্ঠী ও সর্বশক্তির মূলধার। ‘দূতি, তুমি যাও, তাঁহাকে বলিও আচরণে তাঁহার সহিত আমার নিত্য মিলন হইবে। তাঁহাকে ছাড়িয়া আমিই কি স্থখে আছি? আমার শ্রীরাধাপ্রেনাস্বাদের বাসনা পূর্ণ হইয়াছে, নানুয়ের ভজনপথও দেখাইয়াছি, সন্ন্যাসের উদ্দেশ্যও শেষ হইয়াছে। এখন সুখময় মিলনের দিন আসিয়াছে, আর বিলম্ব নাই। তুমি সত্বরে যাইয়া প্রিয়াকে এই সংবাদ দাও।”

দূতী তৎক্ষণাৎ প্রিয়াজীর নিকটে গিয়া শুভ সংবাদ দিলেন। প্রিয়াজীর মৃতদেহে যেন মহাপ্রাণ সঞ্চারিত হইল, তাঁহার নয়ন-যুগল আনন্দজলে পরিপ্লুত হইল। শচীমা প্রথমতঃ একথা বিশ্বাস করিতে পারিলেন না, এ সংবাদ তাঁহার নিকট একবারে স্বপ্নের ছায় বোধ হইতে লাগিল, তথাপি তাঁহার অবশ্যদেহ যেন একটুকু

সবশ হইল । নদীয়ার সর্বত্র শুভ সংবাদ প্রচারিত হইল, যে নদী-
 ঞ্চার চাঁদ অধার বসরাজবেশে নদীয়ায় ফিরিয়া আসিতেছেন ! সমগ্র
 নদীয়া আনন্দনয় হরিধ্বনিতে যেন বিবাদমৃত্যু হইতে সহসা
 জাগিয়া উঠিল । ভক্তগণ আনন্দে গাইতে লাগিলেন—

আওত গৌর, পুনহি নদীয়াপুর, হোয়ত মন হি উল্লাস ।

ঐছে আনন্দকন্দ, পুনকিয়ে হেরব, করবহি সে সুখ বিলাস ॥

হরি হরি কবে হেরব সো মুখচাঁদ ।

বিরহ পয়োধি, কবহুঁ দিন পঙ্কুব, টুটব হৃদয়ক ধাঁদ ॥

বৃন্দ-কনক-কাঁতি, কবে মোরা হেরব, মদন ননোহর সাজ ।

দাহযুগল তুলি, হরি হরি বোলব, নাচব ভক্তগণ মাঝ ॥

এই কহি নয়ন, মুদি রহ সবজন, গৌরপ্রেমে ভেল ভোর ।

নরহরি দাস, আশা কবে পূরব, হেরব গৌরকিশোর ॥

শ্রীশ্রীপ্রিয়াজীর আনন্দ-আশার কথাও শুনুন । প্রিয়াজী
 বলিতেছেন :—

আসিবে আমার, গৌরাঙ্গ স্তনর, নদীয়া নগর মাঝ ।

দূরেতে দেখিয়া, চমকিত হৈঞা, করব নঙ্গল কাজ ॥

জল ঘট ভরি, আমশাখা ধরি, রাখি সারি সারি করি ।

কদলী আনিয়া, রোপণ করিয়া, ফুলমালা তাহে ধরি ॥

আওল শুনিয়া নারী নদীয়া, আওব দেখিবার তরে ।

হরি হরি ধ্বনি, জয়জয় বাণী, উঠিবে সকল ঘরে ॥

শুনিয়া জননী, ধাইবে অমনি, করিবে আপন কোরে ।

নয়নের জলে, ধুই কলেবরে, তুরিতে লইবে ঘরে ॥

যতক ভকত, দেখি হরষিত, হইবে প্রেম আনন্দ ।

যত্ননাথ যাঞা, পড়ে লোটাইয়া, লইতে চরণাবিন্দ ॥

ওদিকে শ্রীগোবিন্দস্বরের গন্তীরামন্দির একদিন সহসা এক-
নীরব হইল । ভক্তগণ দেখিলেন, তাঁহাদের নয়নের মণি শ্রীজগ-
ন্নাথ মন্দিরে সহসা প্রবেশ করিলেন কিন্তু আর বাহির হইলেন না,
তাঁহাকে আর কেহই দেখিতে পাইল না । পূরীধাম সহসা আঁধার
হইয়া পড়িল, ভক্তগণের বিষাদময় বিরহ-রোদনে সমগ্র পুরী
শোকাচ্ছন্ন হইল ।

কিন্তু এই সময়ে নদীয়ার সুনীল ভাগ্যগগনে সহসা সৌভাগ্য-
শশী উদিত হইলেন । নদীয়াবাসীরা চকিতের ত্রাঘ দেখিতে
পাইলেন, আন্নার সেই নটবরবেশে সেই কুন্তল-অলকাবৃত হাসি-
মাখামুখে শ্রীগোবিন্দস্বর শচীনাতার ভবনে প্রবেশ করিলেন, শচীমা
আনন্দবিহ্বলভাবে হারাধন নয়নমণিকে পাইয়া কোলে তুলিয়া
লইতে গেলেন । বাসুদেব ঘোষ এ সম্বন্ধে লিখিয়াছেন :—

আওল নদীয়ার লোক গোরাঙ্গ দেখিতে ।

আনন্দে ব্যাকুল চিত না পারে চলিতে ॥

চিরদিনে গোরাচাঁদের বদন দেখিয়া ।

ভুখল চকোর আঁখি রহয়ে মাতিয়া ॥

আনন্দে ভকতগণ হেরিয়া বিভোর ।

জননী ধাইয়া গোরাচাঁদে করে কোর ॥

মরণ-শরীরে যেম পাইল পরাণ ।

গোরাঙ্গ নদীয়াপুরে বাসুঘোষ গান ॥

শ্রীগৌরানন্দর সহাস্তবদনে মায়ের চরণধূলা মাথায় লইয়া গৃহে
প্রবেশ করিলেন, আর প্রিয়াজী তখন বিছাতের ত্রায় গৃহমাঝে
প্রবেশ করিয়া বলিতে লাগিলেন :—

“এইত পরাণ-নাথে পাইলু ।
বাহা লাগি বিরহ-দহনে ঝুরি গেহু ॥”
এতদিনে সদয় হইল মোরে বিধি ।
আনি মিলাইল মোর গোরা ঞ্জ-নিধি ॥
এতদিনে মিটল দারুণ হুঃখ ।
নয়ন সফল ভেল দেখি চাঁদমুখ ॥
চির উপবাসী ছিল লোচন মোর ।
চাঁদ পাওল যেন তৃষিত চকোর ॥*

এই বলিতে বলিতে বাহু প্রসারণ করিয়া তিনি নিজ প্রাণবল্লভের
নিকটে গিয়া স্বর্ণলতার ত্রায় শ্রীগৌরানন্দরের কনকভূজপাশে
বিজড়িত হইলেন । মধুময় উলুধ্বনি, শঙ্খধ্বনি, বিবিধ মঙ্গলধ্বনি
ও মঙ্গল সঙ্গীতে দশদিক মুখরিত হইয়া উঠিল । চিদানন্দময়
নবদীপধামে এই নিত্য-মিলন চির-পবিত্র, চির-সুন্দর ও চির-মধুর ।

শ্রীশ্রীগৌরবিষ্ণুপ্রিয়া-শ্রীচরণকমলে সমপিতোহস্ত ।

নিরাংশ বাহুদেব যোষের রুচি । উহার ভগিতা এই :—

বাহুদেব যোষ গায় গোরা পরবন্ধ ।

লোচন পাওল যেন জনমের প্রজ্ঞা ॥

